



ARS

NATURA

MEDICINA

PHYSICA

HINC SANITAS

MONACHI

ANNO M.DC.LI.

MICROCOSMVS HYPOCHONDRIACVS

Sive

DE MELANCHOLIA
HYPOCHONDRIACA
TRACTATVS

In quo non solum physicè, sed etiam practicè, de
illius essentiâ & naturâ, omnia, pro vt moderno tempore & se-
culo, in Macrocosmo & Microcosmo deprehen-
duntur, significantur.

84055

CVRATIO HVIVS AFFECTVS, IN
QVANTVM SANABILIS ET CVRABILIS EST,
EX TRIPLICI CVRATIONIS FONTE, DIETETICO,
Chirurgico, & Pharmaceutico desumpta, non minùs jucundè quàm vili-
ter proponitur, tam secundùm communem & consuetum, quàm inas-
uetum & extraordinarium vitæ nostræ vsum.

QVIBVS EMBLEMATA VARIA, TAM
GALENICA QVAM HERMETICA, ORNATVS ET VTILI-
tatis gratiâ, cum explanationibus suis addita sunt, intermixtis controuersijs, obser-
uationibus, historijs, & politicis doctrinis: remedijs etiam selectissimis iuxta Gale-
nicis, cum Chymicis, & moralibus; omnibus cuiuscunque conditionis Micro-
cosmis, vti spero, acceptis bilibus, vtilibus, & scitu
necessarijs.

CONCINNATVS

A

MALACHIA GEIGERO, ELECTORA-
lis Metropolis Monachiensis, nec non Electoralium
Nosocomiorum ibidem, Medico & Chirurgo
ordinario,

MONACHII, Apud LVCAM STRAÛB.

ANNO M. DC. LII.



SERENISSIMO ET
POTENTISSIMO PRINCIPI

AC DOMINO, DOMINO

FERDINANDO

VTRIVSQUE BAVA-
RIÆ, ET SUPERIORIS
PALATINATVS DVCI, S. R. I.
Archidapifero, & Electori, Comiti Palatino
Rheni, Leuchtenbergiæ Land-
grauio.

Principi ac Domino meo Clementissimo.



IV multumque cogitanti
mihi, Serenissime Elector,
quem libri huius adopta-
rem Patronum, non occur-
rit, cui magis vellem, cui magis debe-
rem, quam S^r. V^r. Vellem, quia litera-

EPISTOLA

turam amare scio & literatos. Deberem autem, propter eximias virtutes, quibus tam publicè quàm priuatim nobis clientibus jam eminet; vt non immeritò quis dubitare possit, profapiàne maior, an virtute melior sit S^{tas} V^a; superat enim cælesti ingenio & eruditione, adolescens viros, clementiâ benignissimos, humanitate infirmos, tanquàm Musarum Hercules, Gratiarum Heros, Virtutum Deliciũ. Quod igitur adolescentia promittit, hoc ætas plenior continuabit: nam vt à matutina cæli facie, reliquum diem coniicimus, sic à iuuenili magnanimitate ac benignitate, reliquam vitam. O ætas verè aurea, & felix tempus, in quo Principem ad Maiorum virtutes, regnare cōtinget, quem omnes tam supra se esse, quàm pro se scient, qui non præesse solùm, sed prodesse

DEDICATORIA.

cupiet, qui non sibi tantum ciues & subditos datos esse cogitabit, sed se etiam ciuibus & subditis: curas enim omnes, & cogitationes suas, in populi salute defigere; subditorum tranquillitatem tueri; ciuium opes & fortunas defendere; lites dirimere; subsidia componere; statuta Maiorum, leges, jura, vectigalia, tributa, non ad popularem solum rationem, sed ad maximam quoque Patriæ vtilitatem dirigere; iustitiam administrare; pupillorum facultates tutari, dum im- puberes adhuc & minorennes; afflictos à fortuna, releuare; bonos prouehere; & ægrorum publicis valetudinarijs, curam gerere, ne aut inediâ pereant, aut medicationis incuriâ; maius quid est, quàm multi censeant; nec nisi indefessi Herculis labor.

Exortus itaque, qui nobis tranquil-

E P I S T O L A

litatis nostræ Sol es, Serenissime Ele-
 ctor, sub lucidissimis tutele tue radijs,
 nobis apricari, & variarum calamita-
 tum nebulas, Serenitate tuâ dispelle-
 re liceat, quò spiritus liberiùs meare,
 & ad hilaritatem, pulsis melancholi-
 cis & hypochondriacis omnibus pas-
 sionibus, nos componere possimus.
 Quapropter, ad S^{ti}s V^æ aras, opuscu-
 lum hoc de Microcosmo Hypochon-
 driaco, velut votiuam tabellam ap-
 pendo, vt pretium quod ex se non ha-
 bet, possit comparare. Hoc etsi exi-
 guum, deuotissimæ tamen mee men-
 tis, in S^{ti}s V^æ obseruantiam, certissimū
 signum, sereno vultu accipiat, & à ca-
 lumniantium, quibus cerebrum in
 lingua est, furibunda dicacitate, ag-
 natâ suâ beneuolentiâ & benignitate,
 tueatur ac defendat. Quod si fecerit,
 Monstra, quæ in horum maledicen-
tium

DEDICATORIA.

tium impijs visceribus habitant, vt perniciosæ Gorgones, insanientes Furia, fœdæ Harpyiæ, improbæ Sirenes, Scyllæ bifformes, horrendi Struthiones, rapaces Gryphi, auidi Dracones, & quidquid fatalium Monstrorum vspiam, aut infelicis portenti coacta Natura abhorret, à quibus omne virtutum genus, suos patitur carnifices atque tyrannos, ex Vngue cognoscent Leonem, & nostræ ætatis fortissimum Atlantem.

Vota interim addo. Serua ô Deus, Spem, Firmamentum, & ingens Pignus Bauaricę Domûs, Delicium & Amorem Procerum & Populi; vt Patriæ præsit, qui Patrię natus & educatus est Princeps & Regens, Augusto felicior, Traiano melior; & longo interuallo, famam Maiorum, facinorum suorum eminentiâ superet; antequam

EPIST. DEDICAT:

tiquam etiam illam Boicæ Virtutis
indolem, seculis deponat, consecra-
tam Annalium perennitatis. Data
Monachij in ipso bono & felicissimo
Noui Anni Auspicio M, DC, LII.

Serenitatis Vestræ

Humillimus ac Devotissimus

MALACHIAS GEIGER
Medicus & Chirurgus.

FRONTISPICIUM

Emblematici Explicatio.

Mors terrestri globo *insidens*, minacibus manibus, *terribile suum jaculum*, *librat vibratque* in Microcosmi hypochondriaci decumbentis, *vita destructionem*, *staminaque eiusdem*, *qua Cloto*, id est, *prima vita nostra valida constitutio*, *circum colum suam inuoluit*, & *Lachesis*, *vita duratio*, *dierumque inuicem successio*, *longè diùque nendo producit*, *forficibus præpropere abscindere tentat*, *per morbos*, *miseras*, *calamitates*, & *casus varios* (*qua forficibus significantur*) *colus stamina*, i. e. *successionem dierum vite*, *identidem abscindere satagit*, & *abbreviare*. Verum, *quia Mors suum per jaculum*, *per mortiferas morborum causas*, *per morbos infinitos*, & *per accidentia alia innumera*, *indefinenter instans*, *brevi vitam pessundaret*, *nisi huic strenuè Natura & Ars auxilium ferrent*. *Natura siue Physica* i. e. *Cæli*, *Solique*, *ac corporis bona constitutio* (*Medico peritò probè cognita*) *vnâ ex parte hæc impedit*, & *remoratur*. Vtiq; *Natura* (*Cœli quod manu gestat*, & *Terræ*, *cuius Globum calcat*, *arcana per scrutans* & *vsurpans*) *Mortis manus inhibet*, & *prouidet*, *ne stamina ista abscindantur*, *ne successio ista dierum vite*, *abbrevietur ante tempus*: *dum laqueum*, *Mortis peruicacis manibus iniicit*, *quo* (*conatus ipsius irritos reddens*) *forfices retrahit*, & *arceat à staminibus*. *Alterâ ex parte*, *Ars*, i. e. *Medicina*, *vita conseruationi inuigilans* (*quod per*

Gallum manu gestatum satis indicatur) instructa Herbis, Serpente, & Marte, tanquam appropriatis remedijs, ad morbum hypochondriacum, & accidentia eius melancholica pellenda (quæ sine huius artis ope superare Natura quantumcunque bona minimè potest) diligenter repellens, expellens, & curans; Mortis jaculum similiter eius in manibus colligatis, retinet, impedit, & auertit: dum nimirum, causas morbi agnoscit & remouet, morbum ipsum curat, & calamitates varias auerruncat: remedia in super huic morbo conuenientia, vti Helleborum nigrum, vsum Viperarum, Chalybem, & alia, alias deleteria, si malè, antidota verò & panacea, si benè & legitimè preparata sint, applicare docet. Vt Medicinæ subsidio, vitæ suæ numeros, iuxta modulum constitutionis, quam ob ortu adeptus est, vnusquisque diuturnius protelare, & fusos suos, iuxta colus operationem, filatim, Lachesis, longius protrahere queat. Quandoquidem verò, Hypochondriacus, subinde malis agitetur inspirationibus, quod malus indicat Genius, è latere se egro associans: Sanitatē tamē, vt preciosissimā gemā, à manu Dei, tanquam Auctore Naturæ, primario prouenire, Medicus, Naturæ minister, & causa instrumentalis secundaria, rectè & fideliter, malè habenti persuadet, rationibûsque demonstrat, simul vnâ manu pulsus explorando, alterâ verò medicinam exhibendo, malum hoc, naturalibus remedijs, prudenter, & non præcipitanter, aut inhibendū, aut expugnandum esse.

APPLAVSVS AMICORVM

IN

NOBILIS ET EXCELLENTISSIMI
DOMINI MALACHIÆ GEIGER, VTRIVS-
que Medicinæ Doctoris, librum de Melancholia Hypo-
chondriaca, & imaginem libro præfixam,
Programma.

Amicus Amico.

Herbæ medentes, fertile Auroræ genus,

Fauoniorum filia;

Vosque uniones veris, & blandi brevis

Anni iuventus flosculi;

Et quidquid Hyblæ, quidquid Appulis procul

Viret beatum cautibus:

Quod fusca Memphis, Indus, & molles Sina

Morbis amicum proferunt:

Huc ite in orbem: textilique nobilem

Librum coronâ stringite,

Geigeriana Musa quem dignum edidit

Æternitatis annulo,

Librum fugandis febribus natum, at magis

Natum fugandis nubibus,

Quas officinas inter atrî sanguinis

Melancholia trux coquit,

Nubest timendas, vel sereno cum fauens

Phæbus renidet æthere,

)(2

En

APPLAVSVS AMICORVM.

En ipsa vincetas seu a mors præbet manus
Parata vobis obsequi,
Et Insolente retrahit clementiâ
Quod penè telum torserat.
Vt cunque Lachesis sponte currentem suâ
Vitam colu perurgeat,
Et jam secando stamini intendat truce
Armata Parca forficem;
Natura mater, nam benigna, barbaram
Aget retrò nouaculam,
Et Ars serena pulchra mentis filia
Ac sæpe naturâ magis
Potens, peritam commodabit dexteram
Faustis grauem successibus,
Humoribusque corporis rebellibus
Pacem imperabit mitior;
Discordiamque temperabit, auream
Mediocrитatis ad libram.
At tu trementem, tetra cui nox sanguinem
Angoribus bilis nigra,
Et æstuosa mille curarum cohors
Vanis flagellat fluctibus,
Tumultuose mitte tristitiæ chaos
Trans æquor audax Thracium,
Et sanitatis vnionem cælitum
Raro fauore pendulum,

APPLAVSVS AMICORVM.

Desideratam sepius gemmam tibi,

Sperare fortis occipe.

Quod si medenti pertinax pelli malum

Melancholia deneget;

Geigeriana latiore pharmaco

Venam serenabit chelys.

De Melancholia Hypochondriaca.

PRecipitis funesta lues, atque ultima mundi!
 Quate dira-Sorer, vel si quod Tartara monstrum,
 Mains habent Furis; tristi sub nocte silentis
 Edidit Imperij? cum infausam territa fugit
 Ipsa parens sobolem, rapidumque per ignea voluit
 Saxa vadum metuens. Stygio nil mitior amne,
 Flammiumque Phlegeton. iterumne reuulsa profundi
 Regna patent Ditis, dominumque adamantia momordia
 Non unum illatrans immanis lanitor Aula?
 Cogimur heu! crudele nefas, noxamque serenâ
 Etheris immeriti sentire: nec unius airâ
 Morte riget crater Pellai Herois. in omnes
 Effera gliscenti rabies despumat biatu,
 Et manat sanies populos. Hinc sidera labem
 Traxere, & nulli bibitur jam innoxius aer;
 Plurima mortales sed habet contagio; & imis
 Nescia depelli Stygij vis cruda veneni
 Visceribus sedit, lassatque Machaonis artes
 Multa laborantis necquicquam, & multa mouentis;
 Concilium si forte animi, mentisque senatum
 Aduocat auxilio, atque iram consumit in ungues;
 Non minus immitis, trepidam quam cum Annibal Urbem
 Victor oblit curru, transcendensque Alpibus unum
 Infremuit marum victrici obistere Palma.
 Ille quidem sudat; sed Pestis foeta malorum
 Non segni petis ima gradu; perit usque medullas

APPLAUSVS AMICORVM.

Pectoris expugnat, tacitisque meatibus omnem
 Latè hominem populata, suo praeordia complet
 Milite. Nil sanum, dominòque fidele priori
 Linguitur. Heu! placida turbantur mollia pacis
 Otia, & indomiti passim per compita Martis
 Signa volant, furiaeque leues, rixaeque vagantur,
 Perpetuùsque Aëris trepidà sonat urbe tumultus,
 Bellorùmque mina perflant. Quis sana cruenti
 Enumeret documenta Hostis? quis spectet, & ipsa
 Possit ferre miser? Quoties occulta per artus
 Serra migrat, Mugilque asper; quo Simia manu
 Nil habet, & Serpens? Quoties sub pondere lassum
 Pectus anhelantem suspirat Sisyphon; aut quo
 Pressus Atlas ferre Orbem optat? cùm arclata fatiscit
 Carcere duro anima; astrictamque per ilia Zonam
 Torquet, & angusta tenuat spiramina vita
 Lictor. Quid miseris, nisi jam vixisse relictum est?
 Et pretium mors tanta ferat; si copia detur
 Crudeles longo gemitu exorare Sorores.
 Sed vita in panam trahitur. Tum scilicet armis
 Foedera iucunda possis discernere pacis,
 Tristis & imbelli quid Enyo distet Oliua.
 At, quanquam innumeris, nondum satiata nocendi
 Dira libido malis; nescit desistere cœptis,
 Quà semel est aggressa nefas. Sed turbinis instar,
 Torrentisq̃ue vnda, quam Alpinis auclâ procellis
 Raptat in obnixum indignata ferocia pontem;
 Emicat, & celsam molitur verticis Arcem
 Debellare ferox, ferro, flammisq̃ue paratur
 Exitium, plus flamma potest. Hinc triste tuentium
 Exanimi vultus, & mœsto buxus in ore,
 Umbræque spirantium. Soliti non saua risus;
 Nec vigor est oculis; animosus naribus ignis
 Emoritur, turpiq̃ue gena ferrugine liuent,
 Temporæque in sese fugiunt. Nil fata relictum,
 Quod peragant, habitura putes: viuosq̃ue timebis
 Spectra velut, sanctamq̃ue Umbras, manesq̃ue diurnos.

CARMINA AMICORVM.

*Sed restant maiora animi tormenta necesseque,
 Quàm quas corpus habet. Possis fors cetera ferre;
 Hæc narrare nequis, licet hunc agnoscere fontem,
 Criminis, & quali sit origine, discere, natum.
 O felix Maiorum Aetas, nondum Africa quondam,
 Opprobria, infamæque lues; quas classe petisse,
 Militeque armato peregrinam ducere mercem,
 Tanti nempe fuit; felix! non dira furentium
 Prælia, & immanes arato fulmine strages
 Expertæ. In miseros genus incubat omne nepotes,
 Seu pestis, seu dira venit quacunque nefandi
 Forma mali: semperque recens in funera monstrum,
 Nostra eritur, fatisque gradum properantibus addit.
 Ergo tuos, Grynæ, Arcus, & nescia falli
 Spicula, quæis animam fatalem lethifer anguis
 Impendit, jam pridem Orbi, jam debita Matri
 Victimæ, diuinis audax opponere cunis
 Insidias; docuitque tuas impunè laceSSI
 Ne pueri potuisse iras. Iam, qualis in altis,
 Anguipedum deforme genus, Titanas aperto
 Vertice conspicuus, neruum torquere sonantem,
 Visus; ubi insolitam Pythonis ab osse sagittam
 Pectore Porphyryon transmissam detulit Orco;
 Centimanum flammata Gygen sed Arundo per Octam,
 Impositamque Osse Rhodopen, Pindique niualis
 Culmina deiicit. medium vix corpore bustum
 E tanto, Genitrix gelido sopiuit Anauro.
 Talis Cerbeream jam nunc rege certus in Hydram
 Spicula. plus Phæbo, fac, mæstus debeat Orbis,
 Quàm quondam Alcide. Cur nostra in vota moraris
 Ambiguus? ne differ opem; non vana rogemus.
 Namque tibi voluere Di, propriumque dedere,
 Fata hominum regere, & morbos, Dominæque potentis
 Arbitrium, & cultros jugulis auertere nostris.
 Tu sauas cohibere manus, hastasque nocentes
 Detorsisse potens. Hoc te gens debita cedi
 Poscimus heu! miseri, Tu nostra stamina vita*

APPLAUSVS AMICORVM.

*Auspex alter habes, & jus infata secundum.
Nec gratia Superi. Medicis hoc Artibus Ille,
Omnia qui nutu torquet, terrâsque, polûmq; ;
Ille dedit; jussitque necis dispellere causas,
Orsâque Natura ingenio, studioque tueri.
Aude aliquid, dignûmq; Deo, miserisq; : nec Orbis
Dici sperne Pater. tua sic tibi vixerit vsque,
Floreat & Daphne. Nec te tua fama silebit,
Quâ per Erythraas surgit tibi mane procellas
Phosphorus, & roseas argenteus enocat Horas;
Vel Tartessiacum deuexus in aquor habenas
Præcipitat: cum Magna Thetis, liquidaque Sorores
Ardentem excipiunt: puro sed carula surgit
Nox Cælo interea, & rutilæ per signa cohortes.*

AD LECTOREM,

In Laudem Medicæ artis.

N*aturam ars sequitur (sic sunt prouerbia) præsens
Hoc liber, & libri, Lector, imago negat.
Pallidus in lecto, jacet ager, anhelat, & omnes
Incusat partes corporis, atque dolet:
Tristis at in summo, collectis cruribus, orbe,
Mors sedet, extremos vrget adesse dies;
Ossea fatales intentat dextra sagittas,
Forsice diductâ, leua secare parat:
Quid moriture facis? audes sperare salutem?
Imminet armatâ, Mors inimica, manu:
Effugies nusquam; Medicus nî fortè salutem,
Et Medicina ferat, Ars tibi nulla feret.*

Omni

APPLAVSVS AMICORVM.

*Omnibus imposuit finem Natura, morique
Constituit: contra sed Medicina vetat.
Nempe intentatam prohibet jaculare sagittam,
Et Lachesis filum longius ire docet:
Artem, oblita sui, Natura imitata, paratas
Vincit funiculis, Arte docente, manus.
Ergo, vides, Artem sequitur Natura: sed illam
Solum, quâ certam fert Podalyrus opem:
Sola Artes inter (reliquarum dixero pace)
Quod Natura jubet, pernegat Ars Medica.
Theiologi nolunt Mortem vitare; per illam
Tendit ad obiectum Theiologia suum.
Protrahit in longum Iurisprudencia lites,
Quodque bonum est hodie, cras, ait, esse malum.
Scilicet hoc illis Prudentia dicitur: haud est
Tam prudens, Mortem fallere ut illa queat:
Grammatici casus declinant, nomina, verba;
Ex his, qui Mortem, nemo repertus adhuc.
Mollit Orator durissima corda Tyrannis,
Commouit Siluas Orpheus atque feras,
Mortis ad obtutum mutescit Rhetor, & Orpheus,
Qui prius attraxit saxa, sit ipse lapis.
Omnia vim Mortis metuunt: si falce minatur
Fatali, Ars, ietum sistere, nulla potest.*

*

Sola

APPLAVSVS AMICORVM.

Sola tamen contra Medicina audentior ibit.

Et si non poterit Vincere, Vincit eam.

*Ecclesia-
fici 38. c.*

Insolita hæc, dic, unde venit reuerentia Morti?

Debetur Medico (sic Deus inquit) honor.

In Zoilum.

Quidquid agis (vox est Sapientis) respice finem:

Vis causam? finis nempe coronat opus.

Zoile, si librum vis carpere, respice finem,

Et caue; sub finem vipera tecta latet.

Aliud in eundem.

Dicitur à Medicis, prudentum, Hypochondria, morbus,

Et passim doctos occupat ille viros:

Hinc docti metuunt; vix est medicabilis aiunt.

Ne metue; à morbo hoc, Zoile, liber eris.

IN FRONTISPICIUM A VCTORIS

**Nobilis & Clarissimi Viri Domini MALACHIÆ
GEIGER, Vtriusque Medicinæ Doctoris Ex-
cellentissimi, &c.**

PROLVSION.

Ossa Mortis
Larua gementem
Quid premis Orbem?
Atque feroci

Præ-

APPLAVSVS AMICORVM.

Prædita telo
Dextra minatur?
Scindere ductæ
Stamina vitæ
Quid fera tentat
Forfice Læva?
Umbra fugaces
Contrahe vires?
Lux dominatur,
Mortis inanes
Cedite Manes:
Ars nemoratur,
Vos quoque cæpta
Voluere pensâ
Pergite Parcæ;
Dum Microcosmum
Astra tuentur,
Prata medentur,
Pergite Parca.
Quid miser heres
Sanguinis atri
Percitus æstro?
Mitte per auras,
Quas tibi muscæ
Inflat ad aures

APPLAVSVS AMICORVM.

Iste susurrus.
Hem ! cape pœcla
Plena Salutis.
Sed latet Anguis,
Inquis, in Herba;
Nec furibundi
Noxia defunt
Prælia Martis.
Mitte timores.
Gallus ad istas
Excubat oras,
Peruigil Alma
Nuntius Artis:
Missæque Cælo
Gemma renidet
Integritatis.
Ergo beate
Portio Mentis,
Et pretiosi
Gratia Libri;
Quâ leuis arces
Funera Mortis,
Tetrica Sanas
Vulnera Mentis
Nobilis Auctor!

ELENCHVS CAPITVM.

FRONTISPICIJ Emble-
matici Explicatio.
Prolusio Proœmialis.

CAPVT. I. De Etymologia,
Definitione, Subiecto, &
Differentia huius affe-
ctus. Fol. I

CAP. II. De causa Coniun-
cta & Proxima Melancho-
liæ Hypochondriacæ. 9

CAP. III. De causa Antece-
dente Affectus Hypo-
chondriaci. 12

CAP. IV. Continuatio cau-
sæ Antecedentis. 16

CAP. V. In quo responde-
tur ad oppositiones quas-
dam pro capite præcedē-
te causæ Antecedentis. 25

CAP. VI. Quorundam Au-
torum opiniones, de
causa proxima & efficien-
te, præcipuè verò de cau-
sis huius mali in Feemi-
nis. 32

CAP. VII. De Procatasti-
cis siue Impulsiuis & ex-
ternis huius affectus cau-
sis. 41

CAP. VIII. Continuatio

causarum externarum
Melancholiæ Hypochon-
driacæ. 51

CAP. IX. De Signis tam
Diagnosticis quàm Pa-
thognomonicis Affectio-
nis hypochondriacæ; in-
super de symptomatibus
eiusdem & symptoma-
tum causis. 67

CAP. X. In quo per Exem-
plum practicum, propo-
nuntur signa & sympto-
mata, cum eorundem
causis, pro maiore & me-
liore enodatione & intel-
ligentia huius affectus
hypochondriaci. Quibus
etiam adduntur signa &
symptomata melancho-
liæ hypochondriacæ in
fœminis. 84

CAP. XI. De Prognosticis
signis Melancholiæ hypo-
chondriacæ, quibus pro
additamento additur,
quomodò, & an, morbus
iste, in corpus humanum,
permittente Deo, à dæ-
mone immitti possit. 95

ELENCHVS CAPITVM.

Interpretatio Primi Emblematis. 117

CAP. XII. De Curatione Affectionis Hypochondriacæ, & primò per Diætam, qualis in illa Aër fit obseruandus & eligendus. 119

CAP. XIII. De Cibo & modo Cibationis, Porique in morbo hoc conueniente. 132

CAP. XIV. In quo defenduntur R. Patris Hieremix Drexelij Societatis IESV, piæ memoriæ, & Medicorum Monacensium de vino lymphando aut diluendo opiniones. 151

CAPVT. XV. Continuatio Præcedentis Capituli contra Matthæum Clausum. 165

CAPVT. XVI. De Motu & Quiete in Melancholia hypochondriaca. 181

CAP. XVII. De Somno & Vigilijs, Excretionibus & Retentionibus, & Animi Affectionibus in morbo isto obseruandis. 193

Explicatio secundi Emblematis. 213

CAP. XVIII. De Curatione per Chirurgiam Melancholiæ Hypochondriacæ, & primò per venæ sectionem. 214

CAP. XIX. De applicatione Cucurbitularum, Hirudinum, & Foniculorum in iustione. 224

Tertij Emblematis Declaratio. 241

CAP. XX. De Curatione Affectus Hypochondriaci per Pharmaciam, & primò de philosophatione quorundam hypochondriacorum medicinas respuentium, de chymicis quibusdam rebus, & indicationibus curatiuis melancholiæ hypochondriacæ. 249

CAP. XXI. De Curatione per Lenientia, Aperientia, Incidentia, & Digestiua medicamenta. 260

CAP. XXII. De Curatione Affectus Hypochondriaci per Purgantia medicamenta. 270

CAP. XXIII. In quo proponitur.

- nuntur medicamentorū
purgatiū formulæ in hoc
affectu exhibendæ. 280
- CAP. XXIV. De vsu feri La-
dis & Chalybis in Melā-
cholia Hypochondria-
ca. 310
- CAP. XXV. De vsu Acidu-
larum in Affectu Hypo-
chōdriaco per Potū. 331
- CAP. XXVI. De vsu Lotio-
num & Thermarum in
Affectu Hypochondria-
co. 342
- CAP. XXVII. De Curatione
Melancholię hypochon-
driacæ per partium Prin-
cipum & aliarū malè affe-
ctarū corroborationem,
tām per Galenica, quā
per Chymica medicamē-
ta, præcipuè per Aurum
potabile. 354
- Significatio Quarti & Quin-
ti Emblematis. 394
- CAP. XXVIII. De Topicis
quibusdam Medicamen-
tis, & de vsu Nicotianæ
potus in Affectu Hypo-
chondriaco. 423
- CAP. XXIX. An & quomo-
do conueniat in hoc af-
fectu Puluis Bezoarticus
animalis, & quales in se
habeant qualitates vipe-
ræ. 434
- CAP. XXX. De Curatione
Melancholię Hypochon-
driacæ & Hystericæ in scēmi-
nis cum mēsum obstru-
ctione, & in Vtroque sexu
ex seminis redundantia
& retentione, cum stimu-
lis amorosis & venereis. 451
- CAP. XXXI. De Hypochon-
driacorum & Hystericarum
Ecstasi siuè Melan-
cholia attonita. 460
- CAP. XXXII. De sympto-
matum correctione in
Melancholia Hypochon-
driaca. 470
- CAP. XXXIII. De ingenio-
sissimis quorundam Me-
dicorum curis in deprau-
ata imaginatione. 481
- CAP. XXXIV. De Curatio-
ne Melancholiæ Hypo-
chondriacæ à causis ex-
ternis quæ geruntur pro-
genitæ. 495

CAP. XXXV. In quo Appendicis loco secundum Directorium Medicopracticum Matthiae Moroni, Authores enarrantur, qui de hac Affectio-	ne Hypochondriaca, mira & varia scripserunt; publicisq; juris fecerunt.
	513
Conclusio.	523
	53(?)50

Die beygelegte Kupferstich müssen folgender gestalt zugebunden werden.

1. Das Frontispicium, darinnen der Titel des Buchs/ muß das allererste Blat seyn.
2. Die Bildnuß der Adern/ oder Ramificatio Venæ Portæ, muß zwischen dem Num. 4. vnd N°. 5. eingelegt werden.
3. Das Emblema Diætæ mit N°. 1. verzeichnet/gehöret zwischen das 116. vnd 117. Blat hinein.
4. Cheirurgia mit N°. 2. solle zum 212. vnnnd für das 213. Blat gesetzt werden.
5. Das dritte Emblema der Pharmaciæ mit N°. 3. solle zwischen dem 240. vnd 241. Blat stehn.
6. Das vierdte Emblema die Sphæra Mundi, solle zwischen dem 394. vnd 395. Blat accomodirt werden.
7. Endlich die sibende Sigur/ muß zwischen das 422. vnnnd 423. Blat gebunden werden.

Vnnnd dises denn Buchbindern zur
Nachricht.



PROLVISIO PROOEMIALIS.

VITAM vix esse vitalem in corpore ægro, animæque vigorem non raro à morbis aut impediri, aut etiam extinguere, nemo est qui dubitet. Nam cum Medicinæ subiectum sit non corpus solum, sed homo ipse constans animo & corpore: sanitas completa esse non potest, nisi quæ provenit ex vtriusque incolumitate, præsertim cum neque sine animo corpus, neque sine corpore animus rectè valere possit. Tanta enim est inter vtrumque societas & sympathia, vt suas virtutes & vitia sibi inuicem communicent. Sic corpus onustum cibis vel humoribus, prægrauat animum, mentemque deprimit, atque affigit humo diuinæ particulam auræ.

Quod si graui aliquo morbo detineatur, vel prauis humoribus inficiatur, non aliter obscurat lumen ipsum rationis & intellectus, quàm densa nubes solis radijs tenebras offundit. Quod apparet euidentissimè in ijs qui hoc af-

PROLVVSIO PROOEMIALIS.

fectu hypochondriaco vexantur. Nam licet anima coelitus demissa per se sit impatibilis & immortalis, tamen quamdiu corporis ergastulo concluditur, eius affectibus subijcitur, propter communia vincula & instrumenta, quibus anima corpori alligata vtitur ad suas functiones obeundas. Neque solum ipsa corpori affecto compatitur, verum etiam si vel aliquo pathemate agitetur, vel prauis moribus inquinetur, corpus ipsum in mutuum discrimen, pertrahit, parique malo inuoluit: Philosophiæ enim summam, in hoc verti cardine, statuunt Plato & alij, si nempe rationi pareant affectus, qui quamdiu renituntur, frustra tenet habenas animus, sed equum ferocientem in præcipitia sequi cogitur.

At vt auscultent rationi, egregius ad hanc rem adiutor est Medicus, hoc agens, vt ea pars hominis vigeat sapiatque, cuius arbitrio honesta ac magna geruntur. Quis enim æquè pertinax vitæ abstemiæ, & sobrietatis suavor? quis fidelior iræ moderandæ, tristitiæ fugiendæ, vitandæ crapulæ author, quàm Medicus? Quis nisi fastidita Machaon, fercla parat, dubiâsque docet dediscere cœnas? Aut Curij præscribit olus?

PROLVSION PROOEMIALIS.

olus? accedit, quod quidquid in homine eximium est, artes, scientiæ, disciplinæ, quidquid in eo virtutis, aut eruditionis, id omnem medicæ facultati nos debere, quis non videt? quatenus id seruat, sine quo ne reliqua quidem queant consistere. Quid enim hæc vita, si perpetuis conflictetur morbis? Certè viuere dici non possunt, qui mortuam hic vitam trahunt. Quam si salubrem reddat, aut tueatur Medicus, quid rationi magis, aut æquitati consentaneum, quam cum vitæ tuæ parentem agnoscere, à quo vitam, hoc est valetudinem acceperis? Imò si parentibus gratiam habemus quod vitam semel dedere, quantò maiorem ijs, qui dant sæpius? Nec alio certè nomine vetus superstitio, Æsculapium cœlo dicauit, & adscripsit choro diuorum. Etenim si dare vitam, proprium Dei munus est, certè datam tueri, & jam oppressam penè restaurare, aut fugientem retinere, Deo proximum fateamur oportet. Neque enim corporis tantum quæ vilior hominis pars est, curam gerit, sed & animi, imò & animæ. Quæ quia in hoc corporis tugurio, labem sæpè trahit à situ, non alia certior atque efficacior, eius curandæ ratio est, quàm si corporis morbis oc-

PROLVUSIO PROOEMIALIS.

curratur tempestiuè: Theologus efficit vt homines à vitijs resipiscant; at Medicus, vt sit qui possit resipiscere: frustra enim ille Medicus sit animæ, si jam fugerit anima, cui paratur medicina: frustra lethargico suadeat, si suadentem non audiat: frustra melancholicum moneat, nisi primum ab atrabile, ipsa melancholiæ causa, à medico sit liberatus.

Licet itaque Plato, in libro de legibus, tria vitæ ponat Bona; Bonam valetudinem; Formam corporis honestam; & Diuitias haud cœcas. Vnam tamen (in Gorgia docet) & solam sanitatem, rem profectò inæstimabilem, quam mortales absentem votis omnibus expetunt, præsentem rebus omnibus anteponunt, esse omnium præstantissimam, dicens: quàm benè valere, melius in vita nihil. Quin imò alibi: non viuere, sed valere, vitam esse asserit. Vnde Athenæus alicubi de sanitatis laudibus, sic exclamasse visus est. O sanitas diua, tecum florent omnia, ac renidet gratiarum ver, absque te verò nemo felix, &c. Ad quid enim diuitiæ, & rerum omnium affluentia, aut qualis fuerit in corpore elegantia, si corpus langueat. Valeat, inquit Horatius, possessor, oportet, vt possit potiri, quod

quodamat. Non est census (inquit sapiens ille
Hebræus Ecclesiast. cap. 30.) supra censum sa-
lutis corporis. Qua ratione pauper sanus & for-
tis, felicior est, diuite infirmo: nam vt ait Cælius
cap. 24. lib. 7. lect. antiq. Si toto sinu sese af-
fundat fortunæ afflatus, absit autem bona vale-
tudo, nullum illinc profluit emolumentum,
quod iuuat. Corporis ergò cymbula nostra,
cum languore, tristitiâ, multum onerata, in va-
do morbosarum indispositionum jactatur &
conquassatur, naufragium denique aut valetu-
dinis, aut vitæ præfagiens & minitans, prouidi
Naucleri, hoc est Æsculapij alicuius, morbosos
& fluctuosos hos insultus, studio, curâ, & ma-
chaonicâ arte declinare potentis & enauigan-
tis, opus habet, vnde fluctibus euitatis, ad sal-
yum sanitatis portum, tandem reducatur, la-
psâque corporis & animi œconomia, non so-
lum restauretur, sed etiam, in posterum, facta te-
sta seruetur & protrahatur.

Quare dissipatis nocentissimorum bellorum
nebulis, cum jam, diu exoptato sereno tran-
quillitatis & pacis (vtinam stabilis & illaceffitæ)
sole, illuminemur, vt ab eodem in bona vale-
tutine incaleamus, necesse est: nam generi hu-

PROLVVSIO PROOEMIALIS.

mano quid prodest, aureâ pace frui, interim verò, fame, peste, & inopiâ perimi, aut diuturnis continuo corpus laceffentibus morbis, & quidem melancholicis premi. Sed quid mirum? Belli hæc sunt reliquiæ, non tam facile ex mentibus & corporibus nostris eliminandæ: nam (vt taceam alios) quam durum & perniciosum mihi fuerit, communi & continuo contributionum onere, cum reliquis aggrauari incolis, & quasi ouis à lupis non modo tonderi, sed penè deglubi, inde colligere licet, quod ab exordio præteritarum bellicarum calamitatum, ope meâ machaonicâ per mille ægritudinum etiam pestiferarum mala & pericula, ex orci faucibus eripuerim illos, sub quorum præda & rapina tanquam cymbula in fluctibus oceani agitato & concussus sum. Facultatum enim mearum direptionem, pecuniarum expilationem, optimi prædioli deprædationem, deuastationem, & omnimodam exustionem, fugarum & exiliorum inutiles sumptus, aliâsque perditiones, si confidero? quid aliud, quàm aliquot millium florenorum damnum inuenio & desidero.

In proximi, aut communitatis bonum, si cessissent, nō dolerem! quum verò Martis quibusdam

dam alumniſ, ſchytis ipſis, & ſauromatiſ imma-
 nioribus, hæc mea applicata fuerint: quid aliud,
 quàm vt malè illis ceſſura ſint ominari poſſum.
 Erat maior pars ad lanienam facta & carnifici-
 nam, crudelitatiſ artifices, ſatores, ſartoreſque
 ſclerum, Auerni pabula, & domus Plutoniæ
 purgamenta, quibuſ impuriuſ nihil ex orci fau-
 cibꝯ tota furiarum cohors, exhalare potuiſſet.
 Nunquam ſic Oreſtes inſaniuit, nunquam ſic
 ſæuijt Ajax in porcoſ, nunquam ſic Hercules in
 terrarum quæ domuit monſtra, vt iſti Ruſtico-
 maſticeſ in noſtroſ miſeroſ compatriotaſ.
 Quorum tamen morientium putoreſ, putre-
 ſcentium foetoreſ, qui ſpectantium non oculoſ
 rantum, ſed ſtomachos etiam auerterunt & e-
 uerterunt, manibuſ contrectauī, naribuſ hauſi,
 oculiſ luſtraui: dum foeda horum impiorum
 hominum vulnera & vlcera tractare, ſcatentem
 ex corporibuſ illorum ſaniem exprimere, olen-
 teſ vomicaſ, putreſcenteſ abſceſſuſ, horridaſ
 gangrænaſ, ſerpenteſ phagedænaſ, feram pſo-
 ræ ſcabiem & impetigineſ, ſordidoſ lichenēſ,
 mentagraſ, abſtergere, aliâſque id genus peſteſ
 curare, obligare, conſanare, permulcere, non
 grauatuſ ſum. Prætereo internoſ, contagioſoſ

PROLVISIO PROOEMIALIS.

& pestiferos illorum morbos, quibus secundum merita à justo Deo subinde puniti sunt.

Quantas autem hæc Dei flagella, (excipio illos Martis affeclas, qui strenuitate, & constantiâ suâ, fidem Principi & Patriæ, pro aris & focis, egregiè probauêre, immortalî inde laude & famâ celebrandos) incolis & ciuibus nostris reliquerint, antehac inusitatas & incognitas ægritudines, hoc Xenodochia quæ peregrinis, Nosocomia quæ ægris, Pædotrophia quæ pupillis, Gerontodochia quæ senectæ ætati, Adelphotrophia & Orphanotrophia quæ Ciuibus nostris pauperioribus, inopiâ consumptis, & liberis eorum, in nostra vrbe ex Christiana Principum & aliorum benignitate, liberalitate, charitate, & misericordiâ, fundata patent, & quorum curationibus, ego tanquam Medicus & Chirurgus, jam per viginti annos continuos, cū amanuensibus paucis, tam in medicis, quàm in chirurgicis, & lithotomicis casibus, tanquam Nauclerus inter nautas, Architectus inter operarios & opifices, Dux inter milites, non solum imperando, sed sæpius ipsemet manum administrando, præfui, & adhuc præsum, cognoscenda cui libet illa visitanti dabunt. De reliqua priuata

PROLVISIO PROOEMIALIS.

uata praxi mea, circa religiosos, nobiles, ciues, & plebeios, nihil comemoro: nam his omnibus non aliter alligatus sum, quam Andromeda suo scopulo, & patiētia sepe impatiētissimos vinco.

Omnes autem hos meos molestissimos labores, quandoquidem alio fine, nisi ad gloriam DEI, & vtilitatem charitatēq; proximi (nam vt alij propter nos, sic & nos propter alios creati sumus) neque susceperim, neque peregerim, & propter hanc meam vt spero optimam intentionem, a tempore turbulentissimo exulceratissimoque (in quo Iupiter ollas despumare videbatur) praxis meæ, inter mille imminētia, tam fortunæ quàm vitæ pericula, & contagionum labes, per DEI gratiam taliter præseruatus sim, vt tandem ad portum pacis & securæ tranquillitatis appellere licuerit. Reliquum est, vt in coepto cursu pergam, finēque qui opus coronat, desideratum, tandem in bona pace attingam: bonorum enim vita nihil aliud est, quàm vitæ immortalis meditatio, in qua, præmiij illius aliquando gustus, aut odor aliquis sentitur. Id, tametsi minutissima quædam stillula est ad fontem illum æternæ felicitatis, tamen longè superat vniuersas corporis voluptates, etiam si omnes omnium mortalium deliciæ in vnum con-

PROLVVSIO PROOEMIALIS.

ferantur, ita vt aliâ ratione, homo felix futurus nō sit, nisi quod extra sese positus patiatur quiddam ineffabile à summo illo bono, omnia in se rapiente : vsque adeò præstant spiritualia corporalibus, inuisibilia visibilibus. Hoc nimirum est, quod pollicetur Propheta? oculus non vidit, nec auris audiuit, nec in cor hominis ascenderunt, quæ præparauit DEVS diligentibus se.

Quod verò jam pacis tempore, quo exhilarantia expetuntur mera, tristem & morosum hunc concinnauerim tractatum; causa est prima; quod jam apud plurimos, cuiuscūq; status & cōditionis homines, affectus hypochondriaci grassentur; maximè etiam literati & religiosi ab illis infestentur; nec corpora incolarum nostrorum, à fæcibus bellicosis, oneribus, & inopiâ, in tantum adhuc defecata & liberata sint, in quantum ad mentis exhilarationem, & corporis purgationem refectionemque desideratur; ex alienis etiam ærumnis, Medici proprios metunt angores, nec vllam, melancholicorum importunitate, crucem habent molestiorem. Altera causa est, quod in dignotione causarum huius morbi, multæ & magnæ inter Medicos legantur controuersiæ; plures verò adhuc in curatione exoriantur; dum quidam

mali huius causam, primę concoctionis, alij verò secundæ concoctionis visceribus, vitiatis, intemperatis, obstructis, &c. attribuunt, alij alias causas recensent. Curam etiam quidam per exquisitam diætam, alij per alterantia, alij per euacuantia instituunt: vbi quidam incdiam, alij vinum meracum, aliqui probè dilutum, aquam etiam puram, commendant. Hinc multi vsum chalybis, non pauci acidulas, ferum etiam lactis caprini, thermas, & alia, proponunt. Quas omnes controuersias breuiter enodare, beneuolòque lectori, de ijs, in tenui praxi, experientias & obseruationes proprias, fidelissimè communicare volo: non furioso contradicendi spiritu, ad imitationem Doctoris Matthæi Clausi, qui in sua Oenohydro-machia Oeniponti edita, tanquam suffenus Musarum Hercules, & præ alijs in nubibus Aquila, pijsimum, paritèrque tum temporis celebratissimum Patrem Drexelium, vnà cum Medicis Monacensibus nominatissimis, ob assertiones quasdam & theoremata, ab ipsis mutata, libellòque suo de Ieiunio inserta, petulantis stili sui cotem esse voluit, & scopum, in quem acerbitatis suæ tela vibraret: cuius hydram lernæam capitibus obtruncatam, in capite, vbi de

PROLVISIO PROOEMIALIS.

potu hypochondriacorum tractauero, reuiuiscere faciam, & efferuescentes, furiosas, ebriosasque illius Herculis, veritatem impugnantis, phantasias & deliria hypochondriaca, veritatis Elleboro expellere, & optimo rationis opio sopire omnibus modis conabor.

Hoc fateor, sine labore non fiet, quia scribentis curam ferè omnem postulat. Quippe rarò accidit benè fieri, quod occupato sit animo: certum enim est, nihil æquè iudicio, vel potius memoriæ officere, quàm varias animi cogitationes. Non conualescit planta, quæ sæpiùs transfertur: neque ad cicatricem vulnus perducitur, in quo crebra medicamenta tentantur. Quid ergò de me sperari potest, quem tot curæ, & in curandis ægris occupationes non sinunt studio diutiùs immorari? sequar tamen quò ducit animus, & in negotio captabo aliquod otium, tùm vt bono publico satisfaciam, cùm vt tædulam medicinæ praxim, gratà laboris intermissione, siue potius mutatione, deliniam. Quod dum molior, nec breuitati admodum, nec prolixitati studendum esse iudico, ne lectorem vel inopiâ suspensum teneam, vel copiâ verborum opprimam.

CAPVT I.

De Etymologia, Definitione, Subiecto, & Differentia huius affectus.

AFFECTVS itaque morbosus iste, Arabibus & Barbaris tanquam à subiecto Mirachialis, à vocabulo Mirach, quod apud illos abdomen significat, appellatur, eo quod humor adustus in hypochondrijs & abdomine coaceruari, & ibidem velut anguis in herba latere, postea exhalationibus suis fumosis cerebrum & caput molestare ac perturbare soleat. Nobis verò rectius & verius Affectio Hypochondriaca, id est, subcartilaginea, aut quasi dicas sub cartilaginibus posita, siue à causa, Melancholia, nominatur: quod sit affectus ex sanguine bilioso, humore uè atro (pituitosis tamen in mesenterio delitescantibus non exclusis) illo quidem in epate, hoc verò in liene primùm abundante, postmodumque vi caloris præternaturalis vtrumque viscus in hoc affectu obsidentis supercalefacto & propemodum assato mixtus. Græcis *φυσώδης*, & vulgò etiam flatulenta melancholia nuncupatur: quòd, qui ea laborant,

Etymologia Nominis.

rant, flatibus abundant. Chymici, tartarum hypochondriorum appellant. Latius autem patet affectio & passio hypochondriaca, quàm melancholia hypochondriaca: nō solum enim melancholia, sed & alia mala plurima ex materia vitiosa in hisce locis cumulata, oriri possunt: neque semper cum affectu hypochondriaco, melancholia coniungitur, sed tum demum, cum cerebro, vapores peculiari modo dispositi, ex materia illa exhalantes, communicantur, spiritibusque animalibus miscentur.

Definitio.

Vnde definitur. *Affectio præter naturam, ut plurimum flatulenta, cum intemperie sicca viscerum primæ concoctionis, & calida viscerum secundæ concoctionis: cum colluie vitiosorum humorum, imprimis melancholicorum, sæpè etiam pituitosorum & biliosorum, in vena porta & arteria cœliaca ac mesenterica ramis, in hypochondrijs, præcipuè sinistro, inter ventriculū & lienem, maxime ijs locis, ubi plures maioresque vena porta & arteria huic coniunctæ rami sunt, præcipuè ob lasam lienis coctionem collecta, absque putredine; è qua vapores horum naturam obtinentes, ut & ipsius humoris aliquid ad alias partes transmissi, varia symptomata excitant: præcipuè verò delirium melancholicum non continuum, ex vapore eleuato, & cerebro communicato, spiritusque animales in-*

qui-

quinante, & , vt melancholicum phantasma generetur, faciente. Dicitur autem affectio, hoc malignus, ad differentiam aliarum melancholiarum: neque enim hæc melancholia symptoma est, vt aliæ improprie ita dictæ, sed morbus, & quidem non solum intemperiei materialis, in quo ipsa partium intemperies materiam cumulat, materies verò intemperiem fouet, pars quædam mandat, quædam recipit, (vnde etiam si putredo accedat, febres quandoq; cum hoc affectu complicari, nonnunquam etiam illas, in hunc transire posse verisimile est) verum etiam meatuum obstructio scilicet, vt experientia declarat.

Subiectum huius affectus, meritò quæcun- *Subiectum*
que pars in hypochondrijs contenta, in qua sanguis potest incalescere, & eiusmodi atras evaporationes efficere, tanquam pars primariò laborans, constitui potest. Doctissimus Sennertus, talem constituendum locum putat, in quo affectionis hypochondriacæ causa contineatur, è quo humores hinc inde fluere possint. Atque ipsum statuit esse ramos venæ portæ, & arteriæ coeliacæ ac mesentericæ, qui ab epate & liene ad ventriculum & vicina loca tendunt: & certè ea mesenterij, omenti, & pancreatis loca, è
qui-

4 MICROCOSMI HYPOCHONDRICI.

quibus in hæc vasa humores vitiosi faciliè recurrere possunt. Ex ipso nimirum venę portę trunco, ventriculus habet ramum vulgò gastricum dictum, quem Adrianus Spigelius pyloricum appellat. Postquam verò truncus in duos insignes ramos, alterum sinistrum splenicum dictum, alterum dextrum mesentericum nominatum dispescitur; à splenico quidem ramo accipit gastricum, à quo coronaria nascitur, gastroepiploidem sinistram, & vas breue aut venosum dictum; à ramo verò mesenterico gastroepiploidem dextram. Arterias autem accipit ventriculus, ab arteriæ magnæ ramo coeliaco dicto, qui ad *κοιλίαν*, id est, ventriculum, ramo transmittit; ramum pyloricum, gastroepiploidem sinistram, & vas breue arteriosum. Ab eadem vena portę, & arteria coeliaca, etiam vasa accipiunt, lien, epar; omentum, mesenterium; vt ita facilis inter has partes consensus, & humorum communicatio esse possit; vt meritò in ramis venę portę & arteriæ coeliacę maioribus, sedem causę mali hypochondriaci consistere, statuendum sit. Cum enim vasorum horum officium sit, ad ventriculum & vicinas partes, sanguinem, quo nutriuntur, deferre, & præterea

hisce


PRO FACILIORI REI INTELLI-
GENTIA PLACUIT HAC ICONE EX.

primere subiectum melancholicū.

pochondriac; quatenus in ventr

Porte vasis per ramificationem

hepar egresis, consistit.



AA. &c. Propagines venae portae per hepar.

12. 3. 4. 5. Numerus ramorum in quos venae portae divaricatur.

B. Vena portae iuxta hepar.

CC. Cystica gemellae.

D. Vena gastrica dextra ad pylorum.

E. Vena portae divaricata.

F. Ramus splenicus.

G. Ramus Mesentericus.

H. Gastropiplois dextra.

I. Duodena.

K. Gastrica minor.

L. Epiplois dextra.

M. Rami c splenici ad pancreas.

N. Gastrica maior.

OO. Eius rami posteriora ventericuli adveniens.

PQR. Coronaria stomachica.

S. Epiplois postica.

TT. Divisio rami splenici in liene.

V. Epiplois sinistra.

XY. Vasa brevia.

Z. Gastrica epiplois sinistra.

aa. Divisio rami splenici in liene.

bb. Mesenterica dextra.

cc. Coli intestini vena.

dd. Vena recti intestini.

ee. Vena hemorrhoidales.

hisce vasis natura abutatur, quasi ad humorum
 vitiosorum è toto corpore expurgationem, si-
 ue illa spontè, siue medicamentorum opera in-
 stituatur, & ad intestina, quæ inter loca confe-
 rentia i. aph. 20. nominantur, humores vitiosi
 peruenire non possint, nisi prius hæc vasa tran-
 seant: patet hinc, quicquid superflui & vitiosi
 in liene, epate, imò toto corpore colligitur, in
 his locis cumulari posse. Neque enim solum
 ventriculus & lien (quæ aliàs in hoc affectu po-
 tissimum laborare solent, quod præ ceteris om-
 nibus in abdomine contentis visceribus ventri-
 culus cerebro maximè consentiat) sed etiam
 reliquæ partes, quæ hypochondriorum nomi-
 ne continentur, vt septum transversum, inte-
 stina, mesenterium, venæ mesaraicæ, jecur, mu-
 sculi, pro parte affecta habendæ sunt. Maximè
 autem ex his posterioribus, patitur mesenteriū,
 nonnunquam tamen epas, lienque: in venis
 enim mesaraicis, non tantum mesenterium &
 omentum, sed & alia viscera perreptantibus, in-
 primis vbi, vt modò dictum maiores venæ por-
 tæ rami versus lienem & ventriculum in sinistro
 latere (quò loci & dolores ac molestiæ frequen-
 tius sentiuntur) tendunt, latet & coaceruatur

hæc materia melancholica, quæ fumis suis postea cerebrum molestare ac perturbare solet.

In fœminis, uterus aliquândo laborare potest: siquidē nihil impedit, quò minus ex ijs partibus etiam vapores eleuari, & sic melancholiam inducere queant. Ut verò summatim dicam; quoad situm, tres sunt partes præcipuæ, in quibus hæc affectio sedem habet; jecur, lien, & mesenterium. Ac jecur quidem, melancholiæ hypochondriacæ author est, cum nimio calore cibos semicoctos rapit à ventriculo, & contentos in vasis suis humores adurit, & incrassat. Lien verò cum nec succum melancholicum probè secernit, nec secretum & attractum perfectè elaborat vel expurgat: quod accidit propter nimiam paruitatem, aut incrementum: cum enim plus æquo minor est, quam deceat, turgēt & increfcit, sanguinis faciem nō satis repurgat, nec retinet: quo fit ut in venis refluat, & sanguinem ad alendum ineptum reddat: vnde corpus totum emacrescit, dum genio defraudatur. Mesenterium, cum venis constet innumeris, multis glandulis, & ipso pancreate, colluiem humorum, veluti sentina quædam, coaceruat, vnde morborum ilias pronasceitur, pro materiæ diuer-

diuerſitate, varia mixtione & qualitate. Illic ergo, ſi ſuccus melancholicus, vel ſolus, vel (quod ſæpiùs accidit) cum alijs permixtus humoribus cumuletur & computreſcat, materiam & fomitem ſuggerit putridis febribus, & ijs quidem intermittentibus. Quod ſi tantùm efferueſcat, ſimulque præcordiorum & venarum quandam phlogoſim accendat, tetros ex ſe vapores, tanquam è fomite, in partes tum vicinas, tum ſupernas, atque adeò in corpus vniuerſum effundit: vnde prodeunt tam varia ſymptomata, de quibus mox dicturi ſumus. Sunt igitur hæ partes, in quibus reſidet melancholia hypochondriaca.

• Differentiæ ſumuntur ab affectis partibus, humore obſtruente, & ſymptomatibus aſſidentibus. Si ſpectemus partes affectas, in tres ſpecies diſtinguitur: hepaticam, ſpleneticam, & meſentericam; quæ tamen vix ſeorſim contingunt, ſed plerùmque cōmiſcentur, propter viciniam, vaſorum communionem, & operis ſocietatem. Penes materiam, quædam fit à melancholia naturali, quæ in venis primis retenta paulatim incaleſcit, & in atram bilem degenerat: alia, ab aduſto humore, quæ ſymptomatis

Differentia.

ferocioribus proditur: alia, à crassa pituita; cui pauca bilis admixta, parit incendium. Penes symptomata, quædam leuior est, alia ferocior; vtraq; in varias species distinguitur, pro phantasmatum diuersitate. Brunnerus differentias huius affectus enarrat duas; vnâ ex qualitate innominatæ luis; alteram ex atonia lienis, quæ contagione serpit, & scelotyrbica mala generat, conf. 7. Septentrionales Æsculapij, omnibus quasi morbis hoc genus accomodare videntur. Diuidit idem author in cit: conf: hypochondriacum affectum, in nothum & perfectum: hunc fieri, dum in sinistro hypochondrio, venæ, fœculenta quadam cruditate turgent; illum, si minera venas hepatis, & mesenterij dextræ partis occupat. Differt quoque ratione subiecti & sexus; alius viris pariter ac mulieribus communis est; alius virginibus, viduis, sterilibus, & nonnunquam prægnantibus, ob vteri vitium, proprius

& peculiaris,

CAPVT II.

*De causa Coniuncta & Proxima Melancholiae**Hypochondriacae.*

CAUSA coniuncta seu proxima, non im- *Proxima*
 meritò statuuntur vapores adusti, tetti *causa hu-*
 & fuliginosi, seu fumosæ exhalationes, ex san- *mores ad-*
 guine adusto, humoreuè atro ac bilioso, in hy- *usti.*
 pochondrijs, mediante viscerum inibi conten-
 torum calore præternaturali, humores quasi
 torrente & affante congesto, originem ducen-
 tes, quæ tanquam ex palude ac camerina qua-
 dam sursum ad cerebri arcem delatæ, illi vitium
 suum imprimunt, sicque spiritus animales alio-
 quin puros & limpidos insuaui tristique halitu
 afficiunt, obliterant, obfuscant, & tenebrico-
 sos reddunt. Flatus quoque in hoc malo con- *Flatus.*
 currere extra controuersiam est: non enim so-
 lum vaporum copia, verum etiam per sepe mul-
 titudo quædam halitiosi & flatulenti spiritus
 per calorem è materia, quæ in corpore præstò
 est excitati (maximè si concurrant obstructio-
 nes infimi ventris, pylorique arcta conclusio,
 cum tunc impedito quasi humorum & vapo-

rum transitu, vt neque infrà flatus, erumpere queant, hypochondria inflari, rugitusq; percipi necesse est) partes corporis, in quas fertur, molestiâ afficit. Flatus enim, cum mobiles naturâ sint, haud in cavitatibus fixi manent, sed cuniculos vbique parant, linquentes hospitium vetus, ac membranas intestinorum perreptant, & se in musculos, neruos, tendines abdominis insinuant, quos perreptando cōuellunt, & quum copiosi sint, non acquiescunt in horum commotione, sed & thoracis & genitalium musculos, vtpote vicinos, vellicant, ac spasmus, excitatis tot expultricibus in ijs, causant. Hinc est, quod Montanus pronuntiat, posse quidem flatus hypochondriacos esse sinè affectione hypochondriaca; affectum verò hypochondriacum nunquam sine flatibus consistere posse.

Epatis calor.

Dum itaque melancholia hypochondriaca in venis dextræ partis est, ab epatis caliditate excedente ita calefiunt, vt calefaciendo chylum, perpetuo feruore & ardore, molestiam quasi caliditatis alicuius interne, in eoloco exhibeant. Cum verò in sinistra parte est, in venis nempe mesaraicis, quæ sunt inter splenem & ventriculum sitæ, tunc frequentius delirij causa cumulat.

latur. Non est autem continuum delirium, sed tam diu durat, quam diu vapores atri, spiritibus animalibus miscentur; quibus discussis, & illud vel euanescit, vel minuitur, atque iterum redit, vel exasperatur, vbi noui vapores & flatus, qui caput petere solent, collecti & coaceruati sunt. Feruntur autem vapores melancholici ad caput, per venæ cauæ ramos & arterias: facilis enim vaporum ex vena portæ in cauam est transitus, vt & in arteriam magnam, per arterias, quas lien habet magnas & multas.

*Quomodo
vapores
melancholici ad caput
ferantur.*

Post Dagmaticos, ab Hermeticis quibusdam, præter siderum, Saturni videlicet lienis, & Mercurij cerebri præsidium influentias, huius mali causa asseritur, spiritus vitæ, veneno mercurij infectus, qui mercurius ex sublimatione, à salibus venenositatem quandam induens, eam spiritui vitæ communicet, talémque affectum excitet. Seu potius ex tartari cum sale primùm in corpore commistione, dein agitatione, ebullitione, & quasi fermentatione, ac tandem sublimatione, fixationéque, affectum hunc originem trahere, statuendum.

*Chymicum causam
proximam.*

CAPVT III.

De causa Antecedente Affectus Hypochon-
driaci.

Antece-
dens causa.

ANTECEDENS causa est, tum sanguis feruentior affatusque, tum humor partim ater & lutulentus seu feculentus, partim biliosus, in hypochondrijs seu visceribus inibi contentis supra modum calefactis, genitus & coaceruatus, per fermentationem seu ebullitionem quasi, vapores & flatus de sese ad arcem cerebri mittens. Et quamuis humor melancholicus frigidus sit & siccus (respectu videlicet aliorum humorum) tamen nullus tam flatulentus est, quàm ille idem, quippe cum facile ad fermentationem excitari possit; magis quoque terrestris & compactus cum sit, si calor agat in illum, in dissolutione quasi rebellis est; unde fit, vt in flatus facillimè conuertatur & faceffat. Ansam verò præbent horum humorum generationi, inter causas internas, etiam temperamentum totius calidum & siccum: plerumque enim dispositiones naturales, præternaturalibus occasionem dare consueuerunt, propterea quod

in

in habentibus symbolum facilis est permutatio.

Multæ partes in hypochondrijs peccant, *Ventriculus subiectum causæ antecedentis huius morbi*
 ventriculus scilicet & intestina, sicciori calore
 chylum producentia, venæque meseræi, quæ
 rû intemperies sicca & calida, quotidie alluente
 fouetur chylo crasso, & cocturâ calidiore; in
 his partibus coctio prima, & vitatur, & eius per-
 fectio impeditur; vitatur, quum in hypochon-
 driaca affectione ventriculus siccior sit, quàm
 vt bonam chyli coctionem efficiat; impedi-
 tur, quia venæ mesenterij calidiores, humidum
 exugunt ex coquendis, & in chylum forman-
 dis, citius quam par est. Vnde crassior chylus &
 terrestrior, qui in venis mesenterij torpidè mo-
 uetur, & pigrâ quiete vasis illis vitium infert in-
 farctus; quod si siccus calor diutius in illum a-
 gat, elicit flatus, & vberem vaporum prouen-
 tum producit. Ex quibus quid eruitur aliud,
 quàm vitium in primæ concoctionis organis
 primariò herere, & aucto morbo in consensum
 rapi vasa & viscera illa, quæ in alterando chylo
 ineptè elaborato operari debent. Vnde & illa
 in suâ operatione, & deficiunt & aberrant, & fit
 etiam sanguificatio mala. Nec mirum! ventri-

culus sic malè dispositus, chylum crassum, viscosum & tenacem concoquit, rapiunt eum gastricæ & mesentericæ venæ, cuius nec viscera sanguificationis emendant labem, sed sanguinem crassum, viscosum aliquo modo ex eo efficiunt, cui opus est ad motum vehiculo copioso, quod est serum; quod cum ex potu & liquidis fiat, siticulosi hypochondriaci bibunt largiùs, aut brodijs vtuntur multis; quæ tamen liquida, vasa ventriculi adstantia (de quibus supra) citiùs hauriunt & exugunt, quam chylicationi in tali ventriculo expetit. Quare manet crassus chylus, cuius & in venis motus tardus est, qui infarcit vasa, ac in ijs hærens tardè serpit; hinc tot obstructions. Præterea cum & arteriæ mesentericæ, & gastricæ, chylo tali & sanguine repleantur, quia meabilis suâ naturâ & mobilis non est, sed magno & valido promotore opus habet, diastolem causant magnam, unde in hypochondrijs palpitatio. Denique cum crassus sanguis habeat spiritus pauciores, crassos, vaporosos, austrinæ tēpestati similes, haud mirum est, si cor & cerebrum in consensum veniant: ambo siquidem viscera, ministerio horum opus habent, illud ad vitam, hoc ad sapientiam

tiam conseruandam. Ex quibus manifestum est, officinam chylicationis esse subiectum causæ antecedentis huius morbi.

Error porrò qui in retentione & distributione fit, eadem affirmat. Ventriculus siquidem amplectitur chylum, quem venæ exsugunt mesaraicæ, quarum actio si deprauata est, tenuem humorem & liquidiores, antequam ullam perfectionem à vi chyificante accepit, ad se rapiunt, & relinquitur crassamentum chyli in ventriculo, quod suâ vi fermentante chylum omnem corrumpit, cum in corpore crasso sit, ob quod pigrum est, & minus permeabile. Quod si verò lassæ sunt, ob intemperiem, aut à crasso cremore hausto infarctæ, desistunt ab opere, & ferofitas relinquitur in chylo, quæ diffluum facit chylum. Primò itaque hic læditur ventriculus, & in eo pylorus, postea intestina, & vltimò venæ gastricæ, ac epiploicæ, mesenterij. At si morbus vires acquirit, distributio vitiosa fit, & vasa portæ, & arteriarum mesenterij, cum visceribus, in consensum rapiuntur. Quibus itaque plexus sunt subtiliores, illis maius inest

vitium.

Retentio & distributio vitiosa in vasis coctionis primæ

CAPVT IV.

*Continuatio causæ Antecedentis.**Cruditās
chylī unde
fiat.*

RVDITAS chyli in hoc malo, non fit ob priuationem concoquentis ventriculi virium, sed quia deprauatē agit, tūm ob intemperiem, tūm ob errorem externum. Deprauatā verò coctione corrumpuntur cibi, vel in substantiā, vel qualitate: chyli substantiam diximus corrumpi, quandō vaporosa eius substantia in flatus abit, humida in cremorem crassum, tenacem & lentum. Coctio omnis effectus caloris est, nec frigori corrumpenti in viuo hominis corpore datur locus, nec in externam aliquam partem sine periculo aut nece, multò minus in instrumentum primarium coctionis primæ. A calore igitur erit actio; nec id negat Galenus, qui ventriculos halituoso spiritu repletos, calidiores dicit. 3. de sympt. cap. 1.

*Quidam
frigidam
intemperiem
affingūt huic
malo.*

Licet multi sint qui frigidam ventriculo in hoc malo temperiem affingant, vti Montanus Pergameni senis olim anima dictus. consil. 229. 232. 236. & 235. Brunnerus consil. 5. Riolanus item in methodo particulari. Matthæus Martini in

mor-

morbis mesenterij. Qui hoc proprium huius affectus dicunt, quod caliditas in hepate incipiat, & postea frigiditas ventriculo communicetur: nam vbi est ignea hepatis qualitas, ibi consumitur pinguedo, quæ est in abdomine, quæ conseruat & colligit calorem ventriculi; ex quibus patet, illos ex accidenti ventriculo frigidam temperiem affingere. At si ruminantur præcedentia mala, aut vitia in coctione, minùs illi satisfaciunt. Sequitur enim hic morbus vel causum, vel chronicum aliquem ignem, qui calidam & siccam affricant intemperiem ventriculo, quæ ipsi aliquo modo habitualis fit. Vitium infert victus calidior, qui hospes suo hospitio ardorem, & quãdam ariditatem relinquit; sic & moeror exiccat corpus. Quòd si excreta consideramus, flatus limosum ac crassum alui onus, tenax phlegma; neq; hæc primæ coctionis organis denegabunt calorem. Magnus Galenus, syncerum frigus negat flatus producere, cum non attenuet, dissecet, & conficiat alimentum instar caloris, vteruo ex 1. cap. de sympt: causis. 3.

Calor itaque autor est, & promotor generationis flatuum, non humidus, qualis est vitalis

*Calor can-
sa flatuum*

& nutriendus, sed aliquo modo siccus. Appellatur à Gal: diminutus, quia quodammodo dissoluit, non tamen conficit prorsus cremorem chyli: cum enim bona & perfecta chyli productio à ventriculi humido fiat calore, certè deprauata in sicco erit. Edocent hoc prægressi morbi, febres chronicæ, longæ causodes, calidus & siccus victus, vinum meracum, curæ præposteræ; quibus ventriculi humiditas absumitur, & omentum, quod adstans ventriculi vocatur, gracilescit. Eadem genita in tali ventriculo monstrant flatus (quos causa, crassum tenuans & disseccans, ac in vaporem mutans, producit) qui nec frigoris nec humiditatis soboles sunt. Alui item excreta limosa, crassa, tenacia, continuata exiccantis quodammodo caloris inditia. Siccus igitur calor in chylicationis organis, deprauat chyli elaborationem, & distributionem in malo hypochondriaco: crassum, tenacem, & aliquo modo viscosum chylū ille producit, qui in mesenterij raptus venas, piger ibi serpit, & in illis corrumpitur: habent enim & hæc vasa æstum quendam, & quo propiora ventriculo, eò maiorem, maxime si præcessit febris æstuans. Chylicationis itaque or-

gana, tam ea quæ concoquunt, quàm quæ distribuunt, discrasiam talem inflammatoriam habent, quod etiam confirmat Gal: ex Diocle. 3. de loc. aff: 7. quod tamen Montanus conf: 236. negat phlegmonem esse, sed phlogosin.

Variant multum Authores in assignatione loci affecti, uti quoque in cura illius: iuuantia autem tam purgantia quàm alterantia & nutri-
entia, volunt esse in hoc malo illa, quæ primas detergunt vias, quæque humectant & modicè refrigerant, inter quos Montanus in consilijs suis a 229. vsque ad 235. primas tenet, quando conseruat rosarum, & alia quamplurima sæpius proponit, quæ discrasiam siccam, & quodammodò calidam in ventriculo esse docent. Felix Platerus scribit, eò vsque hanc durare affectionem, donec rursus flatus discussi sunt, vnde æger leuamen sentit, tam diu, donec noui exurgunt. Hoc fieri, quando flatus ructu aut crepitu excluduntur, aut crassam materiam vomitus, aut decessus expellit; ardores mitigari ex cibo moderatè frigido sumpto. Quare curam vult perfici, vomitorio, clysmatibus, diureticis, humectantibus. Montanus sic instituit hypochondriaci mali curam, ut alius semper sit
lubri-

*Authores
variant in
assignatio-
ne loci af-
fecti & cu-
ra.*

lubrica: sæpè enim eam exonerare salubre est, ideóque laudat cassiam; quòd si altiùs malum infederit, fennam, epithymum & elleborum addit: reiicit tamen omnia selectiuè purgantia, & quæ è longinquo trahunt, vtpotè calida. Aloën tamen admittit, cum sit medicamentum, quod detergit pituitam ex vijs primis, & confortat stomachum. Iubet repetere sæpiùs lenientia, propter multiplicationem humorum, cum ea quæ per contactum agunt, plùs agant, & etiam copiosè data, satis purgent. Postea alterantia laudat humectantia: præcipuum enim est in omnibus patientibus affectus melancholicos, humectare corpus. Vnde iubet concoquentia esse omnia humectantia, & modicè calefacientia, quæ vult esse jus pulli, cuius & multum vsum laudat, quia humectat & corroborat stomachum; quod aliquandò alterat, cum radicibus polypodij, quia sunt dulces, & non multum calefaciunt, & sunt gratæ gustui, & nō fortiter euacuant, duabus radicibus liquiritiæ, tribus boraginis vel buglosse, quam decoctionem loco syruporum exhibet, quos etiam præscribit, vt syrupum de cichoreo cum rhabarbaro, & sine illo, syrupum de absynthio, de pomis

mis dulcibus, de boragine, de capillis veneris; quod si victus rationem quam præscribit, bene consideramus, etiam humectantia & modicè calefacientia in numero iuuantium esse, vt sunt caro pullorum, hædorum, vitulorum lactentium, oua sorbilia, obseruabimus. Iubet etiam vti ante prandium & coenam frequentissimè saccharo rosato, ad quantitatem vnciæ; iura pulli sæpius propinat; vinum tenue, album, humectans, qualia sunt vina paucifera, dulcia, limpida, tenuia, bene matura, non aquosa, quæ facile distribuuntur per venas, &c.

Subscribit etiam appetitus frigidorum in cibo & potu, quod in vetriculo sit discrasia sicca, & quodammodo calida. Vnde Platerus ex Rhasi, aquam genuinum antidotum huius mali pronunciat. Adstipulatur Rein: Solenander sect: 2. cap. 7. Qui vtile esse quandoque à vino abstinere, & pro eo aquam purissimam vt scribit. At frigida aqua, frigidis alterata, vt sunt cerasa ficcata, grana ribes, succus granatorum, vt loco citato Rein: Solenander suadet, frigido vt conueniet vetriculo? vina aquosa quoque prohibent, fortè quia facile acescunt, nec diuretica sunt. Iuuantia itaq; humectantia, & quodam-

*Appetitus
frigidorū
vetriculi
caliditatē
& siccita-
tem indi-
cat.*

modò refrigerantia primò chylicationis, secundariò seu successiue, sanguificationis organis vidimus dedicata. Nocentia econtrà, omnia calida, si immoderatus eorum vsus, & frigida acida. Crato lib. 2. conf. 19. selectiue purgantia, quia calore obsunt. Montanus conf: 233, & 234. reijcit : & Crato loco citato paucissimum eorum vsum præcipit, quod à suo mutuauit Montano, qui conf. 230. ita scribit. Consulo vt Medicos fugiat, & medicinas: facîle enim erunt causa sui excidij. Addit rationem, quia communis consuetudo aliquorum Medicorum est, exhibere calida, & vt ipsi inquiunt, carminatiua ventositarum. Dum autem illi symptomati attendunt, non aduertunt quod ægro noceant, & interitum accelerent, augendo causam atque originem ipsius ægritudinis. Idem vina potentia infesta dicit, conf: 229. & 233. Prohibet & Felix Platerus vinum generosum. Cibus calidior, copiosior, corruptus, prauis succi, siccus, dulcis, pinguis, acris, inter nocumenta à Platero ponitur. Res frixas in sartagine, & aromata nocere ait Montanus conf: 229. quare diatrion pipereon, sine saccharo rosato, non admittit, conf: 232. sic copiam carminatiuorum & Montanus &

Platerus ob calorem nocere putant; sic & excretiones impeditæ. Quæ nocentia, primò chy-
lificationis organis nocent, eis discrasiam indu-
cunt siccam, opusque eorum destruunt, postea
membris sanguificationis, quibus chylus cor-
ruptus communicatur, à quo diuturnitate tem-
poris, eandem labem contrahunt, & ex crasso
vaporoso chylo, crassum spumofum sangui-
nem generant, cui opus est vehiculo multo, se-
ro scilicet.

Concludendum itaque, hypochondriacum *Malum*
malum à ventriculo primordia sumere, qui la- *hypochon-*
bem accepit, aut ab errore externo, aut à mor- *driacum à*
bo, quæ ei discrasiam siccam, & aliquo modo *ventriculo*
calidam introduxere, ita vt eius ingenitus hu- *calido &*
mor acris, fermētando chylum corrumpat; ca- *siccò pri-*
lor siccus ventriculi, viscidum & tenacem eum *mordia su-*
reddat; & hanc discrasiam communicari vasis *mit.*
proximis, in primis epiploicis & gastricis, qui-
bus etiam feruor communicatur, vnde illa exu-
gunt cōtinuò, quasi tenue & limpidum ex ven-
triculo, hinc in hoc malo appetitus maior, & v-
sus frequentior liquidorum, sitis ac ariditas gu-
læ, & alui pigrities ac siccitas. Descendit igitur
crassus & viscosus ac flatulentus chylus, pyloro

soluto in intestina, hunc exugunt venæ mesaraicæ, & vasa arteriosa: quis igitur sanguis expectandus? crassus, fibrosus, ac tardi motus, qui in arterijs etiam spumofus est. Et talis humor tardè perrepat vasa, in visceribus, quibus plexus sunt vasorum subtiles, hærebit, obstructiones causabit, & aliquo modo incendetur, quamvis non putredine illa quæ febrem dat, sed quæ calorem præternaturalem in organis nutritionis causat. In arterijs quidem, feruor ille temperabitur à copia serî, quod arteriæ gastricæ hauriunt, at quia crassus est sanguis, serum diastole frequenti propelletur, & ad emulgentes verget. Intemperies itaque corporis ventriculi calida & sicca, & eius ingeni humoris ac spiritus, primū malum est, quod corrumpit chylum; eadem discrasia vasorum epiploicorum ac gastricorū, raptum causat tenuis chyli, qui ex potu; crassities chyli, obstructiones, viscositas & flatulentia, sunt ineptitudo ad gignendum bonum sanguinem; hæmatoseos organa, ob plexus illos tenues vasorum, apta sunt ad obstruendum, & ab obstructiōe, inepta fiunt ad benè elaborandum sanguinem, vitium acquirūt, & labem patiuntur; organa vitæ, ob sanguinem arteriosum,

sum, crassum, spumosum, consentiunt. Quæ omnia satis fusè dicta esse mihi videntur.

CAPVT V.

*In quo respondetur ad oppositiones quasdam pro capite
precedente causa Antecedentis.*

NEGANT quidam, à calore chylicatio-
nem fieri. 1. Quia chylicatio non fit ca-
lesfaciendo, quod opus caloris. 2. Quia in solo
ventriculo fit, cum calor per totum corpus di-
persus vbique sibi similis sit, & similia agat. 3.
Quia in ventriculi fundo qui exanguis est,
membranofus, intestinis frigidis adherens, chy-
licatio fit. 4. Quia calor intensior, fortior ef-
fet, & chylicatio ab eo perfectior : at febris &
aromata copiosa, contrarium docent. 5. Quia
chyli color albus est: at vrinas tinctas videmus à
caloris qualitate, vel flauo, vel rubro, vel fusco,
vel nigro colore. 6. Chylus, vtpote alimentum
hominis, temperatus est. 7. Homo, minùs frigi-
dis, quàm calidis in victu carere potest, vtpote
potu ; at hæc frigida, calorem in chylicando
impedirent. 8. Instrumentum chylicationis
ventriculus, frigidus est naturâ. 9. Humida &

*Argumē-
ta quorun-
dam qui
negant, à
calore fieri
chylica-
tionem.*

aquea, ficcioribus citiùs concoquuntur, at illa, vt calori contraria, reagent in calorem chylicantem, vnde concoctionem retardarent. 10. Si cancri & conchylia quorù natura frigida est, & quæ homine frigidiora (idem de auibus, de insectis dici potest) quædam digerunt, quæ etiam à calidissimo animali impossibilia digestus; certè calori concoctio cibi non est adscribenda: maximè, cum testæ leguminum, putamina fructuum, tendines, membranæ, & partes nervosæ animalium, induratum albumen oui, anguillæque cruda, egerantur, quæ calor concoqueret, si ille autor esset chylicationis.

*Solentur
Argumē-
ta.*

Quorum pace tamen liceat dicere, neminem Medicorum ita rudem esse, vt quemlibet calorem, autorem chylicationis dicat, sed viuificantem solum, cum omne viuens nutriatur; at calor viuens in humido residet, viget, viret, & in eo operatur. Hunc natura prouida subtrauit animæ nutrienti, quæ eo ad chyli productionem coutitur, qui ventriculo inginitus est. Hic chylum producit, colore album, quia assimilatur formæ instrumenti, vt calor sanguificationis sanguini rubrum colorem dat, quia hepar rubrum est. Color vinarum, non semper caloris est,

est, sed ut plurimum humoris alieni permisti, qui cum in corpore feruet, etiam caloris præter naturam signum est. At talis calor cum igneus, à Medicorum schola non ad chylicandum admittitur; temperatum illi volunt, eique actionem committunt, cui adiungunt idiosyncrasiam ventriculi. Potus frigidus qui avidius appetitur, non est necessarius, sed à consuetudine; scimus in Oriente calidissimum forberi potum à Turcis. At nos jam qui frigido potui assueti, appetentiam eo prouocamus, calidum cibum temperamus. Et licet chylicatio elixationi assimiletur, alia tamen est ventriculi operatio in chylo producendo, quàm artificis in elixando; & differt chylicatio ab elixatione efficiente causâ, quia non tantum calor naturalis viuientis animæ, qui calidus & humidus, concoquit, sed utitur instrumento appropriato, & sibi ad hoc opus destinato, ventriculo cum adiacentium partium adminiculo, cui proprietas quædam innata est, quæ talem cremorem producit, qualis nullibi in corpore gignitur. Deinde etiam sine; quia coctione res saltem ad perfectam temperaturam seu qualitatem ducitur; in chylicatione, materia concoquenda in ventriculo

non tantum in cremorem & humorem, verum etiam in nouam quandam substantiam mutatur, ab ea longè diuersam, quæ ab extra pro alimento assumitur, & cibus est.

Iterum instant aliqui. Medicos promouere coctionem ventriculi non calidis humidis, sed siccis, vt sunt Diatrion Pipercon. Zedoaria. Zingiber, &c. quibus incendi ventriculum aiunt; vnde Medici incendiarij stomachi vocantur. At Galenus noster, ventriculū in coctione deficere dupliciter ait; vel quando ipsa facultas patitur chylicans, vel, quando illā saluā, error alienus seu externus, operationem eius impedit. Facultatis vitium duplex rursus facit, intemperiem calidam, frigidam, siccam, humidam, aut morbum organicum; hunc officere retentioni, illam coctioni; quum idiosyncrasia, quæ illā vtitur, non nihil noceat. Errores externos triplices recenset; cibus aut copiā aut qualitate coctioni immorigerus; excrementa in ventriculo aut genita, aut collecta, aut in eum deposita; denique modus vtendi cibos præposterus. Ex quibus patet, etsi ventriculi ingenitā vi calor nutriens vtatur ad chyli productionem, tamen labefactatā temperie eam ineptam esse
ad

ad benè agendum, quam corrigere conuenienti decet medicamine. Deinde & errorem externum, impedire ventriculum etiam benè dispositum, ne benè operetur. Porro ventriculi idiosyncrasiam indigere iuuamentis interdum, quæ emendent hæc vitia. Quare calida ijs ventriculis consecrantur, in quibus pituitæ prouentus, & aepsia, id est cruditas, cui aromatica vis se opponit, reficiens ventriculum, quum omnia odorata ab eo amentur, & foetida subuertant eum. Vis quidem illa spiritiuosa aromatum, succurrit idiosyncrasie stomachi, caliditas errorem emendat, nimirum excrementum retentum crudum; ex accidenti itaque profunt, quum pituitosos cibos & humores, quorum natura est diffluere, inspissant, ac in crassam consistentiam mutant, vt ex eis æqualis humor produci possit. Calida igitur aromata errori dicantur, & ventriculi humiditati, quam exugere & absumere debent. Quercetanus laudat Piper in lib: suo Diætético cap. 8. non caloris ratione, sed ob sal aromaticum, propter quod subtile est, incidens, penetrans & dissoluens: prodesse ventriculi coctioni scribit, quum eo tartarea & viscida omnia ex ventriculo, alijsque partibus, soluantur ac
F detur.

deturbentur. Idem de Zingibere, Zedoaria, & Arone pronunciat, in crassiore tamen latitare substantiâ, ob quam etiam minus penetret, tardiùsque pipere agat. Ex quibus clarum, nec hoc argumento calorem à chylicatione remoueri, nec nos idiosyncrasiam ventriculi (quæ nihil aliud, quàm temperamenti ventriculi, proprietas & conuenientia est) temperie justâ orinati, à chylicatione remouisse. Nil igitur opposcentes concluderunt contra communem Medicorum scholam.

*Qualis sit humor
ille acidus
chylicationis
aristifex.*

Humor acidus, quem quidam solum chylicationis artificem faciunt, non est ille succus melancholicus, acerbus, terrestris, crassus, sed acidus, tenuis, spirituosus, ventriculo ingenuus: ille enim acerbus est, huic grata aciditas: ille appetitum prostermit, hic eum suscitatur: ille ob crassam & siccam qualitatem, quæ in terrestri substantiâ est, obtusum causat sensum, tardum motum, ac acerbitate hæmodiam (id est stuporem dentium) dentibus, hic tenuis est, subtilis, penetrabilis, & ad motum facilis: vnde ascendit in palatum, linguam, dentes: quod terrestri negatum. Humor hic, cibi masticati gluten, seu fermentum quoddam est, quo eius vnio & co-
gluti-

glutinatio fit; est fermentum, quod acido suo spiritu soluit, minuit, atterit etiam arida, crassa, & dura, in ventriculum inter cibos recepta, vt facilius in humorem possint solui, vt tota massa pultis formam quandam liquidam recipiat, cui deinde ingenitus ventriculi calor fouens, quãdam quasi nouam formam inducit, quæ chyli propria dicitur, quam acidus hic humor omnibus partibus chyli communicat, cum per totum feratur æquabiliter.

Minister igitur hic humor acidus, tenuis, spirituosus, chylicationis est, qui suas operationes in ore inchoat manifestè, in ventriculi fundo perficit, quem eius innatus fouet calor, & mouet, quo absumto, aut diminuto potius, appetitus jacet, chylus siccior fit, quo acriori reddito, chylus nimium fermentatur, inflatur, & spumescit; solus tamen, & absente calore ventriculi, ineptus est, vt chylicationem perficiat, aquosus, inutilis, tardus, & cruditatum autor. Quibus omnibus manifestum, calorem humidum benè concoquere, siccum malè: tum ratione corporis ventriculi, tum ministri humoris, scilicet acidi & spirituosi ei ingeniti. Ptyalismus & saluationes frequentes in hypochondriaca

Humor acidus chylicationis minister est.

Saluationes frequentes in

hypochon-
driacis vn-
de.

driaca affectione, non negant, calorem siccum deprauare coctionem, cum hæ saluationes, & humorem agnoscunt ventriculi, & glandularum faucium, quæ à cerebro humidum suscipiunt, & in saliuam conuertunt. Esse verò hypochondriacis caput pituitosum, fortè nemo dubitabit, & humorem acrem, ac quasi corrodentem, in eorum ventriculis, jam diximus; hic mouetur imaginatione etiam, maximè si de cibo cogitatur; hic vellicabit paristhmia, vt eliciant humorem à cerebro, hinc illi ptyalismus. Taceo, quòd talibus potus appetentia est auidiore, quare chylosi, humoris acidi crebrior restauratio, & tenuior substantia, cuius in os etiam motus faciliore.

CAPVT VI.

Quorundam Auctorum opiniones, de causa proxima & efficiente, præcipuè verò de causis huius mali in Fæminis.

Rondeletij
opinio de
causis melancholia
hypochondriacæ &

RONDELETIVS meth: curandi morbos, cap. 42. malum hoc, ab intemperie sicca cum aliqua caliditate, sine affluxu, sed cum obstructione potius, à sanguine crassiore, fieri statuit.

tuit. Cum Rondeletio consentiunt ij, qui in hac affectione ventriculum, intestina, mesenterium cum illius venis, intemperie calidâ & siccâ laborare putant. Inter quos Philippus Hœchstetterus, Augustanorum Medicorum olim Coryphæus, vir magnę doctrinæ, approbatissimis, & omni exceptione maioribus rationibus, rem confirmavit, in suis aureis obseruationibus: cuius sententiæ tanquam veriori, & experientiæ affiniori, ego quoque adhæreo; quæ, vti spero, in præcedentibus capitibus satis explanata est. Diocles præcipuam huius mali causam, obstructiõem venarum mesentericarum, & calorem eâ de causâ ortum, oris etiam ventriculi inferioris inflammationem, statuit. Verum hoc si fieret, alimentum in toto corpore deesset, neque corpus ita nutriri, quod tamen plerumque fit, posset. Paulus Ægineta, lib. 3. de re medicâ cap. 14. hunc morbum ex inflammatione circâ stomachum oriri scribit. Verum si inflammationem non veram, sed phlogosin seu calorem, & æstum intelligit, faciliè tolerari eius sententia potest. Phlegmone autem propriè dictum admitti non potest, cum hoc sine febre, quæ in affectu hypochondrico rarò appa-

*Dioclis
pinio.*

*Pauli Æ-
gineta.*

*Avicenna
opinio.*

ret, excitari non possit. Avicennas, lib. 3. fen. 13. tract. 2. cap. 1. & ab epate, & à liene, malo huic materiam subministrari scribit. Quæ sententia si rectè explicetur, non incommoda est.

*Danielis
Sennerti
opinio.*

Celebratissimus ac versutissimus Sennertus, in lib. 3. part. 7. sect. 1. cap. 3. commodissimum suadet statuere, præcipuam à quâ vitiosi humores, proximâ huius mali causâ, generantur, causam esse lienem: etsi quandoque & epar non extra culpam sit. Cum enim lien, etiam sanguificationis organum sit, & crassiorem chyli partem ad se trahat, ac sanguinem crassiorem, pro alendis in ventre inferiore visceribus, ventriculo, intestinis, mesenterio, omento, elaboret, & ita prima sanguificatio fiat in liene, ac quod impurum adhuc est, in liene primum, ne ad epar perueniat, separari debeat; non mirum, si velis debilis sit, & malè sese habeat, vel erratum aliquod in prima coctione commissum sit, quod in secunda hæc corrigi non potest, vitiosum sanguinem in liene generari. Vt enim alia membra coctioni & officijs publicis destinata, ubi in actionibus suis sine suo frustrantur, vitiosos humores generant, ita idem in liene fieri necessarium est. Et sicut ventriculus debilior, crudita-

tis acidæ, calidior, nidorosæ causa est; epar dum se malè habet, nunc sanguinem biliosum, nunc crudum, nunc aquosum generat, ita etiam lien malè dispositus, vitiosum sanguinem generat, & præcipuè in hac affectione, acidum: atq; ita, in affectione hypochondriaca, lien semper laborat. Hinc porro patet, si lien sanguinem pro sui officij ratione, non bonum generet, partes modò enumeratas, etiam bonum nutrimentum, ab eo non accipere, & eas ipsas inde debilitari, ac multos vitiosos humores necessariò circa illas partes cumulari, in primis, si per conuenientes vias non euacuentur.

Fœminarum Melancholia, quæ maximè viduis, sterilibus & virginibus propria est, Ex Aretæo cap. 5. lib. 1. chronicon, insolens quædam mœstitia est, cum animi anxietate, flendi tacendique desiderio, dorsi & hypochondriorum manifestâ pulsatione, & tacito delirio coniuncto, furoris vel manix prænuncia. Quæ adeo est affinis hypochondriacæ, vt cum ea sæpè confundatur. Quanquam ab illa trifariam distinguatur, parte nimirum affecta, causis efficientibus, & compluribus symptomatibus. Pars quæ primum hic afficitur, est vterus, sedes
focus

*Viduam,
virginum
sterilium
& puerperarum
melancholia
hypochondriaca.*

focus morborum omnium muliebrium, vt auctor est Hipp: lib. de loc. in homine. Cum enim afficitur, corpus vniuersum trahit in sui consortium, substantiæ similitudine, vasorum communione, & viciniâ. Quibus adiicitur, tetri halitus, ab ipso vterò prodeuntis, ad partes principes atque superiores, per cæcos meatus, delatio. Sunt, inquit Hipp: lib. de alimento, in humano corpore, confluxio vna, conspiratio vna, consentientia omnia. Nam quemadmodum vterus veluti sentina quædam, in imâ sede collocatus, confluentes vndique humores recipit, ita vapores tetros & virulentos, ex iisdem suppressis vel corruptis manantes, quoquoersum refundit. Sicque, vnde vita profilire atque propagari solet, summa plerumque pernicies mortis causa dependet. Tanta verò corruptio fit, tum in ipso vteri sinu, tum in vasis circumstantibus, vt mirum videri non debeat, cum per febres continuas, in proprijs etiam vasis, humores computrescant. Cæterum, ex omnibus partibus, nullarum maior sympathia est, quam cerebri & vteri, quæ fit non solum per neruos, & reliqua vasa cunctis partibus communia, sed etiam per membranas spinalis medullæ. Vnde

accidit, affecto vtero magis occiput condolere, ex Hipp: part. 1. sect. 1. lib. 6. epid. & in hysterica suffocatione, quæ sæpè comitem accersit melancholiam, omnes actiones animales affici, nimirum sensificas, motrices, & principes, vt patet in sensus priuatione, conuulsione, & desipientiâ, quæ tùm ipsius subiecti, tùm causæ efficientis varietatem consequuntur.

Causarum duo sunt principia. Prius, est natura muliebris, cùm ex Hipp: magis demissi & pusilli animi, facilius delirio corripiatur. Quod Gal: etiam confirmat, com. ad hist. 16. sect. 3. lib. 3. epid. cùm ait, leues naturas atque turbulentas ex parua occasione desipere. Cæterùm quoniam viro administrandis rebus nato, plusculum de rationis vnciola erat aspergendum, ipsi mulier adiungenda fuit: animal videlicet imperfectioris rationis quidem illud, atque debile, verùm ridiculum & suaue, quo conuictu domestico, virilis ingenij tristitiam, suauitate condiret atque edulcaret. Quòd si qua fortè mulier sapiens haberi voluerit, ea nihil aliud egerit, quàm vt minus sapiens sit: foemina enim quæ nimium sapit, desipit. Quemadmodum, juxtà Græcorum prouerbium, simia semper est

Natura muliebris prima causa ad melancholiam

simia, etiam si purpurâ vestiatur; ita mulier, semper mulier est, hoc est imperfecta, quamcunque personam induerit. Etenim, si rem rectâ reputent viâ, hoc ipsum imperfectioni debent acceptum ferre, quod sint viris multis calculis fortunatiores. Primum formæ gratiam, quam illæ meritò rebus omnibus anteponunt, cuiusque præsidio, in tyrannos etiam ipsos tyrannidem exercent. Alioqui videnam horror ille formæ, hispida cutis, & barbe sylva? planè senile quiddam in viro? nisi à prudentiæ vitio? cùm foeminarum semper læues malæ, vox semper exilis, cutis mollicula, quasi perpetuam quandam adolescentiam imitentur? Deinde quid aliud optant in hac vita, quam ut viris quàm maxime placeant? Nonne huc spectant tot cultus, tot fuci, tot balnea, tot compturæ, tot vnguenta, tot odores, tot componendi, pingendi, fingendique vultus, oculos & cutem, artes? jam nùm alio nomine viris magis commendatæ sunt, quàm imperfectionis? quid enim est, quod illi mulieribus non permittunt? at quo tandem autoramento, nisi voluptatis? delectant autem foeminae non aliâ re, quàm dum nugas suas repræsentant. Licet non paucę extiterint aliquan-

dò,

dō, & adhuc extent, quæ fortes, cautæ, castæ,
viribus & virilibus curis, vitia fœminarum exu-
erint.

Secundum principium, est causa efficiens si- *Secunda*
ue materialis, quæ apud eundem Hipp: in lib. *causa san-*
de virg: morb: duplex est, nempe sanguinis mē- *guinis mē-*
strui retentio, & feminis cohibitio. Sanguis e- *strui retē-*
nim, inquit, cum in adultis crescit vberius, con- *tio & femi-*
fluens ad vterum, si exitu prohibeatur; sursum *nis cohibi-*
ad jecur & cor resilit; vnde postmodum diffi-
culter refluit, propter venarum obliquitatem.
Sic ex repletionē, cor fatuum euadit, torpescit-
que cerebrum, & ad insaniam propensum red-
ditur. Quod si intemperies calida & sicca visce-
rum reliquorū, vel febris accedat, sanguis pau-
latim adurit, & in atram bilem degenerat, quæ
fomitē suggerit melancholiæ. Neque verò
solo refluxu, sed etiam longā circa vterum cun-
ctatione, genus idem mali, sanguis copiosus in-
uehit, cum vel putrescens, vel solum efferue-
scens, tetros halitus, aut feruidos sursum exha-
lat, qui cerebrum, mentis, rationis que sedem,
perturbant.

Quod verò semen cohibitum similem no- *Semen co-*
xam inuehat, facile quidem innuit Hipp: libello *hibitum*
qualem no-

*nam in hoc
lat.* περὶ παρθένων; cum ait, Virgines maturas viro, &
 steriles mulieres, licet probè repurgentur, tor-
 pescere & interdum insanire. Sed Gal: cap. 3.
 lib. 6. de loc. affect. expressis verbis testatur,
 quàm sit importuna & noxia, tam in viris quàm
 in foeminis, seminis præter modum & morem
 suppressio. Scribit enim, multa inde promanare
 incommoda, videlicet capitis grauitatem, ci-
 borum fastidium, concoctionis vitium, fe-
 brem, corporis totius torporem, mœstitiam
 atque melancholiam. Quinetiam asserit, semen
 cohibitum tantò maiorem vim habere, ad no-
 xam toti corpori inferendam, quantò eius cor-
 ruptio deterior est, quàm ipsius sanguinis. Si-
 quidem, inquit, ex femine corrupto quædam
 aura virulenta sursum effertur, quæ si cor feriat,
 animi deliquium, & syncopen excitat; si ven-
 triculum, cardiogmum; si respirationis & vocis
 organa, dyspneam & aphoniam; si denique ce-
 rebrum pertingat, convulsionem epilepticam,
 delirium, & furorem inuehit. Sunt ergò duæ il-
 læ præcipuæ hystericorum symptomatum cau-
 sæ. Quibus tertiam adiungit Gal: nempe totius
 corporis cacochymiam, ex prauâ diætâ, aut ma-
 lâ viscerum diathesi, vel ipsius vteri quandam
 impuri-

Tertia cau-
 sa melan-
 cholia in
 feminis.

impuritatem. Quo fit, vt hoc genus mali, sæ- ^{caecocho-}
pius incurrant mulieres, quæ vitiosis abundant ^{mia corpo-}
humoribus, ex Gal: loc. cit. quæ sunt plethori- ^{rit.}
cæ, & in ocio educatæ, & quæ, cum antea nihil
ad explendam libidinem omisissent, repente
continere cœperunt. Sæpè etiam hoc malum,
iuuenes viduas exercet, propter curas, assiduos
mœrores, & consuetæ vitæ mutationem. Vir-
gines item succulentas, & moniales ociosas,
maximè si menstruis non probè repurgentur.
Sed omnium sæpissimè puerperis accidit, cum
vel lochia supprimuntur, vel grauibus animi
pathematis commouentur, propter relictam
ex partu cerebri imbecillitatem.

CAPVT VII.

*De Procatacticis siue Impulsiuis & externis huius
affectus causis.*

PROCATARCTICÆ siue Impulsiuæ & ex-
ternæ denique causæ, à quatuor rebus
desumuntur; quæ geruntur; quæ retinentur;
excernuntur; & quæ forinsecus accidunt.

Ex illis quæ assumuntur, sunt aëris, regionis, ^{Causa ex-}
& anni calida & sicca constitutio: victus ratio, ^{terna ex}
^{illis quo}

assimul.
III.

& vsus frequens crassorum, terrenorum, & flutulentorum alimentorum, vt sunt carnes bubulæ, taurinæ, leporinæ veteres, hircinæ, caprinæ, ceruinæ, anserinæ, anatinæ, aprugnæ, suillæ, vel sale maceratæ, vel fumo induratæ; quo spectant & pernæ seu succidia, lardum rancidum, sarcimina omnis generis; item caro cochlearum, testudinum, pisces limosi, lacustres ac maritimi, sale & muriâ conditi, vel fumo, aut calore solis, aut frigore ficcati, induratiq; quales sunt aselli, passeris, haleces, & huius census alij; aues in aquis stagnantibus, & locis paludosis degentes; caseus vetus, panis furfuraceus & submucidus, brassica, legumina, vt fabæ, & similia. Ex potulentis, cereuisia cruda, parum cocta, & crassa, ex frumento siderato, vel Zizaniarum semine, quod pluribus in locis inter frumenta & hordeaceas fruges adulescens reperitur, referto, & aquâ feculentâ seu lutulentâ, parata, pauco lupulo condita; item vina crassa, rubra, nigra, pendula, acida; aceti acrioris vsus immodicus, vtpote quod melancholiam exaltet & multiplicet, teste Hipp: de rat. vict. in acut. pag. 379. Nonnunquam & liberalior vini fortioris, crudam materiam ad venas deuehenti-

potus,

potus, præsertim cum bilis flaua, vel ater adustusque humor, ventriculo substrata sunt, vt in hoc affectu vt plurimum fieri assuevit. Quæ omnia humorem crudum, crassum, melancholicum, falsum, acidum quoque generare solent, quia cibi prauis succi, & difficilis concoctionis sunt; nam cum animalia ex plantis alantur, plantæ è terrâ suum alimentum attrahant, hæc autem in se materiæ falsuginosæ non parum, mineralisque partes, aut spiritus in se contineat: facile hinc apparet, alimenta quibus vescimur, multa in se continere, quæ nullo modo in alimentum corporis abire possunt, quæque maturè, si fieri posset, in prima coctione secerni deberent. Quod nisi fit, in primis vijs relinquuntur, vbi non solum secundum primas, sed etiam secundas qualitates, homini nocent, quatenus scilicet amara, falsa, acida, aut acerba sunt, aut similes qualitates habent. Hinc frequens est hypochondriacis, vt amara, falsa, acida vomant, quibus etiam dentes obstupecant. Ob solos itaque diætæ errores, nullo ante, in ventriculo vel liene, vitio existente, hoc malum generari potest. Existimantque præstantissimi Medici, hanc ipsam in diætâ peccandi hodie licen-

cen-

centiam, causam esse, cur pauci ab hoc malo immunes sint. Non solum autem cibi pravi, chyli vitiosi causa sunt, sed etiam ex bono cibo & potu, ventriculus, si vel naturâ debiliior sit, ut diætæ errores tolerare non possit, vel diætæ erroribus, vel etiam à liene prauum alimentum submittente, debilitatus sit, prauum chylum generat; cum membrum, quod prauè nutritur, officium suum rectè exequi non possit.

*Causa ex-
terna ex
illis qua
geruntur.*

Ad ea quæ geruntur, pertinent vita sedentaria, seu retentio fuliginosorum excrementorū, cogitatio vehemens rerum grauium, lucubratio intempestiua, nocturnæ vigiliæ, vita umbratilis: quum ociosi, imò negotiosi, qui studijs nimium inuigilant, & libris agglutinati, cerebrum mouent, & vaporibus replent, cum eorum spiritus incalescant, ut plurimum segnem habeant calorem nutrientem, seu concoquentem. Hinc videmus, doctos & meditantibus, hypochondriacos esse, & simul catarrhosos, quorum cura, ut Fernelius docet, exiccantibus non est aggredienda. Quò faciunt & ipsæ glandulæ crebræ, quæ mesenterio & pancreate, hâc etiam de causâ factæ sunt, ne à ventriculo & intestinis repletis, vel corporis inflexione, & abdominis compressio-

pressionē ea vasa comprimantur, & distributio humorum impediatur: certē in vitā sedentariā continuā, vix fieri potest, quin vasa ista non aliquomodo comprimantur, vt etiam glandulę istam compressionem satis prohibere non possint: præsertim si glandulę præter modum intumescant, ipsa vasa comprimunt. Et inprimis hoc præstare potest, glandula illa insignior, in centro mesenterij, quæ primę vasorum distributioni addita est, & quā tumore laborante, totius corporis marcorem, ob impeditam chyli distributionem secutum fuisse, obseruatum est. Neque etiam necessarium est, vt in mortuis lien semper vel durus, vel scirrhusus, vel tumidus, vel alio modo ad sensum malè affectus, reperiatur; sufficit, si vel eius temperies (vbi occultæ proprietates non sunt excludendę) vel substantiæ modus sit læsus, ob quę vitia, non recta fiat in eo sanguificatio; quę tamen sensibus deprehendi non possunt.

In hunc numerum veniunt etiam viri religiosi & pij, assiduo obedientię iugo pressi, diurnis excubijs, nocturnis vigilijs, abstinentiā cibi & potus, naturę conuenientioris, continentiaque exhausti, indefesso psallendi labore & stu-

*Viri Reli-
giosi.*

dio defatigari, vnde non minus martyres dici
 credique possunt & debent, quam qui ictu fer-
 ri momento temporis, laboribus, vitæ breuissi-
 mum finem imponunt: cùm religiosi ascetæ,
 quotidianâ & diuturnâ morte, sensim oppressis
 sensibus conficiantur, Deoque de longissimæ
 patientiæ & myrrhæ lachrymis adoleant: inte-
 rim tamen corpora debilitant, coctionem vi-
 scerum turbant, & intemperiem morificam
 imbibunt, medicationibusque perpetuis se ex-
 ponunt: nam dum illos, christianæ pietatis ar-
 dor semel arripuit, adeò sua profundunt, iniu-
 rias negligunt, falli sese patiuntur, inter amicos
 & inimicos nullum discrimen, voluptatem hor-
 rent, inediâ, vigiliâ, lachrymis, laboribus, con-
 tumelijs saginantur, vitam fastidiunt, mortem
 vnicè optant; breuiter, ad omnem sensum
 communem prorsus obstupuisse videntur, per-
 inde quasi alibi viuat animus, non in suo corpo-
 re. Quamdiù itaque animus, corporis organis
 probe vtitur, tamdiù sanus appellatur. Verùm
 vbi ruptis jam vinculis conatur in libertatem
 asserere sese, & quasi fugam ex eo carcere me-
 ditatur, tùm insaniam vocant. Id si fortè con-
 tingit morbo, vitióq; organorum prorsus om-
 nium

nium consensu talis est. Quòd si eueniat studio Pietatis, non est insanix genus, sed tamen adeò confine, vt magna pars hominum, meram insaniam esse iudicet, præsertim cum pauculi homunciones ab vniuerso mortalium cœtu, totâ vitâ dissentiant. Sapiens commiseratur, ac deplorat illorum insaniam: illi vicissim, illum veluti delirantem rident atque eiiciunt. Itidem vulgus hominum, ea quæ maximè corporea sunt maximè miratur, eaque propè sola putat esse. Contrâ pij, quò quid proprius accedit ad corpus, hoc magis negligunt, totique ad inuisibilium rerum contemplationem rapiuntur; nam illi primas partes tribuunt diuitijs, proximas, corporis commodis, postremas, animo relinquunt: quem tamen plerique nec esse credunt, quia non cernitur oculis. E diuerso, hi, primum in ipsum Deum, rerum omnium simplicissimum, toti nituntur: secundùm hunc, & tamen in hoc, quod ad illum quàm proximè accedit, nempe animum: corporis curam negligunt, pecunias ceu putamina, prorsus aspernantur ac fugitant, nihilque habentibus nihil deest: aut si quid huiusmodi rerum tractare coguntur, grauatim ac fastidiosè id faciunt, habent

tanquàm non habentes , possident, tanquàm non possidentes.

*Sensuum
concursum
in externa
causa.*

Ex sensibus quidam sunt crassiores , vt tactus, auditus, visus, olfactus, gustus; quidam magis à corpore semoti, veluti memoria, intellectus, voluntas: igitur vbi se intenderit animus, ibi valet. Pij, quoniam omnis animi vis ad ea contendit, quæ sunt à crassioribus alienissima, in his velut obbrutescunt, atq; obstupescunt. Contrà, vulgus in his plurimum valet , in illis quàm minimè. Rursum, in affectibus animi, quidam plus habent cum pingui corpore commercij, veluti libido, cibi, somnique appetentia, iracundia, superbia, inuidia. Cùm his, irreconciliabile bellum pijs : contrà , vulgus sine his vitam esse non putat. Deinde sunt quidam affectus medij, & quasi naturales , vt amor patriæ, charitas in liberos, in parentes, in amicos; his vulgus non nihil tribuit; at illi, hos quoque student ex animo reuellere , nisi quatenus ad summam illam animi partem assurgunt. Proinde cum summa sit, inter hos & illos, omnibus de rebus dissensio, fit, vt vtrique alteris insanire videantur, neque rarò fit, vt maior insanus, vehementius rideat minorem. Hinc quoque fit,
quod

quod in amore DEI & rerum spiritualium, pii sæpè extra se rapiantur: nam qui vehementer amat, jam non in se viuit, sed in eo quod amat, quoque longiùs à seipso digreditur, & in illud demigrat, hoc magis gaudet. Atque cum animus à corpore peregrinari meditatur, neque probè suis utitur organis, istud haud dubiè furorē rectè dixeris. Alioqui quid sibi vult, quod vulgò etiam dicunt, non est apud se, & ad te redi, & sibi redditus est? porrò quo amor est absolutior, hoc furor est maior, ac felicior.

Verum enim verò, parum hoc est Pijs, infantiæ siue mentis siue corporis insimulari: stultitiam enim simulare loco, sapientia summa est, & dulce est desipere in loco. Porrò, quam absoluta laus illa Ciceronis? stultorum plena sunt omnia. Quis enim ignorat, vnumquodque bonum, quò latius patet, hoc esse præstantius. Scripsit Ecclesiastes, cap. 1. stultorum infinitus est numerus. Hieremias cap. 10. stultus factus est omnis homo à sapientiâ suâ. Soli DEO tribuit sapientiam, vniuersis hominibus stultitiam relinquens. Ecclesiastes. Vanitas vanitatum, & omnia vanitas. Item, stultus mutatur vt Luna, sapiens permanet vt sol. Salomon, cap. 7. Cor

Pij non errant, etiã si infania insimulantur.

sapientum, vbi tristitia est, & cor stultorum, vbi lætitia. Sanctus Paulus. Nos inquit, stulti propter Christum, velut insipientem accipite me, & non loquor secundum DEVM, sed quasi in insipientia. Qui videtur esse sapiens inter vos, stultus fiat, vt sit sapiens. Et apud S. Lucam, Discipulos, quibus se junxerat in via Christus, stultos appellat. Quemadmodum summi Principes, nimium cordatos suspectos habent, & inuisos, vt Iulius Brutum & Cassium, cum ebrîum Antonium nihil metueret, vtq̃ue Nero Senecam, Dionysius Platonem; contra crassioribus ac simplicioribus ingenijs delectantur; itidem Christus sapientes istos, suæque nitentes prudentiæ semper detestatur, ac damnat: testatur id S. Paulus. Quæ stulta sunt mundi, elegit Deus: cùmq; ait, Deo visum esse, vt per stultitiam seruaret mundum, quando quidem per sapientiam restitui non poterat. Quin ipse idem satis indicat, clamans per os prophetæ. Perdam sapientiam sapientum, & prudentiam prudentum reprobabo. Rursum cum agit gratias, quod salutis mysterium celasset sapientes, paruulis autem, hoc est, stultis aperuisset. Quid enim aliud est, væ vobis scribæ & Pharisei, quam væ vobis sapientes.

CAPVT VIII.

*Continuatio Causarum Externarum Melancholiae
Hypochondriacæ.*

De ea quæ geruntur, etiam pertinent ne-
gotia aulica & ardua, ambitione, æmula-
tione & odio nonnunquam implicata, neque
etiam irâ, suspicione, & indignatione prorsus
carentia; curæ, metus, mæror seu tristitia, vel ex
charorum pignorum obitu, vel fortunæ jactura
ac detrimento, seu rerum penuriâ, aut denique,
ab alicuius rei potiundæ frustratâ spe ac desiderio
contracta; ex somno etiam nimio, & subito terrore, &c. Quæ omnia calorem natium
debilitant ac dissipant, humidumque radicale
absument, cruditates & humores vitiosos in
corpore cumulant, intemperies quoque partium
& viscerum inducunt. Taliter enim constituti
sunt jam huius seculi mores, vt nisi cum omnibus,
omnium horarum hominem agere possis, nullibi
estimeris. Proceres quoque, quis iratos habuerit,
huic ne Pallas quidem satis auxilij tulerit: contra,
quisquis propitios, is vel summo Ioui, cum suo
fulmine mandare laqueum

*Externa
causa
melancholiae
hypochondriacæ
ex
iis quæ
geruntur
continuatio.*

um possit. Temperare itaque se tempori oportet, & omnium moribus, si modo honestatis limites non excefferint: siquidem peruersè facit, qui sese non accomodat rebus presentibus, foroque nolit uti, postuletque, ut fabula jam non sit fabula. Contrà, verè prudentis est, cum sis mortalis, nihil vltra fortem sapere velle, cumq; vniuersâ hominum multitudine vel conuiuere libenter, vel comiter errare. Quis enim non istiusmodi hominem, ceu portentum ac spectrum fugitet horreatque, qui ad omnes naturæ sensus obsurduerit, qui nullis sit affectibus deditus, nec amore, nec misericordiâ magis commoueatur, quàm si dura silex, aut stet marpesia cautes, quem nihil fugiat, qui nihil erret, sed ceu lynx quispiam nihil non perspiciat, nihil non ad amissum perpendat, nihil ignoscat, qui solus seipso sit contentus, solus diues, solus sanus, solus rex, solus liber, breuiter, omnia solus, sed suo solius iudicio, qui nullum moretur amicum, ipse amicus nemini, qui quidquid in omni vita geritur, velut insanum damnet, rideatque? vno verbo, misanthropon talem, quis non odiat? huius farinæ sunt Critici illi morosi, plus satis oculati, ut qui in amicorum vitijs tam cernunt

acutum

acutum, quàm aut aquila, aut serpens epidaurius. At ipsi in proprijs vitijs quàm lippiunt, & quàm non vident manticam in tergo pendentem: nigrum in candida vertere, & eodem ex ore frigidum pariter, & calidum efflare, longèque aliud conditum habere in pectore, aliud sermone fingere possunt. Fastu turgent, multa de se sibi pollicentur, & pauonum instar, cum mira oblectatione ac superbiâ circûspiciunt, sibi nimium blandiuntur & indulgent, præcipites, acuti, & subtiles sibi videntur; cùm tamen parum firmi sint, vt qui facilè ad leuissimum verbum, vel toruum intuitum & inopinatum, stomachantur, & bilem mouent: quibus omnia displicent, & fastidium mouent, ad omnemque actionem & orationem excandescunt. Quando ne quidem omnes luculli coqui, gratû ipsis ferculum condirent: neminem loquentem ferunt, etsi cum ratione reprehendentem, aut cōtradicentem: sese solum celebrant, reliquis omnibus abiectis: ad quamlibet auram, aut nihil rem commouentur, & querelas concitant. Itaque, cùm ea sit hominum natura, vt nullum ingenium reperiatur, non magis obnoxium vitijs: adde tantam animorum ac studiorum dissimili-

tudinem, tot lapsus, tot errata, tot casus vitæ
mortalis; quo pacto vel horam, constabit inter
Argos istos, amicitiae jucunditas: præsertim in
aulis, vbi

Nemo, gradus nisi per plures, ascendit in aula

Ad descendendum plus satis vnus erit.

*Ira & mœ-
ror quid
non in hy-
pochōdria-
cis causa-
re possint.*

Vbi tot persecutiones, veritatis proscriptiones,
detractiones; vbi regum aures, ad accusatorum
calumnias, apertæ plerumque & pronæ sunt, &
plus valet in præsens inuidiosa improborum
obtrectatio, quàm annorum præteritorum
commendatio: quæ optimum & sincerissimum
quemque, de bonæ mentis constantiâ deijcere,
& in extremam impatientiam, mœrorem, &
iram, præcipitare possunt.

Quantum autem noxarum, ira & mœror, si-
ue tristitia, in corpore humano, præcipuè ad
melancholicos affectus & hypochondriacam
disposito, causare possint, ex sequentibus facile
conijcies. Notum est vulgò, maximè incom-
modum esse, si quis iratus, vel perterritus edat
vel bibat: primò enim ab eiusmodi affectibus,
spiritus, vt omnibus actionibus, ita & coctioni
ciborum necessarij, ad alias partes auocantur,
vnde coctio in ventriculo labefactatur, crudus-

que

que & prauus chylus indè generatur. Deinde
 vt in ira, bilis commouetur, alijsq; humoribus
 permiscetur, eosque corrumpit, ita etiam me-
 lancholicum, pituitosum & atrum humorem,
 si ira & mœror coniungantur, commoueri cre-
 dibile est, qui omnes cum chylo non bene co-
 cto commiscentur, eumque amplius corrup-
 punt, vnde sanguis laudabilis gigni nequit, sed
 humor chylo qualitatibus respondens, partim
 biliosus, partim melancholicus, partim ater gi-
 gnitur, & hinc rursus pro alendis visceribus in-
 fimi ventris transmittitur, & in hypochondrijs
 prauis humores cumulantur. Quibus accidit &
 hoc, quod in animi affectibus, in primis in arte-
 rijs, humores mouentur & afficiuntur: cum ve-
 rò lien, arterijs multis abundet, easque quintu-
 plo plures, quàm venas obtineat, in animi tali-
 bus affectibus, & eius actionem turbare necesse
 est. Quæ omnia quoque ex communibus cau-
 santur calamitatibus, Bello nempe, Fame, & Pe-
 ste, vt satis superque abhinc aliquot annis no-
 stro prohi dolor cum damno experti fuimus.

Bellum enim, nostro hoc seculo, res adeò est *Bellum,*
 immanis, vt secundum Erasmi & aliorum quo- *quam sit*
 rundam opinionem, nisi defensiue & cū mode- *res imma-*
nis.

ramine inculpate quasi tutelæ fiat, diabolos, nō homines deceat, adeò immisericors, vt poëtæ quoque fingant à furijs immitti, adeò pestilens, vt vniuersam morum luem simul inuehat, adeò mala, vt à pessimis interdum optimè soleat administrari, adeò impia, vt nihil cohæreat cum Christo; leges, religio, pax, & res humanæ omnes fursùm ac deorsùm miscentur. Bene de Bello scripsit Anglicanus Poëta.

Bella Farnem, Pestémque Fames mortalibus affert,

Est igitur Bellum, peius vtroque malum.

Militibus solis, Bellum res bella videtur,

Militibus solis omnia Bella bona.

Non desunt tamē adulescentes eruditi, qui istam manifestariam insaniam omnium laudatorum facinorum segetem ac fontem (vnde pars vtraque semper plus aufert incommodi, quàm boni) zelum, pietatem, fortitudinem appellent, excogitatâ viâ, quâ fieri possit, vt quis letale ferrû stringat, adigatque in fratris sui viscera, manente nihilominus charitate illâ summâ, quam ex Christi præcepto, debet proximo Christianus. Ex causata inde inopia & annonæ caritate, quas non in edias tolerare, & quibus non edulijs planè humanæ naturæ contrarijs, mortales genium defrau-

defraudare coguntur: vitiosissima quæque, cum sanitatis jactura, pro cibo admittere non verentur. Vnde quid mirum? si corporum temperies immutata, ilia des morborum, præcipue melancholicorum, & pestes introducantur: exinde quoque contristati, ob necessariorum destitutionem, mœrore curisque confecti, quid mirum? si corpora exiccentur & contabescant, terrore timorêque simul expauescant.

Sub excretis & retentis, recensentur, omnes *Causa externa ab excretis & retentis.* excretiones nimie, vt hæmorrhagiæ, & profluvia immoderata, nimiaeq; euacuationes; tum etiam consuetarum emanationum, puta hæmorrhoidum, & aliarum naturalium purgationum, vt in foeminis mensium (de quibus cap. vi. dictum) cohibitiones & suppressiones, quæ in causa sunt, vt talia excrementa in primis vijs cumulentur. Nam cum per hæmorrhoides, naturæ instituto, humores melancholici, adusti, & falsi, purgari soleant, si euacuationes istæ in ijs, quibus consuetæ sunt, subsistant, aut si in foeminis, sanguis, qui ad vterum descendere debebat, & vitiosi humores, qui cum eo solent excerni, subsistant, in hypochondria decumbunt, & malo huic materiam suppeditant. Et sæpè in foemi-

nis affectiones hypochondriacæ & vterinæ ita similes sunt, vt vix discerni possint, imò interdum coniungantur. Alius quoque suppressa, ad malum hoc generandum facit: etenim si excrementa diutius in intestinis detinentur, venæ mesariacæ ex ijs, pro bono & recenti chylo, crassam & feculentam materiam attrahunt, è quâ multi feculenti humores generantur, atque obstructiones in venis mesaraicis & liene excitant; vnde ijs qui ad hanc affectionem hypochondriacam sunt dispositi, summè vtile est, aluum semper habere laxam.

Causa externa ab illis quæ forinsecus accidunt.

In illorum denique, quæ forinsecus accidunt censum, venit aër corpus ambiens, frigidus nimirum & siccus, paludosus, humores incrassans & densans, nonnunquam & calidus seu squalidus, sanguinis partes subtiliores resoluens, reliquâmq; massam crassiorem relinquens. Magis quoque autumno hic affectus exasperatur: tum enim abundat succus melancholicus per æstatem collectus, cuius calor jam efferbuit. Verno etiam tempore fit, quod nouo tepore solis sopitus humor concitetur. Aretæus scribit, cap. 5. lib. 1. chron: autumno morbum hunc procreari, vere judicari, propter calidam humidam

damaëris constitutionem, vitio humoris temperando idoneam. Quaratione apud Hipp: lib. i. de nat. hum. sub finem: morbi autumnales vere soluantur.

Astrologi, causam ponunt in coniunctione & oppositione, aut malo aspectu infelicium siderum, vt Saturni & Martis. Vnde patet, Planetas hos infelices, in domibus cœlestibus existentes, & cursum suum tenentes, pro vt partes humanas respiciunt, easdem varijs morbis tentare. In Februario quoque, astrorum positum concurrere putant: sicut pro certo habent, pro vario siderum positu, nunc hos, nunc illos humores moueri, & varios morbos inde excitari: præficiunt autem spleni Saturnum, & felli Martem; signa quoque Zodiaci, varijs partibus humanis. Verùm doctissimus Primerosius de vulgi erroribus lib. iv. cap. ix. docet, Astrologos vano commento singulas corporis partes astris attribuire, cùm Planetis, tùm signis Zodiaci. Quoniam Planetarum, signorumque Zodiaci, non est vnus idemque motus, quorundam Planetarum celer, aliorum tardissimus: signorum autem idem, sempérque equabilis; raro continget, vt Planetæ cum signo eidem parti dicato simul

Astrologorum causa melancholia hypochondriaca.

concurrant. Vti ex Saturno cernere licet, qui rarissimè cum signo spleni dicato copulatur. Astra igitur vel influunt in substantiam partis, vel in conformationem: non in substantiam, quia nulla pars organica est in corpore, quæ varijs partibus naturæ diuersæ non constet, vt pedes & manus, constant ossibus, nervis, arterijs, musculis, quæ non possunt æquè primò subijci huic vel illi sideri. Deinde cum similes secundum substantiam partes sint, etiam in alijs organis, vt ossa sunt in pedibus, manibus, thorace, capite, cur vnum idemque sydyus, omnibus hiscenon dominabitur. Restat igitur, vt influant astra, in conformationē solam, quæ singulis partibus est accidentaria: nam partes singulæ, seorsim possunt esse absque eiusmodi conformatione, vt ossa non minùs possunt esse incurua, quàm recta, & tamen bene nutriri. Conformatio partis cuiuslibet, pendet ex numero, magnitudine, situ & figurâ. Non potest influxus fieri in numerum partium, quia numerus ratione sui non est ens reale, tum quia vnâ particulâ ablata, vel additâ, non mutatur tamen influxus in partem, vt si à manu digitus vnus desit, non desinit tamen influxus. Pariter nec in magnitudinem,

nem, quia alius foret influxus in infantem quàm in adultum. Non in situm, quia sic mutato situ mutaretur quoque influxus, vt in manum extentam, capiti, aut pedibus impositam. Demum nec in ipsam figuram, quia pariter mutatâ figurâ non mutatur vis & efficacia signorum in partem. Patet hinc, vires eiusmodi in vnam potius partem, quàm in aliam, falsas esse & comen- titias. Forsitan si quicquam simile datur, vir- tus eiusmodi extendet sese solùm ad illas par- tes, quæ proprium habent parenchyma, ab alijs diuersum, vt cor, cerebrum, jecur, splen, &c. Non autem ad manus & pedes, similésque alias partes, quarum similes partes sunt eadem se- cundùm substantiam, & tantùm conforma- tione distinguuntur.

Inter ætates pauci melancholiâ corripuntur *Quales æ-*
 hypochondriacâ ante vigorē, plurimi in ipso, & *tates cor-*
 post ipsum, ex Aëtio. Quod Aretæus etiam locis *ripiantur*
 adductis, his verbis confirmat. Aetas quę prope *melancho-*
 statum est, & ipse status, huic morbo subijciun- *liâ hypo-*
 tur, propter complexionē frigidam siccam, suc- *chondria-*
 cimelancholici feracem; errores quoq; in victu *câ.*
 commissi in adolescentia, sese produnt; sed &
 curis, meditatiōibus, atq; animi intentione, ho-

mines tūm magis occupari incipiunt. Quamquam hoc seculo, multi adolescentes huiusmodi morbo vexantur, tūm propter tumultuosam tempestatem, cūm propter inclinationem à parentibus transmissam. Notandum enim est illud Plinij, cap. 16. lib. 7. nat. hist. genus mortaliū indies decreſcere propter ſiccitatem, conſumente vbertatem, bonāque temperiem, ſeminum exuſtione: in cuius vices nunc vergat æuum ex Horatio, lib. 3. carm. ode 6.

Damnosa quid non imminuit dies?

Aetas parentum peior auis, tulit

Nos nequiores, mox daturos

Progeniem vitioſiorem.

De Annis Climactericis, ſcalaribus Criticis. Maiorem quoque partem hominum, nunc aut 7. 8. vel 9, climacterico anno, qui cadunt in 49. 56. & 63. annum, perire & mori, quotidiana teſtatur experientia. Anni climacterici, vocantur etiam ſcalares, quod quaſi per ſcalas ad perfectiorem ætatem perueniatur: climacterici autem vel mutatorij, quod in illis ætas hominis, conſtitutio, natura, & complexio mutetur, aut ad melius, aut ad peius, aut ad ſanitatem, aut ad morbum. Talis autem mutatio fit ſeptimo anno, vti in acutis morbis ſeptimo die. Septimus

dies in acutis morbis, à Medicis vocatur dies criticus, dies pugnae, aut iudicatorius, quia in illo natura & morbus inuicem pugnant, Medicus autem inde cognoscere possit exitum morbi, an natura vincat, aut vincatur. Climacterici vel sculares anni, diuiduntur in minores & maiores, inter minores numerantur 7. 14. 21. 28. 35. 42. 49. & 63. inter maiores sunt, 70. 77. 84. 91. 98. 105. 112. 119. Ex minoribus, secundum antiquos, periculosissimus est sexagesimus tertius, vnde scribebat ad filium suum Cæsar Augustus, gaude mecum, quia 63. annum, qui senibus fatalis est, supergressus sum.

Quò ad sexum, viri magis huic sunt opportuni quàm mulieres, quia vt illi pluribus negotijs implicantur, sic istæ mensibus repurgantur. Si spectemus habitum, molles, candidi, rarò fiunt hypochondriaci, propter pituitæ dominatum ex Gal. lib. 3. de loc. aff. Contrà macilentum, nigri, hirsuti, magis sunt opportuni melancholiæ, propter temperamenti similitudinem. In eandem promptè incidunt, qui sunt rufo & flauo colore, propter bilis flauæ in atram facilem conuersionem: maximè verò, si curâ, mœrore, zelotypiâ, vigilijs, victu tenui, & multis la-

Qualis sexus habilior sit ad affectum hypochondriacum.

boribus conficiantur. In censum etiam causarum externarum, veniunt omnia, quæ vel præcordiorum estum adaugent, & sanguinem reddunt acriorem, vt labor vehemens, ira, inedia, siue nimia abstinencia, cibi acres, vina generosa, vsus aromatum: vel crassos humores accumulanti, flatu gignunt, vt cruda omnia, nimia satietas, & crapula: vel obstructions pariunt, vt motus à cibo, præsertim violentus: vel alunt succum melancholicum, vt mœstitia, autumnus: vel eundem commouent, vt tempus verum, vti modo dictum est.

*Causa externa à
varijs mortalium
tumultibus
multis moribus.*

Non minus denique alterant corpus, & hypochondriacum affectum causant, mores, & varij mortalium tumultus, quorum specimina aliquot hic recensere non abs re fore puto: in communem enim hominum vitam licet salubus ludere impunè, modò ne licentia exeat in rabiem, cum taxando, neminem omninò perstringere nominatim, is non mordeat, sed doceat ac moneat. Nec sum nescius, quam malè audiat stultitia etiam apud stultissimos, sapiens enim est, qui ducitur ratione, stultus, qui affectuum arbitrio mouetur. Dum hic deperit in mulierculam, & quò minus adamatur, hoc a-

mat impotentiùs. Ille dotem ducit, non vxorem. Ille sponsam suam prostituit. Alius zelotypus velut Argus obseruat. Hic in luctu, pàpæ! quàm stulta dicit, facitque? conductis etiam velut histrionibus, qui luctus fabulam peragant. Ille flet ad nouercæ tumulum Hic quicquid vndecunque potest corradere, id totum ventriculo donat, paulò post fortiter esuriturus. Hic somno & ocio nihil putat esse feliciùs. Sunt qui alienis obeundis negotijs sedulò tumultuantur, sua negligunt. Est qui versuris atque ære alieno diuitem se esse putat, mox decocturus. Alius nihil arbitratur feliciùs, quàm si ipse pauper hæredem locupletet. Hic ob exiguum, idque incertum lucellum, per omnia maria volitat, vndis ac ventis vitam commit- tens, nullâ pecuniâ reparabilem. Ille mauult bello diuitias quærere, quàm tutum ocium exigere domi. Sunt qui captandis orbis senibus, putant quàm commodissimè ad opes perueniri. Neque desunt, qui idem malint de amandis beatis aniculis aucupare: quorum vtrique, tum demum egregiam de se voluptatem dijs spectatoribus præbent, cum ab ipsis quos captant, arte deluduntur. Est omnium stultissimum ac

sordidissimum negociatorum genus, quippe
 qui rem omnium sordidissimam tractent, idque
 sordidissimis rationibus, qui cum passim men-
 tiantur, peierent, furentur, fraudent, imponant,
 tamen omnium primos sese faciunt, propterea
 quod digitos habeant auro reuinctos. Nonnul-
 li foris diuites haberi gaudent, domi gnauiter
 esuriunt. Hic festinat quicquid habet profun-
 dere, ille per fas nefasque congerit. Hic candi-
 tatus ambit populares honores, ille ad focum
 semet oblectat. Bona pars lites nunquam finiē-
 das agitat, & hinc atque hinc certatim con-
 tendit, ut prorogatorem iudicem, & colluso-
 rem dicit aduocatum. Hic rebus nouandis
 studet, ille magnum quiddam molitur. Est qui
 Hierosolymam, Romam, aut diuum Iacobum
 adeat, ubi nihil est illi negocij, domi relictis cum
 vxore liberis. Quibus & similibus, quamdiu in-
 uolutus quis fuerit, tamdiu melancholiæ
 hypochondriacæ causam fo-
 uebit.

CAPVT IX.

De signis tam Diagnosticiis quàm Pathognomonicis Affectionis hypochondriacæ; insuper de symptomatibus eiusdem & symptomatum causis.

SIGNA myrarchialis huius affectus diagnostica siue cõmunia, desumuntur ex multis, fixis, & absurdis cogitationibus, ex rerum malarum commentatione & suspicione, vercundiâ, rusticôque pudore, solitudine, mœstitiâ, timiditate, & ignaviâ, animi deiectione aut desperatione, mentis atque sensuum inquietudine, caligine & alienatione, somno interrupto, somnijs turbulentis, peruersâ rerum existimatione, ac sæpè præpostero iudicio, capitis vertigine, oculorum caliginibus, luctuosis suspirijs, cordis tremore ac palpitatione seu anxietate, syncope, dolore capitis, delirio absque febre, idque non continuò, sed notatu digna intervalla habente. Sunt enim melancholiâ hypochondriacâ laborantes, nonnunquam satis hilares, mox tamen sine causâ, in mœstitiam recidunt: nam vt Gal: 3. de loc. aff: cap. 7. docet. Elato ex inferioribus partibus ad oculos fuliginoso

Signa melancholiae hypochondriacæ diagnostica seu cõmunia

ginoso quodam , & fumoso halitu, aut crassis vaporibus, similia, vt in suffusione , accidentia contingunt: eâdem ratione sublatâ ad cerebrũ ab atrâ bile euaporatione fuliginosâ fumosâque, melancholica in mente eueniunt accidentia. Et quia etiam permiscetur spiritibus animalibus, qui non solum imaginationi , sed & alijs sensibus inferunt, accidit, vt etiam circâ alios sensus varia symptomata oboriantur ; in auribus tinnitus, strepitus, sonique varij, nunc campanarũ sonitum, nunc aquarum strepitum referentes; oculi obscure vident, vel etiam omnia circumagi videntur. In neruos etiam sese insinuans vapor, varios dolores, & alia neruosi generis symptomata accersit , præcipuè cum per spinam dorsi deorsum tendit, interdum in vtroque brachio frigus quoddam , aut stuporem potius, & motum formicantem inducit. Quæ cum fiunt , anxietatis & terroris omnia plena sunt, ægrique metuunt , ne labantur & concidant. Idem vapor, dum seu per venas, seu per arterias fursũ tendit, & cor transit, illud in eas angustias redigit , vt motu violento palpitare, & arteriarum celerem & velocem motum ad expellendum, & discutiendum vaporem sibi mole-

molestum, instituere cogatur. Plerumque etiam urgent vigiliæ, quæ à vaporibus illis siccis ortum habent, qui non solum spiritus perturbant, sed & cerebrum exiccant, ac somni proximam causam absumunt; aut si dormiunt, somnus, eadem de causâ est perturbatus, cum somnijs metus & terroris plenis. Quibus à nonnullis adnumerantur signa habitus calidi & ficci, ceu sunt, amplæ tumidæq; venæ, color corporis fuscus, & illud abundè hirsutum, capillus densus ac numerosus, labia prætumida, oculi nonnunquam prominentes, aliquandò iterum reconditi, nunc volubiles, nunc quieti, atque inconniuenter immobiles, lingua modò prompta & expedita, modò hæsitantior, atque in proferendis vocibus tarda, blæsa, titubans, balba, impedita, &c.

Signa pathognomonica siue propria sunt, tēssiones in hypochondrijs, maxime sinistro latere, cum grauitate, & valida seu molesta arteriarum pulsatione: ventriculus malè affectus & debilis: coctio vitiosa: æstus seu feruor ingens in præcordijs, sed sine siti, cum sputo copioso: ructus acidus, flatus, borborigmi, murmuratus strepentes, crepitus, rugitus, fluctuatio, dolor

Signa pathognomonica siue propria affectionis hypochondriacæ.

mordax ventriculi ad dorsum & scapulas sese extendens, potissimum sumpto cibo concoctu difficili: compressio interdum diaphragmatis: ariditas faucium: in plurimis corporis partibus saltus quidam diuersi: aurium tinnitus, aluus adstricta, excrementa ventris arida, scybala, seu squibala Galeno dicta, baccis seu pilulis caprinis perquam similima, à calore nimio humidum depascente: vomitus acidorum, nidorosorumque: nausea, appetentia corrupta, vel insatiabilis: tumor item lienis vel mesenterij dolens & renitens: iuuamen à moderatè frigidis, à calidis verò & concoctu difficilibus læsio. Non tamen omnia symptomata in omnibus apparent, sed modò hæc, modò illa, pro partium læsarum, vel seorsim, vel simul ratione. Si enim venæ mesaraicæ saltem obstructæ sint, & in ijs humor contineatur, mitior est affectio: grauior, si ipsa viscera simul afficiantur. Et quidem si vtrumque viscus afficiatur, atque vtriusque venæ sint obstructæ, grauiora & plurima apparent symptomata: si verò ynum saltem viscus obstruatur, mitiora & pauciora sunt.

*Sympto-
nomum
causa*

De symptomatum causis, monendum, ea quæ à ventriculo euomuntur, non omnia in

eo generari, sed interdum etiam è liene & locis vicinis transmitti. Ita verò tam acida à quibusdam euomuntur, vt etiam dentes, vt modò dixi, ab ijs stupeſcant, quæ procul dubio in liene vitioſè concoquente generantur; quæ atræ bilis nomine vulgò veniunt, etſi atrum colorem non ſemper habeant. In quibusdam vitioſi humores per vas breue, tam venoſum quàm arterioſum, cum ſanguine interdum atro, interdum verò florido, in ventriculum è liene effunduntur, atque ſanguis iſte per vomitum poſtea reijcitur, cum terrore ægrorum: in quibusdam etiam per aluum euacuatur. Vas autem illud breue ſatis amplum eſt, ac ſæpè calami ſcriptorii craſſitiem habet: imò vt Iohannes Riolanus, Anthropographiæ, lib. 2. cap. 7. teſtatur, in ſenatore quodam, qui reiectione ſanguinis per ſuperiora & inferiora è liene prodeuntis laborauerat, deprehenſum eſt vas breue miniſimi digiti magnitudine latum, & in ventriculum apertum. Et iſta omninò via eſt, per quam hypochondriacis ſanguis interdum per vomitum & aluum reijcitur. Ita refert Adrian. Spigelius Anat. lib. 6. cap. 5. hiſtoriam Cardinalis Cibonis, qui ſanguinis vomitu extinctus erat: in cuius

*Sanguinis
reiectione
per vomitum.*

cadauere, compresso ventriculo viderunt li-
nem turgescere, rursùm liene compresso, ad
ventriculũ copiosum sanguinem per vas breue
effundi. Imò per eandem viam, humorem in-
star atramenti nigricantem, sine noxa & vitæ
periculo euomere, plures in praxi mea vidi.

*Flatus ubi
continean-
tur.*

Flatus continentur in cauitate sinistri hypo-
chondrij sub diaphragmate, ex ventriculi, o-
menti, coli & viscerum connexu ortâ, exitum
non habentibus, & ita conclusis, vt aqua & fla-
tus contineri possint.

*Ventriculi
dolor ad
dorsum &
scapulas
vsque.*

Ventriculi dolores ad
dorsum & scapulas vsque, non cessantes, prius-
quam ægri euomant cibos crudos & phlegma-
ta subamara, calida & acida, adeò vt dentes stu-
pore inficiantur, proueniunt ex mala coctione:
cùm enim ventriculi tunice, prauis humoribus
à liene & epate eò effusis, infectæ sint, non mi-
rum, si is non benè coquat, cibúsque & potus
vel crudus, vel parum mutatus, maximas anxie-
tates & dolores excitet. Cùm enim in chylum
mutatus non sit, ab intestinis nec attrahitur,
nec admittitur, in ventriculo moram trahit, &
in flatus mutatus, grauissimorum symptoma-

*Alui ad-
stric-
tioris
causa.*

tum causa est. Aluus adstricta, ob vasorum &
viscerum siccitatem, ob quam alui obstructio-

nem

nem, & flatus retinentur, qui hypochondria tendunt. Visciditas quoque & glutinositas ciborum malè coctorum, & materiæ excrementitiæ, alui adstrictionem cauant.

Æstus in hypochondrijs excitatur, ex humoribus calidis & feruidis eò loci conclusis : qui exasperatur, ex assumptione cibi & potus calidioris, aut humorum agitatione ex alia causa. Solentq; tunc calidis vaporibus fursùm ascendentibus, malæ, & tota facies rubescere. Et quandò vapor per vniuersum corpus dispergitur, ephemera febris quasi excitatur, quæ vaporibus illis sudore discussis, intra paucas horas evanescit. Satyriasis quoque aliquibus excitatur, cùm procul dubio ob genitalium partium, vasorùmque seminariarum robur atque calorem, renum etiam & lumborum, vicinarùmq; partium èstus, copiosior sanguis, continuò ad hæc partes affluit & allicitur, & hinc semen copiosum generatur, quod abundans atque turgescens, simul & ob maiorem suam caliditatem, mordacitatem, & acrimoniam, quam ex sanguine, ex quo generatur, feruidiore & acriore attrahit, continuò irritans, stimulos suscitare & adaugere solet : cùm insuper flatulentorum

Æstus in hypochondrijs quomodo excitatur.

Satyriasis unde excitatur.

spirituum, ex crassorum & feculentorum humorum abundantia generatorum, vis atque impulsus, partes genitales subinde attollit, distendit, atque inflat: non mirum, tantas & tam molestas inquietudines, pruritus, & seminis profusiones inuoluntarias oriri atque produci, cum stimulis quibusdam corporalibus (inuitis quidem) & singularibus, qui conscientiam non tantum, sed & corpus ipsius patientis plurimum inquietant.

*Observa-
tio histori-
ca mirabi-
lis & rara
de satyria.
f.*

Rarum supra hoc symptomaticum signum percipe casum. Iuuenis quidam, syntaxeos studiosus, Gymnasij Monacensis, rustici filius, modestus quidem & pius, sed scrupulosus & melancholicus, siue mores siue temperamentum eius nativum considerasses, solitudinis amans: nullis ob innocentiam suam grauioribus alijs vitijs addictus: hypochondriacis & melancholicis (quod in hac ætate extraordinarium est) impressionibus agitur, stimulisque carnalibus multum tentatus est. Hic quantumvis iisdem in secreto animi sui proposito, abstinentia, & corporis durioribus castigationibus restitisset, tamen passionibus illas & inquietudines, expugnare ex integro nunquam potuit. Dum
qua-

quadam die, extra urbem, mentem deambulatione distrahere solitarius conatur, ilicò hi stimuli animum afficiunt, & miserum comitantur. Quid fit? tentationum harum satyricarum amplius non patiens, furiosâ resolutione, cultellum scriptorium, quem fortè infortunio suo secum ferebat, vnâ manu, alterâ verò scrotum vnâ cum contentis arripit, vnôque tractu, manliana constantiâ, abscindit, seipsumque castrat. Magna inde ex venarum & arteriarum, testiculis inhærentium, dissectione, subsecuta est sanguinis hæmorrhagia, quæ non modo vires debilitare, sed & cordis deliquia mouere cœpit: continuante itaque sanguineo illo fluxu, spiritus & anima propè omnis exhalasset, ni per instinctum naturalem, & mortis horrorem, siue per diuinum aliquem impulsu, alterum fortissimi athletæ specimen, conseruandæ vitæ dedisset: dum stimulas partes, nociuo cruore benè madidas & inebriatas, manibus prehasas, tanquàm victor ex acie siue conflictu, domum vsque redux, quasi captiuas, optimè constrinxit, & à vehementiori sanguinis & spirituum eruptione, inter incedendum, eo vsque inhibuit, donec se ad cubiculum, domesticis nihil de hac re animaduertentibus aut suspi-

suspiciantibus, recepisset, ibi placidissimè præ-
 recundiâ animam suam Deo litaturus, si ei ita
 placuisset. Verum enim verò, longè aliter suis
 patrocinator Deus; nondum Parcæ vitæ stami-
 na, crepante etiam fatali Lachesi, abrumperè au-
 debant: necessaria enim (provt audietur) ad va-
 forum constrictionem, & fatum producen-
 dum erant. Itaque, superueniunt huic Tragœ-
 diæ contubernalis eius & conuictores, quo-
 rum plures in iisdem ædibus tunc erant, vesti-
 gia cruenta guttulata, pauimento inspersa, ad
 vsque cubiculum suum, in quo inclusus latita-
 bat, obseruant: attoniti hærent; quid sibi hæc
 cruentatio vellet aut significaret, vnus ex altero
 sciscitatur: nihil autem à sese ipsis indagantes,
 tandem absentem istum melancholicum & so-
 litarium desiderant; renunciantibus etiam do-
 mesticis, quod in cubiculo fortè quiesceret. Ni-
 hil inde boni ominantes, ferâ ostij perfractâ,
 vi intrant, ibique condiscipulum, se in sanguine
 suo volutantem, semianimem, calore penè om-
 ni destitutum, spiritum vix amplius trahentem
 & propè mortuum, deprehendunt. Hic con-
 sternati omnes, patrem familias & domesticos
 aduocant, qui nouitate rei pariter perculsi &
 pertur-

perturbati, in quantum possunt, ægrum refi-
 ciunt: interim confessarium pro animæ salute,
 & chirurgum, qui fortè in proximâ viciniâ ha-
 bitabat, pro vulneris obligatione, adesse jubent.
 Neuter primâ temporis instantiâ, castrato pro-
 desse poterat: nondum enim spiritibus resum-
 ptis, vocem edere, & peccata sua spirituali Me-
 dico indicare licuit: nec chirurgus (ad extra-
 hendum, quàm ad sistendum sanguinem do-
 ctior) medicamentis suis astringentibus, san-
 guinem quò minus fluere, arteriosum & te-
 nuem, inhibere potuit. In extremâ itaque hac
 necessitate & desperatione, vbi jam ab omni-
 bus ferè de salute boni istius juvenis conclama-
 tum est, ad me tanquàm ad vltimum asylum
 venit, consilium auxiliùmque meum implo-
 ratur. Quem postquam accessi, considerato
 primùm loco affecto, vasa spermatica, cum
 tunicâ vaginali, in quantum adhuc visui ob-
 via, & propendentia erant, tenui funiculo
 (quem Atropos, vti suprà monui, nondum re-
 scindere iussa erat) modestè constringo, delin-
 quentem, cordialibus tam medicamentis quàm
 alimentis reficio, & quietem impero. Vnde san-
 guinis impetus non modò suppressus, eiusque

fluxus impeditus, sed etiam viribus recuperatis, æger sibi restitutus est. Vulnus postea, nullis amplius superuenientibus alijs symptomatibus, feliciter & perfectè cum DEI gratia consolidatum, simulque eger ab omnibus satyricis & melancholicis impressionibus, carnẽ antea tanquàm carnifices stimulantibus, liberatus est. Remedium quidem durum, tyrannicum, & extremum est: omnibus tamen proponendum & adhibendum, quos neque ratio, neque medicina, ab infreni & furiosâ luxuriâ inhibere potest, præsertim verò ijs, qui aut ex voto, aut ex applicatione spiritualium mediorum, continentes esse non possunt. Facile autem taliter affectos hypochondriacos cognosces, si amorosos illorum delirantes discursus, extra honestatis limites progredientes, mulierum quoque familiaritatem & associationem nimiam, denique satyriam, & nocturnas pollutiones, de quibus multum & frequenter cõqueruntur, consideraues.

*Prinarum
color qualis
in affectu
hypo-
chondriacis
est.*

Cum in myrachiali affectu, urinæ tenues sunt, plerumque obstructionum, & caloris instantis indicia sunt. Sunt aliàs turbidæ, crassæ, rubræ, acres, & interdum foetidæ. Quia verò plerumque cum talibus urinis materia multa

tartarea excernitur cum arenulis rubris, ægris calculi metum adferunt, qui tamen sæpè nullus adest: nam etsi & à renum caliditate, sæpè ista fabulosa materia proueniat: tamen & in epate ac venis, crassiores & tartareæ sanguinis partes, in materiam eiusmodi coagulantur, quæ continuò per vrinam redduntur, sine ullâ calculi molestiâ. *Anxietas* accidit, non solum, dum vapores cor aggrediuntur, sed & dum ventriculus afficitur: *unde,* cibus enim semicrudus cum ibi hæret, & in flatus resoluitur, anxietatem parit: si verò ad vasa vicina peruenit, fit à calore quædam ebullitio, chylique plures partes in flatus vertuntur, qui non solum ventriculum, sed & hypochondria extendunt, & in partibus ijs, quæ sensum à nervis sextæ coniugationis accipiunt, anxietatem ibi producant, quam sæpè lipothymia comitatur: dumque hæc fiunt, ægris intercipitur vox, nihil omninò loqui possunt, jacent quasi in deliquio immobiles: interim tamen *Interceptio vocis* omnes alios circumstantes cognoscunt, loquentes audiunt, & intelligunt. Quæ tunc primum cessat, cum natura quod crassum est, vomitu reiecerit, quod verò tenuius, per sudorem sensibiliter, vel insensibiliter discusserit. Quod

*Cordis pal-
pitatio un-
de fiat.*

sæpè cum horrore quasi febrili accidit. Cordis palpitatio & animi deliquium, fiunt, partim ob ventriculi consensum, partim ob ascensum vaporum prauorum ad cor, quos dum à se moliri conatur, celer, velox, & inordinatus pulsus excitatur. In sinistro autem hypochondrio, pulsatio, fit ab intemperie calida rami coeliaci, idque præcipuè, post vehementiorem motum & iram. Ad quam rem etiam faciunt glandulæ in mesenterio plurimæ: cùm enim illarum vsus sit, ne vasorum ductus comprimantur, si multo crasso humore turgeant, arterias comprimunt, vnde maior pulsatio excitatur.

*Siccitas
palatus lin-
guæ & oris.*

*Sitis & re-
spiratio
difficilis.*

Vapores illi cùm ad oesophagum vel asperam arteriam ascendunt, palatum, linguam & os exiccant, & sitim leuem excitant. Respiratio difficilis, subinde cum dolore & constrictione pectoris per sentitur, cùm ob nervos ibi affectos, tùm quia per venas & arterias, vapores prauis in muscutorum spatia effunduntur, vicinasque membranas afficiunt. Flatus quoque & vapores, in hypochondrijs collecti, & sursum tendentes, diaphragma comprimunt. Hi cum ad cerebrum eleuantur, acredine, tenuitate, & adustione suâ, illud replent & perturbant, va-

riósque affectus ac symptomata eidem, vti & neruoso generi inducunt. Etenim dum panniculos cerebri peruadunt, illos lancinant, doloremque excitant, ita vt nonnulli cerebrum e cranio quasi euelli sibi conquerantur: dum cerebrum peruadunt, spiritus perturbant, oculis caliginem suffundunt, aurium tinnitum excitant: nonnullis vertigo oboritur, alijs tristitia, metus: falsa imaginatio, & deliria melancholica, fiunt vitio spirituum, qui à vaporibus illis inquinantur: nonnulli enim continuo sibi ab apoplexiâ, alij ab epilepsiâ, alij à subitanâ morte metuunt, alij se fascinosos esse credunt, alij alios morbos imaginantur. Hinc nonnulli perpetuâ tristitiâ, alij etiam fletu & ciulatu se macerant; & hoc fit morbi & naturæ impulsu: nam si diu malum duret, in melancholiam abit: sique bilis atra & adusta, humoribus & euaporationibus ad caput euntibus admisceatur, mania succedit: si vapores sunt acres, epilepsiam pariunt, & tales subinde somnambuli & omnino apoplectici fiunt.

Dolor Capitis, oculorum caligo, aurium tinnitus.

Vertigo, tristitia, metus, deliria.

Cum verò neruos, vapores & humores hi occupant, prout vim vel narcoticam, vel neruos vellicandi habent, symptomata paralyfi

Paralyfis, quasi & Convulsio.

& conuulsioni similia in ijs excitant. Hinc circa neruos linguæ, sermonis difficultatem, aut musculorum laryngis constrictionem causant. In neruis thoracis, difficilem respiratiōem, præcordiorumque & thoracis quasi constrictionem pariunt. Si neruos brachiorum & crurum peruadant, membra hæc ad motum pigra reddunt, & lassitudinem in ijs excitant, vti quoque fit in extremis digitis manuum & pedum, vbi stupor quidam & motus formicans, nunc in dextro, nunc in sinistro brachio, nunc in hoc, nunc illo digito percipitur. Ac dum tandem neruos ex osse sacro prodeuntes attingunt, atque in ijs eundem affectum excitant, ægri nec concidunt, metuunt, & locum quieti quærunt. Interim sudore frigido madescunt, tandemque calore cordis sese exferente, & vaporibus discussis, ægri ad se redeunt. Vapores etiam hi, cum sint calidi & sicci ac melancholici, spiritus animales perturbant, cerebrum exiccant, & ita vigilias molestas, aut somnos perturbatos, ac insomnia terroris plena pariunt. Inprimis verò vigilie post mediam noctem, pleròsque molestant. Etsi enim post coenam, ad mediam noctem satis bene dormiunt: tamen postea e-

*Lassitudo
in brachijs
& cruribus,
stupor
quoque &
motus formicans.*

*Aetius ne
concident
ægri,*

*Vigilie ac
insomnia.*

uigilant, manent vigiles per aliquot horas, postea iterum dormire incipiunt: alij verò non amplius dormire possunt: quod inde fit, dum chylus distribuitur, & ad secundam coctiōem, ac lienem, & vicina vasa peruenit: tum enim humores vitiosi in ijs latentes agitantur, & ex agitatatis, vapores eleuantur, qui per venas & arterias ad caput delati, vigilias excitant, quæ in nonnullis ad diem vsque durant, in quibusdam verò, ijs discussis, iterum somnus succedit.

Non tamen ista symptomata omnia in omnibus, sed alia in alijs apparent, nunc pauciora, nunc plura, humorum varietate, & prout hæc vel illæ partes magis læduntur. Non verò est de essentiâ mali hypochondriaci, vt in hypochondrijs tensio, durities, dolor, & tumor percipiatur, cum plerumque fomes mali saltem in ramis venæ portæ & arterijs vicinis hæreat. Si itaque in ipso liene humor contineatur, tensio & durities in regione lienis percipitur, facies est malè colorata. Si in epate contineatur humor, & illud intemperatum sit, è regione epatis tensio percipitur, maxillæ rubent, manus & pedes calent, vrinæ rubent, ac sitis adest. Si in vasis solum, inter ventriculum, lienem, & epat,

*Partium affectarū
præcipuarū, signa*

post

post cibum, & coenam præcipuè, horis circiter 6. vel 7. flatus, rugitus, & dolores percipiuntur, nec tumor vel duriities, in alterutro vel utroque latere percipitur. Si etiam ventriculus valdè laboret, è coctionis vitio id cognoscitur. Vterus si malo originem dederit, mensium suppressio adest, & frequens in ventre inferiori rugitus percipitur, de quo tamen in sequenti capite plura.

CAPVT X.

In quo per Exemplum practicum, proponuntur signa & symptomata, cum eorundem causis, pro maiore & meliore enodatione & intelligentia huius affectus hypochondriaci.

Quibus etiam adduntur signa & symptomata melancholice hypochondriacæ in feminis.

MICROCOSMVS itaque quidam, virilis sexus, temperamenti melancholici, consistentis ætatis, cuius corpus in iuuentute & adolescentiâ vebementibus & diuturnis febribus lacescitum, in virili autem ætate grauioribus mœroribus, ob infortunatissimos casus excruciatum est: nunc verò officio fungens curis pleno, de palpitatione cordis frequentiore, mane præcipuè conqueritur, cum magno animi terrore & corporis anxietate: quam

tanta in pedibus debilitatio subsequitur, ut iisdem vix inniti queat, & sibi delinquendum esse videatur; unde varia causantur apprehensiones & phantasmata, obfuscantur oculi, caligant, sine vera tamen vertigine.

Dispositionem ad hunc morbum, temperamenti, ætatis, morborum & animi affectuum prægressorum, officij quoque ratione, sequitur palmus cordis, qui à repletionem est, & dilatatione eius arteriæ, quæ ad cordis ventriculum tendit finistrum, diastolen nominant. Repletio illa, à feruentiori fit sanguine, quod demonstrat in primis ætas ægri, quæ est primi senij principium, in quo melancholicus sanguis gignitur, qui crassus corpore, motu piger est, & ob biliosum temperamentum, quod color niger notat pilorum, feruidior, vehiculóq; multo, sero utpote opus habens. Quod si ratio examinatur vitæ, studia, inuigilatio, meditatio multa, lectio sedula, officium denique curis & inuidijs plenum: omnia hæc ingeniosum hominem dicunt, cuius spiritus non crassi, non humi serpentes, sed subtiles ac sublimes sunt: celeres enim ingenio, sanguinem spirituosum habere, confessum est apud Medicos: hunc in vitâ sessionibus frequentibus & lucubrationibus assi-

duis dicatâ , insuper morbis & mœroribus su-
 perassari, notissimum, maximè si animi com-
 motiones faces subministrant: feri copia, quâ
 sanguis crassus feruidusque gaudet, testimonio
 erit. Quare hanc cordis palpitationem, à san-
 guine arterioso, feruido, crasso (cui multum fe-
 ri subseruit pro vehiculo) & vaporoso proue-
 nire pronuncio. Et talis sanguis in affectu hoc
 hypochondriaco progignitur, eo maximè, qui
 jam primum gradum supergressus est, in quo
 & viscera à passione haud libera sunt: & sym-
 ptoma hoc, est actio deprauata cordis, ac arte-
 riarum eius, ob molestantem sanguinem ferui-
 diorem cum feri copiâ, raptum in arterias su-
 periores, & cordi appropinquantem; cui bel-
 lum facit, eius tonum aggreditur, illud diastole
 suæ arteriæ renititur vehementer: mane præci-
 puè, quod spiritus & humores nocui per no-
 cturnam quietem sopiti, & aliquo modo in-
 crassati, non tam citò per corpus & meatus dis-
 sipentur & agitentur, feruorque cordis per som-
 ni humectationem aliquo modo temperetur,
 mitigetur, & inhibeatur, qui tamen peractâ
 quiete soporiferâ, postea per euigilationem, ca-
 loris actuationem, & motum corporis, exaspe-
 rantur,

rantur, mouentur, & ad partes principes eleuantur, quę turbatę, ingenito suo robore, tanquàm sibi contraria & nociua, quouis modo expellere conantur. Quod cor per palpitationem tam diu molitur, donec copiam feri ad arterias emulgentes, & hinc ad renes & vesicam detraferit, feruorique refrigerium inuenerit, magnā inter conflictum hunc exortā corporis anxietate & debilitate, non minore animi terrore: quod semper aliquid ex spiritibus vitalibus innatis & irreparabilibus, aut distrahatur, aut deperdatur. Cerebrum quoque & neruosum genus, per sympathiam patitur, quandò acris calida & melancholica ista materia sursum fertur, rationem & phantasiā, à suis operationibus perfectioribus reddit impotentiorē, spiritibus per canaliculos suos à naturā destinatos, hoc est neruos sensorios & motorios, liberiorē negat transitum, vnde leuia deliria & phantasmata, inanes timores & terrores, insuper oculorum obfuscationes & caligationes, & spasmodica quasi affectio, omnium neruorum, tendonum & ligamentorum, totius corporis, excitantur. Hinc non leuis quasi vertigo cerebri, debilitasque omnium membrorum, cor-

pus sustinere ampliùs non potentium, & totius animi siue animæ deliquium causari videtur.

Singulis ferè diebus catarrho infestatur, qui ex minima corporis incalescentia aut refrigeratione, & qualibet aëris mutatione excitatur, non ad pectus, sed ad collum, scapulas, & lumbos profluens: vbi similes longo tempore hærent.

Causa catarrhi frequentioris, aut harum destillationum antecedens & prima, est caput, quod suâ naturâ tanquàm receptaculum & labrum serosæ superfluitatis est, quatenùs quisque secundùm naturam, os & linguam semper sibi madescere percipit, vnde membranæ quoque cerebri, per anatomîâ, semper aqueo quodam humore conspersæ conspiciuntur: & cùm hic viscerum intemperies calida & sicca accedat, præter naturam, fumorum & humorum multitudine communicatâ, talis fluxionum materia cumulatur, vbi maximè viscerum secundæ concoctionis constitutio, nimis citò, alimentorum humiditatem exorbendo, ventriculique chylosim interturbando, malo huic occasionem præbet: quatenùs scilicet propter vehementem attractionem, ob calidam siccam naturam, ante tempus serosa humiditas,

cruda adhuc, à ventriculo trahitur, quæ postea, quatenus vitium concoctionis primæ, in secundâ non corrigitur, in massâ sanguinis venosi & arterialis remanet, & adiuuante ebullitione, in capite, quò aliàs naturâ suâ tendit, tanquàm receptaculo proprio colligitur, vnde fieri non potest, quin in talibus ipsum caput alienâ humiditate plurimum scateat, in primis externis etiam causis concurrentibus, vt sunt euacuationum consuetarum retentiones, motus corporis vehementior, & incalescentia, quæ similes fundit & dissoluit humores: item aëris mutatio, coelum pluuiosum, & ventus austrinus, vnde corpus nimium humectatur, alteratur, & fluxiones cumulantur. Victus quoque ratio vitiosa, dum vel in ordine assumendorum ciborum erratur, vel calidior cibus, aut coctu difficilior comeditur: vita item sedentaria, & molititia. Hinc videmus doctos & meditabundos, hypochondriacos esse, & simul catarrhosos. Monstrantur autem ab Hippocrate septem potissimum viæ, ad quas à capite materia fluit, videlicet aures, oculi, nares, palatum, venæ & arteriæ, vertebræ spinæ dorsi, & nerui. Quod autem ad collum, scapulas, lumbos, & non ad pe-

ctus, materia hæc catarrhosa fluat, robur cerebri & pectoris tanquam partium expellentium, colli, scapularum, & lumborum verò, tanquam partium recipientium debilitationem significat, discutientium quoque, resoluèntium & euacuantium intermissionem, quæ in causa sunt, quod in lumbis tamdiu hæreant defluxiones, tanquam in sede fixæ, quæ aliàs beneficio euacuantium & discutientium mediorum, facile expelli possent.

Dum animi passionibus agitur, versus vespèrum sæpiùs, totius corporis æstus persentiscit cum pulsu concitatori, non tamen inordinato, inequali, aut febrili, per noctem integram, etiam inter insomnia, & mane adhuc finito somno, durante.

Commouetur sanguis calidior & biliosior, per animi passiones, omniæque viscera efferuescunt, versus vespèrum præcipuè, vbi bilis per naturam magis æstuat, quàm alijs diei temporibus: vnde totum corpus incenditur, non quidem putredine illâ quæ febrem dat, sed quæ calorem præternaturalem in organis nutritionis & vitalibus causat: vnde pulsus quidem per arterias concitator, quòd cor se oppressum sentiat & ventilationem quærat, percipitur: diu au-

tem is durat, per noctem integram, inter insomnia, & mane adhuc: quod sanguis qui mouetur & feruorem excitat sit crassior, vnde difficilius feruor eius temperari & mitigari possit.

Insomnia, nec frequentia, nec multa habet: somnus tamen communiter paucus & inquietus est. Appetitus satis bonus: cibum pro illo explendo sufficientem, sed non immodicum ingerit, & ut plurimum cum appetitu cœnam claudit. In articulis, magis tamen in brachijs, nervi languent, ac si contracti aut resoluti, officio suo fungi non possent.

Insomnia, nec frequentia, nec multa habet, quia parùm & inquietè dormit: redditur autem somnus inquietus, ob malam concoctionem, aut ob curas officij sui graues, aut animi affectus & passionēs, aut ob æstum & feruorem totius corporis inde enatū, aut ob propriū calidū & siccum temperamentū: quæ omnia cerebrū exiccant, & ad somnum qui humiditatem & frigiditatem aliquam requirit, indispositum faciunt. Appetitus quidem bonus & maior, quia viscera secundæ concoctionis, ratione feruoris, tenue & limpidum, continuò ex ventriculo exsugunt, & nouum ingerere alliciunt & stimulant: vnde in hoc malo appetitus maior, & vsus
fre-

frequentior liquidorum, quem tamen corrigit & inhibet ratio, ne scilicet nimium ingeratur, stomachoque inde poena, hypochondrijs fluctuatio, & cerebro materia pro catarrhis excitetur. Languent, leuiterque contrahuntur & resoluuntur articuli & nerui, partim per sympathiam cerebri, partim ob receptionem fluxionum, & distensiones flatulentas: maximè autem brachia, quia proximiora à capite obtinent locum, faciliùs quoque & citiùs, ob propinquitatem, fluxiones per collum & scapulas prolabentes, recipere possunt, vnde languida & ad officium suum inepta redduntur.

Dolores capitis, licet acrioribus catarrhis detineatur, nec per integrum annum, aut ferè nunquam patitur. Alvus subinde pigrior, nec lotium semper debite fluit, omnimoda tamen constipatio nulla. Medicamenta denique & alimenta, qualitate calidiora, illius naturæ aduersantur, nec sine magnâ corporis alteratione ferre potest.

Quia autem caput & cerebrum robustum, se continuo à colluie & collectione serositatum, per demandationem & defluxionem catarrhorum exonerat, nec fluxionum materiam diutiùs fouet, vt partes sensiles ibidem, meninges scilicet & neruos cerebri vellicare possit, ideo

ideò dolor nullus capitis, sed segnities solummodò spirituum animalium quædam, ac torpor, & obtusio sensuum interiorum, ob nimiam cerebri humiditatem aduentitiam, introducitur. Alius subinde pigrior, ob siccitatem & viscositatem excrementorum, in intestinis quasi incrustatis hærentium, & propter obstructionem ductus fellei, excretionem stimulantis. Nec lotium semper debitè fluit, quod ferofitas fursùm & non deorsùm rapiatur. Denique quod medicamenta & alimenta calidiora, natura ferre nequeat, intemperies calida & sicca viscerum in causa est, quæ ex usu calidorum adhuc magis incenduntur, oleúmque sic igni additur. Quæ omnia affectum Hypochondriacum cum melancholiâ, ultra principij gradum, jam radicatam, & quasi habitualement ægrè amplius ex integro expugnandum demonstrant.

Fœminarum melancholia hypochondriaca, cui etiam vterus consentit, multis signis & symptomatibus deprehenditur, quorum alia incipientem produnt, alia jam factam indicant, alia denique confirmatam & idiopathicam ostendunt. Prioris generis sunt præcordiorum æstus, circa dorsum arteriarum pulsatio, alui se-

Signa melancholia hypochondriaca in fœminis.

gnities, vrina flaua & acris, dolor sinistri lateris ad mammam vsque pertingens, cutis squallor & asperitas, præsertim in articulis, sensuum caligo, mentis que torpor & ignauia, deiectio animi, cordis palmos, difficilis anhelitus, somnus turbulentus, & insomnia terrifica, pudor rusticus, multa cogitatio cum rerum malarum suspitione, iudicium præposterum cum peruersa rerum existimatione. Progresso jam malo, animus plerumque deficit, & fauces siccitate, vt ab vteri strangulatu, præcluduntur, mulier animi anxia & inops consilij, siti, vigilijs, tædio, rerum omnium fastidio, & meliorum desperatione torquetur, risui lacrymas sæpè intermiscet: virium languore, varijsque doloribus afficitur, cum metu & mœstitiâ, quæ sunt communia melancholicarum symptomata. Quinetiam pluribus terretur, quàm prematur, sæpiusque opinione, quàm re laborat: nullâ re delectatur, sed solitudinem amat, à qua magis læditur, donec halitus euanescat & dissipetur: tunc enim subito (quod mirum est) pristino statui restituitur, nisi malum jam inueteratum ex sympathia transierit in idiopathiam, hoc est cōfirmationem. Quod si contingat, vix vllâ orationis sua-

suauitate mulier ad spem recuperandæ valetudinis erigitur; siquidem malum, quo tenetur, naturale esse negat, sed diuinum, aut maleficis artibus immissum. Nonnunquam insidias sibi parari suspicatur. Dæmones ipsos se videre putat, imò à spiritu vexari se existimat. Iam nihil amplius veretur, sed fœda omnia & horrenda cogitat, committit vel obloquitur. Nihil denique nisi mortem appetit, quasi suis malis finem allaturam. Quam interdum, submersione, suspendio, vel præcipitio sibi tandem procurat, nisi Medicus suâ prudentiâ & diligentia tam impijs conatibus obstiterit.

CAPVT XI.

De prognosticis signis Melancholiæ Hypochondriacæ, quibus pro additamento additur, quomodo, & an, morbus iste, in corpus humanum, permittente Deo, à dæmone immitti possit.

QUO ad Prognostica signa; passio hæc, quæ nostris temporibus & oris est frequentissima, in quocunque subiecto, & à quacunque causâ fiat, semper est morosa, longioris durationis, difficiliorisque curationis, quæque ad

Prognostica signa.

O 2

inte-

interitum sæpenumerò comitatur: & quamvis
 tum Medicorum diligentia, tum ægrorum o-
 bedientia aliquod præbeat interuallum, peni-
 tus tamen vnquam non tollitur, jmo adeò est
 importuna, vt minimâ quâque occasione aut
 errore acerbior redeat, quàm antea, quantòque
 hominis ætas magis maturefcit, tantò acrius in-
 festat. Quod si quis causam, originem & lo-
 cum, vbi radicatur, consideret, facile agnoscet,
 quàm sit detestabilis: nam ex vnâ parte, adest
 feruor seu intemperies quædam calida visce-
 rum in hypochondrijs sitarum, vt epatis & lie-
 nis, maximè verò venarum mesaraicarum, quæ
 cum mediæ sint inter stomachum & epar, im-
 portunæ sunt, ob malam quam habent tempe-
 raturam calidam in attrahendo, perfidæ in cor-
 rumpendo, & corruptum illud ad epar & sple-
 nem mittendo; ex alterâ verò ventriculus ple-
 rumque debilis & intemperatus, in chylica-
 tione maximè deprauatè agit, & ratione huius,
 multos humores crudos, flatulentos & acidos
 generat, ex quibus postea plurima mala resul-
 tant symptomata, tota corporis œconomia de-
 struitur, omnesque animæ operationes tur-
 bantur. Hinc à nonnullis hic morbus misera-
 bile

bile tormentum, crux & opprobrium medico-
 rum dicitur, maximè si quorundam importu-
 tuna & malè intellecta curatio accedat: sæpiùs
 enim Medici in hoc affectu anguntur, nescij
 quo itinere ad curationem progredi debeant,
 ideóque curam sæpenumerò relinquunt, ægri
 verò diuturnitatis affectus pertæsi, patientiam
 & recuperandæ valetudinis spem vtplurimùm
 amittunt, sæpiùsque regimèn mutant, ac mo-
 dum aliquandò volentes inuenire, nullum in-
 ueniunt, ideò inobedientes fiunt in continuan-
 dis medicamentis, plerùmque & medicos sæpè
 mutant, eorum consilijs non obtemperant vel
 acquiescunt. Vnde ex alienis ærumnis Medici
 proprios metunt angores, & nullam, melan-
 cholicorum importunitate, crucem habent
 molestiorem: vnde huc non quadrat respon-
 sum Alexandri Magni, Philippo Medico datum,
 lenta videlicet remedia, & segnes Medicos non
 exposcere tempora sua, sibi que mori strenuè,
 quàm tardè conualescere satius esse. In villo ita-
 que si opus est, in hoc sane morbo, medici cir-
 cumspecti patientia & iudiciu requiritur: non
 enim hypochondriaci & melancholici iurgia,
 disputationes, & controuersas contentiones

admittunt, sine maioris delirii metu & iræ incensione, sed suauiter, circumspectè, & prudenter falli & persuaderi debent, vt persuadentem audiant, & medicationes obsequenter admittant; siquæ vllâ in curatione, adulatio & verborum lenocinium, in quantum sine ægri nocumento fieri possunt, admittenda sunt, in hac certè occasione valent, vbi nulla austeritas aut veritas, ob vitium rationis, maiorisque perturbationis, furoris, & timoris metum, prodest. Nec illi qui maximè sunt, hypochondriaci esse, aut tales denominari volunt: verentur enim, ne ideò minùs ab alijs æstimentur, officiorumque aut respectus jacturam patiantur, stultitiæque aut delirii maioris quàm par est infimulentur. Cautus itaque sit Medicus, præsertim apud illos, qui alicuius dignitatis aut officij honestioris sunt, in morbi huius pronuntiatione, honestæque citra ægri offensionem mentiatur, ne à minoribus infanis, maior habeatur infanus, & propter vera sua iudicia, ab hypochondriacorum curatione excludatur: felicitas enim hominum ex opinionibus pendet, sicquæ sculptus est hominis animus, vt longè magis fucis, quàm veris capiatur: ad multas quoque commoditates

conducit, nunquam pudeſcere, & nihil non audere, & in communi mortalium vitâ, quæ nihil aliud eſt quàm ſtultitiæ luſus quidam, Democritum agere, & pro morum ſuauitate facilitatêque, cum omnibus omnium horum hominem agere : quæ tamen tanquàm nimis politica, in hypochondriacorum curâ tantum practicabilia eſſe volo.

Inſuper, licet affectio hæc, facilius feratur citrà periculum maioris delirii, quàm reliquæ improprie ſic dictæ ſpecies, tamen ſi confirmata fuerit, in his qui deiecto ſunt animo, in cordis palpitationem, tremorem, animi deliquium, & ſi prauis hypochondriaci ſuccis vtantur, in ſynopen, atque interdum in vertiginem & epilepſiam degenerat, vnde etiam non rarò ſatis periculofa eſt : in apoplexiam quoque aut maniam incidunt; cuius rei ſignum eſt, cum, qui antea erant meticuloſi & trideſtes, jam hilares quaſi, animoſi, audaces & iracundi fieri incipiunt; quod facilius accidit, ſi æger multo, & potenti vino pro potu vtatur : cerebrum etiam morbi diuturnitate valdè debilitatum, & cruditates auctæ ſint. Si humor etiam magis adurit, & ad atræ bilis naturam accedit, copioſius ad cerebrum

*Periculofa
huius mor-
bi ſigna.*

rebrum fertur, & peculiarem ibi corruptionem subit. Cùmque vix alius affectus tantam symptomatum varietatem, viscerum quoque & humorum intemperiem inæqualem habeat, quàm iste, ideò & egro & medico plus negotij facessit. Malum etiam hoc plerùmque in habitum abit : nec materia in cavitatem omenti contenta facilè exitum habet. Cùm in dextro hypochondrio mali causa colligitur, lenius malum est, humor enim est mitior ; cùm in sinistro grauius est ; grauiissimum, si in vtroque hypochondrio : tum enim vehementiora habet symptomata, quæ quò magis humor ad atræ bilis naturam accedit, eò sunt grauiora. Si verò in vasis tantùm, & nullo in viscere humores contineantur, mitius malum est. Contumacissimum denique, cum materia in omenti cavitatem hæret : tum enim vix purgantibus exturbari potest. Hæmorrhoides, varices, hæmorrhagia naris sinistræ, & menses in mulieribus, malum hoc sæpè solunt, si cum moderamine superueniant : diutius verò durantia, nocent. Mares facilius quàm foeminæ hoc affectu corripiuntur. Si tamen eæ corripiuntur, difficulter vel rarò curantur, quod plerùmque vterini affectus sese

huic malo affociant. In hoc morbo vrina crassa melior est, quàm aquosa & tenuis, quæ crassos humores in corpore detineri indicat: nigrae autem sine febre plerumque morbum soluunt. Aluus laxa & vomitus hic sæpè vtilis. Vertigo, & diuturnus capitis dolor in hac affectione, interdum in vtrumque abit, nonnunquam in apoplexiam mutatur: sæpiùs quoque scorbutum comitem sibi adsciscit: interdum etiam in hydropem degenerat. In febres denique hecticæ non absimiles incidentes, tabidi moriuntur.

Recordatur Andreas Laurentius, in lib. de *Hypochondriacorum* mel: hyp: cap. 14. duarum specierum *duæ hist-* hypochondriacarum, quibus similes tota antiquitas, *ria ex An-* quantum è literarum monumentis eruere potuit, non vidit, neque fortè posteritas tales deprehendet. *drea Lau-* Prima. Monspelij degebat honestus *rentio.* ciuis, habitus melancholici, & temperamenti atrabilarij, qui spatio duorum aut trium annorum leui hypochondriacâ detentus, ita malum proserpere, ac incrementa sumere passus est, vt tandem ad extrema, quæ modò percenset, deductus fuerit. Bis aut ter in die leuem per totum *Prima,* ventrem percipiebat motum, maximè circa
P lienis

lienis regionem: hinc exurgebat rugitus adeò
 vehemens, vt non solum æger, sed assistentes
 omnes cum audirent. Tinnimentum hoc ad
 medium horæ quadrantem perdurabat, atque
 dein vapor seu ventus derepentè diaphragma
 & pectus occupans, tantam spirandi proferebat
 angustiam, vt ab omnibus asthmaticus judica-
 retur. Hoc symptomate non nihil remittente,
 reliquum corpus ita conquassatum compare-
 bat, vt naui ferocissimis procellis agitatae non
 absimilis videretur: modò procedebat, mox
 gradum referebat, & vtrumque brachium adeò
 insolito agitabat motu, vt conuulsione distor-
 queri iudicares. Tandem ventus hic vbi totum
 corpus peruasisset, tanto impetu per os effere-
 batur, vt omnes assistentes obstupescerent, sic-
 que accessio finiebatur, & æger non nihilò me-
 lius habebat. Sed necdum satis, duobus aut
 tribus ante obitum mensibus, indies bis aut ter
 leui molestabatur syncope, cor deficiebat cum
 extremo vrinam reddendi desiderio, hacque
 redditâ se recolligebat; tanta fait mali vehe-
 mentia, vt animam è domicilio excedere ade-
 gerit. Vocatus ad corporis apertionem, depre-
 hendit pectus semiplenum aquâ nigricante &

foetidâ, quâ sinister ventriculus omninò redundabat, vt & in trunco magnæ arteriæ idem color comparebat. Tum reuocato in mentem insigni loco Galeni, lib. 6. de loc: aff. demonstra-uit assistentibus causam frequentis deliquij, & extremi ad vrinam reddendam impetus, prouenisse ab humore illo maligno, qui vasa cordis penetrans, per arterias ad renes permeabat, atque inde ad vesicam. Annotandum hoc obiter hic duxit, ad defendendum Galenum à neotericorum Medicorum calumnijs, qui existimant, pus empyicorum aut pleuriticorum per cor aut arterias expurgari non posse, quam disputationem libro 3. Anatomico fusiùs profecutus est.

Altera historia æquè stupenda est, quam in *Secunda Historia*
 •Turonensi ciuitate annotauit, dum in consili-
 lium cum alijs Medicis euocatus esset. Vir nobilis iuuenili ætate, ab octo aut nouem annis ab hypochondriacâ infestatur, indies circà noonam matutinam, exiguum rugitum ad lienis regionem percipit: hinc notat eleuari vaporem, qui per totum pectus & faciem ruborem diffundens, capitis summitatem conscendit; arteriæ temporum fortiter pulsant, venæ in vultu intumescunt; ad extremum frontis, vbi venæ

terminantur, ad latitudinem solidi, summo dolore conflictatur; rubor per totum brachium sinistrum, usque ad digitorum extremitates, instar ignis volantis, aut erysipelatis excurrit; lateræ dextro ab omni affectu penitus immunis. Accessione durante, tantâ virium debilitate languet, ut ne verbum quidem proferre possit; frequentes ex oculis emanant lachrymæ, & ex ore incredibilis salivæ copia profluit, externa vruntur, interna frigore torpescunt; crus sinistrum varicibus scatet, & quod plurimum admirationi ipsi erat, circa os capitis, parietale dictum, portio quædam ossis, sine ullâ causâ eidente, casu scilicet aut ictu, ablata est, neq; minimum attactum, ea parte sustinere poterat. Morbus adeo fuit rebellis, ut, quicquid summo iudicio, & artis conatu molirentur Medici, frustra susciperetur. Ex quibus planum fit & apertum, quantum stupendorum accidentium comitari possint humores crassi, adusti, & melancholici, in venis hepatis, lienis, & mesenterij detenti, quidque turbarum ac seditionis, in naturali œconomia commoveant.

*Morbus
melancholico
ex hy*

In Hungariâ quoque, morbum hypochondriacum & inde subsequentem scorbuti speciem

ciem frequenter grassari, genitori meo charissimo, per literas notefecit frater ipsius, & cognatus meus venerandissimus, dominus Daniel Geiger, Artium, Philosophiæ, Medicinæ & Chirurgiæ Doctor, serenissimi Palatini ac Procerum Regni Hungariæ Protomedicus. Vir magnæ doctrinæ & fortunæ, felicissimæ praxeos, rarioribusque ingenij & judicij dotibus excellens; cuius medendi artem, ante hac Augustana ciuitas experta est, jam verò Posonium adorat. Sic scribit ille. Occurrit mihi ferè quotidie in Hungariâ morbus quidam curandus, solis incolis Hungariæ endemius, quem Tschemmer vocant, ex morbo hypochondriaco ad scorbuti speciem pronatus. Quo infectis, in partibus musculosis brachij, dorsi, totiusque corporis, excitantur ad modum glandularum parui nodelluli, exterius quidem inuisibiles, interius tamen benè palpabiles, instar cicerum, seminis lini, fabarum tamen quantitatem vix excedentes: paroxysmi inuasionem comitatur horror & calor febrilis, ad modum erysipelatis: hinc erumpunt & excitantur modò enarrata tubercula siue glandulæ. Vulgus, certis contra hunc morbum vtitur remedijs, nempe sale,

*pochödrin-
co speciem
scorbuti re-
ferens in
Hungaria
cömunis,
D. Docto-
ris Danie-
lis Geigeri.*

aceto, & allio, quibus (non omnia simul, sed unum aut alterum solummodò capiendò) locum affectum & tubercula, tam diu & fortiter fricant, donec noduli illi resoluantur, nec coagulati amplius sentiantur: quo facto, leuamen illicò sentiunt. Multi materiam hanc, sudore discutere debent, illòque intermisso, vt in alijs malignis morbis, moriuntur. Ad sudorem eliciendum, vtantur spiritu vini, in quo liquefacta sit portio axungie veteris, cum admixtione fucci allij, & pulueris piperis nigri, quantum cuspis cultri capere potest. Sæpius incidunt in morbum hunc, vt plurimum tamen, cum nauseam ex cibo aliquo capiunt; melancholicis quoque constitutionibus frequentior est. Nec memini, in authoribus alijs, de hoc affectu tanquam incognito, fieri mentionem.

*Quomodo
Dæmon se
hunc mor-
bo immi-
scere pos-
sit.*

Quod si sceleratos & malitiosos, morbus iste occupet homines, aut illos quia naturâ sunt infirmioris iudicij, qui neque rationibus neque arte regi volunt, sed affectibus suis nimium cōdescendunt, ijs quoq; dæmon permissu diuino se immiscet; hinc homines & morbi refractarij, vocantur dæmoniacy ingenia dæmoniaca, fœminæ malitiôsæ, rixôsæ, biliosæ, fœminæ dæmonia-

moniacæ, &c. Licet Hipp: lib: de morbo sac:
& Gal: com. ad Progn. 4. lib. 1. in eâ fuerint sen-
tentiâ, nullos morbos per dæmonem mortali-
bus inferri. Quibus inter recentiores Pompona-
tius & Lemnius cap. 1. l. 2. de occult. nat. mirac.
subscripserunt: quod censuerint, morbos om-
nes à causis naturalibus procreari. Tamen ijs
aduersantur ex Theologis D. Hieron: in cap. 4.
& S. Chrysostomus hom. 54. in cap. 17. Mat-
thæi: qui etiam à dæmone morbos irrogari
posse testantur, commotis & variè affectis cor-
poris humani tum facultatibus, tum humori-
bus. Inter Medicos Vallesius cō. in lib. 1. progn.
Hippocratem non aliter interpretatur, quam
morbum ex irâ Dei, vel à dæmone proceden-
tem: cuiusmodi fuit Saulis vexatio, quod Dei
imperium detrectasset. Fernel: lib. 2. de abdit:
rer: caus: cap. 16. recitat historiam nobilis juue-
nis, grauiissimis conuulsionibus à dæmone con-
cussi, quem Medici multis pharmacis frustra
diu excruciarant. Heurnius, cap. 12. de morb.
capitis; narrat quendam maniacum simul à dæ-
mone fuisse vexatum, qui tandem amens con-
uulsionibus interiit. Quibus Medicorum ex-
emplis, accedunt scripturæ sacræ testimonia,
solis

solis ethnicis & atheis repudianda : quæ morbos dæmoni, tanquam causæ efficienti, attribuant. Apud D. Lucam cap. 8. quidam dæmoniacus domi contineri non poterat, sed per loca deserta lycanthropicorum more sese proripiebat, & circà sepulchra versabatur. Mulier convulsione spinæ dorsi torquebatur, Luc. 13. Quo loci dæmon spiritus infirmitatis appellatur. Multi apud D. Marcum cap. 9. linguæ & aurium usu priuabantur, & miris modis cruciabantur. Quidam Matthæi 17. circà plenilunium comitiali morbo corripiebatur, quem idcirco lunaticum appellabant : quod tempus dæmon obseruabat, tum propter maiorem humorum copiam, & humidioris cerebri ad effectum suscipiendum dispositionem, tum vt Medicis causam morbi in lunam refundentibus, diutius ægrum exerceret, & Conditorem lunæ, calumniæ exponeret. Sunt hæc dæmonis versutia, qui ne detegatur, tum causis, tum instrumentis naturalibus ad vexandum ægrum vti consuevit.

*Bifariam
hominem
Dæmon
oppugnat.*

Dæmon autem bifariam hominem oppugnat, aut per se, aut per homines sceleratos, quos suorum moliminum ministros habet prom-

promptissimos. Per se quidem, cùm vel intrò subit in corpus, quod citra vllius morbi interuentum possidet, & mirum in modum affligit: vel cum citra obsidionem forinsecus corporis humores inmutat, & exagitat, partes nobiles offendit, cutis meatus & vasa interiora obstruit, cerebrum offendit, phantasiâ perturbat, denique totius corporis temperiem alterat, & structuram peruertit, vnde pendet morborum ilias. Quorum omnium dæmon author quidem est primarius, sed potentiam habet certis limitibus definitam, & legibus tùm diuinis, tùm naturalibus astrictam: nihil enim molitur, nisi quantũ à Deo ei permittitur. Neque ex D. Thomâ part. 1. qu. 125. art. 5. operari potest, nisi mediante virtute naturali. Proinde in suis operibus semper considerat corporum aptitudinem, ad producendum effectum intensiorem. Sic procellosis tempestatibus facilius sese ingerit, fulminaque & tonitrua magis exacuit. In humano verò corpore, cui libet humori perturbato promptè quidem immiscetur, sed nulli frequentius aut liberius, quàm melancholico: propter eius terrenam substantiam, atrum colorem, vaporem tenebricosum, & affectus acerbos, difficiles ac turbulentos. Vnde Cassianus in collationibus,

pabulum dæmonis vocat, eiusque sedem congruam esse testatur. Non dissimili ratione, licinem foculum eiusdem dicere possumus, propter crassos & atros vapores, quos sursum expirat: qui turbatâ imaginatione varia deliramenta excitant, facibus dæmonum & fascinatorum præstigijs aptissima. Ex ijs ergo licet colligere, causarum naturalium interuentu, præsertim vaporum & humorû, multos à dæmone morbos concitari. Siquidem ab ijs cerebri substantia turbatur, opplentur eius ventriculi, spiritus incrassantur, nerui obstruuntur, & facultates animales intercipiuntur, aut deprauantur. Vnde surditas, cæcitas, aphonia, paralyfis, epilepsia, & omnia deliramentorum genera. Qui morbi cû naturalium sint admodum similes, non facile dignosci possunt. Tamen ex multis signis, quæ proponuntur à Fernelio, duo maximè spectanda sunt, nempe remediorum accommodatorum vsus inutilis & irritus; propter causæ efficientis vel comitantis repugnantiam, & symptomatû insuetorum, naturæ modum excedentium, occursus, cum quis res occultas detegit, futuras prædicit, arduas explicat, vel idiomate peregrino effatur. Quod postremum, si non accedat cœlitus, latentis vel impliciti cum morbo dæmonis

monis, qui linguas omnes cum artibus callet, certum est argumentum.

Sunt tamen ex recentioribus nonnulli, qui talium operationum causam ad naturam reducunt. Inter quos Lemnius cap. 2. lib. 2. de occult. nat. mirac. scribit, mentem hominis rerum omnium insitanti habere cognitionem, quæ crassa veluti nube corporis & humorum obruatur. Accidit tamen interdum, ut in febribus æstuosissis, partim humorum feruore, partim spirituum commotione, adeò exagitetur, ut vires reconditas palam exerat, & linguam prius incognitam ab ægrotis, non secus quam filicis collisio, vel vinum in temulentis extundat. Quæ opinio, quantis erroribus inuoluatur, facile perspiciet, qui verè pius simul & philosophus extiterit: absurdum enim videtur, ad vires animi depromendas, plus energie tribuere corruptis humoribus, & vitiatis spiritibus, quam optimæ corporis constitutioni; morbo, quam sanitati; priuationi quam habitui. Sed mirum magis est, quod tale commentum, alio errore conetur confirmare. Nam si verum esset, ut ipse ait, mentem artibus imbuente earum usum, nostrumque scire nihil aliud esse, quam reminisci; oporteret animam esse corpore antiquiorem, & alicubi exi-

*Quidam
superna-
turalium
operatio-
num cau-
sam ad na-
turam re-
ducunt.*

stere, antequam vinculis corporis includeretur; ut Plato in Epimenide, Menone & 12. de legib: censuit, vel simul cum angelis à principio creatam fuisse, ut scripsit Origenes. Atqui falsum vtrumque est, nec solum sacrae scripturae, sed etiam Aristotelis doctrinae contrarium. Siquidem ex Philosopho lib. 3. de anima; mens hominis; quæ sola aduenit extrinsecus, tabulae rasæ, in quâ nihil depictum est, comparatur: proinde nullam habere potest scientiam insitam, sed longo usu, multoque labore eam acquirit. Quo fit, ut nihil sit in intellectu, quod prius in sensu non extiterit. Idem lib. 2. Ethic. cap. 1. docet, genus vtrumque virtutum *διανοητικὸν & ἡθικόν* à doctrina ortum habere, & incrementum, ideoque indigere exercitatione & tempore. Quantum ad Origenem attinet, damnato eius errore, definitum est ab Ecclesiâ, ut scribit D. Thomas part. 1. qu. 118. art. 3. Animam à Deo creari, cum corpori ab eodem infunditur, absolutâ nimirum huius conformatione.

Confirmatur hac opinio exemplis.

Sed Lemnius linguam peregrinam ab impetu solo morbi extorqueri probat ex eo, quod eius facultas purgantibus medicamentis adiuvatur. Ad cuius rei confirmationem, Cardanus tract. 2. lib. 2. contradicit: contr: 7, recitat historiam

riam sumptam ex Pomponatio lib: de incantat:
 de futoris cuiusdam vxore, quæ cum incidisset
 in melancholiam, diuersis linguis loquebatur.
 Sed eam Calceranus eius temporis Medicus fa-
 mosus, propinato elleboro, à furore simul libe-
 rauit, & linguarum peritiam sustulit. Concilia-
 tor diff: 32. similem narrat. Vti quoque Eras-
 mus, in Encomio Medicinæ, de quodam spole-
 tano talem recenset. Quibus exemplis, licet val-
 de suspectis, propter impressam authoribus no-
 tam, faciliè responderi potest. Cum humore
 melancholico dæmonem libenter commisceri,
 eiusque ratione corpus magis affligere. Quam-
 obrem, vacuato eiusmodi humore vi purgan-
 tium medicamentorum, dæmon sede sibi con-
 gruâ destitutus, vel sua spontè cedit, vel saltem
 simulat, vt talibus philosophis imponat: qui-
 bus vel suam naturam, vel affligendorū homi-
 nū modos diuersos occultari cupit. ex Codron-
 chio lib. 2. de morbis venef: Sic Vairus cap. 8.
 lib. 3. de fascino testatur, dæmones per herba-
 rum & aliarum rerum corporearum applicatio-
 nem, ab humanis corporibus interdum expelli,
 quod eæ tetrum illum humorem ac tristem, ad-
 hibitæ consumant: quo consumpto dæmones
 corpus solent relinquere. Quanquam res illæ,

*Solutio sive
 respon-
 sio ad ar-
 gumenta
 & exem-
 pla.*

si piè ac deuotè adhibeantur, possunt in dæmones agere, tanquam diuinæ iustitiæ instrumenta, eosque ab humanis corporibus detrudere.

*Morbus
dæmonia-
cus duobus
remedio-
rum gene-
ribus ex-
pugnandus.*

Ex quibus colligitur, morbum dæmoniacum duobus remediorum generibus esse opugnandum, naturalibus & diuinis: mala nempe quæ nos premunt, ad Deum ire compellunt, inquit, sanctus & illustris Ecclesiæ Doctor & Pontifex Gregorius. Naturalia sunt, quæ causam morbi remouent, & symptomatis eius occurrunt. Cuiusmodi sunt quæ succum atrabilarium præparant & expurgant, quæ corporis intemperiem corrigunt, obstructions liberant, dolores mitigant, somnum conciliant, & prauam qualitatem emendant. Ex quibus præcipua sunt melanagoga, balnea, antidota, alexipharmaca, & suffumigia fragrantia, quæ suo odore aduersus putorem, & sorditiem multum pollere creduntur, quorum formulas, vbi de curatione egerimus, inuenies. Sed quoniam dæmones virtute superiores, Medicorum conatus sæpè irritos reddunt, quia vel pharmacorum effectus impediunt, vel morbos fouent, & eorum causas adaugent: frustra medicæ artis præsidia insumuntur, nisi virtus diuina in subsidium aduocetur vitæ sanctimoniam, pijs operibus

bus, crebris orationibus, eleemosynis, votis, sanctorum suffragijs, exorcismis Ecclesiasticis, rerum sacrarum applicationibus, & earum quæ ad vsum requiruntur benedictionibus: denique frequentî examine conscientiæ, & sacrâ communione, vis & maleuolentia dæmonis infringatur, eiusque molimina & opera prorsus destruantur.

Nam Deus sui operis amantissimus, verus est *Deus primarius author* Medicinæ, & sanitatis primarius opifex, Medicus verò, tantum eius minister. Qui si vel aliquam scientiam, vel prosperum in curandis *author Medicinæ & sanitatis,* ægris successum sibi arroganter attribuerit, primo authori facit iniuriam. Quid enim habet, quod non acceperit? & si accepit, quid gloriatur? non ergò Medico christiano inuidebit Theologus, si propter communem amborum societatem, quædam ab illo commodari postulet. Nam vtriusque idem est subiectum, homo videlicet; maioris mundi compendium, & summi illius conditoris simulachrum: idem finis, salus eiusdem. Sed Theologus ad animi potissimum, Medicus primum ad corporis attendit sanitatem. Ita tamen, vt nec ille corporis incolunitatem, ritè obeundis animæ functionibus necessariam, nec iste affectus animi negligat, qui

qui sanandis corporibus remoram, vel celeritatem adferunt. Præterea idem author vtriusque scientiæ Deus est, fons & origo bonorum omnium, qui totius hominis salutem ita prouidit, ut abluendis animæ sordibus Theologum, depellendis verò corporis affectibus Medicum, tanquam ministrum, præfecerit: vtrumque suâ authoritate confirmârit, verbisque expressis commendârit: multis denique dotibus suâ bonitate cumulârit, ut suum quisque munus felicius perficeret. Quapropter nō satis mirari possum, magnam mortalium partem, de Medicis omnibus tam sinistrè & iniquè augurantem; ut eos sensum religionis exuisse, lutum & spumam impietatis ebibisse, & succum omnem deposuisse virtutum, temerè profiteantur. Quasi verò ij, qui naturam quotidie perscrutantur, naturæ Deum & parentem non agnoscerent? non viderent rerum Architectum, qui effectus rerum in lapidum & stirpium naturis delitescentes inuestigant? non admirarentur astrorum Conditorum, qui astrorum coruscationes, congressus, reuolutiones, occultationes, ortus & occasus quotidie suspiciunt? O improbam nostri seculi contumeliam!

*Calumniam
mortalium
de Medi-
cis.*

INTER-





INTERPRETATIO

Primi huius Emblematis.



CONSISTIT Diæta in obseruatione sex rerum non naturalium, à Medicis ita dictarum, ut in Aëre. Cibo & Potu. Somno & Vigilijs. Motu & Quiete. Excretionem & Retentionem. Animi affectibus. Ideò verò non naturales causa appellantur, quia pro diuersa administratione, & usu, vel optimum corporis statum retinent, vel vitiosum emendant, vel deteriorem inuehant. Quæ in compendio in primo hoc Emblemate, sub nomine Diætæ proponuntur, representando per mensam cibus instructam, modicum cibum; per Pincernam vinum infundentem, tenuem potum. Aërem temperatum esse debere, monent duo pusiones alati, vnus aliculam, alter rotulam pneumaticam manu tenens. Moderamen in letis, necessitatem in exercitijs, motu & quiete, vnde somnus naturalis & bonus, vigiliæ quoque, excretionem & retentionem, quantum ad sanitatem seruandam, & morbos pellendos requiruntur, consequentes, demonstrant primò, labor ad focum cibos coquens, secun-

R

dò,

do, musicorum chorus, accumbentium animos exhilarans, tertio, venator feras insequens, quarto, spheromachus, per pilæ lusum corpora exercens: quibus non excluditur, jaculandi & equitandi exercitium, tanquam minus violentum. Affectus denique animi, qui non solum in corpora nostra, aut illa labefactando, aut omnino destruendo, magnam exercent tyrannidem, sed animæ quoque lethum adferunt: per septem peccata mortalia, de nouo Saluatorem nostrum, sub humanâ specie, tanquam agnum inter medios lupos sedentem, excarnificantia & tormentantia, significantur: nam quis ignorat, per iram, inuidiam, ambitionem, auaritiam, intemperantiam, venerem, & desidi-
diam (præsertim cum frenum monstris his infrenibus laxatur) non tam corpori, quam animæ, extremam introduci perniciem. Vnde liber hic

Plurima cum miseris noceant mortalibus, aptè

Quæ profint, vel quæ sint nocitura, docet.

Quid somni, aut vigiles minuentes corpora cure,

Tristitia, ira, dolor, sollicitudo, metus.

Quidque cibus, potusque; & aër, motusque quiesque,

Quid plenum valeat, vel quid inane iuuat.

Neu dubites, sperata salus continget in annos,

Viuerè quos sanos pagina versa docet.

CAPVT XII.

*De Curatione Affectionis Hypochondriacæ, & primò per
Dietam, qualis in illa Aër sit obseruandus &
eligendus.*

PRO curatione itaque huius mali ; quan- *Circumforaneorum
orationes
ad populū
circumstā-
tem.*
tumuis optandum esset talibus remedijs
instructum esse, quæ vniuersim omnibus parti-
bus malè affectis succurrere, & totum restituere
hominem possent, ad modum circumforaneorum
aut agyrtarum, quod genus hominum ad ludibrium
artis natum est, ab Anglis & Italis quoque
Mountinbanci, à Gallis verò Charlatani aut Cæretani
vocantur: simiæ enim Medicorum sunt agyrtæ,
circumforanei, cingari, idiotæ, & muliercularum
malagmata componentium, curiosa imò absurda
sagacitas, & in monstris licebit numerare atheos atque
judæos. Hi omnes Medicinam, hoc est, Terrarum
decus & Reipublicæ columen, vel insci-
tiâ corrumpunt, vel impietate infamant, digni
proinde, qui sicut alieni nominis atque honoris
raptores, victimarum ritu, ad Tumulum Galeni
mactentur; Medicis, quemadmodum si-
miæ,

miæ ægris leonibus obiecti; vti celebratissimus Poëta Jacobus Balde, in sua Medicinæ gloria per satyras asserta, doctissimè differit. Qui vt coronam faciant, vasarijs suis mira inscribunt, tanquam si insint panchrestii, ipsi Æsculapio, nedum Galeno, aut Theophrasto ignorati: eadem deinde, stipati plebe, garrula quadam festiuitate exaggerant, felices prædicantes populos, quibus se Chironem vidisse & experiri contingit, natum ad salutem orbis Christiani; hortantur mox iteratò, magnis vociferationibus contestati, ne suæ saluti desint, dum res & tempus finunt, emant medicamenta adeò salutaria, ne serò pœniteat tenacitatis & negligentiae, quando, si possint, incineratum jam exhument, salutis monitorem suspirantes. Se cælites omnes contestari, & omnem religionem in spectatorem conscientiam deponere, indemnitati ante tribunal summi iudicis cauere, adfuisse multis populis, parasse medicamenta, & publicè in plateis, compitis & foris proposuisse, quibus pro vitâ ciuium diutissimè, pro incolumitate reipublicæ perpetuum seruandæ, nihil fuerit medicamento sius: ab ipsis fuisse, quò minus hæc salus steterit, qui obolo pepercissent. Ita isti præstigia-

giatores marsupia simplicium emungunt, interea vix olitoriam digne exercentes. Et mirum est, cum plurimi in Medicorum electione admodum cauti sint, vt si Medicus quispiam aliquubi sedem fixerit, non nisi post longum tempus ipsi sese credere audeant, accedenti tamen Mountinbanco per aliquot hebdomades cōmoraturo, statim confidunt, & quod communiter obseruatur, infimæ notæ viri, qui paupertatem suam, & rei familiaris tenuitatem medicis obijciunt, pecuniæ interdum satis magnam quantitatem istis agyrtis obtrudunt. Haud *Paracelsi-* melioris farinæ sunt *staturum &* Paracelsistæ & Empirici, *Empirico-* qui per *Lapidem* aliquem *Philosophorum* & Vniuer- *rum Vni-* sale medicamentum aliquod fictitium magis *uersale. si-* quàm factitium, nescio quanta miracula pro- *ue Lapis* mittunt: dicunt enim, triplici veste eundem or- *philosophi-* natum esse, diuitiarum, charitatis, & releuationis ab omni languore: quandò friuolè & mirâ quâdam procacitate contendunt, artem in naturâ consistere, quâ iuuentus æternum florida conseruari, mortalitatis casus euitari, vita (eti- am vltra definitum terminum) produci, nec nō humidū primogenium, eius bonitatis, cuius id erat, quod continuo substantiæ transpiratu pe-

rijs, vicissim infundi possit. Dicit Diuinum My-
 sterium à Deo datum (quod in eo contineatur
 omne secretum) quo in mundo non res sit su-
 blimior. Hos adeò lactat mellita spes, vt neque
 laborum, neque impensarum vnquam pigeat,
 miróque ingenio semper aliquid excogitant,
 quo sese denuò fallant, sibique ipsis gratam fa-
 ciant imposturam, donec absumptis omnibus,
 non sit quo jam fornaculam instruant. Quorū
 Principium, verè nihil est scire, Medium, splen-
 didè mentiri, Finis, mendicatum ire, & tandem
 vitam in miserijs finire: de quibus benè dicitur.

Dum lapidem quaris Lulli, quem querere nulli.

Profuit, haud Lullus, sed mihi nullus eris.

Non desinunt tamen iucunda somniare som-
 nia, cæteros pro viribus ad eandem felicitatem
 animantes. Cūque jam prorsus omni spe de-
 stituuntur, superest tamen vna sententia, abun-
 de magnum solatium; *in magnis & voluisse sat*
est. Ac tum vitæ breuitatem incusant, vt quæ
 magnitudini negotij non suffecerit. Veram au-
 tem vniuersalem medicinam non dari, contra
 pseudochymicos, cum Angelo Sala in tract. de
 varijs chymicorum erroribus, sequentibus de-
 monstro rationibus. Etenim Deus O. M. vni-

uersi

uerſi ſapientiſſimus Creator, quælibet creata ſuis certis attributis, & ſpecificis proprietatibus inſigniuit, & peculiari ſuâ virtute exornauit: ex quibus apparet, Deum in mundo nihil fruſtrâ extare voluiſſe. Quod ſi verò vni corpori, vniuerſalis medicinæ virtus fuiſſet indita, nonne ſequeretur, reliqua inutiliter, & fruſtrâ exiſtere, & in finem inanem ab eo procreata fuiſſe? Hoc autem abſit, vt credamus. Quot ſunt herbæ, quot animalia, quæ ſpecificâ & occultâ virtute contrâ certos morbos, etiam venenatiſſimos, potentiſſimè agunt, contrâ quos nec aurum potabile, nec tinctura auri, nec magiſteria gemmarum, aliquid præſtare poſſunt. Ad hæc, ſi quotidianam quoque experientiam conſulere velimus, comperiemus, quod varij Principes, & Magnates mundi, podagrâ, alijsque ſæuis, infirmitatibus laborantes, auro, & argento non parcerent, ſi modò tantæ efficacix reperiretur medicamentum. Hinc elucet, quantum pseudochymici Vniuerſali ſuo ſophiſtico præſtent, atque proficiant. Verùm, his ſufficit, aurum noſſe corradere, & ſuffurari, vtcunque jam arroganter ſibi DEI dona uſurpent, & ſanitatem hominibus polliceantur. At dolendum eſt etiam

am, viros probos & simplices, sæpè deludi, & falli, quos maximè optarim perpendere, quòd ipsa duntaxat medicinæ præparatio, hominis sit opus, sanitatis autem restitutio, & benedictio, opus solius DEI. Porrò, tales impostores etiam ex methodo, quâ vtuntur, apertissimâ possumus cognitione dignoscere. Nam ecce aliud non norunt, quàm quid pro quo, & illud quidem malè præparatum administrare. Vnde non mirum, si multis tot importent damna, & exitiabiles inferant ruinas, vt quibus non vereantur vendere, & exhibere, sal armoniacum tinctum, aut sal aliud, loco sacchari auri; aquam vitæ tinctam, pro aqua auri; & nonnulli meram solutionem auri cum aqua regis, pro oleo auri, & id genus alia perpetrare. Quandoquidem ergò huius Elixiris vitæ Patronus, & cum illo multi alij Magistri longæuitatis, suam inscientiam prodentes, paulò post in annis clymactericis, inter viuos esse desierint, conatúsque illorum æquè sapuerint, ac si quis cum Nicodemo in matrem reuerti, denuò carnaliter renasci, & pigmæo spithamam addere, & luxatas & putridas costas restituere admitteretur; ideò merito vanitas ista ac infania reiicienda quantum

ad ista arcana, missisq; Trismegisti & Paracelsi su-
 per hoc Vniuersale affectis, Hippocratis alumnis *Hippocrati-
 tis cura ho-
 ius affectus
 ex triplici
 fonte de-
 sumitur.*
 adhærendum, qui myrachialis affectus cura-
 tionem, ex triplici fonte hauriunt, ex *Diætâ* nimi-
 rum, *Cheirurgiâ*, & *Pharmacîâ*. Nec curandum il-
 lud edictum durum, quod Montanus pronun-
 ciauit contra Medicos, qui morbo hoc, eos fu-
 gere, & medicinas jubet. Opprobrium itaque
 est Medicorum, vtpote qui præposterè curant,
 & ægro exitio sunt. Medicus verò id vnum de-
 mum rectè agit, quod verè rectè que cognoscit,
 & ij morbi qui in difficili cognitione versantur,
 plerique difficulter curantur.

*Diætâ fun-
 damentū
 curationis
 morborū.*
 Diætâ igitur ad morborum è corpore huma-
 no eiectionem & propulsionem, sanitatisque
 & vitæ conseruationem & propagationem,
 maximum est fundamentum. Quod Gal: in
 lib. de tuend: sanit: confirmat. Rariùs, inquit,
 ij egrotabunt congruo vtentes regimine, & que
 oportet, facientes. Idem, in lib: de euchyimiâ.
 Quod nullus ægrotabit debite diætatus & exer-
 citatus, &c. Et iterum, com: in regim: sanitatis,
 innuiteum (qui vult longæuus esse & sanus) o-
 portere viuere sibi soli, & ab omni necessariâ o-
 peratione liberum esse. Ex quo initio patet, Ga-

lenum ad longævitatē non habilitare intemperantes, occupatos, aut ignorantes; sed eos tantū, qui praelegerunt vivere pro rationis imperio, & eos duntaxat, quibus sanitas curæ est, & vitam vivere possunt quietam: experientiā siquidem comprobatum est, maximam partem hominum fatalem vitæ terminum neutiquam attingere. Ideò vnanimis Medicorum Dogmaticorum sententia est, quod, per vitæ temperantiā, morborum causas cauere, easque, vbi adsunt, tempestiuè remouere, comodoque nutrimento, substantiam, in continuo fluore constitutam, reficere, non sit difficile: qui enim temperanter viuit, superflua non cumulat excrementa, cumolata tempestiuè euacuat, morbificas causas remouet, substantiæ defluxum refarcit; nouum vtique non acquirit vitæ terminum; nec is qui à morbo liberatur, nouum inchoat vitæ principium, nec noua vitæ fundamenta acquirit; sed ad vsum longiorem saluatur, vt remotis impedimentis quàm proximè ad terminum, ex naturæ primordijs destinatum, accedere, illumque consequi valeat. Pari ratione & ipse Medicus, qui vitæ fundamenta à violentā morte accidentaliter subuerit & ab-

leri

Ieri prohibuit, non annos alios adiecit, sed id tantum egit, ne accidentalis vitæ terminus iniiceretur: violentum namque vitæ terminum arcendo, naturalem assequimur. Consistit autem Diæta in sex Rebus non Naturalibus, ut in *Aëre. Cibo & Potu. Exercitio & Quiete. Somno & Vigilijs. Repletionem & Inanitionem. Animi Affectionibus.* Quæ omnia, quâ ratione in hoc myrachiali affectione sint obseruanda, ex sequentibus percipietur.

Diæta consistit in sex rebus non naturalibus.

Aër itaque, cuius perpetuâ inspiratione ne ad momentum quidem carere possumus, fortiusque corpus nostrum alterat, omni alia re non naturali, ut attestante Hipp: in lib. de aëre, aquis & locis, sit purus, ab omni inquinamento liber, & temperatus. Contemperatio caloris natui, fit per attractionem aëris, & eius depuratio, per eius expulsionem; quod si corruptum & foetidum inspiramus, tunc calorem & spiritum innatum corrumpimus. Non parum ob id interest, qualis is sit aër, quem subinde per os & nares, inuiti etiam, haurimus & attrahimus; aut qualis ille sit, qui corpus nostrum ambit & alterat. Nam substantia multâ exhalatione terrarum, aquarum, cadauerum, aliorumque putre-

Qualis, Aër obseruandus in affectu hy-pochoaria.

ſcentium inquinatur, peſtilentiæ ſeminibus vel
 in ſe genitis, vel cœlitus imiſſis polluitur. Qua-
 litatum intemperies calidior, frigidior, humi-
 dior, aut ſiccior, ſiue à regione, ſiue à ſitu, ſiue ab
 anni tempore, ſiue à cœli ſtatu talis exiſtat, ſpi-
 ritus, humores, ipſumque corpus immutat. Pro
 hypochondriaci itaque affectus curatione, o-
 ptimus aër erit, qualitatibus primis temperatus,
 & ille præſertim qui ſecundùm Razouium de
 ſanit: tuend: fol: 14. vnicuique eſt natiuus: nam
 vniuſcuiusque locus naturalis, vt Philoſophus
 inquit, ſui eſt locati conſeruatiuus: præterea
 purus, ſerenus, patens, nullis inquinamenti ob-
 ſitus, vel putredinis corruptelâ fœdatus, vel fu-
 ligine perſuſus, difflatus leuibus ventis maximè
 ſeptentrionalibus aut orientalibus, leuibus di-
 co, (nimij enim ventus pulmoni, reliquiſque
 ſenſorijs obſunt) irrigatus interdum ſalubribus
 pluuijs: nam ex eiufmodi ſalubriori afflatu, cor-
 poris non tantum vires meliorescunt, ſed & ani-
 mi quoque vigor intenditur. Illorum autem
 vitioſus mos nequaquam probatur, qui aëre ſe-
 reno, puro ac tranquillo, vix rimam in ædibus
 ſuis patere volunt, ſed tanquam in cryptis & ſpe-
 cubus carcere concluſi, aërem vix vnquam
 mo-

motum, aut sordibus alijs ex negligentia inquinatum attrahunt. Ille enim aer damnatur, qui crassus, nubilus, pluuiosus, aquosus, aliquando ex locorum stagnis, paludibus, mortuis & infectis aquis deprauatur, aut etiam cloacis, gurgitibus, & putidis exhalationibus e terra surgentibus, nec non animalium cadaueribus, alijsque id genus corruptionibus inquinatur: vnde hominum habitationes infici possunt, vt ibidem citra valetudinis detrimentum hærere non liceat. Ast vbi ædes lucidæ & excelsæ, aëri sereno, claro, puro, & malignis omnibus carenti, extrà solum squallidum, muscosum, sordidum expositæ fuerint, ibi vita diu conseruatur, ac eiusmodi ædificia quærenda sunt. In æstuosis locis fenestræ spectare debent septentrionem, in frigidis meridiem, in temperatis exortum æquinoctialem. Nunquam se committat cœlo nubilo, pruinoso, neque ante matutinum Phœbum consideat, ambulætue in ripis, orisque fluminum, amnium, lacuum, aut fossarum læuam memphitum eructantium.

Prudentissimè autem agere videbitur, si, *Quinque regula ad aëris artificialem.*
quod ad artificialem aëris vsurpationem attinet, ad sequentia quinque notatu digna animū

*usurpatio-
nem obser-
uanda.*

aduertere non grauetur. Et quidem Primò. Vt mansiones, seu habitaculum & dormitorium, orientalem plagam versùs, & Aquilonem dirigat. Ad Orientem quidem, vt sol ex oriens ipsam habitationem aggredi, aërem mundare & illustrare, & vitiatos vapores discutere valeat. Secundò. Vt matutinis horis, aërem immoderatum & inclusum rectificet, accenso igniculo lucido in camerâ, cum lignis Iuniperi, Vitis, Lauri, Roris marini, &c. Aut eundem corrigat suauissimo aliquo suffitu, ex Thure, Storace, Benzoi, Gallia Moschata, Moscho, & alijs odoramentis pro fumo concinnari solitis. Tertiò. Vt secundùm Auicennæ consilium, & secundùm Rhazem ad Almanforem, subindè rebus odoriferis, nares, caput, & faciem, inficiat: morbidi enim, inquit, semper aliquid benè redolens odorare debent, & suffumigijs vt: odores enim & suffitus oblectant, implent, & confortant spiritus tam animales, quam vitales, & aërem rectificant. Consultum igitur foret, assidue secum gestare linimentum vel balsamum aliquod suauissimum antapoplecticum, & cordiale, ex opobalsamo, moscho orientali, ambrâ gryscâ, zibeto, oleis pretiosis, & balsamis odora-

tis apparatus, quo per interualla, horis maxi-
 mè matutinis, sutura coronalis, occiput, tem-
 pora, nares, labia, præcordia, pulsus arteria-
 rum, &c. modicè possent illiniri. Aut si tantum
 præstans aliquod Pomum Ambre manibus ver-
 saretur, frequenter odorandum. Quartò, vt
 brumali tempore, hypocauftum non nimio
 igne incalescat, sed calore tantum æstatem re-
 ferat: excedens enim, & nimia hypocaufti cali-
 ditas, corpus & spiritus (si quid aliud) quàm ma-
 ximè resoluit, somnolentiam, inappetentiam,
 catarrhos, apoplexiam, anginam, & alia huius
 generis graua mala, accelerat. Sed sit, vt id-
 ipsum Galenus suadet, hæc in aëre mediocritas,
 vt nec horreat propter frigus, nec sudet propter
 æstum. Quintò. Vt aërem vitet frigidum, nubi-
 lum, yentosum, pluuiosum, & paludum & cloa-
 carum halitu infectum: talis enim ingenium
 hebetat, spiritus obnubilat, constringit, cordi
 obest, & calorem natium extinguit manifestè.
 Cumque à frigore facilè quis lædatur, ideoque
 commodum fuerit, non tam thoracis & pecto-
 rales partes ab iniurijs externis munire, sed in-
 primis caput in somno cooperire biretis scarla-
 tinis: vapores enim noctu ad caput eleuati i-
 psam

psum infrigidant , & in cerebro in naturam aqueam conuersi , reumatismum accelerant. Quod si pileolus ex odoratis gestari posset, utique pro cerebro vigorando esset & præstantissimum , & simul cerebri humiditates consumeret.

CAPVT XIII.

De Cibo & modo Cibationis, Potúque in morbo hoc conueniente.

De Cibo & cibatione in melancholiâ hypochondriacâ.

Aër in hoc affectu necessitate & temperaturâ explicatâ, ad Cibum & Potum procedamus: quod enim assiduè è corpore nostro effluit, illud aut est substantia ignea, aut sicca, aut humida. Ignea per aërem ; sicca per cibum; humida per potum restituitur, reficitur, & restauratur. Quotidiè namque, uti prudentissimè de morte refert Seneca, morimur: quotidiè enim demitur aliqua pars vite, & nunc quoque, cum crescimus, vita decrescit , & hunc ipsum quem agimus diem, cum morte commutamus: maiorem etiam mortalium partem cibo perire scribit Plinius, quod res cibaria ignoretur , in-tempestiuè quoque & nimis multum assumatur.

tur. Quotusquisque enim per sæpè in culinâ sportulam parat, & mensam lautitijs, & dapibus onerat superbis: ex patinâ tamen inopinatâ & immaturæ mortis ingerit principia. Vti Stigellius Poëta.

Corporis ignarus mortem inter prandia sumit,

Qui bene se nouit sanior esse potest.

Nocuum enim ex vitiatō cibo, docet Auicennas, etsi per singulos dies non sentiatur, propter prauitatem tamen, quod congregatur ex ipsis, tempore multo fit manifestum. Promptius itaque pro malo bonum, pro morbifico salutare, & pro veneno notabili, alimentum, vt sanitati consulatur, apprehendendum.

Seruanda autem victûs ratio in myrachiali hoc affectu illa est, quæ moderatè refrigeret & humectet: nam si vllō alio in morbo eâ exquisitâ & accuratâ opus est, in hoc morbo maximè necessaria est: cum à diætæ erroribus originem habeat, & foueatur, ac sine eâ parum medicamenta profint: si verò accurata instituat, non parum ad hunc morbum expugnandum momenti habeat. Cibi autem sint boni succi, facilis coctionis, temperati, non calidi, non sicci, non viscidi, lenti, crassi, non acres, qui intempe-

Victus ratio moderatè refrigeret & humectet.

riem viscerum augere, humores ampliùs adure.
 re, & meatus obstruere possint. Notum est, &
 vero verius, veterum Philosophòrum axioma.
 Nutrimur, quibus constamus. Iam verò, quic-
 quid hominis causâ de terrâ creauit Dominus,
 quòdque nutrire homines solet, illud aut est Pi-
 scis, aut Caro, aut Fructus. Pisces itaque, vti &
 omnia conchilia & crustacea, tùm fluuiatiles,
 tùm marini, cuiuscunque tandem sint generis;
 paucis quidem exceptis: siue jam elixi, frixi, sic-
 cati, effumati, aut conditi quouis modo, illi
 mensis hypochondriacorum appōantur, quo-
 rum omnium vberima vbiuis est copia & di-
 uersitas, melancholicorum non grata cibaria,
 sed dulcia potius venena sunt. Cùm omnia ete-
 nim hæc aquatilia, de substantiæ proprietate &
 naturâ, frigida sunt, difficilis digestionis, multo
 calore indigent, ventriculum requirunt vali-
 dum, humanum corpus multis viscosis aquosis
 & mucilaginosi replent humoribus: nutrime-
 tum enim sequitur naturam nutrientis, ex
 aquosis aquosum, ex terrestri terrestre. Itaque
 Carpiones, Tinca, Cyprinus, Mustella fluuiati-
 lis, Truttapiscinaria, Nasus, Barbo, Anguilla,
 Lampreta, Cochleæ, Cancræ, Limaces, Testudi-
 nes,

*Pisces non
 conueniūt
 hypochon-
 driaci.*

*Pisces in-
 me nocivi.*

nes, Ranæ: pisces duri, maritimi plerique, inprimis exiccati, vt & alij sale conditi, vel fumo indurati, vt Afellus, Passer, Ostrea, Chamæ leues, longæ, &c. summè nocent. Minus tamen nocent ex marinis, Sarda, Halec, Scombrus, Aurata: qui tamen, cùm omnes non nisi benè saliti, ad nos ferantur, priusquam in cibum admittuntur, benè edulcorari debent: nam sal cùm densandi, constringendi, & coagulandi vim habeat, facit, vt humores in hypochondrijs facilius cumulentur & detineantur. Ex fluuiatilibus admittendi, Funduli, Lucij, Percæ, Trutta salmonata, Trutta trusilis, parui Salmões, Thymallus: hi namque carnem habent alimentosam & suauem.

*Sal.**Pisces minus nocui.*

Alterum ex alimentosis, quod gelidos & limosos pisces sequitur, caro est, tam quadrupedum quam volucrum, tam domesticorum quam syluestrium. Conueniunt autem carnes vituli lactantis & per duos menses à natiuitate distantis. Capretina viginti dierum. Agni non lactantis. Castratina non macra. Bubula saltem junior & tenera, non pinguis aut frixa. Cuniculorum. Porcellorum recentium. Linguarum bubulæ. Vbera vaccarum iuuenularum. Gal-

Quales carnes admittenda.

linarum. Caponum. Gallorum indianorum. Pionum. Turturum. Perdicum. Rusticularum. Turdorum. Merularum. Alaudarum. Fringillarum. Carduelis & cæterarum nemoralium aicularum varij generis. Nocent verò, carnes Porcinæ sylvestres & domesticæ, Hircinæ, Caprinæ, Bubulæ vetustiores, Ceruinæ, Leporinæ, Anatum, Anserum, Columbarum, Pauonum, Sturnorum. Nocet quoque omnis caro salita, effumata & aceto condita : acetum enim humorem melancholicum fermentat & exaltat, & sal densat, constringit, & coagulat, vt suprâ dictum est. Pedes quoque & viscera animalium in vsum non veniant, vti vitulorum capita, medullæ, pulmones, epata, corda, lienes, ventres & intestina, vngues, &c. Ad quem etiam censum referuntur composita, & arte coquinariâ cum & sine sumptu confecta edulia : vt caro in pastillis : bellaria ex farinâ & pastâ farinaceâ : panes crustacei, & alia liborum & placentorum genera : quæ & ipsa hypochondriacis huius gratiâ non competunt, quod longiùs in stomacho morentur, obstructions causent, & suâ viscositate miris modis officiant.

*Nocina
carnes.*

Acetum.

*Nocent
edulia ex
pasta fari-
nacea con-
fecta.*

Horrei

Horrei fructus, tertium sunt ex ijs, quæ nutriunt, quo nomine tamen tam herbarum quàm arborum, semina & radices subintelligo. Sunt autem admittendi Spinacia, Cauli de fior, Napi, Naoni, Pastinaca, Oliuæ, Cappares, sine aceto tamen & sale. Asparagi, Lupuli, Caricę siccæ, Ficus recentes, Mespila, Pistacia, Pineæ, Amygdalæ, Zybeba Cypria, Vuæ pensiles, Poma granata, Poma citria, Aurantia, Limonia, Cydonia cocta & condita, Pruna vngarica. Ex leguminibus, Hordeum orbiculatū, Oriza, Ciceres, Gramen mannæ *Himmelhaw* / Auena decorticata *Haberkoren* / Amylum *Krafftmeel* / &c. è Plantis. Cichoreum, Endiuia, Petroselinum. Reliqua ferè omnia cum sint frigida & cruda, ventriculum grauent, calorem innatum destruant, parum sanguinis generent, tormina & flatus turbulentos excitent ventris, & alia innumera inducant symptomata, tanquam summè nociua reijcienda sunt. Qualia sunt Fraga, Cerasa, Pruna nostratia, Pyra, Poma, Nuces, Castaneæ, Melones, Pepones, Citrulli, Cucumeres, Caules, Rapæ, Brassica præsertim muriâ condita, Lactuca, Milium, Panicum, Lentesc, Pifa, Phaseoli, Fabæ, &c.

*Horrei
fructus
admittendi.*

Non admittendi.

Quantumuis autem sanitatem nemo sit qui

*Quomodo
in cibatio-
ne consue-
tudinē in-
dulgendū.*

sedulo non inquirat & desideret: quorundam
tamen appetitum, pro gulæ concupiscentiâ,
tâm sæpè deprauatum cernimus, vt hisce enar-
ratis frigidis, glutinosis, crudis, & excrementi-
tijs cibus inhiare, imò cum eis mori potius ma-
lint, quàm salubriorum delectum instituere;
tam nos.

Nitimur in vetitum semper cupimusque negata.

Non pauci, vt errorem & abusum pallient, cul-
pâ ob id vacare existimant, quòd talibus ab in-
eunte ætate assuefacti sint, nec huc vsque mini-
mam noxam ex ijs perfenserint. Alij verò con-
suetudinem illis in alteram naturam versam ar-
bitrantur, quòd prouerbialis sit Medicorum
sententia, quâ dicitur, *Quod sapit, & nutrit: Ab as-
suetis non fit passio, &c.* Sinistrè autem, & non sine
magnâ sanitatis iacturâ hæc sibi vendicasse, ex
ijs manifestum est. Quod si itaque ex prauis suc-
ci cibus, quidpiam à Medicis, ob consuetudi-
nem, ex conniuentiâ, vt palato satisfiat, conce-
ditur, tunc illud non communiter, hypochon-
driacis & malè constitutis, indultum subintelli-
gitur: dubium enim nullum est, omnia quæ ta-
les perperam ingerunt, indigesta, cruda, & in-
concocta in ventriculis eorum persistere, non
secus

secus ac cruda manere solent ista, quæ ollæ illi insunt, cui coquus ignem subtrahit incogitantiùs. Nec obstat, quòd ipse Galenus in sanitatis regimine aliquid dandum esse consuetudini asserit, quandò dicit. Quilibet meliùs concoquit quod appetit, quàm quod nō appetit: quæcunq; enim cum voluptate assumuntur, ista ventriculus amplexatur, & faciliùs concoquit. Et Aui-cennas Fen 3. pari ratione docens. Nutriens melius est quod meliùs sapit, quoniam ventriculus & eius retentrix facultas, vehementiùs talem cibum amplectitur. Locis namque citatis, non de ordinariâ ægrorum & præcipuè hypochondriacorum diætâ sermo est; sed de assuetis & conualescentibus, qui fortassis ob morbi longinquitatem, appetitum ad conuenientes cibos amiserunt, & ab omnibus alijs vehementer abhorrent. Quibus utique satius est (si inter duo mala minus eligendum) aliquid, quamuis noxij, concedere, quàm, ut fame pereant, permittere. His itaque cibi ij exhibendi, quos optimè tolerare, concoquere, & citrà vllam molestiam distribuere animaduertimus. Neque enim tam refert, quàm boni cibi exhibeantur, quàm quâ benè coquantur: siquidem cibi etiam boni, si

non

non benè coquantur in ventriculo, plùs nocent, quàm deteriores, si benè coquantur. Quà in re imprimis ad ventriculum respiciendum, qui in omnibus hác affectione laborantibus non semper eodem modo sese habet, & ob vitiosum, quo nutritur, alimentum, nonnullos cibos sæpè peculiariter auersatur. Ideoque non semper commodiores sunt cibi tenuiores, & qui facilè alterantur; cùm in ijs, quibus cruditas nidorosa familiaris est, tales cibi facilè corrumpantur, qui propterea ijs non sunt exhibendi; sicut contra ijs, qui cruditati acidæ sunt obnoxij, cibi frigidi non conueniunt.

Quid hypochondriaci in assidue ciborum obseruandū.

Quod si verò absolutè id semper ad sanitatem faceret, quod vbiuis meliùs sapit, Diætā nil amplius, sed nouo hoc canone opus esset. *EDE, BIBE, quod sapit.* Hypochondriaci itaque, quibus sanitas & vita curæ est, qui medicè potius, quàm immodicè viuere præelegerunt, qui perpetuis cruditatibus nō grauari, qui flatibus continuis non diuexari, qui frequentius infirmari non cogitant, in id pro virili ordinariè & communiter incumbere debent, vt cibos eligant facilis digestionis, qui citò benè & multum nutriant, qui bonum & laudabilem generent sanguinem.

guinem, qui in ventriculo nimis non remorentur, & totum denique corpus morbidum opportunissimè restarent. Nam secundum Galeni mentem: cibo nullâ aliâ de causâ indigemus, nisi vt alamus corpus: nutriet autem, si benè fuerit concoctus: concoquetur benè, si modicus: qui enim nimius est, hunc crudum manere non ignoramus.

Iuscula gallorum & gallinarum, carnis bubulæ, mediocri tamen quantitate sumpta, cum æstum hypochondriorum temperare possint, nō improbantur: nimîâ verò quâtitate sumpta, fluctuationem pariunt. Præstantissimum eduliorum, omnium Medicorum applausu est, Ptisana: de quâ Galenus (qui peculiarem tractatum de eius conscripsit laudibus) hæc recitat. Ptisana hordei benè cocta, est optimum edulium, & inculpatissimum omnium eduliorum ad euchymiam & sanitatem. Sed ne vllum quidem alterum datur inuentu, quod, siue vt medicamentum, siue tanquàm nutrimentum exhibeatur, huic sit compos: nâmq; blandi saporis est, & nullam habens insuauitatem; citò digeritur, & faciliè egeritur; arcet & abigit sitim ob lentorem; modicè nutrit & humectat; nus-

*Iuscula
gallorum
& gallina-
rum.*

*Ptisana
præstantis-
simum edu-
liorum.*

quam per angustos hæret meatus, sed ipsos permeat; putridos succos detergit, semiputres concoquit, &c. Debet autem fieri ex hordeo decorticato, non integro, sed confracto, neque coqui cum aquâ simplici, sed cum optimo galinarum nigricantium jure, asperso parum piperis & zingiberis pulvere: sic namque propter chyli substantiæ similitudinem benè faciet. Carnis vicem gerunt, & post ptisanam, primas in nutriendo tenent oua recentia, tremula, galinarum juvenicularum. Quod Gabini lib. de Euchymia & 3. de alim. insuper Avicennas 2. canon. cap. de ovis confirmant; ideò hypochondriacis admittenda. Quò autem ouum est recentius, eo melius. Totum ouum tamen non assumendum: albumen enim agrè concoquitur, viscosum proinde est & frigidum. Existimatur ouum quod vnius horæ ætatem habet, tantum sanguinis generare, quantum mole sua pendet id ipsum. Quàm salubria autem hypochondriacis oua sunt tremula, tam e contrario noxiâ iisdem sunt dura assata, vel quouis modo in sartagine frixa: nutrimenti enim crassi sunt, ad caput euaporant, faciliè in ventriculo corumpuntur, &c. A lacte & lacticinijs quàm

*Oua gal-
narum, re-
centia &
tremula.*

maximè abſtineat, quod lac propter calorem *Lac & la-*
 viſcerum ſtatim efferueſcat, pars vinctuoſa & *ſticinia.*
 pinguis in bilem vertatur, ſeroſum & caſcale
 humores craſſos & pituitoſos generet, atque
 ita tota ſubſtantia corrumpatur, humoresque
 aduſti inde generentur. Aromatum quoque *Aroma-*
 vſus moderatus ſit. *tum vſus.*

Panis, ſecundum Gal. alim. 10. ferè baſis eſt *Panis qua-*
 & fundamentum totius cibationis. Qui hypo- *lis conue-*
 chondriacis quadrat, debet eſſe de puriori parte *niat hy-*
 farinæ triticeæ, quam ſimilam vocant, factus, *pocho-*
 Non ex ſiligine: is enim acidior eſt, & medio- *driacis.*
 cre alimentum præbet. Sit autem benè ſalitus
 & fermentatus, duorum dierum ætatem ha-
 bens: qui enim nimis recens eſt, in eandem
 paſtam, qualis, antequam pinſaretur, fuit, in lan-
 guidis hypochondriacorum ſtomachis redigi-
 tur, meatus obſtruit, & flatus generat. Quo mi-
 nùs autem inflat, concinnari debet cum aniſi,
 fœniculi, vel coriandri præparati feminibus.

Cæterum, in horum omnium & ſimilium *Regula*
 rectâ adminiſtratione, ſequentes regulæ probe *duodecim*
 obſeruandæ. *Cibationis*
rectè ad-

I. Quæ hactenùs de electione tot ſalubriũ
 ciborum fuſius dicta ſunt, non eò tamen ſpe-

stant, quod omnibus, præsertim verò myrachiali affectu detentis, quibus Fatorum Collator Omnipotens, opiparam mensam decreuit, ob id liberum sit, tot & tam variegatos cibos, pro diuersâ ipsius anni statione, apponi solitos, vnâ sessione degustare, inordinatâ ingluuie, & multiplici rerum varietate ventriculi deprauatum appetitum explere & onerare: monet enim Rhases: hypochondriaci neque multum impleri, neque etiam jeiunare debent, eò quod vterque excessus ijs maximè infestus sit. Sed in id potius incumbere eosdem decet, vt potiores tantum, & illos sibi vendicent cibos, qui sunt melioris succi: (duobus ad minimum aut tribus edulij contenti) natura enim paucis est contenta, & Hipp: teste, saluberrimus cibus, est simplicissimus: cibi enim qui inter se distant, corrumpunt se inuicem, & ciborum varietas, nil nisi humorum parit varietatem.

II. Hora certa comestionis obseruetur: vbi enim nulla temporis ratio, ibi inordinata digestio, vbi nulla digestio, ibi nullus appetitus.

III. Non accumbas iratus, negotijs distractus, sollicitus, morosus, aut quocunque animi

pathe-

pathemate perplexus: qui enim sic appetit, huic
cibus haud, aut perparum assimilatur.

IV. Pransurus à pane exordium capias: est
enim totius cibationis fundamentum.

V. In cibus, liquidiores, crassis præmittantur.

VI. Non ingerendi cibi feruentes aut nimis
calidi: qui enim tales sunt, ventriculum destru-
unt, & dentes putrefaciunt. Benè quoque ma-
sticentur cibi antequam deglutiantur. Edentu-
li verò, cibum multiplici cultelli incisione mi-
nuant: talis enim minuta incisio, digestionem
maturat, vt chyli formam citius adipiscatur.

VII. Non comedatur ad stomachi gravita-
tem: qui enim cum voluptate prandium finit,
cœnam cum voluptate incipit.

VIII. Si alius non corresponderit, tunc lu-
bricantes & laxantes cibi omnibus anteponen-
di.

IX. Pisces cum carnibus, vno pastu, nunquā
misceantur: hæc inæqualiter etenim digerun-
tur.

X. Si cibi in stomacho senseris fastidium,
protrahatur cœna: signum enim est, primum
cibum non descendisse.

XI. Fame naturali stimulante, statim cibus
capien-

capiendus: protractio enim cibationis aliorum gratiâ, appetitum illicò destruit.

XII. Cibi quoque flatulenti, non tantum fugiendi, verum etiam cum cibis, moderate flatus discutiētia, miscenda, quia affectio hæc valde flatuosa est, & hæc detenti, ferè semper flatibus abundant. Hæc tamen omnia, non eo fine & supercilio protuli, quod syracusanam cuiuspiam Magnatis lautitiem, DEI benignitate, affluentem, censoriâ notare virgulâ, aut opiparam eius mensam spongiâ (quod aiunt) delere præsumam (omne enim tulit punctum qui miscuit vtile dulci) sed potius vt attentionem conciliem salutarem, quò ex tam laudabili victu, tam in dubiâ coenâ, quàm præ lauto prandio indies apponi solito, probatus etiam sanguis generari, & cruditas, quæ morborum mater est, euitari, & quàm fuerit possibile, omnis superfluitatum accumulatio, prohiberi possit.

Potus qualis esse debeat hypochondriacis.

Cibos insequitur Potus: hic ad cibum liquore aliquo imbuendum, & ad sanitatis tutelam non sanè minùs est necessarius Hypochondriacorum autem potus, sit vinum album, tenue, benè maturum, benè defecatum, non austerum, non sulphuratum.

Qui bibit ingrato sedatum sulphure Bacchum

Preparat ad diri se Phlegetontis aquam.

Nec quod in lapide calcario, & alijs locis materiam tartaream suppeditantibus crescit. Condiri potest vinum flor: & radic: Borriginis, vt & ex alijs plantis huic affectioni conuenientibus. Nec inutile est vinum Absinthites è musto paratum, cui, si libet, pars tertia rad: Borrag: vel Bugloss: addi potest. Quod necessarius in hoc affectu sit vini potus, non mirum est: nam moderatè bibitum, corpus alit & nutrit; vires corpori præstat, & reficit omnia membra; calorem innatum confortat; cibi mouet appetentiam; flatus dissoluit; obstructions aperit; melancholiam compescit; cor recreat; animum erigit, & dat illi gaudium; curas hebetat; juncturas humectat; vrinam prouocat; somnum conciliat. Quibus sanè omnibus hypochondriaci maximoperè indigent. Quod ad modum & Vini po-
quantitatem assumendi vinū attinet, circà illa tudo
non multum determinandum, cum sit ex consuetudine, & in bibentis potestate: communiter tamen in principio pastus minùs, & in fine plus, & largiùs bibendum esse consulunt Medici. Vnde antiquitus triplex potus obseruari so- Triplex
litus potus

litus fuit, nimirum: permistiuius: sitis sedatiuus: delatiuus. Permistiui locus erat, simul cum cibo in principio, vt cibus diluatur, qui vtique modicus esse debet, ne videlicet cibū fluctuare faciat in stomacho, nec non in medio pastus. Sitis sedatiuus, regulariter differebatur ad finē comestionis: cum enim sitis nihil aliud sit, quàm appetitus frigidi & humidī, & ille appetitus, seu ventriculi estuatio, in ore stomachi percepta, hominem maximè circa finem pastus molestet, ideoque in fine etiam plūs esse bibendum existimarunt, donec sitis sedetur. Alter qui dicitur Delatiuus, competebat primā digestionē, vt chylus facilius transeat de stomacho ad epar, & stomachus ad nouum cibū recipiendū præparetur. Hoc omnibus tamen maximè inculcant, vt nunquam bibatur vinū largius ieiuno stomacho: hoc enim cerebro & nervis magnum infert nocumentum, multis etiam epilepsiam, spasmus, conuulsionem causauit, & amentiam, &c. Nec bibantur vina nimis potentia: sicuti enim maius lumen obfuscat minus, sic intimus corporis calor à vini potentis calore, aut accenditur, aut superatur. Vitentur quoque vina crassa, nigra, nimis dulcia, & mustum:

stum: hæc enim hypochondriaco ob id minus apta sunt, quòd diu in ventre morentur, flatus turbulentos excitent, viscera obstruant, & urinam supprimant. Sique potentia, crassa aut nigra sunt, non bibantur nisi diluta: sic enim potentia infringetur, viscera antea calida nimis non adurentur, crassities attenuabitur, & facilius penetrabunt: consideratâ tamen semper ætate, consuetudine & temperamento. Abstinetur denique à vino, niue, aut glacie frigefacto: tale namque nervis obest, tremorem inducit, & innatum calorem extinguit. Suadetur ergò ijs, quibus sanitas curæ esse solet vinû Nec carino solo enatum, si eius vsus in mensâ potest esse continuus.

Zythum seu Cereuisia, quæ in nostris regionibus vsitata est, sit pura, & benè defecata, enulâ, melissâ vel saluiâ, similibusve imprægnata. Cum autem omnis cereuisia constet ex tribus. I. ex frumento aliquo. II. ex liquore quo mixtum frumentum coquitur, & III. ex condimento quasi quodam, quod plenisque in locis lupulus salictarius est: hinc de nullâ cereuisiâ iudicium prudenter ferri poterit, nisi hæc tria probè considerentur: imò præter hæc etiam

*Cereuisia
potum.*

*Note bo-
na cereui-
sia.*

præparationis & asseruationis modus, nec non ætas. Cereuisia itaque quæcunque, confecta sit oportet, ex tritico seu frumento bono; in præparatione, vel nimia maceratione, aut putredine, vel exiccatione, aut adustione, vel situ, aut alio modo non vitiatò. Aqua etiam, quæ coquitur, sit fluuiialis, limpida, levis, nullo vitioso, aut extraneo odore prædita. Lupulus salictarius sit iusto tempore collectus, ne immaturus decerptus, nimio amarore ac stypticitate cereuisiam vitiet, præque situ ac vetustate læsus vel corruptus. Hinc non parum adhuc requiritur diligentia ac dexteritatis in præparatione cereuisiæ, vt prædicta legitimo quæque tempore ac ordine misceantur, benè ac perfectè coquantur, debito modo dein ebulliant, ac vasis conuenientibus asseruentur, quo crassiora ac viscidiora excrementa motu interno separantur, tempore clara atque defœcata, nec non mediocriter vetus cereuisia reddatur, neque tamen præsenio acescat: recens enim stomachum inflat, interanea distendit, viscera obturat, renibus ac vesicæ incommoda est. Ex quibus, cuilibet patere arbitror, quæ sint bonæ cereuisiæ notæ, & quot requirantur, antequam

cere-

cereuisia boni fiat saporis, aut bona dici possit, hypochondriacis propotu admittenda. Quod verò de cibo monuimus, idem de potu monendum, vt videamus, quem potum sine vlla cruditate ac incommodo, eger melius ferat: alijs enim vinum, alijs cereuisia, & quidem hæc vel illa magis conuenit: ac sæpè obseruatum, nonnullos, cibos in hac affectione benè retinere, quamprimùm verò cereuisiam bibunt, vomere, & post horarum etiam aliquot interualla, cereuisiam parùm alteratam reijcere. Hinc quoque abstemios videmus, qui neque vinum, neque cereuisiam, sed puram & crudam aquam ferre possunt, tam benè tamen, ac alij, hypochondriacis passionibus, imò fermè frequentioribus, obnoxios.

CAPVT XIV.

In quo defenduntur R. Patris Hieremie Drexelij Societatis IES V, pia memoria, & Medicorum Monacensium de vino lymphando aut diluendo opiniones.



UAM generi humano, tum quò ad corporis, cum ad animæ sanitatem confer-

*Quam nunc
cium sit vi-
ni potentis
potum.*

uandam, nocius sit vini potentis potus, maxime verò stomacho, aut ex senio, aut ex morbo, debilitato, hoc in libello suo aureo, quem ante annos aliquot de Ieiunio & Abſtinentia R^{du}. ac pius Pater Drexelius, piæ memoriæ, edidit, & cum illo Monacenses Medici tum temporis medicinam facientes, à quibus pro confirmatione opinionis suæ, doctrinas mutuatus est, multis rationibus, experiencijs & authoritatibus confirmant: dum nimirum nec malè, nec inconsideratè asserunt, proportionem esse debere inter agens & patiens, aliàs à maiori calore minorem extingui, & idèò debili ventriculo citrà morbi introductionem non conuenire vinum potens. Facilius quoque digerit stomacho debili frustulum prægrande carnis bubulæ, quàm vinum potens. Præstare dilutum bibere in quotidianâ mensâ, quàm merum, ne nociui spiritus capiti & corpori obesse possint Quas tanquam pestilentissimas, & generi humano exitiosissimas doctrinas, vltra fauromatas & glaciale oceanum relegandas, reijcit & redarguit, quidam ex antro Tryphonio, siue palude Lernæa prodiens Medicus, Matthæus Claus, Archicœnopota, in tractatu quem Oeniponti di-

diuulgauit Oenohydromachico. Is, furiosè, ebriosè, scommaticè, stomachicè, & superciliosè, animum sublimioris de se opinionis palpo demulcens, & ex mustaceo Laureolam querens, doctâ & subtili insaniâ, thraſonicâ arrogantia, non minore proteruiâ, tanquàm coriphæus, & literaturæ dictator, omnisq; promus condus veritatis, doctiorum, & saniorum viro- rum longâ experientiâ approbata, & indefesso studio confirmata dogmata, non modò debellare, sed etiam funditus eruere tentauerat. Sed quàm fanaticè, iniuriosè, calumniosè, & insci- tè pugnam aggressus, eandemque persecutus fuerit, ex monstroſo & verminoso illius certamine, palynodiæ ante victoriâ inhiantis, quilibet qui sanioris iudicij est, & extremis labijs solummodò litteraturam degustauit, facillimè intelliget. Non enim vt magnus ille Macedoniæ Rex Gordium nodum, cuius lora contorta, & in semetipsa implicata dissoluere non poterat, gladio discindebat, ita nos præcipiti iudicio ad modum Claussij, rumpemus intricatas & vincula celantes quæstiones: sed rationis manu, leniter, singulos nexus Claussio inexplicabiles, extricabimus, totâsq; tandem difficultates

dissolutas, nudas & expansas proponemus, lucemque doctrinæ nostræ in Claussij tenebras diffundemus, & arborum instar, quæ inclinant ramos, fructibusque grauidæ offerunt se carpi, sic verâ doctrinâ vberes ingenij nostri foetus offeremus vltro, & inuitabimus ad fruendum: ille racemum ex hâc vindemiâ, tu benigne Lector è copiosâ hâc segete, manipulum derues, vt lectione verorum nostrorum theorematum, oppressam salubrioris doctrinæ veritatem, surrigi videas, aduersus seculi proteruiam, & palme instar, ponderi eius violenter obniti.

*Similia
similibus
conseruari
à quibus
dam nega-
tur.*

Scio, principium hoc, quòd similia similibus conseruentur, cum Claussio, nonnullos negare, ratione, auctoritate & experienciâ moti. Ratione, quia simile non agit in simile, quod est in primo de generatione & corruptione sumptum ab Aristotele tanquam axioma: ergò simile nō conseruabit simile. Auctoritate, Hippocratis & Galeni. Hippocrates enim lib: de flatibus cap: 6. vbi definit Medicinam, tam curatricem, quàm conseruatricem, inquit, Medicinam esse additionem & ablationem: ergò similia in medicinâ non habent locum: quia Medicus semper addit, vel aufert. Similiter lib: de aëre, aquis, & lo-

cis afferit, corpora calida melius conseruari in frigidis regionibus: ergò similia non cōseruantur similibus. Experientia, Galeni authoritas confirmatur in Trasyb: cap: 20. vbi probat exemplo duorum doliorum, totam Medicinam esse artem correctiuam: dicitque, esto quod sint duo dolia exiguis foraminibus terebrata, plena tamen, sed hāc lege, vt aliquis vni dolio assistat, & quantum liquoris egrediatur, tantum illicò vicissim immittat. Alteri verò dolio nemo assistat, & nemo infundat liquorem, nisi quando notabiliter dolium est exinanitum: dicit Galenus, primum dolium assimilari conseruatrici: secundum verò curatrici. Ecce inquit Gal: quod conseruatrici & curatrici, pertineant ad artem correctiuam, quæ non per similia, sed per contraria procedit. Scio etiam, his non sufficere responsum Galeni 3. de simp: medica: cap. II. Vbi inquit simile triplex esse, videlicet simile minus, simile maius, & simile æquale; quā posita distinctione putatur, simile æquale nullo modo agere in simile: simile verò minus & simile maius agere, & pati inter se: ergò similia conseruantur similibus, non æqualibus, sed maioribus vel minoribus. Sed hæc responsio non adi-

dimet contrarietatem : insuper erit periculum ne istæ qualitates similes maiores vel minores corporibus applicatæ, efficiant morbum aliquem.

*Quomodo
simile pos-
sit conser-
uare simi-
le.*

Respondeo itaque, concedendo, quod simile æquale, quod est omninò eiusdem gradus & mansionis, non possit agere in simile: neq; possit corrigere suum simile: quia omne quod agit, agit in contrarium, vel vincendo vel moderando passum. Potest tamen omninò simile æquale conseruare simile, sequenti modo. Esto quod sit eiusdem gradus, eiusdem mansionis, & eiusdem virtutis: sed quomodo? *quatenus hoc simile, auget eandem molem, quæ aucta magis resistat, & per consequens, magis conseruet.* Hinc ignis in maiori mole, melius conseruatur quàm in minori, magisque resistit contrarijs. Pari modo aqua Maris in suâ immensâ mole, melius conseruatur, quàm aquæ paxillum: quia in suâ magnâ mole multum resistit. Hinc Aristoteles quarto meteorum cap. 2. in fine ait. Pars Maris quæ separatur à toto, citius fætet, quia destituitur naturâ totius Maris: ideò in paucâ mole facile destruitur. Sic vinum in magnis dolijs melius conseruatur, quàm in doliolis. Itidem manus nostra

stoma-

stomacho applicata, vel omentum ventriculo superpositum, conseruat ventriculum; tū quia prohibet, ne calor exhalet, tū quia omē-
tum est, simile, & quantō similius, eō melius conseruat: quia per simile æquale, augetur mo-
les caloris, vnde ventriculus magis resistit, & melius conseruatur. Sic vinum mediocriter calidum, dilutum, & stomacho æqualiter pro-
portionatum, eidem conducit, calorem eius fouet & conseruat, &c. Simili modo, similia omninō æqualia (si inuenirentur) applicata e-
pati, spleni, pulmōni, cerebro, vel cordi, maxi-
mē conseruarent: quia aucta moles rei similis non agit, sed magis resistit. Quōd verō conser-
uatio non fiat per inæquale, patet per argumē-
tum ex oppositis, sicque probatur. Calidum vt duo, certē per calidum vt vnum non conserua-
ri in eodem statu, sed refrigerari, ratio est: quia calidum vt duo, habet duos gradus frigiditatis: calidum verō vt vnum, habet tres gradus frigi-
ditatis: quare dum permiscebitur calidum vt duo cum calido vt vnum, fient quinque gradus frigiditatis, & tres gradus caliditatis: quare hoc modo corpus refrigerabitur; si verō idem fiat cum excessu calidi, corpus inflammabitur, &

non conseruabitur in eodem statu: quia magis possunt quinque gradus frigiditatis, quàm tres gradus caliditatis, & quinque gradus caliditatis, magis, quàm tres frigiditatis: ergò vera conseruatio, neq; per similia minora, neque maiora fiet, sed solum per similia æqualia, quæ omninò sunt similia in mole aucta, non agentia, sed magis resistentia.

D. Antonij Comitis Cæsaris & Collesubprahano opinionem rationes.

Sed audiamus Illustrem Dominum Antonium Comitem Cæsaris & Colle, Serenissimi Electoris Bauariæ, & reliquorum Principum nostrorum pro tempore Archiatrum primariũ: Virum profundissimæ doctrine, iudicij incomparabilis, felicissimæ praxeos, indefessi laboris, gratissimæque modestiæ & patientiæ, de hac controuersia differentem, cuius bonâ veniâ hæc scribo. Quàm iniquè, inquit, pius Pater Drexe- lius à D: Claussio laceffitus fuerit, clarè patet, si quis prima tantum Medicinæ Principia legat: artem nempe medicinalem Galeni, vbi intemperierum omnium præcipuorum viscerum signa tradens, ait, quòd intemperata viscera modico contrariorum vsu iuuentur: intemperata viscera; intellige intra sanitatis limina consistentia, modico contrariorum vsu conseruari; non

ægris,

ægris, sed fanis, & jeiunare potentibus, victus in tantum præscribitur, in quibus pro præseruatione non exquisitè requiruntur contraria. quod si verum, sicuti verissimum, quomodo stomacho frigido vinum potens conducet, in quo non modicum sed validum reperitur contrarium? quinimò strictè obseruant Medici etiam in curatione morborum, vt remedia sint morbo æqualia, ne vno curato morbo, alius introducatur curato contrarius: si ergò in curationibus ita attendendum, ne maius sit morbo remedium, quantò magis in præseruatione, quæ modico tantum contrariorum vsu est contenta: quâ ratione ergò stomacho frigido, sed sano adhuc existente, qui modico contrario iuuari potest, exhibebimus vinum potens, quod est validè calefaciens, & potius contrarium: & quis nisi ebrius, in declinatione, vel etiam in fine febris, in quâ stomachus passus est, & debilitatus, vinum potens exhiberet, propter hoc solum, vt debilitatum stomachum reficeret? & si Galenus, quem Clausus adducit, vinum dilutum calidis & siccis exhibet, non autem aquam, quare stomacho frigido exhibebimus nos vinum potens, quod est valdè recedens à stomachi frigiditate.

ditate, quæ modicum solum contrariorum vsum desiderat? sed clarius tale sit argumentum. Sicuti Galenus non dat valdè refrigerans stomacho calido, sic nec stomacho frigido valdè calefaciens, quia contrariorum eadem est ratio: sed Galenus non concedit calidis intemperiebus valdè refrigerans, ergo neque nos in stomacho frigido valdè calefaciens, quod est, vinum potens, concedere debemus; in ijs præsertim, qui ab ortu talem intemperiem sortiti sunt. Contrariam intemperiem introducere in ipsis, si contenderit, tantum abest, vt iuuet, quin potius offendet: contentus enim debet esse Medicus eam conseruare sanitatem, quam à naturâ quis adeptus est: salubre enim vt multum, si quis sortitus fuerit corpus, non potuit Medicus facere ipsum salubre simpliciter semper, sed satis erit, si excessus corrigat, & ipsum in natiuâ suâ sanitate conseruet: stomachum enim à natiuis principijs frigidum, calidum non faciet, quia Medicina non de nouo, sed tantum facta refarcit, & calidam si in ipso medicamentis introduxerit temperiem, non ea erit concoquens caliditas, sed ipsi accidentalis & noua; alias nullus magis & perfectius concoqueret, quam

quàm hecticus aliquis, qui calidam eamque habitualement patitur intemperiem, quod est contrarium; vel dicere debemus, quòd seipfos concoquant cibi, quod est absurdum: quò nimò neque in morboris semper conuenit exquisitè cōtrarium, vt videre est in refrigeratis: non enim eos ad fornacem statim iubemus, sed in frigido loco, quod tamen ratione refrigeratæ partis, rationem habeat caloris facientis; & hoc ad vitandas extremas mutationes, quæ si neque in curationibus semper conueniunt, vt visum est, quâ ratione ergò stomachum maximè à naturâ frigidum, vel senio resolutum, vel alio modo debilitatum, vino potenti, quod est summè contrarium, calefacere statim suadebimus. Vinum potens nisi inuenerit obiectiuam materiam, in quam agat, aget in stomachum senis, & residuum ipsius humidum resoluet, natium calorem debilitabit, & consequenter concoctiones imminuet, & si quid boni præstat, tanquam medicamentum hoc facit, quia frigida calefacit, excrementa attenuat, & per vrinam deducit; quod nullo modo necessarium, si proportio concoctibilis ad concoquens obseruaretur, nec esset, quòd vinum potens desideraretur;

nec imaginaria est ista distinctio, de alimento simplici, & alimento medicamentoſo, ſed Fernelij potiffimum 4. meth: medendi cap: 1. vbi habet. *Alimentum quidem eſt, quod corporis ſubſtantia quodammodo ſimile, in eam tandem faceſſit atq; conuertitur, quod tum alit, tum interdum auget, id ſi ita ſimile eſt, vt in corporis ſubſtantiam conuerſum, nullâ interim qualitate alienâ illam inſigniter afficiat, ſimpliciter & abſolutè alimentum dicitur, vt panis, vt caro, vt ouum; at ſi ſubſtantia quodammodo ſimile exuperante, qualitate corporis immutat, alimentum eſt medicamentoſum, vt Lactuca, vinum generoſum, Meſpilum, Coroneum malum.* Hæc Fernelius. Ecce vinum generoſum, nominat alimentū medicamentoſum: fanis præterea alimenta præſcripſit, non ægris, propterea non extremè contrarijs, ſed modico contrariorum uſu fuit contentus; nec aliter ſentire debebat prudens ſenex, niſi & Hippocrati & veritati ipſi contradicere voluerit. Multa conglomerat Clauſus Galeni loca, Platonem inuocat, & quaſi Platonem, quibus eadem poſſet eſſe reſponſio, quàm ipſe Valeſſio: ſed modèſtiùs nos cum tantis viris, quàm ipſe cum alijs. Dicimus itaque nos ſtante præallatâ alimenti diſtinctione, quòd præfati viri, dum vinum po-

tens

rens suasisse visi sunt, illud tanquam alimentum
 medicamentosum jure concesserint, vt vel coa-
 ceruata incocta excrementa alterarent, atte-
 nuarent, per vrinam deducerent, &c. Frustrà in-
 stitueretur, si talia haud essent excrementa, cir-
 cà quæ vini potentia refringeretur: illud idem
 enim faciunt frigida excrementa, impediendo
 vini potentis actionem in natium stomachi
 humidum, quod aqua, dum vinum diluitur,
 ita vt etiam si detur in sic constitutis vinum
 potens, excrementis frigidis ac humidis in
 ventriculo coaceruatis, intrinsecè quasi di-
 luatur, quò minùs natium humidum, re-
 soluere possit: hinc doctissimè Fernelius, non
 de vinis tantùm, sed & de alimentis loquens,
 aureis istis verbis admonitos nos voluit, sic
 inquires. *Vt enim Calx ad arboris radicem consper-
 sa fructum accelerat, arborem verò perimit, ita calidius
 alimentum, maximèque vinum, suscitato calore, spiritus
 facultatesque erigit, mortem verò maturat: dum enim
 corporis calorem auget, substantiam minuit, dumque in-
 nati calidi spiritum & calorem halitu fouet, eius sub-
 stantiam, quæ humidum est primigenium, dissipat, exsor-
 betque, omnem vitam alacriorem ac vegetiorem, sed
 tamen breuiorem facit, &c. Quæ ratio eadem eti-*
 am

am est, quòd Abstemiij vtplurimum sint longeuiores: quòd si tanta esset ad vitæ conseruationem vini potentis necessitas, quomodò viuerent Abstemiij. Defecisset natura in necessarijs, cùm dederit eis esse, & negarit consequentia ad illud esse. Vinum non omnibus conuenit hominibus, ergò multo minus potens, quàm dilutum, quia magis hoc quàm illud à non vino distat. Incalescit Clausus, dum frigida inquit vina, hoc interim non attendit, quòd idem & calidum & frigidum ad temperamentum hominis relatum, esse non implicat; sic eadem vina quæ stomacho frigido sunt calida, calido erunt frigida, absolute tamen vinum non dicitur nisi actu frigidum. Sed missa faciamus hæc, tamque inutilia, sicuti & sententiam illam, quod vinorum alborum nullum sit calidum; tamque sensui repugnantia prætereamus. Valesij rationes cum viderit meraci potator insolubiles, tetaueritque mentem Valesij explicare, videlicet mala quæ à vini potentis vsu prouenire Valesius deduxit, eum intelligere, si immoderate bibatur; quasi quid daretur nimium, quod esset naturæ amicum; furit, tantumque Philosophum & Medicum, virum perturbatum &

mendacem inuerecundè appellare non erubescit. Scripsit notum est lippis atque tonforibus, quòd vinum immoderatè assumptum noceat, imò quòd nullum detur alimentum qualecunque excogitetur bonum, quod immoderatè assumptum iuuat; qualis ergò esset tanti viri distinctio? puerilis & indigna Medico: admonuit enim nos satis superque Hippocrates, quòd nec cibis, nec potus, nec somnus, nec vigilia, nec quicquam quod modum excedit, bonum; imò idem in aphorismis habet, quòd ubi eibus plùs præter naturam ingestus sit, morbum faciat &c. Quare nulla est Clausiana super Valesium glossa: intelligitur enim non tantùm de immoderato, sed etiam de moderato meraci usu, in ijs in quibus non convenit tanquam alimentum medicamentosum.

C A P V T X V.

Continuatio Præcedentis Capituli contra Matthæum Clauff.

VRIOSVS modum non habet: quippe *Thoma*
furiâ agitatus, in proximũ quemq; ruit, *Merman-*
& instar canis in lapidem ruentis, quo ictus est, *ni defensio*
Z
citra

citra rationem inuolat. Erat Mermannus, olim Medicorum coryphæus, ocellus, primipilus, theoriâ clarus, praxi promptus, & experienciâ probatus: Serenissimi Electoris Bauarię Archia-
ter: Principibus, aulicis, ciuibus, religiosis & secularibus acceptissimus, propterea, quòd do-
ctâ felicique operâ morbo perituris, adfuerit, & mortem ante tempus præcipitem, in seros di-
stulerit annos: magnus quoque & fidelis Patris Drexelij amicus. In illum Claussius inuehitur, quòd dixisset, difficilius digeri vinum potens, quàm frustulum prægrande carnis bubulæ. Non attendit autem, quòd ex supra dictis, pro-
portionem inter agens & patiens semper intel-
lexerit Pater Drexelius. Sed periculum quis fa-
ciat, détque vni carnem bubulam, in quo ca-
lor innatus adeò concoquendo, vt ait, laborat,
& alteri vinum potens, quòd tam benè ac tam
facilè, vt Clauss vult, nutrit: videbit profectò ci-
tius ad interitum tendere vini potatorem, quàm
carnis comestorem, & ratio ea est, quia caro
solum se habet, vt alimentum, vinum autem
potens, vt alimentum medicamentosum: quâ
qualitate medicamentosâ, si nihil in corpore
inueniat cui sit medicina, ad corruptionem hu-
midi

medi agit, sicuti ex Fernelio primùm habuimus, & senium accelerat, neque hoc in stomacho solum, sed & in toto corpore, cui officiale est stomachus membrum; præterquam quod potus altera necessitas est, ac præcipuè ut sit alimenti vehiculum, ut chylo mixtus, ipsum per angustas vias ad viscera sanguificantia introducat, &c. quo functo officio per urinam expellitur. Meracum pro potu exhibitum, in concoctione, potiore sui parte euaporat, vapâque pro vehiculo remanet inepta, quæ tartaro plena, tot calamitates, quas Pater Drexelius recensuit, in vijs, per quas pertransit, causat: hinc arenulæ, calculi, arthritides, & plures hominum tyrannides, quæ vini abstinentiâ si non curantur, saltem mitescunt. Sed si natura stomachum alijs membris pluribus frigidiorē voluit, quia sic requirebatur ad elixationem pro concoctione, ne adurerentur cibaria, quare contra hoc naturæ intentum tentabimus potentioribus vinis stomachum calefacere, quem natura voluit appositè frigidum? si incesserit corrigere quidem secundum excessum, tentabimus, sed non extremis, sed paulò calidioribus, quàm sit introductum, vel à naturâ consecutum tempera-

mentum frigidum (de præſeruatione enim loquimur, & de ijs qui intra limites fanitatis adhuc cōtinentur) cur ergò vina tam potentia exhibebimus? quaſi cibariorum concoctio à vino, non autem à natiuo ſtomachi calore celebraretur. Ergò eſt falſiſſimum, vt videre eſt non ſolùm in Abſtemijs, Turciſque ſaniſſimis, ſed & in brutis pluribus, quę eodem quo homo veſcuntur cibo: duriffima enim concoquunt, & vinum etiam exhibitum renuunt. Sed dicet, diuerſa eſt natura hominum, & brutorum; concedo equidem: ſed quo ad facultates naturales eodem modo procedunt, ſtomachum & ipſa habent, ipſumque membranofum, & procul dubio alijs principalioribus viſceribus frigidior, duriffima nihilominus ſine vino cōcoquunt, & benè habent, ipſorumque ventriculus, vt & hominis, ſanguine nutritur, ſed proportionato: non enim valet, ô Clauſ! ſtomachus humanus ſanguine nutritur, cum quo proportionem habet vinum potens, ergò vinum potens conuenientiſſimum: ex quatuor enim partibus conſtat ſanguis, in hunc procul dubio finem, vt & heterogeneę partes, vnaqueque ſibi magis proportionatum pro ſui nutritione

tionem feligat, & attrahat nutrimentum, sic diuerso sanguine pulmones ab ossibus, & sic de singulis nutriuntur: vnde nihil philosophatio tua de sanguine nutriente concludit; aliud enim temperamentum, aliud nutrimentum, & stomachus ijs membris quibus est frigidior, frigidiori etiam nutrietur alimento. Quod etiam facilius in stomacho debili digeretur carnis bubule frustum quam vinum potens, inde patet, quia maiorem cum humano corpore ducit similitudinem, proinde ex ea minus prouenit nocuum, & hepatis, aut mesaraicarum obstructione leuior, ac curationi minus obfistens, imbibentibus membris longè procliuius ob cognitionem, carnis succum, quam vini. Caro calida est & humida, & facta ex sanguine, quas qualitates ad faciliorem coctionem esse aptas, testatur Auic: 1. 1. doct: vlt. cap. 3. Et carnem esse cibum facillimæ transmutationis in substantiam nostram, quia habet similitudinem, idem lib. 2. tract. 2. cap. 145. de carne. Dicat quæso Clausus, si pro conseruando stomacho, cuius naturale temperamentum pluribus membris est frigidius, & talis debet esse, si sanus esse debet, dat vinum potens pro potu ordinario, qualem ei ex-

hiberet potum, si calidius aliud membrum in naturali suo temperamento conseruare vellet? vinum adustum putò? quia vinum potens secundum illum, si non excedit caliditatem stomachi, calidius membrum refrigerabit, & sic necessarium erit, vt & vinum adustum in potum veniat ordinarium; ad hoc, vt calidius membrum in suo temperamento conseruetur, & sic vno illius inconuenienti posito, mille inde nascentur.

*Vinum
potens no-
citu-
ros co-
tinet spiri-
tus.*

Sed aggreditur vltèriùs Clausus impudenter & inconsideratè Medicos Monacenses, asserentes, vinum, potens nocituros continere spiritus. Omnes vini spiritus, si innocui sunt, nihil faciliùs, quàm quod difficiliùs, spiritus nempe optimos regenerare sufficerent; nam spiritibus deficientibus ad spiritus vini venditores accedere, & sibi spiritus emere, ridiculum profectò. Non ex quolibet fit quodlibet; spiritus in humano corpore generantur etiam excrementitij, & procul dubio ex vino etiam potente, qui non difficiliùs accenduntur, ac vini spiritus. Præterea, spiritus in humano corpore vel sunt naturales, vel animales; spiritus vini nullo horum modorum spiritus dici possunt, quia essent

antequam fierent, sed tantum materia ex qua fieri possunt, unde si non iidem spiritus, in quos transmutari debent, consequens necessario est, ut aliquid ab illis spiritibus separatur, per quod sunt dissimiles, illud quod separatur est excrementitium, ergo nocivum esse potest. Breuib; illi spiritus, qui toti transmutari non possunt in spiritus animales, vitales, vel naturales, habent in se aliquid excrementitij, sed spiritus vini, non omnes possunt transmutari, siue euadere spiritus animales, vitales, vel naturales, ergo habent in se aliquid excrementitij, & per consequens nocivum. Unde ergo tantus risus? natura hoc docet, non Monacenses Medici. Pergit Cynicus, & capite forte meraco suo onustus, blasphemus, ad blasphemias, Monacenses deducit, & hoc ex eo, quia asseruerunt, vinum spiritus in se etiam nocivos continere, sic arguens; quod Deus creavit est bonum, Deus vinum potens creavit, ergo est bonum. Subiungit postea, si Deus malum creasset vinum, Deus ipse esset malus, & alia plura, quae ibi leguntur. Multa creavit Deus quae non sunt bona, nisi quatenus sunt & ipsa entia; neque ratione formae, ut ipsa probantur, quia perfectionem non sunt adepta; neque ratione

tione finis , quia ad hominem relata , nociua sunt: ergo Deus est malus. Qualis est ista consequentia, procul dubio non alia, quàm capitis meraco repleti. Missas propterea faciamus istas ineptias, sicuti & alia non minoris momenti ipsius dicta, dùm parui faciens contradictiones, eos dilacerare cupit, qui dicunt, vinum potens fugere, antequam concoctio perficiatur in stomacho: quod, quam verum sit, etiam ebrij sciunt: antequam enim è mensâ surgunt, plus oneris in capite à meracô , quàm in stomacho sentiunt. Dicat mihi in hoc expertus Claus, si vinum potens cibariorum expectaret in stomacho concoctionem, & non fugeret , quomodò possibile foret , vt, dùm mensæ assidet, neque ad necessitatem adhuc comedit , tam citò, & antequam assurgat inebrietur, cùm cōcoctio non nisi secundum communem sententiam intra septem horarum spatium perficiatur. Dices fortè, verificari hoc in multa, non autem in pauca quantitate potatum: sed nihil est istud dictum: ascendit enim ad caput non vt quantum, sed vt vaporosum, & tale est semper tam in parua quàm in multa quantitate assumptum, quamuis postea ebrietas vt plurimum sequatur.

Sed

Sed quid dicet de ijs, qui neque ad necessitatem bibere possunt quin inebrientur, vt non vnus, sed multi inueniantur tales, quibus vinum statim nocet.

Certè si concoctionem expectaret, non tam citò caput peteret, quia non tam citò deserit stomachum chylus, cuius potus debet esse vehiculum ad epar, & inde ad totum corpus sub aliâ formâ alendum. Si itaque intrâ horæ spatium, & minùs, quandòque vinum potens caput aggreditur, quomodò erit chyli vehiculū, qui nec dum est in stomacho confectus. Hoc insolubile ex ipsâ naturâ videns, eadem retorquet Clausus in vinum dilutum, immemor quid antea dixerit, quòd vinum dilutum fluctuet in hypochondrijs, neque per vias vrinæ pertranseat. Sed dicat mihi? quomodò contingere hoc potest: si fluctuat dilutum in hypochondrijs, vt facilius penetret idem, imò idem & herere & penetrare eodē tempore impossibile. Sic videt, quàm oporteat dicacem esse benè memorem. Scit. Conciliatorem respōdere io. Arist. problemate, dilutum citius inebriare, quia ait ipse, potens vinum vel non multum bibitur, vel si bibatur, in stomacho non retinetur, sed reijcitur.

*Vinum
potum co-
ctionem nō
expectat.*

Sed dicamus nos, vinum dilutum facilius penetrare cum alimento, meracum verò cum ipso difficilius, quia vt primo dictum, naturâ suâ vaporosum, concoctionem non expectat, sed evaporat. Plures alias Conciliatoris rationes si quis desiderat, præfatum legat authorem decimo problemate Aristotelis, vbi ad satietatem habebit. Interea firmum maneat, quòd vinum non potens conueniat semper, vt potus ordinarius, ac nutritiuus simul, meracum autem & potens, vt potus medicamentosus, & in ijs occasionibus conuenire, in quibus dictum est. Difficilius etiam est, vnum omnibus diætæ modum præscribere, quàm omnes vno calopodio velle calcare: quod attendens Hippocrates, docuit nos, respicienda multa, loca, anni temperamentum, consuetudinemque, &c. quæ cum altera natura dicatur, præcipuè consideranda; attendendum propterea, in quibus conueniat vel non; præterea sympathiam & antipathiam: quæ omnia vno constringere simul cingulo impossibile est. Quare non ita pertinax debet esse Medicus, vt semper meracum rejiciat, & dilutum inculcet, præsertim in assuetis: quæ enim longo tempore assueta sunt, si mutanda, sensim

*Vinum,
potens non
semper pro
potu ordi-
nario con-
uenit,*

id faciendum suaserit Hippocrates. Prudentia itaque, non pertinacia requiritur in Medico ob primò dictas causas.

Iam dudum itaque Medici Monacenses, insanæ Claussij doctrinæ, ebriosisque delirijs eius, indicere bellum potuissent, si in illius gangrenæ curationem, stili sui nouaculam acuere, nec non salutaria doctrinarum suarum caustica, in fontici morbi eius medicinam, immittere voluissent: haud rarò enim, quum armis non potest, pugnatur calamis, qui sine tumultu, inducias aut pacem, sine sanguine, victoriam, sine cæde, trophæa moluntur. Verum, ut strenui & generosi milites, leuia & circum galeas & aures crepitantia tela contemnunt, sic viri sapientes & altæ mentis, obrectationes & conuitia. Vt in viâ, si canis aut equus luto me aspergat, non quod Plautus ait, lapidem percutio, non excandescō statim, & vicissim in illum regero, sed eluo potius hoc lutum, quàm ut respergam: ita hic faciendum, & omnes isti pro caniculis aut equis habendi, qui non iudicio, sed impetu & conuitio lædunt: futiles quoque hominum sine fræno loquentium aut scribentium susurros, aut calumniæ audaciam (cui

proprium, magnum aliquid affingere viris magnis) generoso contemptu, frangere & vindicare, virtus est. Possent Claussij illa laudabiles mores, paupertasque spirituum, facillimo negotio & acri Mineruâ diuulgari, ni verecundiæ mantili magis obtegere placeret, quàm diuulgando licentius profiteri, silentijque supparo inuoluerè, quàm apertis carceribus emittere stili equos ad palmam.

Atqui furit vltèriùs Bacchi athleta, quod in ediam in morbis à repletionè, & intemperie prouenientibus, tanquàm pharmacorum pharmacum, laudauerit sobrius Pater Drexelius: cōtrà hoc Galenum inuocat, Hippocratem, & omnes quos potest, in subsidium implorat; sed malè applicat. Proponit Pater in ediam, & rectè, in repletis & intemperatis, intemperie non acceptâ quatenùs est miscibilium alteratorum vnio, sed quatenùs intemperantiam dicit in vltùs ratione. Vbi est ergò Patris error? repletioni contrariatur remedium inaniens, atqui tale subministrat inedia, ergò benè. Breviter sic argumentatur, quod inanitionem causat, tollit repletionem, sed inedia inanitionem causat, ergò tollit repletionem: maioris propositionis

tionis veritas probatur ex eo, quòd contrariorum contraria sunt remedia: minor autem ex se euidens est, quia calor innatus nunquam otiosus, in replentem materiam agens, eò magis corpus inanit, quòd minùs additur, inedia autem nihil addit, ergo, &c. Sed dicit Claus: dantur morbi, in quibus inedia perniciofa est: concedimus totum: & in repletis transeat; sed non tollit hoc, quod inedia non fit indicatum repletioni contrarium; & si in omnibus non conuenit morbis, est quia vires non ferunt, vel permittunt: sicuti multoties contingit, vt neque venæ sectio, remedium alioquin magnum ac indicatum, quod vires contra indicant, administrari possit: imò tanta est veritas Drexelianæ propositionis, vt in omnibus materialibus morbis conueniret, si vires ferrent. Propterea Hipp: docet, coniecturari autem oportet, in quibus conueniat, & an tali victu perdurare possint, quasi dicat, victum instituas tenuem, vel tenuissimum, si vires persistere & perdurare posse conijcias. Insuper inediæ terminum non præscripsit Drexelius, sed dicit, quòd aggrediantur morbos diætâ (imò Auicennas ait, si morbum ignoras, victum attenua) proculdubio

quia coniijciunt, ægrum perdurare posse, fecus non facerent. Dicit Clausus, non est inedia remedium sufficiens, & melius alio, euacuatione nempe, tollitur; transeat: atqui Pater Drexelius, cui tantum curæ est, ne corpus repletum existat, non reprobatur alia remedia, præterquam quòd ille curationem morborum non instituit, sed tantum in intemperatis, in ediam laudat, ut tempus detur calori ad ingesta concoquenda, antequam alia superingerantur, ne crudum crudo addas. Estne hic error Patris? est ne ille vel tu pestis corporum & animarum simul? plures ne occidere putas crapulam, vel jeiunium? sobrietatem, vel ebrietatem?

Denique Drexeliomastix, concoctionem in ore fieri, nullis rationibus admittere vult. Magnus profectò esset error Theologi, si medicis non vteretur terminis. Sed audiatur Auicennas Medicorum Princeps, qui eadem habet. fen. 1. doct. 4. cap. 2. leguntur enim ibi formalia hæc. *Nutritiens masticatione aliquam habet digestionem; superficies enim oris, superficiei stomachi contigua existit, imò est, ac si una esset superficies, estq; in eo virtus digestiua ex ipso: quumque masticatum tetigerit, aliqua ipsum conuersione permutabit, &c.* Si iisdem ergò v-

fus

sus est Pater terminis, quibus etiam magnus ille Philosophus ac Medicus Auicennas, quo jure Clausi inuehitur in Theologum? & quâ ratione tantos viros impudens vocat vermiculos? cur non contrâ ipsum Medicorum Principem blaterat, qui non solum & concoctionem in ore aliquam fieri asserit, verum etiam, & digestionem pro concoctione nominat, intactumque relinquit venerandum Theologum. Eâdem impudentiâ pergit, Patremque quod concoctionem à digestiuo succo iuuari dixerit, insul-
sè reprehendit. At Auicennam primo citato loco si legisset, non à centone, sed à Medicorum primatè acceptum vidisset: quid enim aliud significat eò loci Auicennas, dum habet.
Et in hoc quidem auxiliatur salina acquisita per digestionem, in quam cadit calor innatus, quàm supranominatum succum digestiuum, de quo loquens doctissimus Sanctorius, in expositione dicti capitis, admonet, ne tam frequentes fiant oris collutiones, quia sic abluatur salina, siue succus digestiuus (quod idem est) qui facit ad concoctionem, quo priuatus cibus difficilius deinde concoquitur à stomacho. Vide ex his benigne Lector, quàm inuerecundè, quàm ignominiosè

sè tantos viros, heteroclytum & à meracioris vini spiritibus & vaporibus destructum, verminosum Claussij caput, idiotas, ac triuiales centones appellet. O supercilium! hinnulus leones impetit; aquilas scarabæus; & ex magnitudine aduersariorum laudem captat, nominum & aliorum famæ sordidus vespillo.

*Elogiū R^{di}.
P. Drexeli.
lij.*

Quid stupidius? quàm corrigere illum, cuius doctrina pectora adamantina percellit, & mentes caute marpesiâ duriores: cuius virtutes Calumnia ipsa laudauit, Inuidia mirata est. Constanti R^{di}. Pater iste Drexelius per viginti tres annos (etsi tenuissimâ esset valetudine) nō tam corporis, quàm animi vigore, auditorum ora meruit. Neque contentus audiri tantum, oculis ea quotidianâ industriâ parabat subiicere, quæ pro concione dixisset, datis in vsum lucemque publicam tot libellis conscriptis, quibus legentium desideria, irritabat verius quam explebat. Benè dixit, benè scripsit, benè vixit: præsentis æui sui fuit Phoenix & Phœbus, potens verbo & opere: viuens tuba in cathedrâ: dignus trium Nestorum ætatem viuere, si Deo ita visum. Sed heu res humanas! occidit Sol ille literarum, Virtutum viua imago, Ecclesiæ columen,

men, bonorum omnium delictum. Præmissus, non amissus; oblatuſ Deo, ſed ablatuſ nobis: nec tam ipſe vitâ, quàm vita caret ipſo. Secutus eſt præmiſſos, præceſſit ſecuturos, ſequemur præeuntem. Claudio itaque Clauiſ, quia vermiſes & non homo.

Ne te forte mea grauiſ vrat ſarcina chartæ.

CAPVT XVI.

De Motu & Quiete in Melancholia Hypochondriaca.

POST Aërem, Cibum, & Potum, progredimur ad *Motum & Quietem*. Conſiſtit autem Motuſ in Exercitio, quod vnicū eſt, & verū caloriſ noſtri innati fomentum. Quod etiam in cauſa eſt, vt meliùſ digeramus, vt promptiùſ appetamus, vt ad negotia ſimùſ aptiores, vt pori aperiantur, vt fuliginofa expellantur, vt liberiùſ ſpiremus, vt cibuſ in nobiſ meliùſ aſſimiletur, vt calor ſuſcitetur, vt ſenſuſ vigorentur, vt placidiùſ dormiamuſ, vt multoſ languoreſ euite-
mus. Putret namque (inquit, 7. prob. Ariſt.) quod quieſcit, miniùſ autem quod mouetur. Et Gal: inquit de cauſ. ſympt. Exercitatio ro-

*Qualiſ motuſ & quieſ conueniat in aſſe-
ctu hypo-
chondri-
co.*

*Tres spe-
cies Exer-
citorum.*

but addit, ociū verò dissoluit & eneruat. Quod etiam Auicennas Fen. 3. doct. 3. confirmat. Vtrumque autem non decet esse nimium. Verum cum varia & diuersa habeantur exercitia, à Medicis in tres species reducuntur & distinguuntur. I. in laboriosa, vehementia seu violenta. II. in mediocria siue media. & III. in parua seu leuia. Vehementia sunt, saltus, cursus, lucta, pugilatus, iactus disci, fagi. Media siue mediocria sunt, equitatio, vectatio in curru, lusus pilæ minoris & maioris, ludus trunculorum, venatio, in quantum sine violentiâ exercetur, & ars jaculatoria per arcubalistas & bombardas, ad illam requisita, insuper armorum exercitatio, & cursus leuis. Leuia verò, lectio, aut conuersatio virorum doctorum, musica vocalis & instrumentalis, ludus chartarum, tabularum, & deambulatio.

*Lusus par-
ua pilæ cō-
mendatur*

Hypochondriacis (in primo gradu ita consistentibus, non habituatibus) qui validas commotiones, ne nimium incalescant, haud sustinere possunt, omnium maximè conducet lusus parvæ pilæ: nullam enim (inquit Galenus in comment: de lusu par: pilæ) reperiri exercitationem, quæ tam æqualiter, summā cum modestiā,

destiâ, & in omni figurâ, maiori sollicitudine omnes corporis partes moueat, quæq; in summam vehementiam tolli, & in minimam motionem deprimi, & animum simul (laudis desiderio) oblectare possit, illâ exceptâ. Quando *Deambulatio.* verò actiuum hoc, vti & alia similia exercitia, neque status ratio, nec aulica, aut religiosa vita, admittit, nec extra sphæristerium commodum sit id instituere, ideo passiuæ, quæ non proprijs sed aliorum viribus perficiuntur, exercitationes sunt deligendæ. Veluti vectatio in rhedâ, gradariorum equitatio, per amœna loca deambulatio, ascensus collium, scararum, & similes modicè corpus defatigantes. Qui enim prorsus otiosi sunt, & planè nullâ vtuntur exercitatione, corpus humoribus vitiosis replent, quæ multorum morborum sunt seminaria. Imitandus ergò Philosophus socrates, qui dum solebat quotidie ferè ad vesperam vsque contentiùs ambulare, à quodam interrogatus, cur hoc faceret? respondit, quò meliùs cœnem. Quibus ostendit vir sapientissimus, deambulationis vsum, tum ad ciborum appetitum, cum ad cruditates absumendum non parùm conferre. Quod & Gal: confirmat 2. de san: tue: vti maxi-

num est malum ad sanitatis custodiam quies nimia corporis, ita maximum bonum est moderata motio : neque enim ægrotabit debite exercitatus.

*Venationis
exercitiū.*

Venatio, quod proprium exercitium est nobilium, & eorum, qui generoso & illustri stemmate procreati sunt, quo potentissimi Monarchæ & Principes summopere delectati sunt, nec non nostro adhuc seculo quàm plurimi oblectantur, tempore scilicet pacis, armisq; vt aiunt, vincto suspensis; est maximè necessarium, vtilissimum, ac jucundissimum. Necessarium enim est, ad arcendas, & è medio tollendas atrocissimas & crudelissimas feras, vt sunt Vrsi, Lupi, Vulpes, ac aliæ rapacissimæ & nocentissimæ bestię, quæ non nisi noxam ac damnum hominibus ac reliquis animalibus inferunt. Vtile, quod corporis sanitati hinc prospiciatur ac cōsulatur, dum scilicet id venator varijs exercitationum modis, prout ipsi visum fuerit, expedire potest, siuè pedes ire libuerit, siuè equi ministerio adiutus, incedere voluerit, siuè laborem grandiore vt & leuiorem suscipere, eumque longiori vel breuiori temporis spatio continuare placuerit: in quibus omnibus, tùm pro corporis

poris variâ constitutione ac conditione, cùm pro fortioris aut imbecillioris valetudinis ratione, cautè & adhibito iudicio agendum est; deinde ideò vtile est, quod carnibus ferinis & deliciosis mensæ ac tabulæ refertæ videantur. Hæcque duo, venatio & bellum ex pari vtriusque conditione, & similitudine, se inuicem mirum in modum referunt: consuefacit enim ad surgendum diluculo, & ad frigora, caloresque perferendum, atque etiam ad itinera & cursus, exercet. Præterea ferro, hastâ, glandulisque plumbeis ex bombardis cum fulmine, bestiam petere necesse est, vbicumque inciderit. Vnde insectatores animosi, cauti, & alacres, vt feras capiant, ab illisque non lædantur, fiunt.

Non minùs quoque sanitati conducit, jaculandi exercitium, siue hoc fiat arcubalistis *mit dem Stachel* / siue bombardis *mit der Bûx*: per-
*Exercitiū
jaculato-
rium.*
 spicimus enim, plurimos homines sedentariam exercentes, solere diebus festis à prandio hoc exercitio incumbere, idque non solum in oppidis, sed pluribus etiam ciuitatibus primarijs, vbi publica loca talibus exercitijs destinata sunt. Hinc fuerunt multi potentes Monarchæ, Principes, Duces, alijque Magnates, qui summæ si-

*Historia
generosi fa-
cinoris Isabe-
lla Clara
Eugenia.*

bi laudi & gloriæ duxerunt, si in huiusmodi exercitijs eminere, & primas præ alijs partes obtinere potuerunt. Omissis vetustioribus, nostræ ætatis exemplum ex Eryci Puteani elogio Ciuitatis Bruxellensis narrabo. Bruxellæ, vti in omnibus ferè alijs primarijs ciuitatibus Belgij, Pfit-tacum (hæc enim auis formâ & magnitudine placet) è turriculâ sacre alicuius ædis perticâ elatum , petere balistis & bombardis quotannis, & statis veris temporibus, & Arcubalistarij & Bombardarij (quodlibet tamen Collegium separatim) solent : & illi quidem sagittis suis scortum, hi glandibus siue globis (vt militiæ vsus est) ferreum. Ludicra hæc quidem certamina sunt, sed præmia feria, quia immunitatum prærogatiuæ. Ne & honores desideres, Regio quoque nomine, nec non Cæsareo estimantur. Ipsi huc etiam inuitari Principes, alijsque à Nobilitate primi, ac Patricij solent, & vt Populo placeant, libentes venire: verè Principes, Primi, Patricijque, quia ad humanitatem se demittunt, quia ludos Plebeios, & Regis nomen in Plebe amant. Anno itaque M. DC. XV. ad modò narratum ludum inuitata comparuit optima Princeps *Isabella Clara Eugenia*, pietatis, om-
niùm-

niúmque virtutum memoriâ semper victura,
non vicariâ, sed suâ manu, inter tot Reges (quo-
rum nomina in memoriæ tabulis ibi conser-
uantur) verè hîc Regina. Cui in hanc quoque
arenam descendentî, siue peritia (quid enim illa
non dexterè?) siue fortuna (quid enim illa non
feliciter?) fauit: Mulieri, sed ad virilem gloriam
natæ. Opulchrum & memorandum spectacu-
lum! stetit cum marito Principe *Alberto* inter
maioris Balistæ Sagittarios, positâ quasi maie-
state: jaculatura, sustulit machinam, collimauit
oculum, emisit telum, & dirigente quodam-
modò ictum Numine, non irrita missa sagitta
est: Auem deiecit. Bone Deus, quanto fauore
populi! quanto applausu! Omnes vicisse dice-
res. Illa verò, vt magnanima, ita modestissima,
Plebeium admisit Reginæ nomen, heroicâ si-
mul testata munificentîâ, se jam velut Ciuem
inter Ciues esse. Totum illud agmen esse suum
vt ostenderet, vestes assumere sericas, auro or-
natas, voluit; suo sumptu, & colore eminere.
Cum ex Aerario Urbis, Donum honoris causâ
oblatum esset, in dotem conuertit, quâ senæ
quotannis virgines, vinculo siuè coniugali, si-
uè monastico sese obstringerent, non jam pau-
per-

perculæ, quia felicem in paupertate conditionem inueniebant. Gemino res tota Epigrammate expressa est, quod in *Æde Sabulonis* legitur, ingenium simul *Hermanni Hugonis*, viri in Societate *IESV* nuper eminentis, repræsentans.

Dextera Parte Vestibuli.

*Annuus hoc Templi celebratur culmine ludus,
Lignee, cum celsâ, Psittace, turre sedes,
Tum fremit infestis circum plebs festa Balistis,
Rexque salutatur, qui jaculatur Auem.
Ecce Isabella aderat, vix telâque torserat Arcu,
Reginam agnouit Psittacus, & cecidit.*

Sinistra

*Obtulit è censu sua dona senatus Elisæ,
De templi postquam cuspide jecit Auem.
Rursus at in censum censum iubet illa referri,
Dos foret ut senis annua virginibus.
Hinc senæ incedunt discincto crime Puellæ,
Festo, quo colimus Pneuma, sequente, diem.*

Nouam insuper generosissima Heroïna Balistarijs suis juxta Palatium domum struxit, ut publicas solennēsque inspectura epulas, ipsam regere

regere & complecti hilaritatem videretur. Hi contrà quid referrent? Matrem rati, quam Reginam acceperant, amore & obsequio complexi sunt; & ne mutare felicitatem cogerentur, ab omni deinceps certamine, eâ viuentē abstinuerunt.

Deductus est fortè iste ludus à *Gotefrido Bulonio, Lotharingæ Duce*, qui tres vnâ sagittâ Alites, in obsidione Ierosolymitanâ vno ictu transiit: pulcherrimum hoc portentum est, consensu præstantium scriptorum celebratum, & ab ipsa adeò Lotharingica Familia in Symbolum originis receptum. Sed quod *Gotefridus* siue arcu siue balistâ in obsidione Ierosolymitanâ præstitit: hoc *Sigismundus Franciscus Archidux Austriae & Tyrolis*, præterito anno bombardâ, magnâ, dexteritate, in venatiõe, Imperatore & comitatu aulico eius spectante, cum Miluo gyratim se supra capita illorum in aëre librante, exhibuit: dùm eundem ita circumuolantem bombardæ explosæ fulmine & grandine tactum, instar Iouis terrestris, pedibus suis subiecit. Narrant maiores nostri, non multum ab similes jaculatorios ludos etiam *Bauaria Principes* olim instituisse: nec apud eosdem propriâ manu

manu cum inuitatis aulicis, nobilibus, patricijs,
& plebeistam externis quàm incolis, in arenam
descendere dedignatos esse: per hanc quoque
humanitatem, omnes sibi tam obsequentes &
fauorabiles reddidisse, vt præter Deū & Princi-
pē suum nihil expetierint. Verum hoc tempore

Laudamus veteres, sed nostris utimur annis

Tempora mutantur, & nos mutamur in illis.

Redeant vtinam aurea illa tempora cum ger-
manâ fide, & exulet fucatus Policismus, nobis-
que tandem in longum vigeat

Pax secura focus, & tranquilla otia vite,

Et nunquam turbata quies.

Sunt hæc exercitia Iuuenum, virorum, & vigo-
roforum magis, quàm senum & morbosorum.
Inter leuia autem exercitia, est *Musica*, quâ sen-
sus exhilarantur, quâ capitur omne, quod viuit:
quæ lenit passiones animorum, & sollicitam
explicat frontem: hæc tristitiam & melancho-
liam discutit, curas abigit, & ad leniendos affe-
ctus plurimum valet. Laudanda quoque pro
leui exercitio, sedatior illa animorum relaxatio,
quæ ex virorum eruditorum sermonibus capi
non rarò potest, dùm illi honestos jocos & do-
ctas facetias apportant: nam virtutis quædam

Musica.

*Conuersa-
tio cum vi-
ris erudi-
tis.*

exer-

exercitatio est, cum bonis ac sapientibus viris conuersari, qui facetijs mentem demulceant, & ad præclara facinora acuant.

Quòd si verò desint sapientes; (quis enim nescit, quãta sit sapientũ paucitas, si modò quisquam inueniatur? quanquã ex tot seculis, Græci septem omninò numerent, quos me herclè, si quis accuratiùs excutiat, dispeream si vel semisapientem inueniet, imò si vel trientem viri sapientis) aut si nil nisi triste adferant, suãq; doctrinã freti, non vereantur aliquoties auriculas teneras mordaci radere vero; siquẽ duas illas linguas habeant, quarum alterã verum dicant, alterã, quæ pro tempore iudicarint oportuna: talium sapientum, si quis pertæsus fuerit, moriones, fatuos, ac bliteos vel stultos, vt illud hominum genus appellatur, ad animum exhilarandum, admittat: non solùm enim illi perpetuò gaudent, ludunt, cantillant, rident; verum etiam cæteris omnibus quacunque se verterint, voluptatem, jocum, lusum, risumque adferunt, velut in hoc ipsum à Dei indulgentiã dati, vt humanæ vitæ tristitiam exhilararent: nam fatuus quicquid habet in pectore, id & vultu præse fert, & oratione promit: nec vera modò, ve-

*Morionũ
usum in ex-
bilarando*

rùm etiam aperta conuítia cum voluptate ab ipsis audiuntur, adeò vt idem dictum , quod si à sapientis ore proficiscatur, capitale fuerat futurum ; à morione profectum , incredibilem voluptatem pariat. Nec quicquam feliciùs isto hominum genere ; principiò vacant mortis metu, non mediocri louem malo ; vacant conscientiae carnificinâ ; non territantur manium terculamentis ; non torquentur metu impendentium malorum ; non spe futurorum bonorum distenduntur. In summa, non dilacerantur millibus curarum, quibus hæc vita obnoxia est. Non pudeſcunt , non verentur, non ambiunt, non inuident , non amant. Denique si propiùs etiam ad brutorum animantium insipientiam acceſſerint , non peccant autoribus Theologis. Quàm verò ad vitam producendâ necessarium est moderatum corporis exercitium, tam pernicioſa è contrà hypochondriacis est perpetua inquietudo : quod enim caret alternâ requie, illud sanè durable non est. Sunt quidam tam duri Catones , qui cœlum potiùs ruiturum arbitrantur, si se quibusdam curis, laboribus, molestijs, manibus pedibùsque implicare deſiſterent, potiùs vires languidas eneruât.

Quàm pernicioſa sit perpetua inquietudo.

dies coniungunt noctibus, & requiem non inueniunt. Velut autem eum qui in excessu exercitij peccat, vitam abbreviare non dubium est: ita vicissim, qui planè otiosè delitescunt, & vitam sedentariam habent, culpâ non vacant: quid enim agunt aliud, quàm vt morbos melancholicos foueant, podagras nutriant, superfluitates cumulent, catarrhis, ophtalmijs, apoplexijs, paralyfibus & alijs morbis fomenta ministrent. Quemadmodum non inconcinnè lussit Poëta l. part. 6.

*Otium pè
petit no-
cium.*

Cernis vt ingnauum corrumpunt otia corpus,

Vt capiant vitium, ni moueantur aqua.

Obseruandum itaque hoc symbolum.

Ne quid nimis.

CAPVT XVII.

*De Somno & Vigilijs. Excretionē & Retentionē, &
Animi Affectionibus in morbo isto ob-
seruandis.*

QVANTVM ad somnum & vigilias attinet in hoc affectu, sacra mediocritas seruari debet: multum enim ad integrè & commodè viuendum interest, dormiatne homo, an vigilet.

nisi hæc duo sibi inuicem debitè succedant, illicò summa corporis proclamatur confusio:

*Somnus in
hypochondriacis,*

Somnus enim, vt nemo non nouit, curarum abolitor, virium stabilimentum est, membrorum lassatorum refocillatio, atque fultura, & vt cōpendio dicam, corporis salus existit. Omnis enim potentia, quæ actum habet determinatum, quando excedit modum in operando, fatiscit & lassatur, & nisi quiescat, aut ab opere cesset, dissoluitur, ac tandem corrumpitur; necesse ergò est, vt sensus, cū sit potentia huiusmodi, quiescat: hæc autem quies sensuum in suis actionibus, somnus est: quo reciprocè cum vigiliâ egent animalia, vt in suo esse naturali persistant ac conseruentur. Quamobrem somnus & vigilia teste Hipp: 2. aph: 3. vtrumque, si modum excesserit, malū, quoniam plurima damna ex horum immoderantiâ & plerumque mors subsequi solent. Sed hæc quæ ob vigiliam accidit, dissolutis viribus, & dissipato natiuo calore tardior est, quàm quæ ob immodicum somnum, retentis excrementis, & suffocato natiuo calore contingit. Non attingendus cibus est, nisi corpus exercueris, hinc quieti locus datur, quæ moderata esse debent:

nam

nam quod labor articulis & carnibus, id cibis & somnus visceribus. Argumento sint nobis ij, qui vel vnâ saltem noctem insomnem abigunt, totâ die sunt fracti, tædiosi, nauseabundi, oscitantes, debiles, facie alienâ, flatibus & eruditibus abundantes cernuntur. Ideò qui aliquâ ratione vigilare coguntur, parcè admodû edant, ac bibant, si salutis suæ curam habere velint. Quanto verò temporis interuallo somno indulgendum sit, ex alimentorum perfectâ cōcoctione id æstimandum venit. Omnîû quippe vna & eadem somni quantitas esse nequit, cum nonnulli citius, alij tardiùs concoctionem perficiant. Quamobrem Galenus, ob diuersam ætatum, temporûque mutationem & faciem, nullam certam & æqualem mensurauit dormiendi mensuram. De hoc tamen nos non occultauit, somnum minorem horarum 6, aut 7. nec maiorem 8, esse debere, eâ videlicet de causâ, quòd alimenti concoctio in ventriculo ac epate tanto temporis spatio absoluator. Ad somni tamen quantitatem limitatiùs definiendam, temperamentum, ætas, alimentum & labor antecedens, considerata. Longior quippe somnus conuenit biliosis, quàm pituitosis, feni-

senibus quàm junioribus, ijs quibus liberalior, quàm quibus frugalior hesternæ extitit cœna, nec non & ijs, quibus improbus corporis aut animi præcessit labor, quàm quibus nullus. Diurno nocturnus præstat, pomeridianus consuetudine, vigilijs, ventriculi imbecillitate, curis grauioribus alijsque causis utilis esse potest, aliàs minimè. Nunquam sub Ioue frigido, vel arboribus, quarum vmbra pestiferæ sunt, dormiendum est. Expedit à cœna vnā aut alteram horam honestè confabulando, aut Musicæ concentibus, aut alio quopiam modo, lætando tempus transigere, quàm statim cœnā peractā, somnum capeßere. Forma decubitus, secundum communem sententiam, sit in dextrum primū latus, ad promouendum cibi descensum, vt eo promptius cibus in ventriculi fundum descendat, dein conuertendum in sinistrum, quo jecur incumbens, cœptam coctionem adiuuet. Decubitus supinus, caput, neruósque offendit, stuporem, paralyfin, apoplexiam, & calculum procreat. Pronus verò, ijs potissimum noxius existit, qui oculorum defluxione laborant,

Abso-

Absoluto somno & vigilia, ad *Excreta* & *Retenta* ^{*Excreta & Retenta*} progrediendum est. Breuem namque vitam efficiunt, teste Arist: lib: de longit: & breuit: vitæ, excrementorum in nobis prouentus, & eorundem plùs iustò retentio, cum inutilia sint, morbos generant, & vitæ cursum interci-
dunt, eorum autem præcipuè, quorum corpus multâ prauorum humorum saburrâ oneratur. Quod testatur Hipp: 2. aph: quando inquit; v-
bi alimentum præter naturam plùs ingestum est, hoc morbum facit: ostendit autem sanatio. Quemadmodum autem plures sunt excremen-
titarum superfluitatum differentia, ita varias etiam & diuersas natura ijs destinauit sentinas, cloacas & emissaria. Repleti namque oculi, per eorum cauitates: caput, per aures: cerebrum, per nares & sternutationem: thorax, per pul-
monem & tussim: ventriculus, per vomitum & screatum: intestina, per aluum: renes, per vesicam: lien, per hæmorrhoides: cutis, per poros & insensibilem transpirationem (naturâ validâ existente) euacuantur. Quando igitur natura suâ spontè de dictis membris, & per ea quæ enarrata sunt instrumenta, debito modo, ordine, & tempore superfluitates suas excludit &

secernit, tunc salua res est, & nulla querimonia. Quòd si autem ab actione sua impediatur, & æger persentiscit plethoram illi molestam fieri, tunc morbus quicumque in promptu est, nisi per artem inanitionis promoueatur: (ars enim naturæ imitatrix) si itaque natura, munus diarium consuetum non perfecerit, ars eidem opitulabitur: ex retentione enim & constipatione alui, plurima mala euenire possunt, vt catarrhales destillationes, asthma, vertigines, paralysis, imò & ipsa apoplexia. Nam astrictâ aluo, laborat detentis fœcibus caput, statimq; fumis, tetrîsq; vaporibus tentatur, vertigo oboritur, hebetantur sensus, sitis, oris amarities, torpor, tædium ferè vitæ, onerosa denique omnia redduntur, adeòque iniucunda: cor fuliginibus oppletur, jecur concalescit, obstruitur: niger aut flauus icterus in astrictiore aluo suboritur: inappetentia, halitûs fœtor, omnia denique in morbum prona, si venter reddendo cõtumax. Alius itaque semper lubrica & mollis seruanda: siquidem nihil est, quod Hypochondriacos magis infestet, quàm alui adstrictio, viscerumque obstructio. Quod ad remedia verò adstrictioris alui attinet, certa definitione

*Ex alui
cōstipatio-
ne qualia
proueniāt
mala.*

præscribi nequeunt. Erudito itaque Medico negotium hoc committendum, qui cathartica pro cuiusque indiuidui temperamento, ætate, regione, humoris prædominio, exhibere poterit: nec fortioribus solutiuis, sed magis laxatiuis vtatur: nam nulla est medicina solutiua, quæ non aliquam de viribus & substantia corporis nostri partem deprædetur: & vti Hipp: docet; medicinæ purgant & inueterant: potius cassiæ florem, mannam, rhabarbarum, cum frequentissimo Clysteriorum vsu imperet: omnibus enim seculis (inquit Celsus lib. 2. de med: cap. 12.) nihil inuentum est mitius, nihil benignius, nihil vtilius, si aluus parum suo officio respondet, quàm Clyster sapienter accomodatus; & vbi cætera purgantia, quantumuis mitia sint, ventriculum peruertunt, appetitum deijciunt, sitim inducunt, & diu morantur, & alias secum trahunt molestias: ibi Enemata operationem expediunt statim, trahendo per successionem, non tam quæ sunt præ foribus, quàm quæ longius remota. Quæ vtiq; causa est, cur Itali hoc inanitionis tutissimæ genus seruitiale nominent, cœu gratum aliquod ad sanitatem seruitium, quo Magnates Italiæ & Galliæ singu-

*Clysterio-
rum vtili-
tas & bene-
ficiū in
soluenda
aluo.*

lis mensibus vti solent. Vnde & Gal: inquit, Clyster est iuuamen seu medicamen nobile, euacuans ab inferioribus, & diuertens à superioribus, cum primis autē in hypochondriacis, &c. Reliquas inanitionis species, cum magis pertineant ad Chirurgiam & Pharmaciam, hic fusiùs tractare intermitteremus.

Tandem procedimus ad *Animi affectus* siue *pathemata*, quæ sola affectum hypochondriacū producere valent, præsentemque miris modis fouent & augent. Tria sunt generalia animi vitia, quæ tribus animæ partibus respondent, ad quas scilicet referuntur: Plato enim in Timæo, & 4. de rep: tres tantum facultates constituit, quas partes animæ vocat, nimirum rationalem siue intelligibilem, animosam, & concupiscibilem: singularum vt suæ sunt actiones, sic & vitia. Ad primam enim, quæ mentis & rationis author est, referuntur symptomata paraphorica, quæ rationem & intelligentiam, principis facultatis actionem, deprauant; quæ quidem Gal. ad Pathologiam reuocat. quod grauem aliquem corporis affectum consequantur, nec nisi curato corpore mitescant. Ab animosa verò facultate, quæ in corde sita est, ani-

Tria generalia animi vitia.

mi pathemata excitantur, eaque tantò leuiora aut grauiora, quantò illa languidiùs aut vehementiùs commouetur: quæ facultas, licet sit expers rationis, ei tamen affidet, tanquàm auxiliaria, sed ad cohibendum cupiditatis impetum, si quando rationis iussa respuerit. Tertiij generis sunt amarthimata, quæ Arist: 5. Ethic. sunt tantum leuia errata: sed apud Xenophont: 5. Pæd: etiam pro grauioribus peccatis sumuntur. Galenuseo nomine quælibet morum vitia intelligit, siuè ex falsa opinione siuè ab imensa quadam gloriæ, pecuniæ, ciborum, ueneris cupiditate proficiuntur. Ex quibus constat, non ad solam vim concupiscibilem quæ in jecore sita est, ea posse referri, cum multa ex ijs pendeant, partim ab animali appetitu, partim à voluntate, quæ cum sit homini propria, si rationi obtemperet, nihil appetit, nisi quod sit honestum, & virtuti consentaneum. Quòd si sensuum illecebris adhæreat, nec rationis fræno coerceatur, bonis apparentibus delusa, nihil aliud quàm monstra vitiorum producit: quæ non solum animi temperamentum, sed etiam totius corporis œconomiam non raro peruertunt, & animæ lethum adferunt. Moderare

autem, & ea juxta normam rationis gubernare, ne suos cancellos excedant, soliùs S. Spiritus auxilio & verbo DEI possumus, juxta illud Gen. 4. sub te erit appetitus tuus. Quomodo autem sint gubernandi, in eo præcepta omnia Decalogi, tota Philosophia Moralis, & vniuersa Iuridica facultas occupata est.

*Quid sit
perturbatio
animi.*

Est igitur perturbatio animi, motus quidam in spiritibus præceps & inordinatus, turbulentum & inquietum animum à via recta rationis agitans. Cum itaq; animus cum corpore indissolubili quadam vnione cohæreat, ut impossibile sit vnum valere, altero languente: ideò cura haud levis esse debet, frenare & adhibere modum & rationem, graues hosce impetus & sanitatis hostes compescendi. Variæ autem numerantur species à Medicis perturbationum mentis, quæ longæuitatis fila præscindere consueuerunt: veluti

*Varia species
perturbationum.*

Ira, Gaudium, Tristitia, Timor, Auaritia, Cura, Inuidia, Venus, & huius generis aliæ. Quæ quosdam angunt de die, inquietant de nocte, vrgent in aurora, stimulant vesperi, ut tandem (sarcina ingrauescente) ante diem succumbere necesse sit. Quamobrem Gal: cap. 23. art. medic. saluberrimè præcipit omnibus ab eiusmodi animi

affe-

affectibus cumprimis abstinendum esse, eò quòd eorundem magna vis sit ad corpus alterandum, & à naturali statu euertendum: nec ex illis omnibus ullus vsus, præterquam *gaudij* existat: hoc enim solùm teste Fernelio, cor exhilarat, spiritusque lætitiâ diffundit, natium calorem suscitatur, sanguinem humoresque extenuat, quibus salus comparatur, conseruaturque sanitas: animus enim gaudens (vt ait Salomon) etatem floridam facit: spiritus verò tristis, exiccat ossa, & sane *tristitia* carnificina est, animum hominis exedens, planèque conficiens, ex quo Chrysippus ipsam mœstitiâ, ægritudinem appellatam putat, à græco vocabulo *lypyn* quasi *lypsin*, id est solutionem totius hominis; nec immeritò: siquidem homo mœrore confectus tabescit, macescit, senescit miser. Vnde non abs re celebratum olim exitit Samij Pythagoræ symbolum. *Cor non comedendum*: quod signat mœrorem ex animo eiiciendum: simus ergò in gaudio, in hilaritate: simus animo, quantum licet, defœcato: simus exporrectâ fronte, non corrugatâ; imitemur Socratem, qui in omni æqualitate fortunæ ac mentis, semper fuit sereno & tranquillo animo. Denique

*Tristitia
carnificina corporis
& animi.*

que pro istis animi pathematibus auerruncandis, obiecta grata, & animum recreantia, omnibusque modis spiritus exhilarantia sectemur: siue verbis facietis & delectantibus id fiat, siue Musicâ vocali, aut instrumentorum harmoniâ, concentibusque summè mentem reficientibus, quæ non minima solent esse hilaritatis illicia, spiritusque & animum omni delectationum genere pascunt & erigunt, sensus exhilarant, quâ capitur omne, quod viuit: quæ lenit passionem animorum, & sollicitam explicat frontem, tristitiam & melancholiam discutit, curas abigit, & ad leniendos affectus plurimum valet. Vno verbo, querenda honesta curis solatia, juxta illud Poëtæ

Vtere conuiuiis non tristibus vtere amicis

Quos nuga & risus & joca salsa iuuant.

Fides & Spes, inquit Celsus, lætitiæ affines sunt perturbationes, & quæ egris plurimum profunt ad sanitatem recuperandam. Erigendi sunt semper in bonam spem, etiamsi plurima occurrant sinistri ominis: plus enim potest, inquit Aui-cenna, ægri bona confidentia in depellendis morbis, quam omnia Medicinæ remedia; dicique vix potest ad hoc, quantum possit de Me-dico

*Confiden-
tia ægri in
Medicum
quantum
possit.*

dico aniticipata opinio; meliùs enim habet æger ad omnia quæ offeruntur, & faciliùs benè monenti paret. Proinde ex Galen. Comm: 2. ad 1. Progn. Medicus ille plures sanat, in quo plures confidunt. Quantum *ira* corpori humano & præcipuè hypochondriacis noceat, in capite octauo, in quo de causis externis tractatum est, demonstrauimus: patientiâ igitur, continentiâ, & mansuetudine, infrænis affectus iste, frænandus est, & eiusmodi ignis aquâ continentiæ à ratione sublimatâ, & alembicatâ extinguendus est. At quæret aliquis, quî in iracunda affectione, aut irato homine, eiusmodi sedatiuum, ac illud contemperans papauer reperiatur? si in cordis, linguæ, manuûmque hortis maturè transplantetur, colatur, foueatur, & sedulò educetur. Quemadmodû enim transplatiõe & cultu, cichorea naturâ amara hortulani artificio edulcescunt: ita si colamus & alamus in nobis hanc contemperantiam, hoc est, si docilitati, mansuetudini, moderationi assuescamus, naturam nostram, alioqui agrestiore & ferociorem cicurabimus, ac ita moderabimur, vt contrarias facultates ac vires conciliet acquirâtque. *Auaritia* quæ comitem semper ha-

Ira moderanda.

Auaritia.

bet *Ambitionem* siue *superbiam*, violentissima animi perturbatio est, quæ sola hypochondriacos, melancholicos reddere potest: gurgites maris citius expleueris, & dolia Danaïdum, quam illos bonorum helluones: cani similes, qui quicquid excipit, protinus integrum deuorat, & semper ad spem futuri hiat: aut renibus, qui adipe circumuoluti, sicci semper sunt, & aridi: sic isti dum stipantur vndique diuitijs, & opibus eorū scrinia restagnant, nunquam tamen ac ne minimo rationis dictamine, honestique sensu, ad fugiendam auaritiam, sordidosque quæstus muniuntur. Nam præter animi perpetuam sollicitudinem, metū, & angorem, quam fouent die noctūque, etiam parcissime edunt & bibunt, & subinde corrupta quæque: ex quibus omnibus nihil in corpore præter falsum sanguinem, re-torridū, impurum, ac pessimos humores valetudinem labefactantes gignunt: vnde redduntur valetudinarij, & de perpetuis doloribus cō-queruntur. Cūque æstiuus & hybernus tempestatibus sese negotiando citra quietem torqueant, nec corpus aduersus aëris iniurias sufficienter muniant, quas nō cruditates, incoctiones, obstructions, affectus hypochondriacos

& melancholias, innumerósque alios affectus
causant? quibus vt medeantur, quid agunt? ab-
stinentiâ nempè nimiâ, seu parsimoniâ sibi fa-
miliari vtuntur pro refectiõe: in purgantis verò
medicamēti vicem, si adstricta sit aluus, drach-
mam vnam granorum ebuli, rhabarbaro alio-
qui cariori substituunt, vñ alicuius veneficæ
consilio: ne apud medicos & pharmacopœos
sumptus vllos faciant. Tandem huiusmodi a-
uari, si bonorum aliquam jacturam patiantur,
eo adiguntur, vt sibi laqueo vitam eripiant, vel
in puteos præcipites se dent, vt hâc ratione cor-
pus & animam iusto DEI iudicio perdant. Aua-
ritiam sequitur portentosum mōstrum *Inuidia*, *Inuidia*,
quod longè horribiliore, & magis execrandâ
ceteras vincit pernicie. Ambitio siquidem vir-
tutis speciem sustinere videtur: auaritia boni a-
licuius imaginem simulare, quo sibi & posteris
consulat: at inuidia nihil habet, quod jure fucū
suæ perturbationi comparet: sed ex felicitate al-
terius suum contrahit infortunium, & ex alte-
rius infortunio suam sibi conciliat felicitatem.
Inuidus est alter Prometheus, cuius cor à vultu-
re acerbissimis, ijsq; assiduis cruciatibus erodi-
tur & vellicatur: ipsum theatrum, ipsum suppli-

cium, ac simul sui carnifex: cui tabes illa instat hirudinis sanguinem exhaurit, medullas exiccatur, ossa absumit, ut macie, pallore, squalore, & habitu corporis prorsus deformi & horrido skeleton potius quam hominem referat. *Ambitiosus* itaq; per humilitatis panaceam: *Avarus* per liberalitatis præcipuè verò in pauperes Eleemosinæ Gazophylacium: *Invidus* verò per beneuolentiæ media nutrirî & curari debet. Spiritualiũ remedium electionem, in aureis opusculis magni animarum Medici R^{ti}. P. Drexelij qui vult inueniet, cum theologica magis quam medica in his animi perturbationibus requirantur media.

Venus.

Restat adhuc *Venus* siue Amoris perturbatio, velut aliarum radix & scaturigo: inde enim oritur æmulatio, ab æmulatione ira & furor, à furore vindicta, &c. quæ animum nocte dieque contorquent: acutissimos reddit stupidissimos, & qui iudicio pollent, dementat: prudentissimos ad insaniam redigit, moderatos effrænat, & hominem in brutum commutat: nec modò juvenilis ætatis homines, sed etiam senes, qui prudentiæ prærogatiuam sibi vendicant. Nam nestoreâ senectâ senem videas, cui jam ne species quidem hominis superest, balbum, delirum,

rum, edentulum, canum, caluum, vsque adeò amore venereo & vitâ delectari, vt alius tingat canos, alius apposititiâ comâ caluitium dissimulet, alius dentibus viatur mutuo fortassis à sue quopiam sumptis; hic in puellam aliquam miserè depereat, & amatorijs ineptijs quemuis etiam superet adolescentulum. Nam vt capulares jam, merâque filicernia, teneram aliquam iuenculam ducant vxorem, eâmq; & indotatam, & alijs vsui futuram, id adeò frequens, vt propemodum & laudi detur. Sed multò etiam suauius, si quis animaduertat, anus, longo jam senio mortuas, adeoque cadauerosas, vt ab inferis redisse videri possint, tamen adhuc catulire, & magnâ mercede conductum aliquem Phaonem inducere, fucis assiduè vultum oblinire, nusquam à speculo discedere, tremulôq; gannitu languentem sollicitare cupidinem, potitare, misceri puellarum choris, literulas amatorias scribere, &c. Ridentur hæc ab omnibus tanquam, vti sunt, stultissima: at ipsæ sibi placent, & in summis interim versantur delicijs, totâsq; se melle perungunt. At si spectemus morbos ex amore venereo prodeuntes: videbimus quòd corporis & animi mollitiem pariat, lan-

guores, lipothymias, syncopes, paralyfes, cruditates, omnis generis arthridites, vigilias perpetuas, omnem corporis œconomiam vitiet, vt subtumidi, pallidi, liuidi, & omni vegeto destituti colore huiusmodi homines conspiciantur: quin & luem illam veneream tam famosam, lepramque quâ totum corpus in frustra putrida soluitur, progignat.

Ideò eius excessum, inquam, tanquam venenum pestiferum fugiendum, ita etiam vt natura ad actum venereum exercendum studiosè nullatenus inuitetur. Credatur hic Aui-cennæ, lib. 3. natural: dicenti, quòd aliquis plus sibi noceat excretionem seminis (audite venerei) quàm si quadregies tantum sanguinis effudisset. Nam spectata mihi seminis primordia, non tantum ex sanguine ortum habet, sed diuiniore origine gloriatur. Plenum quippe semen spiritibus est, qui singularem partium I-dæam continent, sexuum distinctionem, viuendi moriendique fatale imperium tenent, quibus velut instrumentis natura corporis architectrix partes delineat, membranas extendit, canales in longum producit, & velut sufflatione quâdam perforat. Veneris ergò excessus,

fus, teste Bartholomæo Montagnana, vltimos medullis immittit aculeos, vt accedente senio incurabiles & effœminatas passionēs, quibus mors præeligenda foret, adducat. Plures mea opinione Venus, quàm gladius interficit. Vnusquisque igitur in palæstra amatoria semetipsum noscat: nam qui sibi notus erit, solus sapienter amabit.

Remedium autem, qui nimium ab hac animi perturbatione exagitantur, primum & vniuersalè quærant à Deo tanquam supremo Medico, iudicia eius in se acerba reformident, cœlesti beatitudine æternùm carituri: proponatur quoque & prædicetur à fideli Medico periculi metus, vt monitis ac præceptis alacrius obtemperent ægri. Suadeatur etiam viuendi ratio perparca & sobria, quæ mirum in modum huic perturbationi animi conducit: sine Cereere enim & Baccho friget Venus. Otium fugiatur: ad venerem enim exercendam proni sunt, qui otio torpent. Proponatur etiam infelix exitus aliorum & subsequentes miserabiles affectus, torsiones nempe, dolores, putredo, foetor, lues venerea, cancer vultum ac totum corpus virore suo depascens, & id genus alia

alia symptomata, quæ sine funere perpetuum
 funus indies minantur, ac cruciatus ipsâ morte
 ferociores eiusmodi ægris pariunt. Quibus
 omnibus succedit horror, turpitude, infamia,
 dedecus. Atqui de immoderata hæc dicta sint
 venere, quæ hypochondriacis quoque summè
 nociua est. Moderata verò venus, quibus ra-
 tione status & matrimonij in sanitatis tutelam
 eâ vti licet, exhilarat mentem, corpus degra-
 uat, confortat sensus, fomitem melancholiæ
 expellit, & dolori capitis, lumborum, hebeta-
 tionique oculorum medetur, multas denique
 prohibet ægrotudines, si rarò, leniter, & cum
 vxore exerceatur. Aurea igitur mediocritas, si
 in omnibus rebus vt Hippocrati placet seruan-
 da sit, profectò in venereorum vsu obseruanda
 est. Medicè itaque, hoc est modicè & tempe-
 ranter viuamus, vt optimè & verè ac iucundè
 viuamus: nullâ enim (vt cum doctissimo Fer-
 nelio concludamus) calamitate vel ærumnâ
 premetur, qui vitæ fundamentum
 jecerit *Temperantiam.*



CHIRURGIA

EXPLANATIO

Secundi Emblematis.



*U*rationem Melancholiae hypochondriacae cū ex triplici desumamus fonte, dietatico nempe, chirurgico, & pharmaceutico: dietetico modo praelibito, ad chirurgicum procedimus, qui praesenti Emblemate proponitur. Est autem chirurgica operatio, salutis restituenda, vel conseruanda gratia, manuum Medicarum salubris & artificialis ad corpus humanum admotio, quae in hoc affectu, aut per conuenientem Venarum apertionem, aut per fonticulorum inustionem, aut per hirudinum dexterrimam applicationem, perficitur. Cūque ad similes operationes, in Chirurgo potissimum, manuum requiratur firmitudo, robur, dexteritas, & promptitudo, sensuum omnium, maximèque visus integritas: haec autem requisita in iuuenibus frequentius, quàm in senibus reperiuntur: ideo iuuenibus agilitas in operando, senibus verò experientia, in peractis & perficiendis operationibus adscribitur; & propterea in aduersis, iuuenibus fortiter & animosè operari, senibus autem, in dubijs, prudenter procedere, & consilia sua experita proponere licebit.

CAPVT XVIII.

*De Curatione per Chirurgiam Melancholiae Hypochondriacæ, & primò per venæ sectio-
nem.*

*Quales ve-
na secanda
sint in hoc
affectu.*



CHIRURGIA succedit, quæ in causæ antecedentis amolitione, non vltimam sibi locum vendicat: absoluitur illa vel phleboto-
miâ, vel eius vicarijs. Si itaque plethora adest, venæ sectio institui potest: nam inde calor va-
forum & viscerum ventilatur, chyli & serosi hu-
moris plus exugitur substantiæ, & obstructio-
ni præpeditur locus. Factâ igitur prius alui le-
nitione per clysterem, si materia cruda in inte-
stinis hæreat, aut per lenientia, si in ventriculo
& venis mæsaraicis materia vitiosa stabuletur:
si plethora sit in capitis vel cerebri venis, sta-
tim vena Cephalica secanda est, & quidem la-
to foramine transuersè secundum latitudinem
suprà juncturam, non sub eâ, neque in eâ; non-
nunquam etiam per longitudinem, si secunda-
tione opus fuerit; si verò simul in capite & to-
to corpore, vitio cordis aut epatis, vena Media
brachij dextri per longitudinem; si in liene &
hypo-

hypochondrio sinistro, Basilica cubiti sinistri
transuersè secundùm latitudinem, vel vena in-
ter medium & annularem digitum, siuè inter
annularem & minimum, Saluatella dicta, secū-
dùm rectitudinem ferienda est. Verùm Andreas
Laurentius Anatom. 5. cap. 2. Bauch: in Theat:
anatom: 4. cap. 13. Galenus de Anatomica ad-
ministratone lib. 3. cap. 5. de Saluatella hæc po-
nit. Quædam pars venæ ad minimum digitum
vergit, quam venam nonnulli in sinistra manu
secantes, sinentésque sanguinem ex ea fluere
quousque vltro fistatur, lienem ex tali euacua-
tione iuuari adferunt. Et sanè abundante hu-
more crasso, sanguineo, adusto in venis, præ-
sens est remedium, quum ventilet feruorem e-
ius, & per successionem arteriarum sanguinem
euacuet & refrigeret vt supra dictum: è magna
verò vena crassus sanguis melius fluit, cùm ta-
li sanguini copiosum sit serum. Ex Saluatella
plus feri quàm sanguinis exudat. Sunt tamē qui
sibi & alijs persuadent, ab alto trahi sanguinem,
quem cructando Saluatella deponit, corpus, &
præcordia, nescio quomodo inde melius habe-
re. Ego tamen non sine superstitione illam ob-
seruari venam puto, quum ramum sibi imagi-

*Medicorū
opinio de
apertione
Saluatella.*

nentur ibi perrepere ex vena cordis: quare auro muniunt digitos illos postremos, vt cordi virtutem communicet. Quòd si ab hæmorrhoidibus suppressis, in corpore aliquid melancholici oriatur, vena malleoli seu Saphena aperienda est, quæ si magna sit & turgida, transuersè secundum latitudinem, sin obscura, per longitudinem findatur. Quod etiam conueniet, si malum à mensibus suppressis originem habeat, vel augeatur: per venarum enim in pedibus apertionem, menstrua prouocari possunt.

In venæ sectione autem ritè peragenda, à Medico & Venifeca, sequentia probè obseruanda veniunt.

*Quæ sint
obseruan-
da in venæ
sectione.*

I. Vt Medicus ex præscripto Galeni semper huic sectioni venæ intersit, & qualitatem sanguinis fluentis diligenter obseruet: nam si ille planè nō videatur esse melancholicus, eò quòd succus ater sanguini non sit exactè mixtus, suppressendus est; si verò appareat melancholicus, tunc pro viribus atque habitu corporis ægro- tantis, detrahre licet, quantum satis fuerit. Neque tamen semper sanguis, etiam si in principio sectionis subtilis effluat, statim suppressendus est, cum sæpenuerò eueniat, vt præcedat san-
guis

guis subtilis, & deinceps crassus subsequatur.

II. Vt sanguine in corpore paucò existente venæ sectio suspendatur, cum tunc sanguis calidus & humidus, tepore & vapore suo micissimò, vitali spiritui, nec non animali, adeòq; partibus omnibus in corpore natis & educatis, per proprios ductus ceu radios quosdam, sese fomentum salutare & viuificum spiraculum exhibens, malitiæque melancholicæ & eius ariditati ac frigiditati resistens, educatur: vnde in hoc casu melius fuerit, humorem crudum & melancholicum prius præparatum educere & purgare, quàm venam secare.

III. Vt incisio venæ, seu foramen, quandoque amplietur, ne per angustam incisionem sanguis tantum tenuior effluat, & quod crassum est, relinquatur, sicque illius malitia augeatur; tum etiam, ne tumor circa scissuram exci-
tetur.

IV. Vt dissectâ venâ, vinculum aliquantulum laxetur, ne crassioris sanguinis effusio præpediatur.

V. Cum maiores aut minores venæ sint incidendæ, Venifeca scalpellum ad venam aperiendam habeat idoneum, benè acutum, ter-

sum, maius, minusuè, cuspide planiore, vel magis acuminatâ, prout maior minoruè vena fuerit aperienda. In cubito acutiora, in manibus pedibûsque planiora locum habent.

VI. Studiosè attendat Chirurgus, ne justò altius attrahatur cutis à vena subiecta, ex quo fit, vt relaxato postmodum vinculo, cutè que in locum suum redeunte, os venæ incisæ obstruatur, sanguinisque fluxus intercipiatur, demùm, que sugillationes, tumoresque circa locum venæ sectæ suboriantur.

VII. Quæcunque autem secetur vena, diligenter cauendum, ne arteria aliqua, nervus, vel tendo vulneretur: sub Basilica enim arteria comes delitescit: sub Communi siuè Mediana, nervus: sub vtrisque musculorum tendines plerumque substernuntur. Nam hinc maximæ & impetuosæ sanguinis arteriosi hæmorrhagiæ, & aneurysmata, intumescentiæ quoque & indurationes dolorificæ, cū periculo inflammationis, gangrænæ & sphaceli totius alicuius membri, causantur. Cephalica tutius secatur, cui neque nervus, neque arteria subiacet. Non vrgendi ideò tam scrupulosè à Medicis sunt Chirurghi, de vena certa, si sinè manifesto periculo fieri non potest,

potest, aperienda, sed proximè illi adiacens, & quæ sinè metu maioris mali secari potest, substituenda: omnes enim minores, qui tam sollicitè à quibusdam Medicis distinguuntur rami, à maioribus truncis venarum, originem, vti ex Anatomia patet, desumunt.

VIII. Vno eodémque tempore & die, diuersis in membris inter se oppositis, duplicata venæ sectio nunquam instituatur: maxima enim inde in corpore, præsertim in hepate, fit sanguinis & humorum agitatio, fluxus & refluxus ad contrarias partes simul: vocatur talis, Neroniana venæ sectio, idque non immeritò; olim enim apud Tyrannos, huiusmodi venæ sectio, genus erat supplicij, quo suos intimos saltem amicos, veluti ex gratiâ afficiebant, vt apparuit in Seneca: meritò ergò tanquam barbara excludenda.

IX. Cùm Populus lectione calendariorum, quæ singulis annis noua prodeunt, Astrologorum nugas obseruet nimis curiosè, qui signa Zodiaci singulis corporis partibus attribuunt, & quū Luna vel Sol in eiusmodi sunt signis, nefas esse putant, illis vti remedijs, quæ partes illas spectant, quibus eiusmodi signa præesse creduntur.

An in venæ sectione ex calendarijs cur. suis siderū & eorum influxus cum signis Zodiaci sint obseruandi.

duntur. Alij concursus & oppositiones considerent Astrorum cum purgandum est, aut sanguis mittendus, ut quando Luna cum Sole coniungitur, piaculum esse censeant hæc remedia adhibere. Auicennas quoque fen. 4. lib. 1. cum Hipp: & Galeno lib: de aëre, aquis & locis, iubeant obseruare magnas temporum mutationes, & solstitia, ut neque medicamenta in illis exhibeamus, neque vramus, neque secemus, priusquam prætereant decem dies & plures, propter mutationes caloris, & frigoris variationes, quæ in solstitijs, æquinoctijs, sub cane & ante canem, & ex quorundam syderum ortu oriuntur, quia illis temporibus morbi finiuntur vel immutantur; quæ Hippocratis sententia intelligenda est, propter mutationes repentinæ aëris. Quibus sideribus quidam addunt Lunam, cuius maxima vis est in hæc inferiora, eamque humoribus maximè dominari experientiâ constat, quod etiam Galenus confirmat, 3. de diebus decretorijs.

Verum si omnes hæ Hippocratis & Galeni obseruationes veræ sunt, vix supererit remedijs locus: nam in singulis æquinoctijs, solstitijs, circa ortum & occalum Arcturi & Pleiadum, quiescen-

scendū erit per decem dies, ante Canem & sub Cane, per dies ad minimum quadraginta, sic in omnibus Lunę oppositionibus, coniunctionibus, quadratis aspectibus abstinendū erit secundū Astrologos. Quę omnia si superstitione obseruentur, nullus relinquetur remedijs locus, etiam si ea negligamus sidera, quorū vires nondum sunt obseruatę. Astra igitur in curatione morborum spectanda non sunt, quatenus sunt in cœlo, sed propter vires suas & alterationes eas quas in aëre faciunt. At quęcunque demum sit aëris alteratio, ea neque pariter omnibus vtilis esse potest, neque noxia ad euacuationem, sed quibusdam proderit, alijs nocebit, prout varia est hominum constitutio: quoniam siderum vires, quę semper sunt vniuersales, eodem tantum modo agunt, & quibusdam nocent, alijs prosunt, secundum variam morborum, & ægrotantium naturam, ætatem, regionem, anni tempus, aliasque eiusmodi circumstantias, quę causarum vniuersalium virtutem determinant. Deinde astrorum concursus causa tantum est procatartica & vniuersalis, quę internas suscitāt & agitat: hæ autem ex proprijs suis signis cognoscuntur, nec opus est a-

*Opinio non
astra.*

stra considerare, sed tantum motiones causarum internarum, quæ tempora morborum constituunt.

Quapropter cum reuera plurimi Medici parum curasse visi sint astrologicas istas observationes: in solstitijs & æquinoctijs plurimos viderim ægrotantes, quibus salutariter administrata fuere prædicta remedia, quæ si omissa fuissent, forsitan æger prius periisset. In virgentibus itaque morbis, ut in apoplexiâ, anginâ, pleuritidè, febre ardente, periculosum est propter cœli dispositionem, necessaria remedia vel omittere, vel differre. Nam morborum tempora, naturæque actionem potius spectare oportet, & ex eiusmodi observatione, remedia modò hæc, modò illa, quæ varia varijs temporibus morbus exigit, præscribere. At cum præcautionis gratiâ, vel catharsin, vel phlebotomiam Medicus imperat, licebit observare quatuor Lunæ quadras, & primis potius quam postremis prædictis uti, quoniam Lunæ in humores manifestum est imperium, eâ crescente augmentur, decresciente minuuntur. Poterunt pariter æquinoctia & solstitia vitari. At in ægris absque periculo prædicta nequeunt observari,

cum

*In præfer-
matina cu-
va possunt
observari
signa astro-
rum, sine
mutatio-
nes illorū.*

cum morbi tantas moras non patiantur : sed semper reiicienda sunt Astrologorum placita, de dominatu signorum in singulis corporis nostri partibus, cum absurdum sit vnum sydas huic, aliud illi parti præesse, quoniam omnia sydera omnibus partibus præsunt, nec agunt immediate, sed per æris alterationes, à quibus totum corpus immutatur.

Vt autem phlebotomia eò melius in hoc affectu procedat, ne utiquam prætereunda est vtilis admonitio & distinctio Ludouici Septalij, quam habet lib. 6. caut: medic: animad: 85. pag: 181. cuius verba hæc sunt. In missione inquit sanguinis per sectam venam, quamuis sciam pleròsque Galeni autoritate innixos hâc vti distinctione, vt viribus consentientibus & morbo magno secetur vena, & si ater effluat sanguis, ad debitam quâtitatem educatur, sin subtilis & rubens, vbi ad vncias tres effluerit, supprimatur : perpetuò tamen hoc obseruandum non est; aliquandò enim aliquâ datâ occasione affectus hic (melancholiam puta) in cerebro optimo sanguine exiccato, si in vniuerso abundauerit sanguis, & torosæ fuerint venæ, sanguisque in ijs nullam conceperit labem, sed

*Ludouici
Septalij ad
monitio in
vena sectione.*

copiâ solum peccet, secunda quidem erit vena, & sanguis etiam si subtilis & rubens effluat, omninò in debita quantitate erit euacuandus, ut reuellat à capite, & impediatur, quò minùs in nigram bilem vertatur & melancholescat (hoc est, tenuioribus partibus absumptis crassiores relinquantur) Galeni igitur sententia vera erit, ubi non adsint veræ plethoræ signa, tunc enim pro reuulsione expedit secare venam, & si nigrum effundi viderimus, cum in venis magnis abundare nigrum sanguinem conspexerimus, effluere sinemus: sin verò subtilem & rubrum, sistemus, quòd potius aptus sit melancholicum sanguinem in supernis existentem attemperare, & ad benignam naturam reuocare.

CAPVT XIX.

De applicatione Cucurbitularum, Hirudinum, & Fonticulorum inuisione.

*Vicaria
Phlebotomia reme-
dia.*



VICARIA Phlebotomiæ seu chirurgica præterea auxilia (quæ tamen nò nisi corpore priùs probè expurgato in vsum commodè trahi possunt) sunt frictiones extremarum partium earundemque ligaturæ, cucurbitulæ

non

non scarificatæ, (scarificatæ enim in hoc affectu extrâ consuetudinem improbantur, vtpote quibus subtilis extrahitur sanguis, crassus vero in corpore relinquitur) prouocatio item, si affectus sit pertinax, hæmorrhoidum, nec non applicatio sanguifugarum seu hirudinum, præsertim si cappillares venę atro sanguine turgent: cū etiam per illas, ex portæ venis educatur humor crudus & crassus. Nonnulli hīc, si flatus valdè vrgent, etiam leues cucurbitulas hypochondrijs affigunt, ad illos discutiendos. Imò Hieronymus Mercurialis, magnas & cum multâ flammâ vmbilico admouet, cū illæ veluti incantamentū quoddam, dolorem ex flatuoso spiritu ortum, confestim leuent. Quod si malum diutiùs duret, aliqui Fontanellam supra splenis vel ventriculi regionem inducere solent. Alij pro auersione vaporum à capite & corde, extremorum frictiones, lotiones, scarificationes, fonticulos in brachijs & cruribus excitant. Quæ omnia singulis verè temporibus, & vbique passim practicantur, cum optimo ægrorum cōmodo. Sed de Hirudinibus & Fonticulis cū in quotidianum ferè vsum medicum veniant, fusiùs parum tractabimus.

*Applicatio
cucurbitu-
larum sine
scarifica-
tione con-
tra flatus.*

*Hirudinis
applicatio
& selectio.*

Hirudines itaque in hoc affectu sæpiùs ad-
admouentur, vel ad euacuandas hæmorrhoi-
des intumefcentes, vel ad easdem prouocan-
das. Est autem hirudo, vermis quidam aqua-
ticus, oblongus, figurâ lumbrico penè similis,
vel caudæ muris, vt ait Auicenna: habet autem
in sua extremitate maiore, quâ caput est, oscu-
lum rotundum, & in eo, tres aculeos, valdè exi-
guos, quibus & cutem pungit, & eidem hæret,
interim, per vlcuscula exugendo, sanguine tur-
gescit & distenditur, quod paucis expressit Ho-
ratiùs, dum ait

Non missura cutem, nisi plena cruoris hirudo.

Auicenna, ex Indorum Philosophorum senten-
tiâ venenatas esse ait, quæ magna habent capi-
ta, virides, splendentes, & nitedularum more e-
micantes, lineas cæruleas in dorso habentes, &
cuiuspiam serpentum generi similes: & eas simi-
liter, quæ in cœnosis & vitiosis aquis viuunt. Ob
id enim, ab his omnibus cauendum esse existi-
mant, quod suo venenato morfu, phlegmo-
nem, maligna & insanabilia vlcera pariant, syn-
copem, sanguinis immodicum profluium, fe-
brem, & lassitudinem inducant. Plinius etiam,
rufas maximè formidandas esse ait. Eas autem

eligendas esse volunt, quæ sunt colore hepatis, tenues, teretes, parua capita, ventrem rubrum, & dorsum viride habentes, & in dorso, lineas aureo colore micantes, & quæ in aquis salubribus, & fluentibus degunt. Recens captæ, ad vnum diem in aqua limpida feruantur, modico sanguine (inquit Galenus) in alimentum ipsis obiecto, vt earum virus exprimatur: sed non liquore perlarum, vt quidam Chirurgulus empiricorum astutissimus & mendacissimus Lutetiæ fecerat: qui sex aureos postulabat, quòd hyruidines duas egroto admouisset; quod cum mirarentur multi, maiorem, inquit, mercedem deberem efflagitare, quia mensem integrum illa duo animalcula liquore perlarum cibavi: de quo Ioh: Dan: Horstius in suo Dispensatorio vniuersali nuperrimè edito. Deinde, in aquam tepidam, vase lato contentam, imittuntur, vbi spongiâ à mucore & sordibus repurgatæ, rursus in aquâ limpida immissæ, ad vsum referuantur in vitro linteamine lineo simplici tecto: cùm nec vesicam, nec chartam pro tegumento ob aëris priuationē admittant, sed vnica nocte erodât. Vsus tempore, pars, cui admouēde sunt, linteo calido, vel nitro fricanda est, donec rubescat:

bescat (quamuis etiam sine partis frictione pun-
gant) tum, per caudam linteo mundo prehen-
dendæ, & parti admouendæ sunt: quod si lo-
cus sanguine liniatur, auidius adhærescunt. Alij
per fistulam, aut arundinem, quatuor aut quin-
que simul fistulæ imponendo, in partem labo-
rantem demittunt prius scalptam aut leuiter
incisam ex Gal: cap. 1. lib. de Hirud. & Oribas.
cap: 15. lib: citati. Si modicè attigerint, caudas
ipsarum forfice incidere expedit: sanguine enim
effuso, attrahere non cessant. Cùm verò eas
decidere voluerimus, salem, cinerem, aloem,
aut linteolum vstum, oribus earum aspergi-
mus. Suâ etiam spontè sæpè decidunt, satieta-
te, & pondere ipso sanguinis detractæ. Aliquan-
dò tamen, affixa relinquunt capita, quæ causa,
vulnera insanabilia facit, & multos interimit:
sicut Messalinum è Consularibus Patricijs, cùm
ad genua admisisset. Ergò sugentium ora for-
ficibus præcidunt (inquit Plinius) ac, veluti si-
phonibus, defluit sanguis, paulatimq; morien-
tium capita se contrahunt, nec relinquunt.
Postquàm exciderint, tutius erit, cucurbitulam
loco admouere, vt virus educatur. Si cucur-
bitula admoueri non potest, abluatur locus a-
quâ

quâ calente falsâ. Quòd si sanguis supra modum fluxerit, linteolum ex aceto madidum, vel galla vsta, vel aranea tela imponatur. Si vero vlcuscula, veluti lachrymas fundant, fabaceâ farinâ aspergenda erunt, & lanâ, modico oleo imbutâ, obuoluenda. Itaque trifido morfu cutem vulnerantes, si venam attingunt, copiosum sanguinem etiam ex alto exhauriunt: alioqui partem cui applicantur, tantum euacuant, quòd fit vt exugendis vitiosis humoribus habitum occupantibus potissimum conueniant.

Verum de hæmorrhoidalibus venis Medici dissentiunt. Hieronymus Fabricius ab Aqua-
 pendente, de operat: chirurg: cap. de hæmorrhoidibus: & Ioh: Riolanus Anthropographiæ lib. 2. cap. 17. statuunt hæmorrhoides duplices, internas, à vena Portæ, & externas, à vena Caua ortas. Atq; venas illas è Porta antiquis notas, has verò à Caua incognitas esse, eâ de causâ, quòd hæmorrhoides quæ à Porta proueniunt, sanguinem crassum nigrum & feculentum euacuent, adeoque morbis melancholicis & à lienæ ac venâ Portæ ortis profint, vti Gal: 3. aph. 4. 6. aph. 11. 12. 21. 47. 48. 2 ad Glauc. 6. epid. comm: 3. & comm. 6. t. 8. Quæ verò à Caua, plerumque te-

*Medicorū
dissentio de
hæmorrhoi-
dalibus
venis.*

nuiorem & serosiores euacuent. Hinc non sine causâ quæritur, an vtræque, seu à natura seu arte apertæ, idem in hypochondriaca affectione commodum præstent: statuunt enim supracitati Medici, hæmorrhoides internas provenire à ramo venæ portæ hæmorrhoidali, externas verò ab hypogastrico, illasque recti intestini partibus internis inferi, has, in partes externas, ani musculos scilicet, disseminari; hæmorrhoidalem Portam esse unicam, sociamque habere arteriam à mesenterica infra ramos producentem; hæmorrhoidalem verò Cauæ, esse duplicem, vtrinque vnam, & vtramque comitem habere arteriam ab hypogastrica deriuatam: ac proinde per illam Portæ, cacochymiam, per has, venæ Cauæ plethoram euacuari. Proinde Medicos reprehendunt, hæmorrhoidibus adductos, quòd dum externas aperiunt, purum ac tenuem sanguinem extrahant, crassum & impurum intus relinquant. Verùm enim verò, licet hæc verissima sint, neque negandum, externas hæmorrhoides non satis commodè aperiiri ad humorem melancholicum euacuandum, nisi spontè à natura aperiuntur: in hac tamen controuersia, sequentia diligenter animaduertenda.

Sit quòd antiqui exquisitam originem externarum hæmorrhoidum à vena Caua prodeuntium ignorauerint, tamen illas extrà considerationem originis negligere, aut inobseruatas relinquere non potuerunt, vtpote quas oculis obuias habuerunt, quasque sæpè vfferunt. Vnde facilè colligitur, per hæmorrhoides externas, etiam atros & alios vitiosos humores, qui circa lienem & epar colliguntur, euacuari. Cum enim antiqui affirmant, per hæmorrhoides euacuari hepatis materiam feculentam, bilémq; atram; esse maximum melancholiæ remedium; lienem induratum sanare, &c. facilè hinc patet, experientiam ipsam eos edocuisse, atros & alios vitiosos humores circa lienem & epar, in venæ portæ ramis collectos, per eos euacuari, neque eos antiquos ignorasse: hocque ita se habere, quilibet in praxi quotidie obseruare poterit. Si enim eos qui ex hæmorrhoidibus commodum percipiunt, inquirat, omnes ferè hypochondriacos esse animaduertet. Si porrò querat, utræ hæmorrhoides fluant, externæ vel internæ: in plerisque externas fluere, ægrisq; etiam hypochondriacis commodum afferre; internas verò rariùs aperiri, & proinde per illas, non solum ple-

thoram, sed & cacochymiam euacuari intelliget. Licet verò etiam interdum tenues quidam humores, & sanguis rubicundior, per eas euacuari videatur: tamen is non purus est, sed serosus & falsus, ac ichor etiam sine sanguine profluit. Colliguntur verò in venę Portę ramis non solum humores crassi & nigri, sed etiam sæpè serosi & falsi. Etsi verò, à diuersis venis hæmorrhoides internę & externę ortum habeant: tamen quia eidem intestino recto inseruntur, cõmunicationem quandam horum vasorum esse, & osculis sibi mutuò occurrere, & ex hæmorrhoidibus internis, humores vitiosos externis etiam communicari, & per eas effundi, res ipsa, & quę quotidie circa egros accidunt, loquitur; cùm videamus, affectibus hypochondriacis laborantibus, hæmorrhoides etiam externas fluentes plurimum prodesse.

Hæmorrhoides nunquam scalpello sed hirudinibus solum aperienda.

Cœcæ itaque, hoc est nondum apertę, sed suppressę, cū in egro aliquo appareant hæmorrhoides præsertim cū sunt dolorificę, tumentes, & inflammatę, nunquam lanceolâ vel alio instrumento, aut scalpello, aut phlebotomo, sed hirudinibus solis aperiendę sunt: he enim appositę, placidè & sensim sanguinem exhauriūt, cū

cum e contrario sectæ, aut imedicabilia & fistulosa causent vlcera, aut tantum sanguinis effundant, vt nullis auxilijs, nec cauterio sisti possit, sed sanguine nimium fluente, viribûsq; exhaustis, æger subinde exanimis occumbat. Quod accidit Ioâni Austriaco Duci strenuissimo, Caroli Quinti Imper: filio, qui plurimum Medicorû consilio, cum hæmorrhoidibus laboraret, admoto scalpello, largâ secutâ hæmorrhagiâ, nullis proficientibus auxilijs, intrâ quatuor horas è vitâ migravit, vt refert Dionysius Dacæ Chirurgus Hispanus famigeratissimus. Sunt etiam ab hinc aliquot anni, a quibus, ob melancholiam aliquam, religiosus, ano hirudines apponendas sibi curaret: ecce Chirurghi digitos hirudo subterfugiens, & per rectum intestinû ingrediens, acrius penetrauit: consternabatur in principio Chirurgus cum ægro, præsertim cum nullum vnquam huius exempli audiissent aut habuissent apud auctores scriptum vestigium: periculum itaque & angor ingenium acuit, secumque ex tempore ita ratiocinatus est Chirurgus: a sale & cineribus extabescunt hirudines, iniiciamus muriam per modum Clysteris, sine dubio fecerit alius & eijciat hirudinem, quò minus in

*Observationes ex
hirudinibus
sinistra ap-
plicatione*

corpore nocere possit. Iniecta ergò muria suum habuit effectum, hirudo excreta, & æger simul ab omni metu cum Chirurgo liberatus est. Idem præstare potuisset stercus bouinum siccū modicè calidum, irroratū prius Cimicum pulvere (vel loco huius Castorium) ano admotū, cuius fumo, & clystere ex solius cæpæ succo confecto, hirudo cum fæcibus eijci debuisset. Peius tamen cessit non multum ab similis casus Baroni cuidam hic Monachij degenti: is Cephalalgia laborans, quum cætera non prodesse, hirudinem anteriori narium parti consilio Medicorum sibi admouere curat, sed quum Chirurgus eam adaptat, hæc illius incuriâ per nasum ingrediens, ad cerebrū penetrans, præsentibus Medicis biduò hominem interfecit, quum usque ad tunicas perreptans, nullo posset remedium genere, nec extrahi, neq; necari. De pauperrima foemina narrat Zacutus Lusitanus, quum antiquâ ophtalmiâ laboraret, Medicorū voto, in angulo maiori, sibi venam secandā curauit, sed nullus huic operi artifex idoneus inueniri potuit, quum hæc sectio nō ita frequenter celebretur; quare illos adiit, qui sectionis loco hirudinem eā parte imponendam imperarunt.

runt, quam Chirurgus huic loco imposuit: cumque putaret eam adhæsisse, ipse ad aliud cubiculum faciendæ venæ sectionis causâ se contulit, tunc hirudo oculum perreptat, morsûque suo coniunctiuam tunicam dilacerat: Chirurgus autem si præstò non adfuisset, exhaustis oculi humoribus, in perpetuum cæca euassisset. Quæ ideo apponere volui, vt in hirudinibus applicandis cautè agatur.

De Hirudinibus procedimus ad Fontanellas *Fonticulus inu-*
 siue fonticulos, qui sunt parua vlcera ferro igni-
 to, vel medicamento caustico, ad vitiosos humores per eâ euacuandos, reuellendos, deriuandos, atque ita morbos qui ab alijs pendent, curandos vel præcauendos: cauterijs enim inducta vlcera, partem ad Diadosin Rheumaticam (id est distributionem siue protrusionem humorum nociuorum fluentium ad carnosas cutis partes) deducunt, vt ex ijs, quasi fonticulo, quicquid vitiosi humoris cumulatam fuerit, euacuetur. Atque ita in morbis saltem diuturnis, vti myrachialis affectus aut melancholia hypochondriaca est, locum habent fontanellæ: non in acutis, qui subitas euacuationes requirunt. Etsi verò id, quod quotidie euacuatur,
 exi-

exiguum sit: tamen quia continuatur, temporis progressu plurimum iuuat. Tempus fonticulos parandi est primò, quandò præsidia mitiora nihil proficere videmus: est enim extremum præsidium secundum Hipp: 7. aph: vlt: Quæcunque non sanat medicamentum, ea sanat ferrum: quæ ferrum non sanat, ea ignis sanat: quæ ignis non sanat, ea incurabilia putari oportet. Vbi item corpus bene prius à caco-chymia per purgationem, vel à plethora per venæ sectionem depletum fuerit, ne propter attractionem humorum, inflammationes & tumores propè fonticulos excitetur. Secundò, Ver, ratione anni temporis maximè omnium aptum est, quo humores à natura funduntur, viæq; dilatantur. Tertiò, ratione ætatis, pueri tenelli, & senes decrepiti, propter virium imbecillitatem, nō facile tolerant magnum remedium, quale est fonticulus, illi, quod facile exhauriantur, hi, quod exhausti sint. Nisi igitur vrgeat grauis morbus alijs remedijs incurabilis, illi ætati est parcendum. Adhibentur autem in affectu hypochondriaco pro reuulsione & deriuatione humorum, vel in brachijs vt à capite humores reuelantur, vel in cruribus, vt ab epate & liene, vel

alijs

alijs abdominis partibus trahantur. Et quidem, finistrâ capitis parte affectâ in sinistro brachio, dexterâ in dextro. Iecore affecto, in dextro crure; liene, in sinistro fonticulus ponendus. Etenim cùm fonticuli diligenti curâ indigeant, & quotidie mane & vesperi detegendi sint, eo in loco conuenientiores sunt, quo ipse æger oculis & manibus pertingere potest. Et quia propter humores superfluos, vel euacuâdos, vel reuellendos, vel deriuandos, excitantur fonticuli; humores verò in vasis consistant: non in quocunque brachij vel cruris loco commodè excitatur fonticulus, sed vbi venæ maiores sunt, aut earum propagines: non tamen supra venas, sed propè venas. Et quia crura & brachia ad motum destinata sunt, ne fonticuli propter dolorem, aliquod insigne motui impedimentum adferant, non in ipso corpore musculi & eius carnosâ parte, ac multò minus circa tendines & neruosas partes excitandi, sed in spatio seu interstitio inter musculos. Atque id interstitium in brachio ex cubiti valida flexione & extensione: in crure verò, ex pedis flexione & extensione exploratur, apice indicis digiti in musculorum interstitio compresso.

*Locus a-
prius pro
fonticuli.*

Itaque in brachio commodissimus fonticuli locus est inter musculum Deltoidem & alium, qui cubitum flectit, bicipitem dictum. In crure verò communiter fiunt infra genu, & tùm in externa tùm in interna parte, sed cùm pars externa nō habeat vicinas venas, interna verò habeat saphenam; & præterea, interna pars, non habeat latum tendinem, quem vitari oportet, atq; insuper in mulieribus ob vterum: rectius paratur fonticulus in interna tibiæ parte, & ea quidem, quæ aptè deligari potest, non nimis propè genu. Fiunt autem Fonticuli, vel medicamento caustico, vel ferro. Medicamento caustico vel cauterio potèntiali hoc modo parantur fonticuli. Loco cui applicari cauterium animus est, capillis, si adsint, prius derasis, ad defensionem vicinarū partium imponitur Emplastrum Tripharmacum vel aliud conueniens & tenax, in medio ad magnitudinem pisi perforatum, postea locus cauterifandus, scalpello aut phlebotomo superficialiter solummodò vulneratur, donec sanguinis cruore madescere videatur: foramini deinde huic, particula cauterij, magnitudine pisi, sputo prius, si durius sit, madefacti, applicatur, vt cutem tangat. Cauterio applicato aliud emplastrum imponendum, quod

*Quomodo
fiant fonticuli per
cauterium
potentiale.*

caute-

cauterium admotum firmet ac retineat; fasciisque membrum obuolendum. Post quadrantem, aut sesquihoram, horam vnam, duas vel tres, prout medicamentum vim operandi habet, omnia remouentur, & eschara seu crusta apparebit, quæ illicò phlebotomo in crucis formam secatur, & ut pisum aut globulum ex cera vel ligno recipere possit, accomodatur. Digestiuium postea vnguentum & emplastrum tamdiu escharæ, bis in die renouando, superponitur, donec illa separetur, & totalem formam fonticuli acquirat.

Itali, Cauterium actuale, quod fit ferro candente, præferunt. Verum, cum pauci ferrum ignitum in nostris regionibus admittant, eademque pericula per actuale, quàm per potentiale, si minus benè administretur, introduci possint: cumque experientia testetur, potentiale sine incommodo applicari posse; in actuali verò tria occurrere soleant, quæ homini molestiam pariant, calor scilicet, dolor, & ignis aspectus, ac horror; modum supra narratum, in melancholiâ hypochondriacâ, in quâ impressiones aliâs semper fortiores sunt quàm in alijs morbis, qui sine omni dolore perficitur, usurpabimus.

*Per caut-
terium ac-
tuale.*

Quousq; verò aperta sint ista vlcera feruanda, ex affectûs pertinacia, ægrique viribus colligendum est. Affectus itaque, si perpetuò foueatur à viscerum cachexiâ, naturâ, morbo aut ætate introductâ, exempli gratiâ, si quis naturâ sit catarrhosis, obstructionibus, morbo hypochondriaco detentus, vertiginem, apoplexiam, epilepsiam, aut alios morbos metuat, si morbis articularibus laboret, &c. gestatio fonticuli diuturnior, ac per plures annos, imò ad finem vitæ vsque continuata, indicatur: cùm observationes Medicorum attestentur, eos, quibus etiam post multos annos eiusmodi ulcus coalluit, præsentissimum vitæ periculum, sæpè etiam mortem subitanèam incurrisse. Verùm, vires si incipiant debilitari, cùm membrum fonticulum gerens gracilescit, aut fluxione copiosiore tentatur, cùm ulcus sordidum malignumque euadit, cùm super articulum descendit, aut spontè exiccatur &c. hisce in casibus tempus est, ut vel claudatur ulcus omninò, vel alio conuenientiore loco aliud excitetur.

TER

SANVS ET HVC AGER

NVILLO DISCRIMINE CVRRANT

INDIGET ET DIVES

PAVPER ET ARTE MEA



SANVS INFIRMORVM

PHARMACIA



TERTII EMBLEMATIS

Declaratio.

D*Vobis jam fontibus, Diætetico nempe & Chirurgico, promanantibus, ad tertium Pharmaceuticum progredimur: & ut primus, victus lege; secundus, manus opera; sic tertius, medicamentis medetur: cuius nomine, quicquid nostri corporis substantiam immutat, intelligitur. Representatur autem hic fons, per officinam pharmaceuticam, varia in se tam Galenica quam Hermetica vel chymica, & inter illa preciosa quoque complectens medicamenta, tum simplicia, cum composita; quæ non minus separando purum ab impuro, aut à Medicis ipsis, aut ab illorum alumniis, dextrè & laboriosè præparata & elaborata esse, sed etiam summâ cum cautione, studio, & experienciâ, ægris exhiberi & applicari debent. Quod Laboratorium chymicum sinistra partis, ubi manus admouenda cum Minervâ; & Bibliopolium dextri lateris, pro frequentiori studio continuando, indicat. Mineralium quoque aquarum usum, in hypochondriaco affectu maxime prodesse, per acidulas vasculis*

sculis suis inclusas, ab officinæ ministro quodam, indigetatur. Denique, omnium medicationum & medicinarum Patronam, propono Beatissimam Virginem MARIAM Deiparam, salutem infirmorum, Saluatorem, Natum, & suum, & nostrum, & Inis suis indefessis baiulantem.

Sanus & huc ager nullo discrimine currant,

Indiget & Dives, Pauper & arte suâ.

Hæc est illa Virgo Angelica & dulcis, verum Poly-
podium (Englsüss dictum) Hellebori purpurei veri
(Christwurz) Genitrix, quibus tanquam panaceis, om-
nis pellitur melancholia, curatur hypochondria. Hæc
est Alabastrum unguenti; Armarium vitæ; Exordium
humana salutis; Flos florum, & gemma mulierum; Fons
perennis curationum; Gratiâ Dei plena; Hortus conclu-
sus non seminatus; Interitus corruptionis; Lignum vi-
tæ singulis mensibus reddens fructum suum; Lilium con-
uallium; Magisterium fidei; Margarita preciosa celestis;
Microcosmus omnem capacitatem excedens; Nutrix pa-
nis celestis, & omnia nutrientis salutis; Officina medicine;
Pratum totius fragrantie spiritûs sancti; Radix bono-
rum omnium; Solatium in terrâ unicum; Tota mitis, to-
ta serena, tota suavis, tota benigna; Vrna cæli manna ge-
stans. Serpenti venenato caput conterens, mulier amicta
Sole, Lunam pedibus premens: per quam Deus, quidquid
creauit,

creauit, recreauit; verè nostra Euphrasia & Origanum. Dedit nobis Deus Euam secundam, sorte tamen diuersâ, quæ virtute spiritûs sancti obumbrata, & amoris diuini thyrsos percussa, adeo diuinæ placuit maiestati, ut rem nobis omnino deperditam integram restituerit. Hæc sola fuit, toti generi hominum, iuuamen vnicum & expectatum, de quo Deus ipse, in creatione Adami locutus est, faciamus inquit adiutorium simile sibi, istud adiutorium simile, nobis est sola Virgo Maria, quæ nobis fuit vero & unico iuuamento.

Primæ parens amoris æstro percita, fructum vitæ comedendi, vitam sibi & nobis eripuit. Secunda parens nostra, ad amorem anhelans diuinum, & solo hoc unico amore, ancilla Domini facta, verbum concepit, salutis nostræ & redemptionis tutissimum & certissimum elementum. Ita ut verè dicere possimus, amor nos perdidit, amor etiam nos restituit; quid enim est Maria? quàm Amari? fœminarum nulla est, nec fuit, nec erit post hæc, quæ equali solum erga Deum ardeat amore. Vnde merito benedicta est inter omnes mulieres; Dominus cum ipsa fuit ab æterno, & gratiâ diuinâ undequaque perfusa est. Cernimus terram primam, parentem nostram, ob deglutitum spiritum ante tempus suum debitum, preparata corruptioni esse obnoxiam, & morti, & nos omnes in peccato ipsius mortem eandem sequi & corruptionem. Salem verò, qui est terra

terra secunda, pura & nitida ab omni elementari maculâ vindicata, spiritu vitæ impregnata, ipsam à morte vindicare, & nos omnes ab ipsa morte, & corruptionis totius labe eripere, & tutissimè defendere. Terra sordida & squalida, spiritum vitæ deglutiens, nonne Euam, crimine diuinæ læsæ maiestatis conspurcatam, fructum vitæ deglutientem & vorantem, mortem sibi & nobis omnibus asciscentem, representat & exhibet. Sal vero, qui est pura terra, & terra virgo, spiritu vitæ fecundata, ad vitam rerum omnium nonne sacram & intemeratam Virginem Mariam nobis figurat, quæ sacratissimo utero suo verbum concepit, & vitæ veræ, verum & unicum spiritum nobis dedit, ad vitam fidelium omnium in æternum consequendam. Nemo igitur cum S. Augustino, satis laudauerit vitam nullus seculum morituram, nemo satis accusauerit mortem nullis æternitatibus victuram. At qui per scæminam mors, per scæminam vita; per Euam interitus, per Aue & Mariam salus; illa corrupta, secuta est seductorem; hac integra, peperit Saluatorem, Archiatrum supremum, vitæ necisque Imperatorem.

In Candelabro propendente, Cerei conspiciuntur accensi, sed qui Virgini, qui puritati conscrentur: non quia lumine eget Virgo purissima; mundi solem peperit: sed quia hoc sacrorum ornatu & religionis ritu, cultus pietatis explicatur, Luna in tenebrarum medium

medium providentiæ nutu data, cum sola argenteo orbe
 noctem illustret, infinita tamen stellarum frequentia cin-
 gitur: tot facibus non juuare, sed ornare familiarissimum
 terris sidus natura voluit. Velut Luna, nostra Virgo, ni-
 si quod inconstantiam non agnoscat. Solem refert, & stel-
 las omnes vincit. Quæ est ista quæ progreditur,
 quasi Aurora consurgens, pulchra ut Luna, ele-
 cta ut Sol, terribilis ut castrorum acies ordinata?
 Sed quid cælo lustro stellas, quas in terra inuenio? Vos,
 ô Bina Sidera, quorum Insignia officinam hanc phar-
 maceuticam in suprema fornicis parte ornant, Ferdi-
 nandus Maria nempe, & Adelaidis, Coniuges, Sere-
 nissimi Principes, & spectati Bavariæ & Sabaudie floscu-
 li; Charitum curæ; Cælestium corollaria; Sexuum colu-
 mina; Ætatum specimina: sic annos longè superatis
 delectu morum, judicio, sagacitate, sermonis gra-
 tiâ, elegantiaque in compositione vestri, in regijs virtu-
 tibus memorabiles; nati parentibus serenissimis digni; de-
 litium horum vnicum; nec satis pro dignitate visi diligi;
 estis aule dominicæ admiratio, necessariorum exultatio.
 Vos inquam, qui communi pietatis tessera animos Mariæ
 obstrinxistis, ignes estis, flammæ estis, stellæ estis; & Virgi-
 nem cingitis, Matrem stipatis, Dominam circumfistitis.
 Vos alumni, filius & filia, vos clientes: in vobis & Virgo
 pura, & Mater fecunda, & Domina fortis. Paucis di-

cam: inter vos Maria virgo est, Maria Mater est, Maria Domina & Patrona est; deniq; vt nihil omittam, Omnia.

Ergo venientem, & presentem, non alia vox excipere potest, quàm vox sponsi sui. Quàm pulchra es, amica mea! quàm pulchra es! Imò vt pulchritudinis pretium aestimetur, quàm pura es, amica mea! quàm pura es! meritò pulchra, pura es; meritò pura, virgo es. Iterum: tota pulchra es, amica mea, & macula nō est in te. Pulchra, quia velut noui diei Aurora, & mater diuini roris; pulchra, quia velut Luna extra nubem splendens. O pulchrum, o diuinum par! Christus & Maria. Ille est Filius, hæc Mater; ille sponsus, hæc sponsa, ille pulcher, hæc pulchra; ille dilectus, hæc dilecta. Ecce tu pulchra es, amica, ecce tu pulchra es; oculi tui, columbarum. Ecce tu pulcher es, dilecte mi, & decorus: lectulus noster floridus. Qualis Christus talis Maria: ille purus, hæc pura: ille Deus & Homo, hæc Virgo & Mater; imò ille seruus, hæc ancilla. Ast, nisi Jesum feramus, sequi Virginem non possumus: nec Jesum ferre nisi Virginem sequamur. Prorsus, non sine Jesu Virgo est; non sine Virgine Jesus. Imago Dei Virgo est, quæ Deum concepit, quæ peperit, quæ lactauit, quæ nutriuit, Virgo Sole clarior; Oceano purior; Cælo maior.

Quid opus est verbis? Purissimæ coniunctionis huius
san-

sanctitatem, omnis Ecclesiæ celebravit ætas, omnis ordo, omnis doctrina, & nunc demum senescentibus rerum annis rewirefscens humani generis, pietas stabilivit. Quod maius religioni Christianæ bonum, Patrum aucto accedere potuit, quàm ut turbato opinionum dissidijs orbe, viri prodirent optimi, doctissimi, sanctissimi; quorum operâ & industriâ, aurea virtutis renascerentur secula, & nouo feruore christianæ legis arcana inualescerent, nouo diuinitatis pondere firmarentur, mortalium partim frigore, partim scelere expugnato? Societas illa Iesu est; quam cum nomino, satis laudo. Illa victrix hæresium, pharus virtutum, perfectio sæculi, gloria disciplinarum, pedissequa Christi, arx Ecclesiæ, alumna Dei. Et tamen ut Societas duraret, Sodalitas accessit; ut Iesu nomen reluceret, Mariæ adiunctum est. Penes Societatem esse Sodalitas debuit; à Iesu athleticus Mariæ cultus propagari. In Societate Maria est, ut in Sodalitate quoque Iesus esset. Jesum colunt, nomineque possident, qui Sodalitatem dirigunt: Mariam colunt, & peculiari studio asserunt, qui in Societatem adscripti sunt. Vnde clarè elucet; Filium sine Matre esse non posse, nec sine Filio Matrem. Hos itaque colam, hos venerabor, his inserviam, & sodalis & medicus, licet indignus, donec Lumine adempto animam moribundo è corpore fundam.

Benè cecinit Medicus quidam Poëta.

Dulce sapit grauida quod pendet in arbore, pomum

Et mel, fructus, apis, non nisi dulce sapit.

Vua, quis ignorat? pectus dulcedine complet.

Plurimalacpulum, dulciter ora rigat.

Quilibet exoptat dulci gaudere sapore,

Quilibet & dulci membra fouere mero.

Dulcia non sunt ista mihi, quæ terra ministrat,

Virginis & Christi, dulce solamen amo.

Hoc mihi dulce sapit; nam longè dulcius exit

Pomo, melle, vua, lacte, sapore, mero.

E T

Cymbala dulce sonant digito percussa volanti,

Testudo dulces reddit & icta sonos.

Fistula dulciloquas fundit per jugera voces,

Et spargit placidum chorda canora melos,

Ipse tubæ clangor dulcis se ad sidera tollit,

Et vocat ad nutus Martia Castra suos,

Virgineis modulis merito jam musica cedunt

Cymbala, testudo, fistula, chorda, tuba.



CAPVT XX.

*De Curatione Affectus Hypochondriaci per Pharmaciam,
& primò de philosophatione quorundam hypochondriaco-
rum medicinas respuentium, de chymicis quibusdam
rebus, & indicationibus curatiuis melan-
cholia hypochondriacæ.*

RESTAT nunc Pharmacia, cui alij in eradi- Pharma-
cia necessi-
tas in cu-
ratione
melancholia hypo-
chondriacæ.
catione huius mali primum locum dant:
corruptos enim & melancholicos humores vi-
scera interna occupantes & obstruentes, pro-
pter diuersos meatus & anfractus in quibus hæ-
rent & latent, per chyrurgiam satis evacuare,
aut per obseruationem & institutionem licet
exquisitissimæ diætæ (cum ex optimis cibis vt
supra recensui etiam subindè exoriantur) impe-
dire aut expellere nemo poterit, nisi quoque be-
neficio & auxilio pharmacorum innitatur, pró-
que morbi, complexionis, consuetudinis, æta-
tis, sexus, status naturâ & ratione, cuiusque eti-
am palatui & gustui grata & acceptibilia reme-
dia tam dogmatica quàm chymica offerantur:
taliter enim hoc tempore constituta sunt quo-
rundam hypochondriacorum ingenia & phan-
tasia,

taſie, vt præter chymica omnia cætera pharma-
 ca naſceant, & ideò Galenicòs & Dogmaticòs
 omnes contemnunt; quidam verò tam reſra-
 ctarij ſunt, vt licet pinguioris fortunæ & opti-
 morum mediòrum ſint, tamen ob tenacitatẽ
 & ſordidum auri retinendi ſtudio, ſolis mira-
 culis aut verbis curari velint, & ideò ſapientio-
 res quòd hypochondriaci ſint (cũ hypochon-
 driaca melancholia quibuſdam ſignũ pruden-
 tiæ habeatur) tanquam mortis contemptorẽs
 taliter philoſophantur. Mortẽm haud impro-
 viſò iſiſis interventuram: quippe mortẽm om-
 nibus promiſcuè proponi. Rem illis eſſe ſatis
 lautam, ac proinde obitum illorum, nemini de-
 trimento, quin potiùs multis uſui futuram: ma-
 gnã fortunã, magnum decere animum. Se
 jam ſatis Philoſophiæ ſacris operatos, & abundè
 ſcire, non perpetuò timendum, quod ſemel fa-
 ciendum. Mortẽm etiã non terrere ſapientes,
 ſed quãuis vitã eſſe optabiliorem. Imò ſtultum,
 ſomno delectari, & mortẽm perhorreſcere. Iuſſe
 aliãſ alios, quò neceſſitas vocarit: ituros & ſe,
 quãmcunq; viã ingrederetur morbus, à quo
 jam obſiderentur. Vitã circæis illecebris fu-
 catã, fallere quidẽ imperiti vulgi ſenſus, ſed
 philoſo-

*Philophia
 tio cõtem-
 ptorum
 mortis.*

philosophorum supercilio nihil indignius. Quocirca se beneficij loco accepturos, si possent maturam oppetere mortem: & breuitate vitæ, superare incommoda, quæ fortè adferret insequens ætas. Neminem secundum S. Paulum Apostolum ad Rom. 9. se voluntati diuinæ opponere posse, se fortè ad mortem jam prædestinatos, sibi quæ Fatis cedendum esse secundum Senecam

Fatis agimur, cedite fatis,

Non sollicitæ possunt curæ.

Mutare rati Stamina fatis,

Quidquid patimur mortale genus,

Quidquid facimus venit ex alto.

Non considerantes, præscientiam Dei, non esse causam neque necessitatem, vt hoc aut illud ideò necessariò aut certò fieri debeat, quia Deus præuidit, sed ideò præuidere & scire DEVM, quod homo liberè hoc sit facturus: in arbitrio enim viri esse, siuè faciat siuè non faciat. Veteres quoque Theologos docere. Necessitatem præscientiæ Dei non simpliciter esse antecedentem hominis libertatem, sed consequentem, hanc videlicet consensum voluntatis liberum sequi, & illum præsupponere. Quare quemlibet

bet agrum admonere sapientem Ecclesiasticum, c. 38. sequentibus verbis. Fili, in tua infirmitate ne despicias te metipsum, sed da locum Medico, quia creauit eum altissimus, & eius opera sunt tibi necessaria. Manus igitur mouenda cum Minerua.

Quæ tamen speciosa fiducia, quàm breui destituit tales philosophos, vbi vident futes argutias suas diffiliari, aluo non correspondente, stercora subinde per os erumpere, & gloriosam illam linguam continenter perfundi sedâ nidosâ & eruginosâ alui illuue, crebris euomitibus & doloribus, stomachum & totum corpus turbari; caput & cerebrum vigilijs, insomnijs & phantasijs pessimis exagitari; cor maioribus infestari angustijs, palpitationibus & deliquijs, quàm vnquam cõceperant animo. Quàm non tunc libentes exuunt vmbrales philosophos? quàm non liberaliter omnia promittunt Medicis? quas non proponunt mercedes & præmia (quamuis postea parum aut nihil dent) modo arte illorum vendicarentur ab angustijs, quas intentat vrgens tunc temporis morbus? nullis tunc parcere volunt sumptibus, sed quiduis largiri Medicis: plurima quidem improvida sibi

sibi excidisse dicunt, sed nunquam cogitasse, tam acerba fore mortis spicula, neque tam imbellia tela, quę imaginaria Philosophia opponeret morti. Se quiduis remedij admissuros, & nihil non acturos, modò liberarentur à præsensissimo hocce vitę periculo. Taliter philosophantur illi, qui sapientię speciem inter mortales tenent, & aureum illum rram, vt aiunt, aucupantur: præsertim verò ætate graues & senes, qui ratione & ætatis, hoc est annorum & non morum siue virtutum, sapientię prærrogatiuam sibi vendicant: quibus continuè deflorescit formæ nitor, languescit alacritas, frigescit lepos, labascit vigor, molesta senectus, nō jam alijs modò, verum etiam sibi met inuisa. Hi gralli ad lethes fontē producendi sunt, vt simul atq; illic longa potarint obliuia, paulatim dilutis animi curis repubescāt; aut ad Insulas fortunatas, in quibus neque labor, neque senium, neque morbus est vllus, nec vsquam in agris asphodelus, malua, squilla, lupinūm ue, aut faba, aut aliud hoc genus nugarum conspicitur: sed passim oculis, simulque naribus adblandiuntur moly, panace, nepenthes, amaracus, ambrosia, lotus, rosa, viola, hyacinthus, Adonidis hortuli,

*Pharmaceutica cur
ra consistit
in Galenicis & Chy
miciis me-
dicamen-
tis.*

Pharmaceutica itaque cura in melancholia hypochondriaca, consistit in applicatione, exhibitione & assumptione medicamentorum tam Galenicorum quàm Chymicorum, eorumque partim internorum, partim externorum. Sunt autem Galenica, quæ non multum immutata, sed leuiter & antiquorum more præparata exhibenter. Chymica verò sunt, in quibus pura ab impuris exquisitiùs separata, vt faciliùs penetrare, & in minori quantitate assumi possint: nam cum nihil creatum, quod puro & impuro non constet, necessitas postulat eiusmodi diuersarum substantiarum purificationem & separationem: quâ factâ, sibi Medicus medicamenta salubria conficere, iisdemque morbos, primò, Citò, propter sumam subtilitatem (quis enim nescit, ea, quæ in sumam subtilitatem reducta sunt, citiùs, & è contrario, crassâ & terrestri mole obruta, tardiùs operari) secūdò, Tutò, (si vsus adest circumspectus) quia non ampliùs sunt impura, violenta & venenata, sed pura, & omnis deleteriæ qualitatis expertia, & tertio, Iucundè, tam ob minimam dosis quantitatem, quàm ob saporem gratum, & non nauseabundum, odorem fragrantem, colorémque amabilem.

bilem, curare & propellere potest. Est autem Chymia duplex. Vniuersalis & Particularis. Vniuersalis circà lapidem Philosophorum versatur, quem multi sibi imaginantur, pauci tamē aut ferè nulli assequuntur. Particularis iterum duplex, vna quæ circà metalla eorūque transmutationes agit, paucis nota & utilis, plurimis verò noxia & perniciofa, ob id, quòd ad extremam paupertatem, per hanc ludicram felicitatem, in indagatione huius artis, redigantur. Altera occupatur circà corpora naturalia, eorūque partes, causas, affectionesque inquirat, Medicinæ faciendæ gratiâ. Hæc ditat & sanat, utilisque est ad morbos pellendos, præsertim cum facundiam in dicendo, promittendo & prædicando habeat comitem, adeoque à nemine Medicorum contemnenda, sed plenis vlnis excipienda & admittenda, quæ Chymiatria effata, quasi essentiam extrahens vocatur. Extrahitur autem essentia ex corporibus naturalibus tanquam obiecto huius artis: & primò ex animalibus, aëreis, terrestribus, & aquatilibus: secundò, ex vegetabilibus, vt arboribus, fructibus, & herbis: tertio ex mineralibus, vt metallis, medijs mineralibus, & lapidibus. Constant autem

Chymica
medica-
menta cō-
stant ex
tribus prin-
cipijs.

hæc omnia ex tribus Principijs, quorum conjunctione conflata sunt hæc corpora, & eorum substantia vnita. Primum est, *Sal*, qui purgat, mundificat, balsamóque suo conseruat, ac in illa dominium habet, quæ tendunt in putrefactionem, & analogiâ Terræ respondet. Alterum est, *Mercurius*, qui aufert omne, quod habet consumptionis initium, & confertur Elemento Aëris & Aquæ. Tertium est, *Sulphur*, quod in ea, quæ superflua sunt ex alijs duobus, ac incipiunt corrumpi, dominatur, & assimilatur Igni, propter flammam, quam faciliè concipit. Specimen datur à lignis viridibus, quæ si cremes, egredietur primum aquosum quiddam, quod ignis flammæ concipiendæ planè inidoneum est, & in fumum conuersum, si colligatur, in aquam resoluitur, diciturque *Mercurius*: deinde exhibit oleaginosum quiddam, faciliè inflammabile, quod in vapores resolutum, si cohibeatur, in oleum abit, vocaturque *Sulphur*. Tandem remanet siccum terrestre, quod ex cineribus aquæ beneficio extrahitur, inque humido & frigido resoluitur, calore autem concrefcit, ac *Salis* nomen obtinet. Ita *Lac*, substantiam continet sulphuream butyrosam, deinde mercurialem ferosam, &

tan-

tandem salinam caseosam. Ita oui albumen mercurium exhibet, vitellum sulphur, pelliculæ & putamina salia. Pari ratione ex Garyophyllis, aqua mercurialis præstantissima, oleum sulphureum excellentissimum, & ex fecibus sal candidissimum elicitur. Felicissimè autem curabit Medicus, præsertim hunc hypochondriacum morbum, si partim Galenicis, partim Chymicis eundem curauerit medicamentis: & quidem recentem & mitiorem, Galenicis; inueteratum autem & contumaciorem siue habituatum, Chymicis, hoc est magis penetratiuis & fortioribus. Cautus quoque sit in eorundem præparatione & administratione: nam chymica medicamenta, in manu indocti, sunt tanquã venenum aut gladius in manu furiosi & fatui.

Chymia enim, non est ars sui generis, sed est præparatio medicamentorum, & propterea propriè loquendo pertinet ad artem pharmaceuticam, nec nisi in Pharmacia de eâ tractari debet. Non fuit inuenta à Paracelso, sed pluribus ante illum natum seculis, exculpta à Raimundo Lullio, Villanouano, & alijs quamplurimis, quorum habemus multa laudanda remedia chymica, aquas, quintas essentias, stillatitia bal-

fama, & alia eiusmodi, qui tamen eandem cum Galenicis profitebantur Medicinam. Vnde præparationem istam remediorū chymicam, Medici non improbant, quamvis sub eo nomine multæ fiant fraudes, & fermè omnes impostores hoc pallio technas suas occultent & tegant. Paracelsica autem hæresis, quamvis maximè v-tatur remedijs chymicis, vulgari tamen modo præparata, quæ Galenica vocantur, non respuit, vt videre licet in multis apud Paracelsum locis, & consilijs, in quibus sæpè remedijs vtitur chymicè non præparatis, imò integris, tantummodò inter se variè permistis. Ita vt quò ad hanc Medicinæ partem, quæ medicamentorum præparationem spectat, non magis vnam, quàm aliam affectasse videatur Paracelsus.

Indicationes curatiue affectus hypochondriaci.

Indicationes autem curatiuæ affectus hypochondriaci per Pharmaciam, sunt primò euacuatio humorum vitiosorū in hypochondriorum locis hærentium: discussio quoque vaporum, qui ab ijs eleuantur, & variorum symptomatum causa sunt. Nec solum viæ illæ per quas isti humores nociui euacuandi sunt, lenientibus medicamentis expurgandæ, sed cùm crassiores sint, & ob ventriculi coctionem læsam pitui-

pituitosi & visceri humores admisceantur, incidentibus, attenuantibus, aperientibus ac detergentibus opus erit. Cùmque humores sint calidi, vasâque in quibus continentur calidiora & sicciora, inflammatoriâque quasi dispositionem habeant, non solum citrà insignem calefactionem hæc peragenda sunt, sed & moderatè refrigerantia & humectantia, illâque intemperiem corrigentia admiscere debebimus. Postea partium intemperies & debilitas corrigenda, naturalisque constitutio conseruanda & roboranda, ne humores hi vitiosi regenerentur. Tandem partes, quæ humores & vapores illos suscipiunt, atque ab ijs afficiuntur, roborandæ, & ab insultu humorum & vaporum defendendæ, vaporésque à partibus principibus auerendi, ac symptomata tollenda. Difficulus hæc omnia expedientur, quia indicationes dantur cōtrariæ: ventriculus enim debilis calida requirit: attenuantia, incidentia, aperientia, ac detergentia medicamenta, pleraque quoque calida sunt; contrà, inflammatoria illa vasorum dispositio & humorum calida intemperies, refrigerantia expetit. Cautè itaque agendum, ne dum vni prodesse studemus, alteri noceamus.

CAPVT XXI.

*De Curatione per Lenientia Aperientia Incidentia &
Digestiua medicamenta.*

Ro prima itaque indicatione explenda, vt primæ vię primùm euacuentur, primò leniora medicamenta exhibenda, ne per fortiora à longinquo & toto corpore vitiosi humores versùs primas vias trahantur, ibique cumulentur, à calidioribus quoq; & siccis medicamentis, viscerum & vasorum intemperies cumulentur. In hunc finem profunt Enemata lenientia cum Platero, quia intestina penitiùs subeunt, & à venis mesaraicis illuuiem partem euacuant, aluum humectant, & vasorum temperant calorem. Syrupus violarum solutiuus, de Cichoreo cum rhabbarbo, Magistralis, Aloë, Cassia correctæ cum sem: anisi, vel cum additione specierum hieræ propter flatulentiam, Polypodium, Fol: fennæ. Elect: lenitiuum, diacatholicum, diaphœnicum, &c. Vomitus etiam in principio, sed lenioribus medicamentis conuenit, vt si quid pituitosæ & excrementitiæ materiæ in ventriculo hæreat, reijciatur, ne post aliorum medi-

*Medica-
menta Le-
nientia.*

Vomitus.

medicamentorum vsum ad penitiores corporis partes deducatur. Pro alui itaque lenitione iniiciatur talis Clyster.

Rec: rad: althææ, polypodij qu: ana Dr: vj. Herb: Mal- Clyster Lr. uæ. Parietar. Althææ. Violaria. Mercurial. ana. mj. Flor: mes. chamemel, mß. Furfur. in petia ligat. mj. Prunor: n. x. Coque in aqua pura. Colatur. Rec: ℞j. in qua dissolue. Elect: Lenitiui vel Diacathol: Vnc. j. Elect: Hieræ simpl. Dr: ij. Mell: rosat: colat: Ol: violar: ana Vnc. j. Ol. chamemel. Vnc. jß. Vitell: Ovi. n. j. f. Clyster. Pro Vomitorio exhibeatur sequens.

Rec: succi radic. raphani, expressi Vnc. iiij. Hydromel. Vomito- Vnc. iij. In quibus mistis macerentur per noctem radic: rium. Asari contus. Dr: ij. manè colentur & exprimantur, liquorque tepide propinetur.

Talia igitur primò exhibenda medicamenta, quæ primas detergunt vias, & cloacam corporis eluunt: nam succus crassus ventriculo & intestinis adhærens, parietes eorum quasi incrustat, unde aluius pigrior, deterfitorio opus habet, quod simul leniendo saburrâ excludit, quale est Aloës insuccata, quæ à Montano Conf: 232. *Prædicatur Aloë insuccata pro laxati- uo.* & 233. laudatur, eique solam prærogatiuam dat, quæ stomachum confortet, in quo versatur cardo: & Platerus ideò præfert, quia referat hæ-

Obiectio. morrhoides. At jam erunt, qui adferant, Aloën
 sicco obesse ventriculo? quibus ego siccum di-
Salutio. co me statuere: quemadmodum senex frigido
 & sicco est temperamento, qui tamē superfluis
 multis scatet excrementis. Ventriculus, intesti-
 na, copiam eorum habent, & tamē siccā & sub-
 calidā intemperie lædunt chylicationem. Ex-
 crementis igitur debetur Aloë, cuius exemplum
 paulò post dabitur, vt nutrita & imprægnata
 bonis succis, quasi appropriata reddatur, ad hu-
 morem peccantem euacuandū. Ad cuius nor-
 mam plures possunt dari compositiones Aloë-
Aloës v. ticæ: siquidem Aloë prout succo inebriatur ita
sua. & efficaciter agit. Sic cacochymico podagri-
 co, cui serum abundās, Aloën succo rad: Ebuli,
 & cort: sambuci, ac primulæ veris, nutritam im-
 prægnatāque, cum optimo successu ad scrup:
 1. exhibere possumus. Contra vertiginem &
 Apoplexiam cum succo Rutæ. Contra ventri-
 culi debilitatem, & inflationem coli intestini
 cum succo Absynthij, nutritam dabimus. Ta-
 lium pilularum vsus esse potest septimo aut de-
 cimo quarto quoque die, vt fermentatus nimi-
 um humor expurgetur: & Montanus, Aloën in
 pauca dosi ideo trahere vult, quia potest mate-
 riam

nam peccantem contingere Conf: 232. qui iubet omnia electiuè trahentia cauere, & ijs vti, quæ non è longo trahunt, sed solo contactu Conf: 233. Cùm benedictæ & quasi lenientes medicinæ exhibitæ in maiori quantitate plus trahant, quàm electiuè educentes in pauca. Conf: 232. Placet subiungere aliquam delineationem.

*Rec: Aloën succoteram subtilissimè puluerisatam, Formula Vnc: j. vel quantum vis, pone in vas vitreatum, & Aloës n-
laua vicibus tribus vino albo tenui, ita vt singulis vicibus vitæ,
vinum absumatur, idque fiat in loco calido aut Sole,
moueatur sepius in die, donec exiccata ad duritiem fuerit, vt in puluerem redigi possit. Post tertiam exiccationem rursus puluerisetur, sed immergatur & nutriatur succis sequentibus. Rec: succi florum Persicorum, succi pomorum redolentium, succi borraginis an. q. s. singuli separatim affundantur, & aloës ijs nutriatur, ita vt à singulis separatim humectatus aloës inebrietur, & in sole, vel calido loco siccetur, ita vt puluerisari possit. Puluerisatæ & nouo succo perfusa semper benè agitetur, donec equaliter in massam vertatur. Si itaq; Aloës his succis quantitatem auxit, & jam massa una est. Rec: Rhabarbari electi & puluerisati Dr: j. infunde in vino albo, & aqua flor: persicorum, an. q. s. ad madesactionem dicti pulueris,*

264 MICROCOSMI HYPOCHONDRIACI.

exprimatur hac infusio post 24. horas fortiter, quæ expressione Aloë madescat, imbuaturque ac quasi inebrietur, nutriturque; agitetur tota massa sæpius, & in sole siccetur aliquo modo: addantur deinde Myrrhæ electæ scr:ß. nucis myristicæ Dr:ß. f. massa. De qua sumatur scrup: j. pro alui deterfione, seu purgatione, mensibus singulis bis terque, prout alius respondet. Videmus tamen quosdam Aloë fine effectū assumere & latitare inertes pilulas in multis corporibus: quare interdum de alio cogitandum. Commendatur autem tunc hoc Electuarium.

Non omnibus conuenit Aloë

Electuarium leni-
pium.

Rec: Fol: sennæ Alexandr: mund: Vnc. ij. Fol: Ceterach. Cort: Tamaricis an. Dr. ij. infunde in vini Rainsalici seu Puccini Mensura una id est ℥ ij. ponderis ciuili per horas 24. deinde bulliant leui ebullitione, in hac colatura fortiter expressa, rursus infunde per horas octo passularum corinthiacarum Vnc. iij. Prunorum paruorum exossatorum par. v. Pulpæ Tamar: Indorum Vnc. jß. Bulliant iterum ad tertias, pistetur & mittatur per setaceum, addendo Manna Calabrina Vnc. ij. Tabularum de Oleo Anisi Vnc. j. M. f. Electuarium f. a. utatur cochleari uno aut altero, pro ut alius respondet, per se, aut soluto in iusculo aliquo.

Aperientia incidenda & alte-

Primis itaque vijs euacuatis per lenientia medicamenta, antequam ad electiuè purgantia seu solu-

solutiua feramur, pro secunda indicatione ad-
 implenda, primùm ante omnia exhibenda &
 præmittenda sunt ea, quæ materiam peccantem
 calidam leniter alterando seu refrigerando, cras-
 sam incidendo & attenuando, crudam conco-
 quendo ac digerendo præparant, obstructio-
 nésque viscerum ac vasorum referant. Et si e-
 nim humores hi coctionem propriè non requi-
 rant, vtpote qui putridi non sunt, nec sanguini
 in vena caua permixti: præparatione tamen in-
 digent, & crassi ac viscidi attenuandi, incidendi
 & detergendi, atq; adusti temperandi. Ad hæc
 peragenda, vtilia sunt simplicia & composita.
 Simplicia sunt fumaria, endiuia, cichoreacea
 omnia, cuscuta, lupulus, scolopendrium seu ce-
 terach, absinthium, carduus benedictus, cen-
 taurium minus, violaria, malua, borrago, bu-
 glossum, rhabarbarum monachorum, spina-
 chia, &c. Radices quinque aperientes, cichorei,
 asari, liquiritiæ rasæ, cappari, fraxini, tamari-
 sci, chamædrys, chamæpitys: flores 4. cordiales:
 sem: 4. calid. & frigida maiora, & huius census
 alia. Composita sunt. fyr: de succ. fumiterr:
 violar: capill: veneris, adiantinus Fernelij, de po-
 mis, de succo borraginis, endiuia, de corticibus

& acetositate citri, de absynthio, bizantinus absque aceto. Aq: fumariæ. borrag: bugloss: lupuli: melissophyl: endiu: cichor: violar, &c.

Chymica. Chymicis in usu sunt: magisterium tartari & omnia è tartaro parata, ut sunt, cremor tartari, crySTALLI tartari, tartarus vitriolatus, tartarus chalybeatus. Ex his verò nunc mitiora nunc fortiora eligenda, pro natura humoris, & loco in quo subsistit: nam cum ipsi lieni humores impacti sunt, fortioribus medicamentis opus est. Inprimis verò in usu horum medicamentorum perpendendum, an acida, an verò nidorosa cruditas plus ægro molesta sit, & ad hoc malum conferat. Et si enim ex utraque generari possit, tamen secundum hanc vel illam ut accidentia variant, ita etiam curandi ratio variat: etenim in acida cruditate calidioribus uti licet: in nidorosa verò, & ubi insignis adest phlogosis, temperatioribus utendum, cichorio, borragine, quibus aliquid oxymelitis addi potest. A Crollio quidem tartarus vitriolatus, universale digestivum appellatur, & à non paucis vix vlla medicamenta præscribuntur, quibus non cremor & crySTALLI tartari & tartarus vitriolatus admisceatur: unde fatendum, è tar-

De medicamentis ex Tartaro, an illa semper profint.

taro parata medicamenta in humoribus melan-
cholicis crassisque incidendis & attenuandis,
ideoque obstructionibus aperiendis, magnam
vim habere. Cum verò sæpè accidat, vt in affe-
ctione hypochondriaca bilis atra, humorésque
falsi & acerbi, atque omninò acres, & qui ignis
quasi seminaria in se continent, reperiantur: ta-
libus certè humoribus, tartarus vitriolatus &
huiusmodi acria medicamenta non conue-
niunt, cum eorum acrimoniam nō retundent,
sed eā potius vsurpanda, quæ prauas qualitates
talium humorum temperent: & omninò con-
trariæ qualitates contrarijs opponendæ.

Itaque I. sequens Apozema præstans erit.

Apozema.

*Rec: Polypod: qu: Vnc. j. ß. Herb: fumar. betonic. sco-
lopendr. chamædr. meliss. borragin. bugloss. violar. an. m.j.
Maioran. Carduibened. thymi. chamæpit. cuscute. capill:
vener. ana m.ß. Flor: ros: rub. nymph. violar. borrag. bu-
gloss. anthos. meliss. tunic. stech: arabic. lupul: salict. ana.
P ij. Rad: s. aperitiu. cichor. liquir: ras. ana Vnc. j. Cort:
rad: cappar. fraxin. tamar. an. Dr. ß. Epithym: cret. Dr.
viij. Passul: min. leuiter conquass. Dr. v. Prunor: acid:
exoss. Par. xx. sem. 4. frig: maior. an. Dr. j. minor. ana
Dr. ß. anisi. fanic. an. scr: iiiiij. pæon. ocym. garyophyllat.
ana. scr: ij. Tart: albiss. crud. Vnc. ß. Cort: citri. macis. ci-*

nam.

nam. an. Dr. j. β . galang. nuc: moschat. cardam: min. ana
 scr: j. concisa & contusa omnia debito modo infunde per
 noctem in seri lact. parte vna, aquarum fumar, borragin.
 bugloss. violar. ana q. s. parte altera, postea sub Diplom.
 coq. ad just. Apozemat. consist. Apozema opt. colat. & cum
 alb. oui clarific. iterum sub Diplom. redig. ad rem. \mathfrak{b} iij.
 Vfus: Rec: Huius decoct. vnc. iij. adde syr. de pomis. de
 cort: citri. e succ: violar. ana vnc. β . Misce pro Digestiuo.
 Postea Rec: Decoet: præced. preparator. Vnc. j. β . dissolu.
 in ijs. Elect. Diacathol. Dr: vj. Essent. fol. sen. Dr. ij. ad.
 de syr. de pomis Vnc. β . Acid. Tartar. Dr. j. spir. salis gutt.
 vj. Ol: anisi gutt. ij. m. f. Haustus. vel. Rec: Decoet: præ.
 parator. Vnc. ij. β . dissolu. in ijs Elect: Diacathol. Vnc. j.
 Extr: fol: sen. scr: iij. Helleb: nigr. scr: β . adde syr: viol:
 cerulei Vnc. β . Ambr. gryf. gr. iij. spir salis gutt. v. M.
 pro Haustu. vel. Rec: Decoet. preparator. cum Dr. ij. sem:
 anisi Vnc. j. β . Extr: fol: sen. Dr. ij. syr: viol. Vnc. β . cre.
 mor: Tart. Dr. j. spir: salis. gutt. vj. M. f. Haustus. Nota.
 Purgantia hæc alternatim & successiuè quater.
 nis diebus secundum motum humoris melan.
 cholici exhibeantur, biduo vacuo semper Dige.
 stiuâ præmittendo seu administrando.

Si æger apozema respuat, fiat secundum do.
Claretum. \mathfrak{C} tissimum Sennertum tale Claretū aut Destil.
 latum.

Rec: rad: ſænicul. eryngij. helen. ſcorzonera. ana. Vnc.
ß. Cort. tamarisc. rad: cappar. polypod: qu. an. Dr. vj.
cort: citri Vnc. ß. Zedoaria Dr. ij. chamadr. ling: cerui-
na. meliffæ. capill: veneris. abſinth. an. mß. flor: borrag:
bugloſſ. an. mj. cinamomi. Dr. ij. ſpic: indic. ligni aloës an.
Dr. j. affunde vini Nekarici vel Rhenani calefacti ℥ vj.
ſtent aliquandiu in infuſione, & poſtea aliquoties traij-
ciantur per manic: Hipp: vltimò adde ſacchar: albiſſ: Vnc.
iiij. mane poſt juſculum, vel in prandio & cœna,
loco primi hauſtus uſurpetur. Vel paretur tale
Deſtillatum. Rec: rad: aperient, Vnc. j. helen. Dr. vj. Deſtilla-
cortic: tamarisc. fraxin. an. Vnc. ß. meliſſ. betonic, cha-
madr. chamapit. an. mij. card: benediçt. mj. ſem: aniſi. ſæ-
nicul. ana Vnc. ß. flor: bugloſſ. geniſt. centaur: minor. an.
mj. macerentur omnia in aq: borrag. ℥ iv. vini ℥ iiij. po-
ſtea colentur. colatur: adde ſucci fumar: ℥ j. cochlear.
℥ ß. trochiſc. de cappar. Vnc. j. deſtillentur. Deſtillatum
exhiberi poteſt vel ſolum, vel cum ſyrupo bor-
rag: aut alio, aut etiam addi oxymel ſcil-
litic, vel tartarus vitriola-
tus.

CAPVT XXII.

De Curatione Affectus Hypochondriaci per Purgantia medicamenta.

Vbi præmittuntur Leges ante assumptionem medicamentorum purgantium.

*Leges in
exhibitione
medicamentorum
purgantium
observanda.*

PRæparato itaq; humore, Purgatio est instituenda, sub legibus tamē sequentibus.

I. Ne in principio in hoc affectu vehementioribus & validioribus medicamentis vtamur: siquidem laborantibus ventriculo & partibus illi vicinis, fortiora non conueniunt, cū debilitatem & siccitatem ventriculi augere, & caliditatem hypochondriorum fouere possint: satius itaque fuerit, primò lenioribus agere, & quæ à proximis tantum partibus, in quibus noxia materia detinetur, hanc trahere valeant: vbi etiam maximè conueniunt Enemata, quæ tamen non sint admodum acria, sed potius temperata, ita vt simul flatus dissoluere, & æstuantē partes refrigerare possint.

II. Quod si contingat, vt mitioribus hiscē aliquoties exhibitis nihil omninò proficiamus, malum verò interea altas radices egerit, ad fortiora

tiora & validiora nonnunquam, in robustioribus tamen corporibus (cùm duro nodo durus quærendus sit cuneus) ascendere licebit, modò debilitas & caliditas viscerum aliquo pacto remiserit, febris nulla adfit, & vires satis cōstent. Semper tamen præstat, si aliquas saltem morbus inducias præbeat, iterare seu frequentius exhibere medicamenta lenia, quàm valentioribus semel & vno impetu naturam prostertere.

III. Et hoc in recta purgationis administratione ne utiquam prætereundum, ne humoribus mixtis in corpore existentibus, illos omnes simul & semel euacuemus, cùm in transitu vnus humor impediat alium, sed primò pituitam crassam, si quæ adest, cùm illa meatus, per quos transit, obstruendo, reliquos in corpore humores detineat, nec liberiùs exire sinat, educamus; postea verò reliquos humores deturbemus.

IV. Atque hoc ipsum fieri oportere, tùm ipsa corporis structura, tùm vsus partium satis supérque demonstrant: cùm enim ob nimium calorem, venæ mesaraicæ, chylum crudum & inconcoctum, ex stomacho sicciore, debiliore, & ægrè coquente, auidiùs justò rapiant, hepar

verò tam primarium quàm vicarium (lien putà) supercalefactum itidem alimentum è mesaraicis non satis elaboratum ante perfectam concoctionem in sui cuiusque nutrimentum attrahant, vnde & postmodum venæ reliquæ iterum suam portionem accipiunt, pituitosam materiam ex alimenti partibus reliquam, à neutro prædictorum viscerum totam expetitam, in præfatis venulis & intestinis relinqui, ibidemque indies cumulatam ac coaceruatam, crassitie & visciditate suâ meatus obstruere plausibile est, adeò vt etiam ratio aliqua adstrictionis alui hypochondriacis satis familiaris, hinc desumi possit: vnde ratione necessariæ consequentię, mesaraicas venas & intestina primum ab infarctu viscidæ materiæ liberanda (cùm causæ præternaturales eo, quo se mutuò pepererunt, ordine tollendæ sint) postmodum verò alios quoque humores peccantes euacuandos esse, in propatulo est.

V. Si cruditas acida adsit, & humor aliquis pituitosus ac viscidior admisceatur, paulò fortiora & pituitam etiam purgantia, vt agaricum, turbith, spec: diaturbith, episcopi, & similia admiscere licet: eâ tamen cōditione, vt ægri sum-

to medicamento vltra duas vel tres horas non
ieiuent, ne vis fortioris medicamenti vltra e-
par & lienem, ad remotiores partes penetret, sed
solùm id, quod circa ventriculum & epar ac
lienem est, euacuet. Si verò nidorosa cruditas
præcesserit, lenientibus vtendum, vt mannâ.
fyr: rosar. vel violarum solutiuo, rhabarbaro.
folijs fenæ. Et ne calor viscerum purgantium
vsu quocunque modo augeatur, vtile est, post
sumptum purgans paulò ante cibum haustum
bonum feri lactis caprini sumere, quod & pur-
gans abstergit, & calorem illum in visceribus
temperat.

VI. Si crudi humores in ventriculo gene-
rentur, ex solo caloris innati defectu, id quod in
literatis & studio nimio deditis cõmuniter ac-
cidit (& tum ructus ac flatus, qui emittuntur, &
aciditatis & nidoris expertes sunt) à frequentio-
ribus purgationibus abstinendum; cùm ab ijs
calor natiuus ampliùs debilitetur: sed calor na-
tiuus augendus & fouendus, & bona diætâ or-
dinanda. Ita si humores adusti, & intemperies
calida maior sit, à valentioribus medicamentis
abstinendum. Si verò humor crassior, & intem-
peries minor: fortiora tutiùs vsurpantur.

VII. Cùmque viscera in hoc affectu siccita-

tenunquam careant, à valdè calefacientibus & siccantibus abstinendum; contrà, semper vtile est, medicamenta humectantia, & quæ alterandi vim habent, admiscere. Hâc ipsâ de causâ aloës frequentior vsus non satis commodus est, præsertim si copiosius sumatur, ita vt ad vasa illa, calidâ & siccâ intemperie laborantia, & epar, penetrare possit. Interim si minore quantitate, & paulò ante cibum sumatur aloë & ex ea composita medicamenta, pituitosos humores è vetriculo & intestinis abstergere possunt.

VIII. Vtilissimum quoque fuerit alterantia & præparantia purgantibus miscere, & inde idonea humori præparando & euacuando medicamenta præparare, eaque sæpius exhibere.

IX. Quandoquidem etiam humor huius mali causa pertinax sit, & vnâ vice non tollatur: necessarium est purgationem aliquoties repetere, & per epicrasin sensim materiam euacuare.

X. Si post purgantiũ vsu, medicamentorũ reliquię aliquæ, vel intemperies aliqua supersit, refrigerantium, attenuantium, aperientium, & detergentium vsu, eæ absumendæ & tollendæ, ac venæ & viscera alteranda.

XI. Vomitoria in assuetis etiam repeti pos-

unt.

sunt, & pro ægri tolerantia nunc leniora, nunc fortiora vsurpanda: per vomitum enim commodè euacuantur humores, qui in ventriculo gignuntur aut resident, vt & ij, qui in liene, cauitate jecoris, & pancreate continentur: vnde fit, vt non rarò ex his locis crassissimi & maximè contumaces humores, qui alijs medicamentis extirpari non possunt, & diuturni, qui ab ijs pendunt morbi, curentur, teste Sennerto lib. 5. institit: part: 2. sect. 1. cap. 9. Si itaque res suadeat, excitandus est asper ille & membrorum jejunos fractor vomitus, ex longioribus interuallis, post cibum, in hoc affectu, leuioribus tamen primò, vt sunt, aqua hordei, vel simplex tepida, cum pauxillo mellis & salis, ptisana cum melle, hydromelite, oxymelite simplici cum aqua tepida, jusculis pinguibus, syrupo acetoso, violato, &c. Vbi verò malum hoc pertinaciter perseuerat, fortioribus etiam ex mineralibus petitis id fieri potest, ceu sunt: asarum. rad: elleb: albi. vomituum Conradi, quod paratur ex rad: elleb: albi. bryon. cyclamin. & describitur ab Heurnio lib. 2. meth. ad prax. c. 21. Gilla Theophrasti. Mercurius vitæ, vomitorium Hartmanni. Aqua benedicta Rulandi & Quercetani.

ni. Aqua nucum viridium. Syrupus emeticus Sennerti, &c. Optimo cum effectū, in quotidiana praxi mea, vtor oxyfaccharo vomitiuo sequenti,

*Vomitoriū
vſuale.* *Rec: vitri Antimonij pulu: Dr: ſ. Aceti vini albiff.*
Vnc. viij. infundantur in B M. leni igne per horas xv.
colatura adde ſacch: albiff. Vnc. iv. reduc in patina vi-
trea ad conſiſtentiam. Doſis à Dr: ij. ad vj. Quidam loco vitri antimonij, accipiunt crocum metal-
lorum, veletiam flores antimonij. Cauendus verò vomitus in ijs eſt, quibus ventriculus eſt admodum debilis, quique ad vomitum non ſunt apti & idonei (cū difficulter vomentes à vomitu arcendi ſint, teſte Hipp. 4. aph. 4.) vt obefiores, maximè, ſi frigus hybernum acce-
dat, vt & in ijs, quibus ex quauis occaſione ca-
put facile dolet; ſicuti etiam in vomitorijs eli-
gendis ex mineralibus petitis ſummā cau-
tione opus eſt, ne in grauiffima pericula æ-
grotos conijciamus, vt ſæpenumerò contingit:
qualia exempla apud Roſenberg. in Roſ: nob.
latric. exercitat. 21. 22. Camerar. in ſyllog: me-
morab: med: & mirab: nat: arcan: cent. 10. part.
14. 15. 16. 17. 18. 19. 20. & alios paſſim videri poſ-
ſunt.

XII. Interdum etiam in hoc malo tutò & cum vtilitate medicamenta diuretica adhiberi possunt, maximè temperata seu aliquantulum refrigerantia, ceu sunt rad: 3. diuretica, graminis, liquiritiæ, capill: veneris. sem: 4. frig: maior. caro & sem: pepon: cucurbit: cucumer: hordeum. fraga. semen Halicacabi, seu Alkekengi fructus. syr: de althæa Fernelij. Spiritus salis, &c. siuè illa dococta, siuè destillata ex quibusdam facta fuerint: humorem enim melancholicum maximè serosus & aquosus cum sit, egregiè illum medicamèta diuretica expurgare solèt. Quamuis Hollerius in Scholio in cap. 40. nullam viam esse à liene ad renes putet, nisi multiplici tractu in venam cauam regurgitans humor eò perueniat: tamen res longè aliter sese habet, & expedita satis, nec ita longa via est à liene per arteriam coeliacam ad arterias emulgentes, & ab his ad renes. Hinc etiam Gal: 2. ad Glauc. c. 2. renes & lienem per vrinas expurgari docet. Testatur id etiam experientia, ac sæpè obseruauimus, ab hypochondriacis & lienosis nigerrimas vrinas, & quidem cum comòdo redditas fuisse. Quod etiam Antonius Valetius obseruauit, qui,

Diureti-
corū vti-
litas.

in exercitat. in modò allegatum caput Hollerij
idem refert.

*Diaphore.
tica &*

*Physagoga
causè ex.
hibenda.*

XIII. Nonnulli hic porrò, si flatus valdè vrgent, ex communi consuetudine ad diaphoretica, carminatiua seu physagoga electiue sic dicta confugiunt: verùm viderint illi, ne ijs, præsertim calidioribus, & quidem intempestiue exhibitis, calorem viscerum præternaturalem, sicque causam atque originem ipsius ægritudinis augendo, flatus potius cumulent, quam dissipent, atque ita ægro hac in parte non solum noceant, verùm etiam interitum persæpè accelerent.

*Chalybs
Acidula
& Ther-
ma extre-
ma reme-
dia.*

XIV. Et si verò quandoque purgantibus, & hætenus propositis medicamentis sæpè repetitis, malum hoc tollitur: tamen si paulò contumacius, & diuturnius sit, ijs non semper cedit. Vbi ad tria efficacissima remedia tandem confugiendum est. Chalybem. Acidulas, & Thermas. Verùm in horum & similium vsu, prudens Medicus semper ad morbum, causas, symptomata, ægri temperamentum, habitum corporis, ætatem, tempus anni, & alia respiciat necesse est: ex quibus facile colliget, quidnam magis vrgeat: an magis refrigeratione, an calefactione.

ne.

ne, aut humectatione opus sit, & quodnam remedium æger facilius & commodius perferre possit. Vbi etiam semper oraculum Hippocratis ante oculos habeat: vt in morbis proficit, aut saltem non noceat.

XV. Consultum est denique, vt interdum ab omni remedio abstineamus, & Naturæ aliquam remissionem concedamus, quæ alias assiduus remedijs affligi solet, quiescens verò recreatur, & validius hostem deinceps aggreditur, illumque facilius superat, cùm alias etiam nulla maior pernicies sit, & quæ magis in incurabiles ægitudines deducat, quàm pharmaca præsertim fortia multiplicare, sæpiusque repetere. Opportunè quoque & tempestiuè taliter affecti singulis annis non solum Vere, sed etiam Autumno purgandi: sicuti Galenus hoc facere solitus est, qui se hoc modo multos ab ista labe præseruasse gloriatur.



CAPVT XXIII.

In quo proponuntur medicamentorum purgantium formula in hoc affectu exhibenda.

*Medica
mēta pur-
gantia mi-
tiora sim-
plicia.*

PURGANTIA itaque in hoc affectu adhibentur aut mitiora aut fortiora, eaque vel simplicia vel composita. Mitiora sunt, epythymum, polypodium, sena: Montanus cassiam summoperè commendat, ut quæ qualitatibus manifestis, substantiâ & virtute aromaticâ huic ægritudini maximè conueniat, quia tamen flatulenta est, corrigentibus opus habebit: fumaria, myrobalani Indæ, &c. Ex quibus Decocta seu Apozemata, Infusa, Diluta, parari possunt, præparantibus antea descriptis admixtis. Composita verò partim ex Galenicorum, partim ex Chymicorum familia desumi possunt. Galenicis familiaria sunt: Decoctum senæ D. Gericonis, syr: de polypodio. de epithymo Mesur. de fumaria maior & minor eiusdem, syrup: ex multiplici infus: rosar. & violar. de cichor: cum rhab. Diafer: Andernaci. Puluis senæ præpar: Montagnanæ. Puluis melanagogus Quercetani. Syr: de sena Augustanorum. Syr: melana-
gogus

*Composita
mitiora.
Galenica.*

gogus Dorncreillij. Electuarium lenitium Nicolai & Florenzolæ, Passulæ laxatiuæ, Diacatholicon, &c. Chymicis in vsu sunt. Essentia foliorum senæ. Arcanum ex ijsdem absque vlla additione paratum. Extractum eorundē &c. Fortiora simplicia sunt. Lapis Lazuli. Lapis Armenus. Helleborus niger. Antimonium, &c. Composita itidem partim ex Galenicorū, partim ex Chymicorum penu depromi possunt. A Galenicis quæ petuntur, sunt. Mel helleborinum. Vinum helleboratum Quercetani. Vinū purgans senæ vindemiæ tempore optimè præparatum eiusdem. Oxymel helleboratum Iuliani & Gesneri. Oxymel de Peto Quercetani. Decoctum epithymi Mesues. Syrupus rosatus laxatiuus compositus seu helleboratus Montani. Diabalzemer seu Electuarium senatum Renodæi. Electuarium melanagogum Quercetani. Diasena. Diapolypodium magistrale. Hiera Logadij. Hiera Ruffi. Hiera Pachij. Hiera Abbatis. Hiera Archigenis. Hiera Diacolocynthidos Fernelij. Confectio Hamech cum infuso vel decocto hellebori. Pilulæ de fumaria, de lapide Lazuli, Armeno, Indæ. De 3 generibus Myrobalanorum. Tartaræ, Melanagogæ Quer-

Composita
Chymica. Quercetani. Assaieret cum helleboro nigro, & sexcenta alia. A Chymicis verò quæ subministrantur, sunt. Extractum Panchymagogum. Melanagogum Quercetani. Melampodij, seu hellebori nigri, tanquam specificum. Antimonium seu stibium à varijs variè præparatum. Turpethum minerale. Mercurius præcipitatus albus. Flores Antimonij correcti. Mercurius seu Rosa vitæ. Electuarium Antimonij Crollij, & multa varijs nominibus insignita alia.

Historia
de exhibi-
tione Helle-
bori crudæ In Helleboratis autem & Antimoniatis alijsque fortioribus tum præparandis cum propinandis magnâ cautione opus est : nec cruda tam faciliè, aut sine corrigentibus exhibenda. Non multi enim abhinc elapsi sunt anni, à quibus empiricus quidam, alias balneatorem se professus (quod genus hominum plerumque omniscium, temerarium, & superciliosum, de cæterò tamen stupidum & phantasticum est) nostram accedens urbem, publicè jactare se ausus est, quòd nouâ methodo, & singularibus remedijs, sepositis & spretis omnium Medicorū scientijs, quasunque melancholias, recentes & inueteratas, in quocunque etiam gradu & habitu essent, tollere, & è corporibus humanis pel-
lere

lere posset. Peruenit hæc fama non solum ad sordidum vulgus (quod nouitates amat, mirè credulum est, & libenter decipitur) sed Primatum quoque, aliàs veratrum ægrè admittentium, aures titillare cepit (nam & hoc nostratium voluptatum genus non inelegans est, quàm maximè peregrina maximè suscipere, & domestica negligere) quòd tandem melancholiæ propugnator aliquis aduenisset. Itaque nouum Æsculapium celebrare, & de nouis curationibus periculum facere, statutum est. Pro prima autem victima se Rusticus quidam maniâ furiosâ detentus, nolens volens offerre debuit: nam sæpenumero rustici pro dominis occumbunt, vt verè dictum sit

Quicquid delirant Domini, plectuntur Achiui.

Is infortunio suo, ad suburbium nostrum, Augia dictum, aliunde adueniens, domos exurere, incolas excipere verberibus, & nescio quas insolentias furijs & morbo exagitatus, exercere instituit. Verùm postquam res ad Augiæ Præfectum delata est, ne officio suo deesset, incolisque, aut sibi met ipsi maniacus vltèriùs nocere posset, carceri ad pontem Isaræ proximo, includi, & ad atram bilem discutiendam empiri-

cum

cum prænominatum panaceam suam adhibere iussit. Vocatus igitur, præstò fuit, ægròque salutem (vti liberales sunt in promittendo & mentiando) restituere non dubitavit. Certam hinc quantitatem radicum Hellebori albi in aqua simplici parùm coquit, decoctamque ei exhibet; deserto postmodum per horam ægro, dum medicamenti effectum & operationem bonam expectat, corpus miseri ex toxico violentius comotum (sine dubio viribus non sufficientibus, & forsitan etiam ex actibus furiosis & vigilijs continuis) fractis, convulsionibus correptum, & ex vehementibus crebrisq; euomitionibus suffocatum est. Superueniente tum empirico, vbi contrarium curæ suæ euentum & successum vidit, poenam, quam ipsi consciëntia dictauerat, relictâ vxore & prole propriâ, fugâ declinavit. Cadaver postea extincti ex mandato Consilij Aulici à me inspectum, totum rigidum & convulsivum apparuit: cutis ab occipitio per integrum tergum vsque ad plantas pedum, ex rubro, cæruleo colore tineta: os, spumoso & bilioso humore repletum, certa convulsionum & suffocationis signa dedere. Error itaq; temerarij huius empirici fuit in hoc, quòd

Helle-

Helleborum crudum, incorrectum, & in magna nimis quantitate exhibuerit ægro: solutiua enim hæc simpliciter pota, nullisque antidotis infrænata, vel maiori mensurâ aut pondere quàm par sit, sumpta, non minus homines interimunt, quàm quæ propriè venena vocantur. Matthiol. fol. 1002. Auic. lib. 4. f. 6. t. 1. cap. 16. Capiuac. cap. 10. Petrus cap. 33. Cæsalp: cap. 24. Dioscorid. lib. 4. cap. 145. Hinc ille, cui succus Hellebori datus fuerit, aut radix eius, patietur strangulationem gutturis, & nisi succurratur, subito suffocabitur, Petr: Aponens: fol. 36. Sed opponi posset? eundem haustum pluribus sine nocumento exhibitum fuisse. Respondeo, rem ideò non carere periculo, licet exinde non omnes statim moriantur: nam ex assumptione eius, horribilem vomitum ingentia sequuntur alui profluvia, intestinorum tormina, suffocationes, conuulsiones, animi deliquia, palpitatio cordis, linguæ arefactio, dentium constrictio, & vniuersi corporis inflammatio atque tremor, cum quo postremo ægri moriuntur. Desperati itaque morbi cura, cum aliquando circumforaneo aut empirico feliciter succedit, potius casu contingit, quàm artis industriâ, parùmque

cauti sunt, qui se illis committunt: felicem enim vnum aliquem quem sors dederit jactum, mille postea errorum dispendia diffamant, vt in empiricos multis methodi locis jactat Galenus. Plures similes verissimos depromere casus possem, si lectorem remorari, & paginas implere vellem. Itaque missis his, ad remediorum purgantium formulas in affectu hypochondriaco applicandas procedemus.

Enemata. Primò itaque occurrunt Enemata, quæ talia aut similia pro iudicio cuiusque Medici præscribi possunt.

Rec: Herb: betæ. mercurial. malua. bisinalu. an. mj. absinth. mß puleg. mj. flor. cham. rom. Pj. sem: sanogr. lini. ana Dr. iij. cartham. polypod: qu. ana. Vnc. ß. Coq pro 1b j. in quibus dissolue. Elect: lenitiu. Dr. vj. Diacatholici. Vnc. ß. Ol: chamam. Vnc. j. ß. rosac. Vnc. j. mell: ros: colat. aut solut. Vnc. j. ß. salis Dr. j. M. f. Enema. Vel fiat tale contra melancholiam. Rec: Herb: fumar. endiu. chamædr. chamæpit. cuscute. ling. ceruin. ana mj polypod: qu. aper. Vnc. j. ß. epithym. cret. Dr. vj. Prun. Damasç. ex oss. par. x. Tartar. albiss. Vnc. j. Fol: Senæ Alex. s. s. Vnc. iij. flor. 4. cordial. an. P. iij. cort: rad: cappar. fraxin. tamar. ana. Vnc. ß. sem: anisi. fenic. carui. ana Dr. ß. zinziber. galang. cinamom. an. scr: j. j. decoct.

ex aq. comm. ad consumpt. med. part: postea colentur. Colat: Rec: ℞ j. dissolue in ea El: Diacatbol: Vnc. j. β. adde Manna calabr: el. Vnc. j. Sacch. Thom. Dr. vj. M. f. Clyster. Reman. decoct. seru. ad vsum.

Secundò Potiones purgantes, vt

Potiones
purgantes.

Rec: Polypod: qu. aper. Dr. vj. Herb: fumar. cuscute. scolopendr. cent: min. ana mj. betonic. meliss. chamedr. endiu. cichor. ana mss. flor. 3. cord: demt. ros. ana P. iij. rad. s. aperit. ana Dr. ij. liquirit: rase. Dr. iij. epith: cret. Vnc. β. fol. sen. alex. s. s. Dr. x. sem. anisi. fenic. carui. ana Dr. j. 4. frig. mai. ana. Dr. β. Tartar. albiss. Dr. v. Prunor. Damasc. n. xv. Passul. min. Vnc. iij. Tamarind. Vnc. j. Caric. ping: luiubar. sebesten. ana. n. v. Zingib. galang. cinamom. ana scr: j. f. omn. decoct. ex seri lact. & aq. lupul. ana. s. q. ad remanent. Vnc. iij. post. col. & cum alb. oui clarific. colat: Rec. Vnc. ij. β. infund. in ijs p. n. Rhab: elect. Agar: troch. ana cum corrigent. Dr. j. manè leui ebullit. præmiss. iterum colentur & exprimantur. Colat: adde syr. Diafer. Andern. de polypod: ana Dr. vj. spir. salu gutt. vj. M. f. Potio breuissima. Alia. Rec: Polypod: qu. aper. D. vj. Herb: fumar. betonic. scolopendr. endiu. cuscute. carduibened. lupul: salict. ana mss. flor. 4. cord an. Pij. Prunor. acid: exossat. par. v. fol. sen. Alex. s. s. Dr. vj. sem. 4. frig. mai. ana Dr. β. Tartari albiss. Dr. ij. f. decoct. ex aq. lupulor & cichor. ana. s. q.

Alia.

ad remanent. Vnc. iiii. in quibus infunde p. n. Agar. trochisc. Dr. j. β. Rhabarb. elect. Dr. j. Zingib. galang. anscr. j. spica Indic. squinanth. ana. scr. β. mane leui ebullit. præmiss. colentur & exprimantur. Colat: Rec: Vnc. iij. dissolu. in ijs Elect: Diacathol. Dr. vj. Confect: Hamech. Dr. j. β. Extr: helleb: nigr. gr. vij. adde syr. violar. cærul. Vnc. β. spec. diamoschi dulcis scr. β. M. f. Potio. Alia.

Alia. Rec: Decoct. comm. flor: & fruct. cum fol. sen. mund. Vnc. ij. in quibus dissol. Extr: fol: sen. Dr. ij. Helleb: nigri. scr. β. adde syr. violar. Vnc. β. Ambr: gryf. gr. iiii. M.

f. Potio brevis. Alia. Rec: Herb: fumar. cuscute. betonic. chamædr. chamæpit. ling: ceruin. ana. mβ. Polypod. qu. aper. Dr. vj. flor. 4. cord. ana. mj. fol: sen. Alex. s. f. Vnc. ij. β. Prunor: acid. par. x. Tart: albiss. Vnc. β. macis. galang. cinamom. card: min. ana. Dr. j. sem. anisi. fenic. carui. ana. Dr. β. f. decoct. ex aq. comm. ad consumpt. med. part. post colentur, & cum alb: oui clar. Colat. opt. clarif. Rec: Vnc. iij. dissolu. in ijs Elect: Diacathol. Vnc. β. adde syr. è succ. fumar. ros: solut. ana. Dr. vj. Tinct. chalyb. scr. j. spir. salis. gutt. vj. M. f. Potio.

Syrupus
purgans.

Tertiò syrupus purgans talis præparandus & exhibendus.

Rec: rad: cichor. endiu. scorzoner. eryngij an. Vnc. β. petroselin. fenic. apij ana. Dr. iij. cort: rad: cappar. tamaris. fraxin. ana. Dr. iij. β. polypod. qu. aper. Vnc. j. glycyrrhiz.

cyrrhiz. ras. Dr. vi. sem: dauci. aquileg. an. Vnc. β. plantag. Dr. ii. cartham: conquass. Vnc. i β. passular. Vnc. i β. fol: sen. s. s. Vnc. iii. epithym. cret. Vnc. β. Herb: cichor. endiu. betonic. ceterach. veronic. adianth: nigr. hyssopi. ling: ceruin. spica nardi. carduibened. an. mj. Coq: in s. q. aqua, adde Acet. squillit. Vnc. v. pro^{te} ij. quæ colentur, & diuid. in 2. part: æq: vni parti colaturæ, ad dimidias incoque cort: rad: helleb: nigr: rite preparat. D. iii. garyophyll: Dr. i β. expressum & colatum seruetur. Alteri parti colaturæ adde myrobalan. chebulor: ol: amygd: dulc. præpar. indor. ana Dr. iii. Coq: ut decet, postea in fine coctionis per noctem in nodulo infunde Agar: trochisc. Dr. vii β. Rhabarb: opt: Dr. ii β. spica Dr. β. manè affuso superiori colato & expresso bulliant parum, & validissimè exprimantur. Colaturæ, quæ non superet ℥ j. adde syrupi Bizantini. de scolopendr. an. Vnc. ii j. oxy sacch. squillit: Vnc: ij. sacch: albiss. Vnc. ii j. coque ad consistentiam syrupi fluidiorem, de quo singulis diebus eger manè Vnc. ii j. vel iii j. vel q. s. sumat, addaturq; singulis dosibus ol. anisi vel cinamomi vel citri gutt. j. idque continuetur 4. diebus, quinto eger quiescat, hinc ad vsum syrup: redeat, donec planè absumptus sit.

Fuit mihi quoque recommendatus sequens syrupus, ab optimo quodam amicorum meorum, Pharmacopœo: qui, vt artis pharmaceuti-

cæperitissimus, ita quoque illius expertissimus est: Reuerendorum Patrum Societatis Sedulus Maierus, & in pharmacorum præparatione & administratione exquisitissimus, nec chymicarum operationum ignarus. Hunc itaque syrupum, vti quoque designatos trochiscos, in melancholia hypochondriaca flatulenta, se ex præscripto nominatissimorum Medicorum, sepius præparasse, & magno cum ægrorum leuamine exhibuisse, affirmabat.

Rec: Herb: Maioran: hysopi. serpilli. Melissophil: Beton: an. mss. Borag: Cuscut: scolopendr: Capill: veneris, an. Pj. Rad: Cichor: Borag: Fenic: Capar: an. Dr. iij. Absynth: Cor: Citri: an. mj. Fol: sen: Epythim: ana Dr. iij. Pulegij Flor: Chamomil: Centaur: min. ana Dr. ij. Chamædr: Chamepith: an. Dr. iijss. Iunci odorat: spica indic: sem: Anisi, Dauci, Fenicul: rad: Asari an: Dr. j. Passular. Vnc. j. Misce & fiat omnium infusio cum aq: cõmuni per noctem. mane ebullitione & expressione facta Rec: Colaturæ ℥ iv. quibus adde succi pomor: dulc: acidor: succi rosarum. granator: acidor: an: ℥ ss. succi Borag: Fumaria an. ℥ j. sacchari q. s. fiat s. a. Syrupus. Dosis Vnc. iij. cum aq: Lupuli vel Boragin. Post syrupi vsum detur aliquando Dr. j. Theriacæ Andromachi. Sequuntur Trochisci.

Rec: Cremoris Tartari Vnc. ij. sacchari candi albi Vnc. j. cum infusio: tragacanth: factâ in aqua violarum: fiant Trochisci. Notandum. Cremor Tartari per triduum infundatur in succo Limonum recenter expressi: deinde incorporentur omnia: & fiant s. a. Trochisci, qui aromatizentur ambrae moschi ana scr: j. si placet.

Quartò Decoctum galli veteris, quod singulariter in hoc affectu commendatur, sequenti modo parandum. *Rec: Polypodij quer. sem: carthami ana Vnc. jß. Thym. Epithymi ana Pj sem: Cumini. Anisi. Anethi. Fœnicul. Carui. Carduibenedicti ana Dr. ij. Folicul. senæ Vnc. j. Turbith gummosi Vnc. ß. Cinamomi Dr. jß. Crystallorum vel cremoris Tartari albi Vnc. ij. Salis Gemma Vnc. ß. contendantur & misceantur simul, ex qua mistura venter galli veteris euiscerati impleatur, dein coquantur tribus aquæ partibus, & vnâ vini albi, quousque galli caro ab ossibus separetur. De hoc decocto seu jusculo vtatur æger omni mane, idque ad plusculos dies. Alij sic parant.*

*Decoctum
Galli veteris.*

Rec: rad: polypodij Vnc. jß. sem: carthami Vnc. j. Cinamomi acuti Dr. iij. Fol. senæ elect. Turbith. albi. Cort: Aurantior: an. Dr. ij. Zingib. alb. Galanga min. Macis ana Dr. j. spec: Diacymini. Dianisi, ana Dr. ß. Baccar: Lauri. n. vj. species mixta ultimo cum pan-
ni-

niculo, cum gallus sufficienter ferè est coctus, imponan-
tur. Ius inquit, Dioscor: lib. 2. cap. 43. è vetere
gallo, aluum deijcit, crudos humores, crassosq;
atram bilem, & strigmēta elicit. & Gal: xi. simpl.
scribit, jus gallinarū habere vim aluum retinē-

*Vsu juscu-
li gallina
inter aspi-
rionem
medica-
mentorum*

di, velut gallorum veterum, subducendi. Vbi
pariter obiter monendū est, ne juscula gallinæ,
ijs qui purgationem sumpserunt, ante comple-
tam vacuationem præbeantur, quamvis enim
nutriant, aluum tamen remorantur. Iunioris
autem galli jusculum nutrit optimè, humores
contemperat, & propterea ægrotantibus opti-
mè conuenit: quod etiam Mesues cap. 23. de
simpl: purg: testatur. Addit tamen (interprete
Syluio) decrepitorum autem præcipuè gallo-
rum caro nitrosa & salsa, cibo inepta, medica-
mentosa est, iure suo maximè, potissimum ve-
rò gallorum ruforum, qui ad motum sunt ala-
cres, ad coitum ardentes, ad dimicandum for-
tes, obesorum & macrorum medii, quaque ve-
tustiores eò magis sunt medicamentosi Gale-
no: Id ius, ob nitrosam & salsam substantiam, ca-
lidū est, lauat, terget, tenuat, flatus dissipat, ob-
structa aperit, purgat pituitam & melancholi-
cos humores.

Quintò Vina purgantia sequenti modo & *Vina pur-*
formâ præscribenda. *gantia.*

Rec: Rad: Cichor: Petrosel. Fanicul. Aspar. ana scr: iiij.
Herb: cuscut. scolop. Capill: vener. Betonic, Fraxin. ana.
mj. Flor: Borrag: Cichor. an. P ij. Fol: senæ unc. ij. Aga-
rici. Dr. iijß. Rhabarb: elect: Dr. jß. Cort: Citri sicc. Dr. j.
Galangæ. macis. sem: fenic. Anisi. ana Dr. ij. zz. Dr.ß.
Cremor: Tart: Dr. ij. Incidantur & contund. s. a. ad chartã
pro nodulo. Aliter. Rec: Rad: Cichor. Polypod: qu: ana
Dr. iij. Asparagi. Petrosel. Cort: rad: Capp. ana Dr. iijß.
Tamarisci. Dr. ij. rad: Hellebori nigri preparat. Dr. ij.
Herb: Cusc. Capill: vener. scolopendr. Borrag: Epithymi
an. mj Absynth. mß. Flor: bugloss: borrag. ana P j. Fol:
senæ unc. jß. rad: mechoacan. Agar: Rhabarb: ana Dr.
iiß. Turbith: opr. Dr. jß. Myrobalan: Indor. Dr. iij. Cre-
mor: Tart: Dr. ij. Salis Tamarisci. Fraxini. ana scr: j.
sem: anisi. fenic. an. Dr. jß. Cinamomi elect. Dr. ij. macis.
Galangæ. zz. an. scr: ij. spec: diarrhod: abb: in petia Dr. j.
Incisa & contusa imponantur nodulo sericeo
qui pendeat per 24. horas in mensura vna cum
dimidia vini albi boni Nekarici vel Rhenani vel
Austriaci. Manè sumat purgandus de eo vino
bonum haustum, tepidum factum; post horas
duas iterum haustum, qui, si necessitas postulat,
circa meridiem vel vespereum reiterandus, sin-

Experien-
tia in vino
medicato
chalybea-
to.

gulis diebus vel alternis, donec satis purgatus sit æger, continuando. Monendum te quoque censui Lector, ne vinis medicatis ex speciebus purgantibus concinnatis, limaturam chalybis, ex aliquorum Medicorum præscripto, addere velis: in praxi enim & experientiâ meâ comprobavi, illa vina minus laxare, & alui solutionem remorari, minúsque penetrare.

Pulveres
purgantes.

Sextò Pulveres in hac forma conuenient.

Rec: Crystallor. Tart. *unc. β.* Fol: *sena Alex. Dr. v.* Rhab: el. Agar: troch. ana *Dr. ij.* scammon. preparat. *Dr. j.* Turbith: alb. Hermodactyl ana *Dr. ij.* Cinamon. Galanga. macis. ana *Dr. β.* Misce pro pulvere, de quo *Dr. j.* in liquore, vel iusculo propinetur. Scammonium quoque & Antimonium spagyricè preparatum cum granis aliquot salis tartari, per quotidianâ experientiam meam, in affectu hoc hypochondriaco, maximo cum fructu, non minore cum ægrorum leuamine exhibeo. Accipitur scammoni electissimi certa quædam quantitas, eâque crassiusculè trita super chartam exugentem appellatam extenditur, mox sulphure super ignitas prunas iniecto, super fumum, qui ex sulphure attollitur, charta iam dicta eousque detinetur, quousque scammonium liquari, & char-

tæ adherere incipiat ; nam tunc statim à fumo charta remouenda est, aliàs si diutius ibi permaneret, vim ex toto amitteret. At si vt dictum est paretur, medicamentum redditur sine odore ac sapore efficacissimum, ad bilem, cæterósque calidos ac tenues humores, blandè, placidè, & absque caliditate, ac molestia (contrà ac faciat scammonium communiter paratum) educendos. Antimonium verò alia arte, & aliis ingeniis paratur, quàm huc vsque paratum fuerit: nam accipiuntur antimonii optimi pars vna, v. g. vncia vna; salis verò nitri sic nuncupati partes duæ, v. g. vnciæ duæ; simul negligenter triturantur, mox in vase testaceo (crucibulum vocant) supra carbones ignitos collocato, ponuntur ad comburendum, seu vt dicunt, ad calcinandum, (sed notandum, ne talis calcinatio fiat igne admodum vehementi) hoc facto, iterum tantundem salis nitri, scilicet ad vncias duas ponitur, & denuò comburuntur. Tertiò denique, rursus tantundem salis nitri superadditur, videlicet ad vncias duas, & comburuntur. Quoniam verò secunda, ac tertia vice, difficulter admodum combustio, seu calcinatio sequitur; ea propter, vt vis ignis quoquoque

sūm penetrare possit, ferro seu carbone ignito continuò res dictæ sunt versandæ, donec ex æquo vndequaque penitus combustæ sint, id quod ex colore cognoscitur: nam vel subalbæ, vel subflauæ redduntur; & quod si super ignitos carbones iterum ponantur, non amplius crepitum, vel fumum emittunt. Insuper idem antimonij pondus, vel parum excedens, quod ante calcinatiōem acceptum fuerat, post calcinationem remanere debet. Hoc pacto antimonium paratum mutatur secundum substantiam: quia quæ vruntur Galeni authoritate; simpl: 15. 3. de temperamentis, secundum substantiam mutantur: nullam adipiscitur caliditatem, & copiosè quidem, sed jucundè: non enim molestiam infert; suauiter: non enim prauo odore, non sapore præditum est, corpus nostrum à frigidis, & crassis humoribus purgat, sine vlla virium iactura. Quod verò ad vini fæcem spectat; hæc vt fiat cremor, seu sal cum scammonio & antimonio permiscendus, hac arte vti debemus. Accipiantur ex tartaro albo crasso modo puluerisato & multiplici aquarum ablutione repurgato, donec clarissimum euadat, libræ quinque vel sex: indantur in patinam

terream vitreatam: inde aquam affunde claram fontanam, vt quinq; aut sex digitos materiam supernatet, & bulliant in vase per spatium duarum horarum: posito dein vase in loco frigido, in superficie concrefcet cremor cryftallinus, quem feperabis cum cochleari perforato: reiteratâ sæpiùs eademebullitione, post materiæ refrigerationem femper cremor adimatur, qui in frigido coagulabitur, & fac, vt exiccetur in aëre, & vttere. Caret hoc quoque omni odore, ac ferè omni sapore, ita, vt medicamentum nulla ratione ingratum reddere valeat. Et quamuis eximia huius celeberrimi pulueris vis, & potestas in duobus duntaxat primis medicamentis verfetur; nihilo tamen minus hoc tertium medicamentum, fi nō propter primam rationem, faltem propter alias huic pulueri addendum, ac permiscendum est. Et recentiores omnes, qui de huiusmodi cremoris, seu falis Tartari viribus pertractant, tales illi præcisè tribuunt virtutes, nimirum incidendi humores crassos & tartareos, meatúsque obstruētos aperiendi. Scammonij dosis à granis sex ad sedecim vsque, vel decem & octo, & viginti duo in ijs, qui difficulter purgantur. Antimonij verò similiter, vt di-

Etum est, parati, à granis quatuor ad duodecim vsq; , vel quatuordecim, sedecim & octodecim in ijs, qui difficulter purgantur. Vbi verò ex æquo vterque abundet humor, tunc dimidia dicti scammonij dosis, scilicet grana octo vel decem, & dimidia pariter antimonij, scilicet grana sex, vel octo, simul accipienda est. Tandem vbi alter alterum superat humorem, tunc proportionem humoris superabundantis, medicamenti quoque ipsum respicientis quantitas augenda est. Vt. e. g. si bilis pituitam, vel succum melancholicum superet, dentur scammonij grana duodecim vel quatuordecim : antimonij verò grana quatuor, quinque, vel sex. Quod verò ad tartari dosim pertinet; hæc proportione respondere debet, jam dictis, scilicet à granis duobus ad quatuor, vel quinque, vel sex.

*Pilula pur-
gantes.*

Septimò. Pilularum purgantium in hoc morbo præparandi ratio & modus, sequens non inconueniens erit. Cum autem inter præcipua pilularum ingredientia aloë primas teneat, eius præparatio taliter instituenda. Rec: Aloës succotrinx optimæ & laudatissimæ ex vesica, Vnc. vj. aut ℥β. vel tantum, quantum lubet: quam redactam in puluerem, immittas in matrarium

*Aloës suc-
cotrina
præparatio*

seu

ſeu cucurbitam vitream ; affunde aquæ endiuię, aut acetofę, aut alterius aquæ deſtillatę, vt quatuor vel quinque digitos ſuperemineat: pone in B. M. calidũ ac ferẽ bulliens, vafe optimẽ clauſo cum ſubere ac cerã Hispanicã. Stet ita per duos vel tres dies integros, & conſlabis aquam ab aloës eſſentia tinctam & rubicundiſſimam rubini inſtar, quam lentẽ per inclinationẽ à ſcibus ſeparabis, ne quod craſſum eſt, exeat ſimul: liquorem effuſum, ſeorſim aſſerua in alembico probe clauſo; materię relictę aliam affunde aquam endiuię, ſed non tantum, quantum prius: denuò digere, vt ante, colaturam ſepara, priorique adijce, ac rursũ aliam affunde, donec aqua nullum amplius eliciat colorem, & videbis reſiduũ, quod eſt in fundo, arenę inſtar, aut cineris, in magna fatiſ copia. Ex media libra, duę vel tres vncię reſtabunt: eſt autem ſex aloës inutilis, nec in aqua diſſoluitur. Aquam omnem tinctam deſtilla per alembicum, aut fac exhalarẽ in patina argentea, carbonibus ac cineribus calidis impoſita, donec materia reſtet craſſitudine mellis, quę erit lucidiſſima rubini inſtar, & maiori artificio atque iudicio præparata, quam ſoleat vulgo ſimplici illã ablu-

ablutione, si vel centies abluatur. Hæc ipsa perfecte ad vnius scrupuli dosin exhibita excellens medicina est.

Nec temoueat, quod Aloë vim habeat glutinandi, astringendi, atque etiam eruptiones sanguineas compescendi, vti cum Dioscoride etiam ipsa experientia docet: nam foris quidem vasis admota, emplastica virtute sanguinem sistit, & ob id interius sumpta, ratione astrictiōis suæ, humores minùs mouere & expurgare, aliquis suspicari posset. Verùm Dioscoridem, de applicatione externa aloës in farinam tusæ loqui, credas, quòd nimirum sanguinis eruptiones compescat, cui Gal: consentit lib. 3. de Temper. c. 3. Quòd nihil foris intusque parem agendi vim habeat, & aloë deuorata, inque corpus distributa, tum venas hepatis, tum hæmorrhoides quoque aperiat: hinc illis vitanda, quibus hæmorrhoides sæpiùs & largiùs fluant. Docet hoc Mesue, item Brasauolus in examine succorum, vbi de nobili quodam scribit, cui, quoties aloën sumebat, ora venarum fuerint aperta. Quin etiam Iacobus Syluius asserit, experientiâ sibi constare, quòd ex frequenti eius vsu, hæmorrhoides tumere incipiant, & quibus jam
prius

prius fluxere, inde frequentius, largius, ac periculosiùs fluant. Quamuis negent alij, quòd aloë hæmorrhoides per se aperiat; potius mouere dicunt acres humores ad has venas, qui acredine hac feriunt eas, ac stimulant, vt sanguinem eructent, aut corrosæ fundant: purgat enim aloë bilem & pituitam falsam; & Platerus ob id laudat in hypochondriaca passione, quia longiori vsu mariscas aperit: in tumidis verò, ob causam dictam etiam profit. Aloë itaque non suâ acrimoniâ aperit venas: id enim etiam extra corpus ageret, (quamuis multa sint, vti supra narratum, quæ extra corpus, & intra, diuersos habeant effectus) sed illâ vi, quâ etiam alia purgantia solent hæmorrhoides referare, quando scilicet fundunt illos succos, qui acredine venis integritatem demunt aut sollicitant, stimulantue earum expultricem. Qui igitur naturam frequentiori aloës vsu ad sollicitandam aluum assuefecerunt, his humores descendunt ad sedem quasi omnes acres, sollicitant aut aperiunt venas, quod aloë adscribitur innocenter. Potius contrarium ab experientia habemus: quando aloëtica in maiori quâtitate sumpta, ventriculum roborando, aluum magis astringunt,

R r

quam

quàm aperiunt, in pauciori verò quantitate deuorata, eandem magis relaxant & soluunt.

*Gummi
& scam-
monea præ-
paratione
respicien-
tia.*

Gummi quoque Ammoniacum. Bdellium. Opoponax & similia, antequàm in vsum veniant, ea in aceto rosato, aut vino albo dissoluenda sunt, & per setaceum trahenda. Myrrha in vino ad ignem B. M. dissoluta, adhuc calens per lintheum transcolanda est. Vera scammonæ præparatio fit cum succo limonum depurato, idque in eodem B. M. calido, in quo dissoluatur, & feruens etiam adhuc per lintheum transmittatur, & hoc pacto crassæ eius & impura substantia, quæ non nisi noxam parit, ab ea secerne-
tur. Plurimæ itaque descriptiones Pilularum purgantium contra melancholiam hypochondriacam, in quotidiana quasi praxi habentur, quarum copiam beneuolus Lector non solum apud Practicos hinc inde dispersim, verum etiam in Dispensatorijs præcipuè nouis, collectim inueniet; Remitto itaque Lectorem ad Ioannis Danielis Horstij Archiatri Hassiaci Dispensatorium Medico-Chymicum vniuersale, Francofurti nuperrimè editum, in quo tanquam in fasciculo, omnes quæ hætenus desideratæ sunt arcanæ descriptiones, fidelissimè inueniet, vltèrius

hic

hic non repetendas. Quum verò cuiusque facultatis non sit, libro illo licet vtilissimo doctissimoque sibi prouisionem facere, vnicam tantum viri illius solertissimi & sagacissimi pilularum suarum benedictarum & polychrestarum descriptionem, huic meo tractatui inferere volui, quorum tamen primus author, ob id, quod tartareæ & melanagogæ sint, Quercetanus prædicatur. Itaque

Rec: Crystallorum vel cremoris tartari ꝑunc. iij. Poly-
podij querni ꝑunc. ij. Passul. Corinthiacarum ꝑunc. j.ß. My-
robalanorum omnium ana ꝑunc. ß. Flor: Buglossæ. Bor-
raginis. Nymphææ ana Pj. Coquantur in s. q. aquarum
fumarie & scolopendriæ ad medietatis consumptionem.
De hoc decocto acidulo & gustui grato, optimè depurato
& clarificato cape ℥ ij. succi optimè depurati pomorum
redolentium ℥ j. quibus adde Foliculorum senæ mundator.
ꝑunc. iij. Turbith. Rad: hellebori: nigri veri. ana ꝑunc. j.ß.
Myrrha elect: ꝑunc. j. macis, Caryophyll: Cinamomi. Epi-
thymi. ana ꝑunc. ß. macerentur ac digerantur ad ignem
B. M. per quatrduum, idque in vase vitreo optimè clau-
so: dein dum materia adhuc feruet, fiat expressio vel per
setaceum traiectio, cui adde Aloës ut supra preparata
ꝑunc. iij. omnia sufficienter coagulentur ad ignem len-
tum: addendo sub finem, dum ferè refrigerata erit mate-

ria. Spec: Latificantis Gal, Diarrhod. abb. Trochisc. diallacæ ana Dr. j. salis Absinthij & Fraxiniana Dr. ij. Essentie croci scr: ij. Olei anisi aliquot guttulas. Reducantur in bonam pilularum consistentiam. Dosis harum pilularum est scrup. j. vel scr: jss. ad summum. Admiranda illarum virtus nunquam satis laudari potest, purgant vtramque bilem, omnes humores crassos, tartareos, salios & mucilaginosos radicibus eliciunt, vel è partibus etiam profundissimis: singulariter autem succurrunt omnibus melancholicis affectibus, & purificant totam massam sanguinis à varijs corruptionibus, ideoque sæpius assumendæ. Sumi possunt mane vel vespri post cœnam parciolem, & ante somnum, etiam à sanis, singulis mensibus, ad multorum morborum præcautionem: mirum enim in modum euacuant fæces atra, vel humorem atrabilarium, qui omnium totius corporis contumacissimus ægerrimè euincitur aut subigitur. Iisdem pilulis interdum adiiciantur. Essentia Aloës & scammonij, Essentia rhabarbariana ꝑnc. jss. Essentia sene ꝑnc. j. & Essentia Trochisc: alhandali ꝑnc. jss. vel amplius. His essentijs vel seorsim vel omnibus simul præparatis, pilularum harum vim purgatoriam longè efficaciorē reddere possumus:

sumus: tunc enim omnes humores simul educant, & meritò, quòd pluribus affectibus conueniant, à singulari earundem proprietate polychrestæ appellabuntur.

Celebrantur apud nos Pilulæ eiusdem virtutis Clarissimi Domini D. Philippi Mülleri Serenissimi Electoris nostri Archiatri, Practici nominatissimi & celeberrimi, chymicæque artis exercitissimi. Quæ sic se habent.

*Pilula D.
D. Philippi
Mülleri*

Rec: Herb: Agrimon. Fragar. veronic. Absynth. Censaur. scolopendr. Hyssopi. Card: bened. Melisse. ana mʒ. Bacc: iunip. vnc. jʒ. Cerasor: nigr. vnc. j. Flor: saluie. Lupuli. sambuci ana mʒ. Ras: ligni sancti vnc. ij. grosso modo incisa & contusa macerentur inf. q. aqua communi per duos dies, deinde destillentur per cohobationem. In maiori portione huius aquæ bis destillata infunde sequentia.
Rec: Rad: Tormentil. Caryophyllat. Pimpinella. Fenic. Enula. Cichorij. Apij. ana. Dr. ij. Zedoar: vnc. ʒ. Herb: Chamæpit. Fumar. Chamed. Epat: nob. serpill. ana mʒ. Maiorana mʒ. Basilicon. mʒ. Flor: Bugloss. Borag. Anthos. Lil: conuall. Nymph. violar. ana P ij. sem: Coriandr: preparat: Napi. Feniculi. Anisi. Pæonia. Saxifragia. Basilic. an. Dr. j. Cort: exter: Citri. Aurant. Cinnamon. Tamarisc. Fraxin. ana Dr. iij. Rhabarb: finiss. vnc. ij. Agarici albiss. vnc. ʒ. Croci orient. Dr. iij. Lign. aloës.

Rr 3

santal:

santal: omn. ana Dr. jß. incisa & contusa infundantur in superiori destillato, relinquanturque per aliquot dies, quinque aut sex circiter in infusione: postea exprimantur fortiter, cumque subsederint, per deliquium separa à facibus: interim Rec: Aloës succotrin: vnc. xij. quam in sequentibus succis, quibus etiam aliquid primæ destillatæ aquæ addere poteris, solues, per oclidianam digestionem aut in loco calido, aut soli exponendo, & quotidie bis agitando, postea extractioni per deliquium à facibus separata, addantur sequentia Gummata in Aceto Bezoartico hic quoque descripto soluta. Rec: succi ros: vnc. xiv. succi. Lim. vnc. x. succi. Cydon. vnc. vj. Misce. Rec: Myrrh: el. vnc. j. Ammoniacy vnc. ij. Aceti Bezoartici sequens descriptio est. Rec: Herb: Ruta mß. scordij. mj. Heder: terr. Acetosell. Chelidon. scabios. ana. mß. Rad: bistort. vincetox. Carlin. scorzoner. Dipt: albi. Petasit. Gentian. ana Dr. ij. Flor. 4. Cordial. flor: Centaur. Hyperic. Calend. Genist. sambuc. ana Pij. sem: Leuistic. Plantag. Aquileg. Acetos. ana Dr. j. Bacc: rub: Idæi vnc. j. Alkermes Dr. ij. Lauri. Dr. j. Ebuli. vnc. ß. scyll: preparat: Dr. ijß. Ras: C. C. crudi. Ras: Eboris ana: Dr. ij. Terra sigill. Boli Armen: veri. ana vnc. ß. succini albi Dr. ijß. Camphora scrup: iij. Coralli albi preparat. ana Dr. jß. incisa & contusa misceantur infundanturque in aceto vini acerrimo. Hæc denique omnia præter facies ex destillatione

*Acetum
Bezoarti-
cum.*

ne infusione expresse & extractione improprie dictæ, simul misceantur, & per lentam coctionem, siue in Alembico per B. M. siue in Vesica cuprea ad id facta super carbones ignitos, lento calore relinquuntur exhalare ad mellis spissitudinem & crassitiem. Denique ex relictis facibus omnibus calcinatis, cum aqua distillationis sal extrahatur, & misceatur cum reliquis paulatim & particulatim, non simul & semel imponendo aut immittendo. Sicque habebis pilulas istas, quas essentiam siue extractum spagiricum vocant. Quod jam nouo, sed non multum absimili modo, sequenti ratione præparant.

Rec: Rad: Enule. Caryophyllat. an. vnc. ß. Polypod: Angelica ana vnc. j. Imperat. Aristot: rot. ana Dr. vj. Herb: Saluie. scordij. Card: bened. Ruta. ana mj. Endiuia. Cichor. Tarax. ana m j ß. Flor: Anthos scabios. Centaur. an. mß. Violar. mj. sem: Acetos. fraxin: excort. fenic. anisi. ana Dr. jß. citri Dr. ij. carthami Dr. vj. cort: Tamarisc. cappar. Frang. an. Dr. iij. cinamomi. macis. Zedoar. an. Dr. j. singula crassiusculè contusa & incisa cum s. q. aquæ pluuiialis vi caloris temperati per octo dies macerentur, deinde facta forti expresse colentur, in colatura dissoluantur Aloës succotrin. Epatic. an. vnc. iij. his affundantur, Succu Borag. Bugloss. ana vnc. iij. fumarie, vnc. iij, Rosar: vnc. viij, Limon, Cydon. ana vnc.

unc. ij. Granat. unc. j. Mixta bene pro octiduana digestionem quotidie bis agitando infundantur vitro capaci, quibus adde Gummi Ammoniaci unc. ss. Myrrh: elect: Dr. ij. dissolue in s. q. Aceti Bezoart. postea Rec: Rhubarb: finiss. Dr. vj. Agar, candid: unc. ss. Croci Austriac. scr: ij. Cinnamon: elect. scr: iiij. salis Tamarisci. Iuniperi, Fraxini. Absynthij ana scr: j. incisus & contusus affunde vini maluacititi unc. x per quatrimum vitro capaci imposito & undique bene munito, postea forti facta expressione, miscetur liquor cum ceteris. Stent tandem omnia immotè per aliquot dies, donec faces resideant, deinde clarum per inclinationem effundatur, aut calefactum per pannum lineum transcoletur, quod in B. M. aut per lentam cocturam super carbones ignitos ad consistentiam mellis abstrahatur. Ex facibus omnibus calcinatis, cum aqua distillationis, sal extrahatur, & misceatur uti supra cum reliquis.

Habentur similes plures descriptiones, inter quas non minimum locum & laudem sibi vendicant: Pilulæ Panchimagogæ Quercetani. Pilulæ de Ammoniaco eiusdem. Pilulæ Angelicæ Salæ. Pilulæ Angelicæ Hartmanni Beyer, pro quarum descriptione sanctè affirmant, Generalem & Ducem illum famigeratissimum Tilliû. Pharmacopœo Franckfurtenfi soluisse 300. Thaleros. Pilulæ Aloëphanginæ Mynsicht. Proprieta-

prietatis. Polychrestæ. Spleneticæ. Hypochondriacæ eiusdem. Pilulæ Marocostinæ Mindereri. de Lapide Lazuli Mesues, &c. quarum omnium copiam in Dispensatorio supra nominato quilibet qui vult inueniet: est enim quasi Extractum ex reliquis celeberrimis Dispensatorijs Augustanorū: Norinbergensium: Francofurtensium: Quercetani, Renodēi: Mynsichtij & aliorum.

Octauo. Quibus Electuaria & Boli arrident, *Electuaria purgantia.* ij assumere possunt. Electuarium de Tamarindis cum fol: sene Horstij. Elect: Diacatholicon. Diaprunis simplex & compositum siue Magistrale. Diaphœnicon. de Psyllio. Diacartamū. Rosatum Mesuæ. è succo rosarū Nicolai. Confect: Hamech. Electuarium Herculis Saxonie ad melancholiam hypochondriacam cum palpitatione cordis. Passulas laxatiuas, &c. Aut ab Extractis. Extr: Panchymagogum. Melampodij seu Hellebori nigri. Holagogon. Diasenæ Mynsicht: Cnicopharmacum & alia. Ventriculi tamen, vt jam sæpius dictum, in purgantibus imprimis habenda est ratio, præcipue ijs, qui cruditate acidâ laborant; & cauendum, ne nimio purgantium medicamentorum vsu, is amplius debilitetur,

CAPVT XXIV.

*De usu seri Lactis & Chalybis in Melancholia
Hypochondriaca.*

PURGATIONE hoc modo instituta & perfecta, quandoquidem viscera inde non nihil calefiant, & aliàs in hoc affectu epar & venæ mesaraicæ plerumque sint calidiores, addenda sunt medicamenta, quæ præternaturalem illam venarum mesaraicarum caliditatem & ficitatem emendent: igitur aperientia, incidentia, & attenuantia vsurpanda. Quos scopos omnes, explere poterit seri lactis caprini vsus, aliquot diebus, octo scilicet aut quatuordecim continuatus. Serum Lactis itaque, vbi nec acidularum nec thermarum copia habetur, recomendatum habeatur. Nam vt Aretæus l. 2. de caus. & signis acutor. c. 8. & post eum Mercat. l. 2. de Virg. & Vidu. affect. cap. 7. doctè explicuit. Serum ad ventilanda viscera, auferendum cauma, deobstruendum, humorem nigrum suauiter expurgandum, abstergendum meseræi venas quæ flatu turgent, calidæque intemperie laborant, summoperè præstat: hoc enim medica-

men,

Vsus & præparatio & electio seri Lactis.

mē, attenuat, abluit, abstergit: vtil. 2. distinct. 1. cap. 9. de medic. simpl. purg: Mesue inquit; & nitrosâ quâ præditum est facultate, aluum absque mordacitate vlla leniter subducit, bilem tum flauam tum atram, ab adustis humoribus genitam, deijcit; quo fit, vt mirificè cōferat melancholicis, lienosis, & ijs qui terrestri succo sca- tent.

Quantas in se habeat vires serum lactis eti- am bubuli, in morborum grauissimorum cura- tionibus, præsertim verò in abstemijs, siue hy- dropotis, quorum natura & consuetudo, pro potu & medicina, præter aquam puram, putam, & lac, nihil admittit, omniâq; nauseat & respuit: id expertus sum hætenus in venerandissimo Domino Parente meo, Tobia Geigero, Vtriusq; Medicinæ Doctore, jam propè octogenario; is pertotum vitæ suæ curriculum, licet inter me- dicationes suas chirurgicas & medicas, quas tam pacis quàm belli tempore, egris suis, magna cum laude, non minore felicitate probauerat, pluribus morbis, & inter illos etiam malignis, la- cessitus fuerit, ab ijs tamen per feri lactis largio- rem vsum, omnibus alijs remedijs exclusis & posthabitis, sæpius pristinæ sanitati restitutus

est. Admiratione dignum est, quod narro. Elementa studiorum prima, & linguam Latiam trigesimo suæ ætatis anno, cum jam per aliquot annos matrimoniali vinculo obstrictus fuisset, perdiscere cœpit, inde Hippocratis Galenique scholam ingressus, per priuatas Thomæ Mer-
manni per celebres Medici, de quo supra in cap. 15. mentio facta fuit, prælectiones quotidiana, tribus aut quatuor annis continuis, in tantum profecit, ut pro Medicâ & Chirurgicâ Laureâ certare ausus sit, & vtramq; non sine magna aliquorum maleuolentium inuidia, adeptus sit. Sex vicibus, sub bellicosissimis & victoriosissimis Hungariæ & Bauariæ Ducibus & Generalibus, Medicum castrensem egit. Triginta sex annis, secundo Numine, Nosocomijs tam Electoralibus Bauaricis, quàm Metropolis Monachienfis, tanquã Medicus & Chirurgus præfuit, ibique deploratos multos, & ab alijs derelictos, restituit; neque vnquam occidit, ut sanaret. Vir veteris prosapiæ, & antiquæ fidei. Verùm, meridiem supergressus, cum jam in vespero viuat, ideò tamen à cœpto, quem sibi destinauit, nondum desistit cursu, optatam laborum suorum metam (quæ nostrorum omnium finis est) tandem

dem in bona pace adepturus. Vt autem expurgatio, sero lactis celebrata, optatum finem consequatur, tria efflagitat. Primum, vt sit serum lactis caprini. Secundum, vt sumatur medicatum & præparatum. Tertium vt sumatur in magna quantitate.

Eligendum est serum Lactis Caprini. Nam *Electio.* hoc temperatum est, maximè si capra sit nigra, cuius caro, & lac, suauitatem corpori cõciliant: vt testantur Auic. lib. 2. tract: 2. cap. 145. Mesue, tract. 2. de simpl. tit: de aqua lactis. Rasiuſ vlt. contin. tr: 2. cap. 172. Aëtius tetrab. 1. ferm. 2. c. 88. Nam nigriora sunt suauiora, iucundiora, & præstantiora, & melius cocta, ex Gal. 6. epid. sect. 2. com. 44. Laudatur quod in vere extrahitur, eo enim tempore capræ herbis vtilibus vescuntur, ex quibus lac probum generatur. Minus laudabile, quod æstate colligitur: herbæ enim, quibus pascuntur animalia, sunt exuccæ, & pastores, capris, vt maiorem lactis largiantur copiam, salem offerunt, & sic sitientes copiosius bibunt, & lac hâc de causâ generant serosum nimis, quod vitiosum est. Cùm itaque, serum naturâ suâ sit quasi temperatum, vel parum ad frigidum & humidum declinet, est ma-

teria omnium medicamentorum, quare morbis frigidis, & calidis remedio est.

*Prepara-
tio.*

Vsus autem feri lactis, in multis regionibus admodum frequens est, quod sub finem veris, ac in æstate ad purgandum exhibetur. Et si inde conficere voles remedium, quod omnibus affectibus, ab atrabile & melancholico humore subortis, & nutritioni dicatis partibus, ab inflammatione, aut nimio calore æstuantibus, in quibus opus est refrigeratione & humectatione, aptum & idoneum sit, hâc viâ præparatio aggredienda est. Rec: feri Lactis ℥ iij. vel amplius: huic adde succi Limonum Dr. iij. succi pomorum redolentium recens extracti Vnc. vj. omnia simul cum vno atque altero oui albumine probe agitata & mixta, igni admota clarificentur. Addes, si velis, parum sacchari, & habebis medicamentum excellentissimum & suavissimum ad supradictos vsus: de quo sufficiet pro dosi exhibere Vnc. vj. horis matutinis: robustioribus autem plus dabitur, continuando ad 15. vel 20. dies. Non est maior simul & semel paranda quantitas, quam quæ satis sit pro duobus tribusve diebus, ne ace scat. Aut si ex illo velis lulapium parare. Rec: feri lactis prius aciduli facti

facti cum succo limonum, & clarificati, adde
Florum violarum & Buglossæ, recentium, vel
exsiccatōrū, & optimè mundatorum, hoc est,
in quibus amplius nihil, quod viride sit, superfit,
quantum voles, & in 24. horis, serum tingetur
colore, sapore, & odore enumeratorū florum:
adijcies sacchari ad lubitum, & habebis iula-
pium suauissimum & vtilissimum. Ad expur-
gandum autem humorem melancholicum,
macerentur in eo per noctem (scilicet in sero la-
ctis) folia fenæ, epithymum, polypodium, radix
hellebori nigri, myrobalani Indi, lapis lazuli,
fumaria, &c. Pro vacuando humore bilioso:
rhabarbarum, pulpa cassiæ, flor: cordiales, my-
robalani citrini, conserua violacea, semina fri-
gida. Pro pituitoso humore: turbith, agaricum,
mechoaca, jalapa, hermodactili, radix iridis,
myrobalani chebuli, emblici, colocynthis. Si
volumus causam morbificam euacuare per vias
vrinæ, in sero infundimus diuretica. Si calidam
Iecoris intemperiem remouere est in animo, illi
permiscemus folia cichorei, lactucæ, buglossæ,
boraginis, &c. Si flatulentia eius metuatur, dum
igne depuratur, aliquid seminis coriandri, & li-
gni sassafras, addi potest. Sumendum igitur me-
dica-

dicatum & præparatum ijs, quæ ipsius frigiditatem aliquam retundant, vñaque internas partes roborent, vel deobstruant, vel expurgent humorem, qui morbi causa esse solet. Cum enim serum sit materia, in qua omnia medicamenta infundi possunt, tum quoniam facilè obtenuitatem substantiæ, vires medicamentorum in se imbibit, tum quia, vti supra dictum est, temperatum, & vel parum recedit per frigiditatem, hisce morbis summo est vsui. Suadet etiam Mesue, sub dio exponendum esse, vt accepto rore à coelo demisso, qui suapte naturâ purgare potest, reddatur magis refrigerans & expurgans, noctisque & aëris frigidi percussu, vis ipsa veniatur. Galenus quoque, sal & mel admiscuit, propter maiorem alui irritationem & abstersionem.

Quantitas

In magna autem quantitate sumendum, præsertim ventriculo non admodum debili: aliter enim non purgat, nisi in magna quantitate sumptum, vt libro: 2. epid. sect. 6. docuit Hipp: qui octo cotylas assumendas imperat, in hypochondrij distentione; accipit verò cotyla vncias nouem, hoc est octoginta circiter vncias: quas tamen nostro tempore, vix aliquis capiet;

ideo

ideo pro cuiusque viribus facile dispensandum.
Comuniter autem ad ℥ iij. vel etiam plures sumenda, & ebibatur calix vnus post alium pitifando, & post vsum feri deambulandum, vt in profundiora corporis sese insinuet, & materiam quæ obstructions facit, per aluum & vrinas deducat. Neq; magna copia feri perimescenda: si enim per venas penetrare, & iterum per aluum & vrinas statim deijci debet, magna copia requiritur, in minore verò nihil præstat, eodem modo, vt thermæ & acidulæ in maiore quantitate ebibuntur. Pro corroboratione ventriculi, post vsu feri, singulis diebus manè & vesperti fumatur de elect: seq. portio, quæ quantitate nucem juglandem æquet.

Rec: Conseru. bugloss. borragin. ana ꝯnc. j. rosar. anthos, ana ꝯnc. β. spec. diarrhod. abbat. diatrion santal. ana Dr. β. Margarit. preparat. scr: ij. Lign. aloës scr: j. Cort: citri condit. ꝯnc. β. Confect: Alkermes Dr. β. cum syr: de Pomis: fiat Electuarium. Comendatur quoque Cereuisia aut Vinum absinthites, post purgationes per aliquot dies exhibitum.

Proprium etiam Melancholiæ Hypochondriacæ alexipharmacum, chalybs nominatur, & plurimum ad obstructions hypochondrio-

Usus Chalybis.

rum aperiendas, non solum à Chymicis, verùm etiam à Galenicis, quòd continuus illius vsus, semper felicem sit assecutus finem in ægris, cōmendatur. Cùm verò chalybs sit calidus & siccus, vimque astringendi & sistendi aluum habeat, præsertim in Dysenteria: non immeritò in dubium vocatur, an hypochondriacæ affectiōni, quæ maximè sicca & calida est, conueniat. Nec admittendus tam facilè esset, nisi experientiâ tam diuturnâ, plurimâque grauissimorum Medicorum, tam veterum, quàm recentiorum autoritate constaret, chalybem ad affectiōnem hypochondriacam, cachexiam in mulieribus ex mensium obstructiōne, aliòsque à pertinacibus lienis & venarum mesaraicarum obstructiōnibus ortos morbos, esse probatum remedium. Missis autem antiquiorum allegatiōnibus, vt Plinij, Pauli Æginetæ, Dioscoridis, Aëtij, Oribasij, Rhasis, Serapionis, Auicennæ, Halabbatis: ex Neotericis vnicum Mercatum inter multos proponemus, qui de morb: mul. lib. 2. c. 6. refert, tantam esse chalybis naturam & efficaciam, vt magnos etiam lienis & vteri scirrhos persanasse visum sit. Et de inter: morb: curat: lib. 1. cap. 17. incredibili efficacîâ affectiōni hypo-

hypochondriacæ chalybem prodesse, & experimento esse confirmatum, in omnibus ferè affectionis hypochondriacæ causis, vsum chalybis commodum esse, siuè in fæminis ex vtero, siuè in eis, ac viris, ex ventriculo, mesenterio, jecore, aut splene obstructis, aut quomodolibet humore obsessis, malum oriatur.

Prodest autem, aut ratione ponderis sui partes obstructas permeando, & ita ab infarctu liberando, aut ratione virtutis absterfivæ & aperitivæ, & purgativæ: quàmuis electivè purgare vt alia purgantia, à nemine concedatur. Probabilissimum omnium videtur, ferrum & chalybem, peculiarem cum humoribus melancholicis & adustis habere cognationem, atque idcirco eos attrahere, seu imbibere, ac cum ijs vniri: & atram bilem, vt & ipsam melancholiam, vitriolatæ naturæ participem, aut certè ei cognatam esse, & ferruginei quid sapere, nemo facile negauerit. Et cum chalybs naturæ sit metallicæ, & in alimentum conuerti non possit, crassioris etiam substantiæ, quàm vt in penitiores corporis partes penetrare valeat, natura eum per aluum maturè iterum exturbat, cum quo etiam humor melancholicus euacuatur. Dum

*Quomodo
& quibus
viribus
profit chalybs.*

verò hoc fit, fæces nigræ redduntur, & id nisi fiat, parum felix est vsus chalybis, & ab eo desistendum. Ex quo patet, non solum ipsum aperire, sed secum etiam vitiosos humores educere. Hinc multi chalybem rudiori & crassiori modo paratum, subtilissimè præparato præferunt, procul dubio, ne penitus in corpus penetret, sed in primis vijs hærens, humores illos crassos imbibat, iterumque facilius per aluum descendat. Putat etiam Mercatus de morb: mul. lib. 2. cap. 6. ex Aetio: si nimis exquisitè præparetur, vomitum ciere, & aluum turbare, quia magis in vitrioli naturam abit: in crassiore autem substantia, satis quidem vitiosos humores imbibere, verum naturæ non ita molestum esse, aluumque non ita turbare. Et licet chalybs calidæ & siccæ naturæ sit, atque hoc modo humorem atrum ferociorem reddere videatur: tamen non alterandi causâ exhibetur, sed vt obstructions aperiantur, & humor ater educatur; atque commodum, quod ex eius vsu provenit, longè maius est, quàm incommodum: sicut etiam Rhabarbarum in euacuanda bile, Elleborus niger in humore melancholico euacuando, commodè exhibentur, etsi in primis qualitatibus

bus cum hisce humoribus aliquam conuenientiam habeant.

Varijs autem modis chalybs exhibetur. Alij *Chalybs varijs modis exhibitur,* enim subtiliter limatum exhibent; alij calcinatum; alij aceto præparatum, quod fit, limaturâ chalybis in aceto acerrimo maceratâ, hinc siccatâ & tritâ; alij ex eo Vina chalybeata, Syrupos, Oxy mel, Electuaria, Crocos, Tincturas, & Essentias parant, quorum descriptiones in fine huius capitis inferere placuit. Cùm autem certum sit, vires quas exerit in hypochondriacis curandis, ab eius sulphure, quo abundat, præcipuè pendere, attendendum in præparando & exhibendo chalybe, ne eius sulphur pereat, quod fit, si vel crudus valdè igne vratur, & (vt Chymici loquuntur) reuerberetur, velet si alio modo solutus sit, si reuerberatione partes eius sulphureæ & volatiles dissipentur, & fixæ salinæ relinquuntur, quæ potius astringendi, quàm apertendi vim habent. Verùm optimè notat doctissimus & fidelissimus Zacutus Lusitanus in *Experientia singulari de Minera ferri,* lib. 9. cap. 10. obs: 3. faciliorem modum exhibendi chalybem, & curandi hypochondriacos per illum, vbi scribit; macerant sese cum Medicis Pharmacopœi in præparando chalybe, cū aliud

aliud facilius sit ad manus, minoris pretij, & utilitatis incredibilis. Est terra quæ in mineris ferri reperitur, quam si fices ad umbram, teras subtilissimè, & in læuorem redigas accuratè, eadèque quantitate, ordine, & formâ, in eisdem malis, egrotantibus offeras, mirabilem imò excellentiorem utilitatem, quàm ex chalybe percipies, pro ut sæpissimè, felicissimè tamen, sum expertus. Nec mireris: nam terris plures insunt admirandæ virtutes & vires, pro ut Dioscorides, Galenus, Paulus, & cæteri Medicinæ Principes vnanimi consensu affirmant, maximè verò illi, quæ in fodinis ferri reperitur. Quique analogiam Macrocosmi & Microcosmi explicant, scribunt, quod Mars metallicus maioris mundi, respondeat Marti Microcosmi, eiùsque seruitio destinetur, & custos sit valetudinis eius mēbri, cui cœlitus videtur esse destinatus. Vera hæc & experta esse, viuum qui hæc scribo, dare possum testimonium: siquidem in Electoralibus Nosocomijs, quibus tam in medica quàm chirurgica facultate jam per viginti annos præsum, terram illam, ferri minerâ benè imprægnatam, quam ex ipsis ferri fodinis adferri, & præscripto modo preparari curavi, pro obstru-

tionibus

nibus cachecticis, præcipuè verò mensium, & viscerum omnium inferiorum, tollendis, in communi & quotidiano ferè vsu habeo, optimo cum effectū, & ægrorum leuamine.

Datur autem chalybs vel terra ista in substantiâ, vel in conseruâ rosarum, violarum, boraginis, quæ in hac affectione commodissima est, *Quomodo exhibeatur chalybs.* vel aliâ conueniente, aut cum syrupo aliquo, vel in pilulas cum syrupo aliquo, aut succo cichorei & agrimonix redactus. Ne autem ventriculus offendatur, alij caryophyllos, alij cinamomum, alij specierū Diarhodonis dimidiam partem, admiscunt. Quidam cum cinamomo & saccharo inde rotulas faciunt, accipiendo chalybis præparati Vnc. β. Cinamomi Dr. ij. sacchari albissimi Vnc. j. Possunt & alia huic scopi inseruientia addi, vt cortices radicum capparum, tamarisci, fraxini, filicis, folia chamædryos, ceterach, chamæpityos, flores genistæ & similia. Antequam verò exhibeatur, primæ viæ euacuandæ sunt. In substantia si datur, mediæ ætati exhibeatur Dr. j. dosis tamen neque infra binos scrupulos, neque supra drachmam cum semisse esto. Oxymel & syrupus datur ad Vnc. ij. vel Vnc. iij. Vinum ab Vnc. iiij. ad Vnc. vj. sumpto

Sumpto chalybe in substantia, hauriendum poculum vini albi, neque nimis tenuis, neque nimis generosi: abstemij aquam, in qua cinamomum coctum sit, vel jus galli bibant. Exhibendus etiam chalybs commodissime vere & autumno, hyems enim frigore, æstas calore obstat: manè quoque jejuno stomacho sumendus, & sumpto eo, æger vnâ atque alterâ horâ obambulet, vel exerceatur, vt facilius medicamentum distribuatur, postea quiescat. Si vires sint debiles, exercitium omitti potest, cum etiâ in lecto decumbētes per vsum chalybis sanatos fuisse compertum sit. Prandendum horis quatuor ab assumptione medicamenti: cibus autem boni succi vtendum, & diætâ sit frugalis. Initio, tertiâ die chalybs exhibendus, si cui æger postea assuevit, morbusque id postulat, singulis diebus dari debet. Et licet quidam, primis diebus, cum cum multa bile, & vitiosis humoribus euomât, tamen ideò non desistendum, quia cum comodo fit, neque vbi assueuerint, amplius vomunt. Pro ægri & morbi ratione, vsum continuatur, diebus pluribus, vel paucioribus: alijs enim dies quindecim sufficiunt, alijs viginti, alijs etiam triginta necessarij sunt. Quod si vero

ex assumptione chalybis aluus non soluatur, nec fæces nigræ appareant, quarto die, vel clystere iniecto, vel pilulis ex aloë rosata, vel de tribus, aluus cienda. Neque inutile erit post decimum vel duodecimū diem leni purgatione uti, deinde à purgatione biduo quiescere, & hinc ad usum chalybis redire. Vt autem facilius descendat, possunt pulueris Dr. ij. addi spec: diarhod: abb: Aloës ana Dr. j. & cum syrup: capill: vener: vel fumaris, pilulæ inde formari.

Præparationes chalybis, & formulæ chalybeatorum, sequentes sunt. Primò, chalybis præparatio ex aceto secundum Augustanos. Rec: Limaturæ chalybis quantum volueris, affundatur aceti vini acerrimi tantum, ut tota madeat in eo, stent in loco calido tam diu, donec acerū ad ficcitatem absumptum; postea puluerifetur, & sic septies reiteretur: postremo molatur supra Porphyritem, & seruetur vsui. Secundò, chalybs cum sulphure. Rec: Limaturæ chalybis quantum volueris, & fac cum pulvere sulphuris citrini stratum super stratum, calcinetur: hanc calcinationem, semper addito nouo sulphure, toties repete, donec chalybs liqueat: tunc extinguitur in vino albo generoso,

*Formula
diuersa
præpara-
tionū Cha-
lybis.*

*Chalybis
præparatio
ex Aceto.*

*Cum sul-
phure.*

deinde in tigillo ad ignem fortem sinatur per
vnam atque alteram horam, vt optimè exicce-
tur, & sulphur euanescat & consumatur, tan-
dem in Porphyrite leuigetur pro vsu. Tertiò,

*Crocus
Martis a-
peritiuus.*

Crocus Martis aperitiuus. Rec: laminas è fer-
ro vel chalybe puro ductas, obline eas aceto de-
stillato, oleo vel spiritu sulphuris, vel vitrioli,
colloca in cellam, & post aliquot dies crocum
deradendum pede leporino inuenies: hunc la-
borem repete toties, donec in crocum Martis
totæ laminæ abierint. Dosis à gr. viij. ad xv. in

*Essentia
Martis.*

conuenienti vehiculo. Quartò. Essentia Mar-
tis liquida. Ferrum limatum candefac igne va-
lido, aut in crucibulo, aut olla, excandescens li-
matū ferrum, extingue in sufficienti quantita-
te aceti acerrimi, reiseretur labor prædictus ter
aut quinquies, semper cum extinctione ferri in
aceto: deinde acetū (essentiâ Martis prægnans)
filtra per chartam, & impone cucurbitæ: ab-
strahe acetum in Balneo, ad latitudinem trium
digitorum, remanentijs verò, affunde spiritum
vini, in quantitate sufficiente, pro extrahenda
essentia Martis: iterum spiritum vini tinctum
filtra, & in Balneo abstrahe, vsque ad syrupi li-
quidioris cōsistentiam. Quintò. Tinctura Mar-

tis,

Rec: Limaturæ chalybis q. v. affunde acetum destillatum, rubedinem extrahe, aliudque acetum affunde, idque per menses duos, vel tres continua, donec nihil amplius extrahatur. *Tinctura Martis.*

Acetum tinctum omne commistum in Balneo destillando separa, & residuo spiritum vini affunde, & digere, vt tincturam extrahat; spiritum vini destillando abstrahere, iterumque affunde, idque sexies repete, & sic habetur Martis tinctura.

Sexto. Vinum Chalybeatum. Rec: Chalybis sulphure preparat. ꝑ. unc. iv. rad: Eryngij. Enule: campanæ ana ꝑ. j. ꝑ. Santali citrini ꝑ. j. Coralli rubri. Rasura eboris ana Dr. vj. Caryophyllorum. Macis. Cinnamon. Zingiberis ana Dr. iij. Ceterach. Flor: Geniste. Anthos. Epithymi. ana ꝑ. ij. Vini albi generosi ana lb vj. *Vinum chalybeatum.*

Macerentur per octiduum ad minimum, ad ignem B. M. calidum, dein transcolentur per manicam Hippocratis ter quaterue, vt vinum optimè clarificetur, quod dulcorari saccharo poterit, vt fiat vinum gustui gratum: dosis, vnum aut alterum cochleare in principio, quæ deinceps, si opus sit, augeatur. Septimo. Syrupus chalybeatus. Rec: Limatura Chalyb: sulphure soluta & prepar: lb

ꝑ. Aq: Melissæ. Fœniculi. scordij, ana lb j. fiat infusio per octiduum in loco cal. deinde coqu. ad 3. colentur, & adde *Syrupus chalybeatus.*

Herb: Melissæ. Betonica. Capill: vener, an: mj. sem: Fanic, Dr. j. sassafras Dr. jß. stent per noctem: manè vicissim decoquantur & colentur. Adde sacch. q. s. fiat syrupus. de quo cum decoctione rad: Fanic. Eryngij. Passular. Cicer: rub. quotidie bis unc. ij. vel unc. iij. diluantur, & assumantur per octiduum. Octauò. Electuarium

Electua-
rium cha-
lybeatum.

chalybeatum. Rec: Limatura Chalybis unc. viij. molatur super porphyrite subtilissimè ex aceto, deinde sicce-
tur ad solem, vel ignem, & sic septies iteretur: postea Rec: Limatura sic preparata unc. vij. Cinamomi acuti. Nucis Moschata ana Dr. vj. Rhabarb: electi Dr. ij. spec: aromat, rosat. Dr. vj. Mellis optimè despumati. sacchari al-
bissimi ana unc. xiiij. Misce ad lentum ignem, & fiat E-
lectuarium. Hoc Electuarium erat quondam fa-
miliarissimum Clarissimis viris D. D. Cratoni,
Philippo Menzelio, ac Thomæ Meermanno

Electua-
rium cha-
lybeatum
racemi Lu-
thani.

piæ memoriæ. Inter omnia præcipuum obtinet locum Electuarium hoc, diutino experimento confirmatum, vtere eo, corpore prius exurgato quantitate Dr. ij. jeiuno ventriculo, superbibito haustu generosi vini, aut aquæ, quæ prius sit decocta radice Chinæ, scorzonæræ, aut aperientis decocti, & si vires valeant, post eius potum, non displicet exercitium spatio dimidiæ horæ celebratum. Rec: Fol: senn: ori: unc. ß. E-

pithym.

pithym. Polypod. sem: carthami. ana Dr. ij. Flor. borrag.
 violar. Bugloss. an. Dr. j. β . Passul.: corynth: unc. ij.
 Prunor. sine acinis. n. x. sem: Anisi. Faniculi ana Dr. j.
 Adianth. $\text{mj. } \beta$. Eupatorij. Asplenij. an. mj. Cort: citric exci-
 cati unc. j. Tamarisci. $\text{mj. } \beta$. Myrobalan. Chebul: Indor. an.
 Dr. ij. coquantur omnia in aq. chalyb: quousque rema-
 neat ℥ j. in colatura infunde s. a. Rhab: elect. Dr. ij. Agar:
 troch: in vino zzingib. Dr. j. Hermod: Dr. j. Mechoaca
 Dr. ij. Omnia deinceps excipiantur, tum adde. syr: Fu-
 mar. maior. Chalyb: subtil: tritur: unc. j. Conf: Alkerm.
 Elect: de Gemmis. Confect: Hyacinth. ana. Dr. ij. Mar-
 garit: preparat: Dr. ij. Lap: Bezoartici gr. xxx. Eboris
 in tenuissimum pollinem redacti Dr. ij. Flor: Meliss. Dr. β .
 Pulu: senae Dr. ij. Tartari vini albi Dr. j. β . Theriac: An-
 dromachi. Dr. $\text{ij. } \beta$. Mithridatij Dr. j. β . spec: Aromat. rosat:
 Mes. Diarrhodon: Abat. an. Dr. β . Rubinor: preparat:
 Granat: preparat: an. Dr. j. serici crudi. scr. ij. Omnia
 in puluerem tenuissimum redacta cum fol: auri. n. xx. mi-
 sceantur, & cum saccharo q. s. fiat s. a. Electuarium.
 Nonò. Oxymelchalybeatum. Rec: rad: Irid. vulg. Oxymel
chalybea-
tum.
 $\text{unc. j. } \beta$. Vincetoxici. unc. ij. Taraxici. Valeriane. Me-
 choaca. Rubie tinctorum. Polypodij qu. ana unc. j. Cort:
 Fraxini. Tamarisci. Cort: Ebuli. ana Dr. vj. Ras: Ligni
 rhodij. Eboris in nodulo lineo inditi an. $\text{unc. } \beta$. Chalybis
 sulph: preparat: unc. ij. Herb: Eupatorij: Mesua. Fu-

maria. Hepatica. Ceterach. ana mʒ. sem. Cuscuta. Melonum. Acetosa ana Dr. ij. Carthami. Ebuli. Halicacabi. ana Dr. v. Feniculi. Anisi ana Dr. iij. Flor: Geniste. Ebuli. sambuci. Centuarij min. ana. Pij. Flor: Cichorij. spicanardi. an. Pj. Trochiscorum de rhabarbaro Dr. x. de Capparibus ꝑunc. ʒ. Agarici troch: cum suo nodulo Dr. vj. Macerentur omnia in aceti sambucini & scyllitici ana ℥j. Aqua Flor: Ebuli ℥j ʒ. per tres quatuorue dies ad ignem B. M. dein coquantur ad unius tertiæ consumptionem, in colatura clarificata adde syr: Rosati solutiui. syr: Flor: Persice arboris ana ꝑunc. iij. Mellis Narbon. optim. prius despumati ꝑunc. x. & coquito ad ignem, materiam optimè despumando, addendo sub finem coctionis, Elaterij Dr. ij. scammonæ ꝑunc. ʒ. fiat oxymel coctum ad legitimam consistentiam. Dosis cochlearia duo vel tria prorobustioribus. Remedium est ad hypochondriacam affectionem maximè accommodatū. Eius vsus per aliquot vices repetendus, prout malum facile aut difficile permanferit, perse assumetur, aut commixtum vni aut duabus vncijs Aquæ Hypochondriacæ, inferius in corroborantibus descriptæ.

CAPVT XXV.

De usu Acidularum in Affectu Hypochondriaco per Potum.

DRÆ cæteris medicinis refrigerantibus, in hoc affectu acidularum suadetur usus: virtutes enim minerales & metallicæ, duplici ratione aquis his medicatis comunicantur, dum nimirum vel spirituosâ fossilium substantiâ continuò expirante imprægnantur, vel reali contactu mineralium, matrices transeundo, vires à prima metallorum & fossilium materia, nondum in corpus metallicum & solidum compacta, recipiunt. Dum igitur Archeusille, seu Vulcanus subterraneus, seu virtus metallifera, cum spirituosâ calore ministrante, cooperante corporum cælestium influxu, materiam proximam metallorum maturare, coquere, & perficere conatur, opere continuò durante, prægnantes exhalationes, metallorum originem redolentes, hoc est subtiliores, & magis spirituales mineralium ac metallorum imperfectorum partes, aquas subterraneas tingunt & inficiunt. Quarum tenuēs & subtiles spiritus, præcipuè vi-

Acidularum usus in affectu hypochondriaco.

Quaratione acidule mineralibus imprægnantur.

trioli

*Vires aci-
dularum.*

trioli & salis commendantur, ob quas etiam vasa perreptant interiora, obstructiones latentes intrinsecus referant, detergunt, & per urinas purgāt; quam expurgationem, Natura videtur expetere. Acidulæ igitur, quia feruenti sanguini frigidam suffundunt, quia crassum humorem attenuant ac incidunt, quia obstructa referant, quia spiritus figunt & frenant, quia cum urinis terrestre oppilans educunt, multis dotibus præcedent omnia alia medicamenta. Violenta earum non est actio: mitè hic tractari cupit morbus; temperant succos superaffatos, biliosos, atque euacuant; vasa in hypochondrijs obstructa referant, crassa incidunt, visceribus naturalibus robur addunt. Vfus earum sit in æstate sub cane; repeti toties, id est, tot annis possunt, donec totius mali radices euulsæ sunt. Longus est morbus, eradicatu difficilis, qui frequentem medicinarum requirit repetitionem, quæ ob saporem nauseabundum facile fastidiuntur, si ex pharmacopolio petas, at ex hoc fonte gratiores erunt. In æstate itaque salitis illis acidæ aquæ spiritibus fidendum: in hyeme verò, ad artificiales fugiendum. Commendatur autem vsus, seu Fiderensium seu Ebenhusanarum,

*Quo anni
tempore
sint vsur-
pandas, &
quot annis
repeti pos-
sint.*

narum, Schwalbacensium, Griesbacensiu, Egranarum, Göbbingensium, aut Bruzerianarum acidularum: aut aliarum in alijs regionibus & prouincijs. Sunt quidã Chymici, qui acidularum compendiũ quoddam promittunt, & feid, quod acidulæ magnâ copiã potẽ præstant, salino quodam puluere, paucorum granorum pondere exhibito, aut liquore exiguo idem effectũros pollicentur: & sui instituti hanc rationem proferunt; quod magna aquę copia, ventriculũ offendat, id quod exiguus puluis facere non possit. Verum errant illi non parum: nam hæc ipsa acidularum & thermarum est prærogatiua, quod etiam in magnâ copiã potæ corpus non offendant, sicut alia medicamenta purgantia, dum mox iterum euacuantur; interim omnia ventris inferioris vasa penetrant, & quicquid ibi vitiosi offendunt, abstergunt & abluunt, quod puluis aliquis salinus, granorum non ita multorum pondere exhibitus, præstare non potest. Si enim perpendatur, quantus sit vaforum mesaraicorum numerus, nulla paucorum granorum ad ea est proportio, vt illa in omnia distribui, hærentesque hinc inde humores educere possint. Vt nihil dicam de illa sin-

Quales acidula commendantur.

Chymici salino quodam puluere in paucâ quantitate exhibitũ idem præstare promittũt.

gulari mistione à naturâ facta, quam ars imitari non potest; vt & de eo, quod vis thermarum & acidularum, non tam in sale quodam fixo consistat, quàm in spiritu volatili, qui faciliè euanescit.

*Modus v-
tendi Aci-
dulas.*

Modus vtendi acidulas, sequens est. Ante vsum acidularum corpus præparetur, quæ præparatio cōsistit. 1. in alui lenitione. 2. in sanguinis detractione. 3. in viarum refectione. 4. in noxiorum humorum expulsionem. Vernali primò, postea Autumnali, denique Æstiuale tempore, comodissimè & aptissimè bibuntur acidulæ: matutino quoq; & vespertino diei tempore: manè tribus horis ab exortu solis: vespere circa tertiam aut quartam, cùm prandium concoctum. Si vires ferant, & necessitas exigat, bis in die vsurpari possunt acidulæ: si verò debiliores sint, æger vsu matutino contentus esse poterit. Ii, qui bibere & balneari debent, propter affectus internos & externos, præmittant potum, eoque absoluto, & quantum necessitas postulat vsurpato, demum ad lauacrum accedant: nam balneum est remedium topicum, & externis potissimum virijs dicatum: potus catholicum, malisq; internis vnde externa

terna manant, destinatum: at vniuersalia primum, particularia secundum locum in vfu requirūt. Submouenda etiam ante omnia causa, postea affectus ab ea genitus expungendus. At causa tollitur potu, affectus balneo: potui ergo primus, balneo secundus locus tribuendus. Certus dierum numerus pro potu determinari non potest, sed tot diebus bibendæ, quot ægri benè ferunt: quòtque vel ad omnimodam sanationem, vel saltem ad meliorationem, & manifestam mutationē necessarij videntur. *Quantitas* Quantitas potus acidularum, in adultis, sit à media vs- *potus aci-* que ad duas mensuras, hoc est ab vncis 18. vs- *dularum,* que ad 72. vncias. Maior autem debetur aci- *continua,* dularum quantitas viris, quàm mulieribus: iuuenibus, quàm pueris, aut senibus: cholericis & sanguineis, quam phlegmaticis, vel melancholicis: calidum robustumque habentibus ventriculum, quàm quibus idem est frigidus, humidus, laxis, & infirmus: assuetis & bibacibus, quàm qui longo potu & largo minimè delectantur, neque ei assueuerunt: calidam inhabitantibus regionem, quàm qui incolunt frigidam: magno & amplo corpore præditis, quàm pomilionibus: vacationem desiderantibus,

quàm alterationem & corroborationem poscentibus: ægritudinibus conflictatis partium longè à ventriculo & primis vijs distitarum quàm quibus partes affectæ sunt ventriculo vicinæ; ad has enim acidulæ integris perueniunt viribus; ad illas non nisi retulæ pertingunt. Tantum autem cuiuslibet bibendum, quantum ventriculus benè fert: ita vt neque se nimis oneratum, neque immodicè distentum sentiat. In potu, per gradus ad summam dosin ascendendum: paulatim enim quod fit, tutum est. De die quoque in diem augenda: v. g. prima die 8. vncias, secunda, 12. tertia, 16. quarta, 20. quinta, 24. sexta, 28. septima, 32. & sic vltèrius, donec quilibet ad illam dosin quam ferre potest, perueniat. Cùm gradatio facta ad summam dosin, in ea quidem aliquot diebus perseueretur, sed gradatim rursus descendatur, donec iterum ad primæ diei dosin peruentum. Perseuerandum autem aliquandiu, quia hæc ratio est, quæ affectum viribus æquat, eumque fugare valet. Descendendum, quoniam non tantum ad affectum, sed etiam ad naturam & vires respiciendum: vt enim affectus paulatim decrescit, ita quoque remedium decrescere debet. Et hæc de quantitate continua.

Sequitur discreta quantitas potus acidula- *Quantitas*
 rum. Vbi obseruandum, mensuram præscrip- *potus aci-*
 tam, vno haustu minimè ingurgitandam esse, *dularum,*
 sed in partes distribuendam: in plures quidem, *discreta,*
 si mensura fuerit magna, in pauciores verò, si
 parua, ne ventriculus euomere cogatur: vt me-
 liùs quoque distribuantur, & in actum dedu-
 cantur, ne ventriculus etiam nimium refri-
 geretur. Tantum temporis interuallum inter
 potiones poni potest, vt & liberè respirare li-
 ceat, & ventriculus neque offendatur, neque o-
 bruatur. Consultum tamen videtur, vt intra
 dimidiam, aut integram horam, tota mensura
 bibatur: sic enim sat spatij inter potum & pa-
 stum ordinarium intercedet, ipsèq; potus, suam
 perficiet operationem, priusquam cibus inge-
 ratur.

Tempus & quantitatem, sequitur qualitas *Qualitas*
 vtendi & bibendi acidulas. Manè itaque finito *vtendi &*
 somno, vbi corporis excrementa deposuerit, le- *bibendi a-*
 nitèrque paulisper obambulauerit, aliquid in *cidulas,*
 promptu habebit, quod vel ventriculum præ-
 muniat, roboret & calefaciat, ne à frigiditate a-
 cidularum offendatur, vel distributionem pro-
 moueat, vel simul etiam affectui, cuius causâ a-

cidulæ bibuntur, conferat. Cuius generis varia sunt, tragemata, tabulatæ, condita, confectiones, siue species saccharo incrustatæ, & alia. Ventriculo accommodatæ sunt Tabulæ aromat: ros. aromat: caryophyllat: Diacinam. Diagalang. Diazing. Dianis. Diatrionpiper. Morful: imperat. Tab: post pastum. Tragea grossa. Confect: sem: Anisi. Fænicul. Coriandr: præparat: Carui. Cinam. Caryophyll. Zingib. Cort: aurant. Hepati cõueniunt. Tab: Diarrhod: abb. Diatrion, santal. Renibus & Vesicæ competent. Elect: Ducis. Elect: Iustin. Lithontribon. Capiti prosunt. Tab: Diamb: Diamoschi dulcis. Diaplis. Diacubeb. Dianthos. Tab: nucis myrist. Vtero congruunt. Diamargarit: cal. Diacalaminth. Diaprasium. Diacymin. Diamb: &c. Lieni conducunt. Tab: Dialacc. Diacurcumæ. De his ergò confectionibus, patiens antepotum assumet: postea acidulas promet, easq; in manibus aliquandiu fouebit, vt actualis earum frigiditas temperatior euadat. Tandem deglutiet, non simul & semel vno haustu, sed lentè & paulatim, vicibusque partitis, interponendo si placet, inter haustus, siue potiones singulas, leues deambulationunculas, vt & aqua

potā citiùs distribuatur, & moto exuscitatō que calore meliùs operetur. Potu finito, confectiōnem priorem repetet, & pedetentim inambulabit. Inter deambulandum verò, diligenter naturæ inclinationem obseruabit, per quam scilicet viam vacuare intendat, an per sudores, vel per vrinas, vel per aluum, an per duas, tresue vias simul. Si itaque per sudores, in lectum se componet, & vice primā, quartam horæ partem, aut horam dimidiam benè tectus sudabit. Sudorem postea calidis absterget lintheaminibus, siq; vrgeret dormiendi necessitas, somnum capiet: inde iterum surget, caputque probè siccabit atque pectet. Pluuio aut frigido existente coelo, in conclauisuo spatia conficiet; suda verò serenæque & temperata vigente constitutione, libero sese committet aëri, & tribus aut quatuor à potu transactis horis prandebit. Vesperis circa tertiam aut quartam, nisi, vti supra scriptū est, in viribus aut naturā impedimentum senserit, eodem planè modo se geret quo horis matutinis. Sicuti etiam sequentibus diebus, nisi quod potus quantitas (vti iam relatum est) per gradus augenda, donec ad sufficientem dosin ascenderit. Sudoris quoque quantitas, addendo quotidiè

tidie quartam horæ partem, donec ad horas duas peruenerit, aliquot diebus continuanda, & postea iterum minuenda. Quod si verò natura in sudorem prona non fuerit, sed potius ad aluum aut vrinæ vias inclinârit, tum hisce solû vacationibus operam dabit æger. Verum non antè cibum capiet, quàm aqua iterum sit reddita, & quidem ea ferè quantitate, quâ pota, aut etiam largiore. Reddita autem cognoscitur, si alius fluere cesset, aut vrinæ excretio non admodum sollicitet, & quæ excernitur, non amplius cruda conspiciatur, alba scilicet & aquea, sed pallida, magisque tincta: nam acidulæ ut plurimum per secessum & vrinas vacuare solent. Si tertia aut quarta vice, acidulæ potæ in corpore prorsus retineantur, consultum est, ut earum vsui valedicatur, & aqua pota, vel suppositorijs, vel clysmatibus ex ipsismet acidulis, melle rosato, saccharo rubro & sale confectis, vel aniso laxatiuo, vel puluere senæ præparatæ, vel alio aliquo cathartico expellatur: nihil enim peius, quàm si in corpore diutius maneat: nam & ventrem inflat atque distendit, & colicos excitat cruciatus, rugitus ac murmura in intestinis parit, naturam grauat, calorem

nati-

natiuum suffocant, ciborum appetitum deijciunt, faciem decolorant, & symptomata alia pariunt. Quòd si sudores & vrinæ prouocentur, alius verò sistatur, hæc lenientibus pharmacis vti supra monuimus ad excretionem irritanda est. Sed eâ die à potu acidularum abstinendum: euenit enim, vt acidulæ interdum vitiosos quidem humores incidant, attenuent, & abstergant, sed non sufficienter educant; unde molestiæ bibentibus creantur. Quòd si ventriculus post 3. aut 6. dies aquæ fastidio afficiatur, aut flatus atque ructus suboriantur, similiter potio die vno vel altero intermittenda, & ventriculus, vel tabulis atque confectionibus supra commemoratis, vel remedijs alijs corroborandus. Qui se post haustum acidularum mouere nequeunt, vt paralytici & arthritici, curent, vt vel vehantur in lecticâ, vel circumferantur in curru, vel equo gradario imponantur: sic enim ad distributionem acidularum, fat motus habebunt.

CAPVT XXVI.

*De usu Lotionum & Thermarum in Affectu
Hypochondriaco.*

*Lotiones
in affeetu
hypochon-
driaco.*

*Lotio dul-
ci aqua.*

LOTIONES perficiuntur aut per Balneum simplex, aut per Thermas. Per balneum simplex, fiunt aquâ dulci, per thermas, aquâ metallicâ & minerali. Quod dulci aqua conficitur, si calidum fuerit, optimum est, & tutum in affectu hypochondriaco: hoc nimirum, fatigationem soluit, plenitudinem discutit, calefacit, mitigat, mollit, flatus diffundit, somnum excitat, benè corporatum reddit, estque commodissimum vniuersis. Sin verò frigidum fuerit, non omnibus conuenit: siquidem simpliciter frigido lauacro vti, nequaquam tutum est, Galeno teste lib. 3. de tuend: bon: valet. Quin etiam aliud est, quod non aquâ dulci constat, idque multifariam patitur: quæ enim per se naturaliter proueniunt thermæ, aliæ quidem nitræ, aliæ salis, aliæ aluminis, aliæ sulphuris, aliæ bituminis, aliæ æris, aliæ ferri naturam imitantur. Nonnullæ compositam ex eis vim obtinent. Omnes autem per se sponteque prouenientes thermæ

Therma.

thermę exiccandi calefaciendique vim habent, harumque aquę omnes medicam facultatem promittunt Gal: auth. lib. i. de tu: valet. Verum quę nitri salisque mixturę constant, capiti & thoraci, faucibusque destillationibus affectis, suppetias ferunt, & stomacho, quem humor quidam pituitosus interturbat, nec non aquę inter cutem laborantibus, tumoribus frigidis & pituitosis. Sulphuris verò naturam imitantes, neruorum passionibus medentur, quales sunt conuulsio aut spasmus, distensio siue tetanus, paralyfis, tremor, stupor, saltusque: adhęc, scabiem auferunt, lienis crassitudinem expurgant, vteri excrementa siccant, stomachum autem effæminant & subuertunt. Quę Aluminis vim habent, sanguinem per mariscas reiicientibus, ventriculo nauseoso, mensibus tùm discoloribus, tùm inordinatè fluentibus, mulieribus frequentes abortus faciētibus, epatis, splenis, eiusmodique generis obstructionibus, mirum in modum prosunt. At quę Bituminis mixturę constant, caput infarciunt, sensoria lædunt atque opplent; excalefaciunt tamē & emolliunt, si quis diutiùs iisdem immoretur. Quę verò Aeris vim retinent, ori, gurgulieni, oculis, an-

helationi, seu asthma vires sunt. At Ferri naturam habentes, nutrientium morborum vitijs, pulmonisq; imbecillitati conueniunt. Ex quibus facile manifestum euadit, non parum imò verò totum referre, vel illis, aut alijs quibuscunque thermis operam dare. Est autem Acidularum & Thermarum eadem ratio: nam cum externus thermarum vsus, in melancholicis, si macilenti atque exsuccis sint, rarò commodus fit, & metuendum, ne corpus amplius ijs exsicetur: tamen si bibantur eadem ratione, quàm acidulæ, prosunt: cum ob mineralia, à quibus suas vires habent, primas vias eluant, & vitiosos humores, qui in ijs hærent, per aluum & vrinam educant, ventriculum calefaciant, epas & lienem roborent. Thermæ quæ in hoc affectu conueniunt, sunt Badenses Marchionis, & Feringæ in Germania: quarum quoque in Bauaria plures existunt, quæ tamen pro tempore ob præteritum Bellonæ furorem deuastatæ, neglectæ, & nec dum reparatæ sunt.

Observanda in quantitate lotionis.

Quod si itaque quis hypochondriacus, ratione symptomatum, lotionis opus habeat, sequentia, in quantitate lotionis animaduertet & obseruet. Certus & statutus dierum numerus

adlauandum, omnibus ex æquo, propter viriū,
 ætatis, sexus, habitus corporis, consuetudinis,
 ipsarummet aquarum, aliarumq; circumstan-
 tiarum diuersitatem, determinari non potest:
 inprimis verò propter diuersam morbi condi-
 tionem, cuius alius leuior est, recens & cura-
 tu facilis, alius grauior, inueteratus, rebel-
 lis ac contumax. Ex quibus ille quidem pau-
 ciores, hic verò plures dies ad sui sublationem
 postulat. Consuetum tamen est 15. 20. 25. 30. 35.
 & ad summum 40. diebus lauare: hoc enim
 temporis spatio, vel morbi balneis extirpantur
 radicitus, vel saltem ad meliorem statum reuo-
 cantur. Si æger sentit, balneum viribus & na-
 turæ suæ conuenire, ac de die in diem morbum
 decrescere, balneum tamdiu continuandum;
 donec is prorsus sit debellatus. At si vel modi-
 cam solū, vel nullam prorsus ex balneo per-
 cipiat vtilitatem, valedicendum balneo est, præ-
 fertim cum pluribus jam diebus lauit, & quo-
 dammodo debilitari incipit: contumacior e-
 nim affectus est, quàm vt balneo superari pos-
 sit. Vel naturæ aliquid relinquendum: multi
 enim toto tempore quo lauârunt, nihil leuami-
 nis senserunt, domum verò reuersi, aliquot heb-
 domadis, aut mensibus post, vel prorsus resti-
 tuti

tuti sunt, vel plurimum saltem alleuati. Hinc vulgo dicitur *das Bad würcket nach*. In communi suadentur egris 70. 80. 90. 100. aut etiam plures lauationis horæ. Verum, non tam dierum & horarum præscriptarum, quàm morbi, corporis, & virium habenda ratio. Secus qui faciunt, sibiq; vim inferunt, vt constitutashoras rigidè obseruent, in grauiasymptomata incidunt. Excoriatio, neque sufficientis lotionis, neque bonæ operationis certum ac perpetuum signum est. Signum autem est sufficientis lotionis, si corpus melius, quàm antea habere cœperit, & functiones naturæ vegetiores extiterint. Hinc balneum non semper continuandum, donec scabies, pruritus, exulceratio, asperatio, rubrâque cutis efflorescentia conspiciatur: quia aliquibus cutis nunquam eroditur, propter multas causas. Si verò exulceratio apparet, siuè ea circa primos, siuè circa vltimos dies superueniat, lauando pergendum est, ne vitiosifumoribus in corpore derelictis, nec per cutem, vt natura cœperat, euacuatis, mälagrauiora subsequantur. Parcius tamen & tepidius lauandum, vt noua regenerari possit cuticula. Post balneum etiam sudor in lecto prouocandus.

du, vt expulsâ materiâ vitiosâ, maturiùs cesset
exulceratio. Certus præscribi horarum nume-
rus, qui lauantibus omnibus sit obseruandus,
propter multas circumstantias, vix potest :
breuissima tamen mora, est hora dimidia aut
integrâ, mediocris, horæ duæ, longissima, ho-
ræ quatuor, idque tempore matutino, ve-
spertino autem tres. Quas moras quilibet
suæ naturæ, corpori, & viribus accomodare
studebit, & potio rem virtutis ac tolerantia rationem
habebit, quàm numeri horarum. Qui
vim sibi inferunt, spiritus resoluunt, calorem
dissipant, humidum radicale exiccant, ipsam-
que naturam ita debilitant, vt deinceps neque
balneum tolerare, neque promptè atque ala-
criter noxia expellere, neque affectum feliciter
curare valeant. Initium autem lotionis facimus,
ab horâ dimidiâ, vel integrâ, & quotidie eam
augemus quartâ horæ parte. Aut si æger robu-
stus sit viribus, neq; velit diu balnei vsui immo-
rari, sed curam tempestiuè absoluerè, horâ me-
diâ, donec manè quidem vsque ad horas 3. aut
4. vesperi verò vsque ad 2. vel 3. ascenderimus.
Moram hanc, quam putamus longissimam,
diebus 4. 5. aut 6. continuamus, vt affectui ali-
quan-

quandiu remedium viribus par, quod ipsum profligare queat, opponamus. Iis autem elapsis, moram rursus abbreviamus, & quidem singulis diebus, vel quartâ vel mediâ horæ parte, donec peruenerimus ad moram primam, tuncque finem lotioni imponimus. Nam cum morbus minuatur, & natura quodammodo delassetur balneando, rationi consentaneum est, ut & remedium minuatur, & naturæ viribus consulatur. Si morbus postulat & vires sinunt, bis in die lauandum est: manè scilicet horâ vnâ aut alterâ ab exortu solis, & vesperi, concoctione peractâ. Intercedere autem inter prædium & lotionem vespertinam debent 4. 5. 6. aut ad summum 7. horæ. Quod si patiens debilis sit, naturâ aut morbo, semel lauare satis erit. Nec vesperi tot horis lauandum, quot manè: quia cœna longius protrahi deberetur, quod tamen non omnes ferre possunt: natura quoque matutino balneo fatigata est, ideoque vesperi non nihil subleuanda: manè etiam corpori feruor inustus, quare vesperi breuiori morâ illud minus calefaciendum. Hoc autem de summâ morâ intelligendum est, nō de principio, quod utrobique est æquale. Nam si longissima

gissima mora manè fuit 3. aut 4. horarum. Vesperu duarum aut trium erit.

Qualitas & modus lauandi sequens est. Ma-
ne expurgato corpore ab excrementis, circa *Qualitas
& modus
lauandi.* sextam aut septimam jeiunus balneum ingreditur. Qui verò jeiuniū ferre nequeunt, ventriculi gratiā aliquid de tabulis, confectionibus, & conditis, quorum mentio facta, aut de trageā super pane tosto, vino albo imbuto, aut qui a medicinis abhorrent, iusculum assumant. Caput antè ingressum benè tegat, ne a vaporibus balnei offendatur. Si hepar & renes loturus habuerit calidiores, tum ne calore balnei inflammentur magis, partes hæc refrigerantibus præmuniat topicis: id quod etiam post balneum, cum sudor finitus & abstersus, facere potest. In balneum non subito & repentè se præcipitet, sed demittat sensim, immersis primum pedibus, mox cruribus, & hinc ventre, tandem corpore toto si sit opus: distinguendæ enim hic sunt partes affectæ, & pro diuersitate situs earum, alijs altè, alijs minus altè insidendum: quoniam calor noster mutationem illam paulatinā meliùs ac faciliùs feret. Ad calorem balnei quod attinet, curet eger, vt primā die bal-

ne um sit temperatius , secundâ calidius , tertiâ adhuc calidius. Primâ quoque die, infideat tantum vsque ad vmbilicum, secundâ vsque ad regionem stomachi, tertiâ ad pectus vsque, quartâ & sequentibus totum immergat corpus , si scilicet affectus sit vniuersalis, & totum corpus occupet. Calidius etiam balneum tolerant senes, viri, mulieres, phlegmatici & melancholici, pingues, robusti, quique frigidis conflictantur ægitudinibus. Minus calidum postulant, pueri, iuuenes, cholericis, sanguinei, debiles, calidis affecti morbis, quique gracili, raróq; sunt corporis habitu præditi. Mandet insuper, qui lauat, vt quoties lauare decreuit , aqua sit recens & noua : nam in quâ bis lauit , euanida quodammodò est, & olida, quoniam putrilaginem concepit. Det denique operam, vt folium siue labrum, quotidie scopis diligenter expurgetur, ne quid vitij aqua ex sordibus illius contrahat. In balneo quietem agat, vt & aqua sit tranquilla, ne vapore emergens, capiti molestus sit, aqua etiam melius penetrare queat, & corpus ex motu non nimium incalescat. Nec in balneo assidue confabulandum aut cantandum, ne siccitas oris, sitis, lassitudo, & turbatio capitis exci-
tetur.

tetur; ne autem grauetur, à somno in balneo abstinendum; vti quoq; à cibo & potu, ne natura à suo officio auocetur: concessum tamen infirmioribus, aliquid ex roborantibus assumere. Sitis si vehementer vrgeat, sedetur prunis, passulis minoribus, cerasis acidis arefactis aut coctis, ribesiis, berberis conditis, & alijs similibus. Dum æger labro insidet, medietas labri, vel tapetibus, vel linteaminibus sit tecta: reliqua pars, quæ versus ægrum est, laminâ lignæ, ne halitibus balnei, caput eius oppleatur. Paulò ante exitum, actualis balnei calor, affusione nouæ aquæ in tantum augeatur, quantum ad liberiores sudoris prouocationem requiritur. Balneum egressus, linteamini calefacto se inuoluat, pelliceoque aduersus externum frigus defendat: hoc enim per apertos corporis poros promptè penetrat, ipsisque visceribus atq; nervis, haud mediocriter obest & nocet. Ex balneo in lectum se componat, si quæ sudare sit necessum, & natura etiam in sudorem prona sit atq; procliuis, contactus eum proliciat, primâ quidem die parcius, sequentibus verò largius. Sudorem postea calidis abstergat linteis: si quæ dormiendi vrgeat necessitas, vires, quæ ob spi-

ritus, tùm calore balnei, tùm sudoribus dissipatos, non nihil fractæ, somno refocillet. Experrectus, caput probè & diligenter siccet, priusquam dio se committat, vt vapores possint exhalare: non siccatum enim, plurimùm offenditur, quia pori cutis condensantur & obstruuntur, quo fit, vt recrementa eius minimè euaporent. his verò retentis, & grauitas, & dolor, & defluxiones capitis excitantur. Siccatum caput, pectat, vt pori aperiantur magis, liberiorque sit fuliginum transpiratio. Inde solitas induat vestes: neque vt multi facere consueuerunt, nudis sese pedibus frigido aëri exponat: habent enim pedes, miram, cū capite, neruis, ventriculo, intestinis, aliisque membranosis & neruosis partibus, ob societate generis, sympathiam, liser, gò refrigeratis, & partes dictæ refrigerantur: hinc tormina, hinc alui profluvia, hinc catarrhi, hinc mala alia. Vestibus indutus, in aërem egrediatur apertum, si cœlum sudum serenumque fuerit: sin minùs, in conclauileuiter deambulet, vt refrigescat, & vapores ex balnei calore contracti discutiantur. Prandio concocto, balneum denuò ingrediatur, id quod vesperi circa quartam fieri potest, easdèmq; regulas ante,

in, & post balneum obseruet, quæ lotioni matutinae præscriptæ. Stillicidij siuè embrochæ, luti thermalis, fomentationis, oris collutionis, gargarisationis, lapidis alienarij, & floris thermarum vsus, cùm in melancholia hypochondriaca non practicetur, ideò Lectorem, qui de his maiorem informationem cupit, ad Tractatum de Acidulis disertissimi & doctissimi Melchioris Sebizij transmitto : fusiùs enim & doctiùs, de hac materia, ex recentioribus hætenus nullus scripsit.

Quid ante, & in potu & balneo acidularum & thermarum sit obseruandum, intelleximus : sequitur nunc, quid, post, faciendum. Curâ ergò absolutâ, non statim à loco acidularum aut thermarum discedendum, sed tribus aut quatuor diebus ibi perseuerandum, fessæque vires recolligendæ, & corpus liberiori aëri iterùm assuefaciendum, præsertim si is, vel ob vsum balnei, vel ambulandi infirmitatem aliquâdiu fuit denegatus. In itinere, minimè properandum, ne qua vis corpori inferatur. Corpus aduersus pluias, ventos, aliàsque externas iniurias probè muniendum : vires enim teneræ sunt, humores fluxiles, & corpus rarefactum, ita vt faci-

*Quid post
vsus aci-
dularum,
& thermarum
faciendum.*

lè noxam aliquam cōtrahere possit. Deniq; ubi
 eger domū fuerit reuersus, vitanda ea, quæ prio-
 ri morbo ansam atq; occasionem præbuerunt.
 Modus in sex rebus nō naturalibus seruandus,
 strictiorisq; regiminis terminus, ad minimum
 quadragesimus dies statuēdus. De symptoma-
 tibus verò, periti Medici consilium petendum.

C A P V T XXVII.

*De Curatione Melancholiæ Hypochondriacæ per Partium
 Principum & aliarum malè affectarum corroborationem,
 tam per Galenica quàm per Chymica medicamenta,
 præcipue per Aurum potabile.*

ALTERVM Pharmacix membrum restat,
 nimirum partium principum & aliarum
 primariò affectarum calidiorum refrigeratio,
 & ventriculi microcosmicæ œconomix cu-
 linæ, semper in hoc affectu laborantis, cordis
 ac cerebri confortatio seu corroboratio, quæ
 perficitur tum remedijs internis assumptis, cum
 externis admotis. Ventriculus quidem robo-
 randus ijs, quæ calorem & humiditatem eius
 fouent, concoctionem adiuuant, & flatus di-
 scutiunt, quæ ita moderanda, ne nimis calido-
 rum

*Ventriculi
 reboratio.*

rum vsu, intemperiem, quę est in vicinis visceribus, augeamus, humoresq; amplius exiccemus & aduramus. Scribit Aetius tetrab. 2. ferm. 2. cap. 10. in hoc omnibus reliquis præualere Absynthium, quod non solum stomacho & ventri vtile sit, sed & neque flatum in ventre multum fieri, neq; aluum exiccari penitus, permittat, & vrinas cieat, & coctionem probè adiuuet; testaturque, huius solius vsu quosdam à melancholia liberatos esse. Vapores ex hypochondrijs eleuati, quia cordi & capiti molesti sunt, auertendi, dissipandi, eorumque prauitas corrigenda. Auertunt, extremorum frictiones, lotiones, scarificationes, fonticuli in cruribus excitati: discutiunt, & corrigunt, flores borraginis, buglossi, betonicę, tunicis, melissa, rad: helenij, scorzonera, sem: coriandri, anisi, zedaria, ambra, quę in calore natiuo etiam, & spiritibus ac membris principalibus roborandis, facile primas tenet: margaritę, corallia, lapides pretiosi vsitati, bezoar, confectio de hyacintho, Alckermes, è quibus plurima parari possunt medicamenta. Epar quoque obseruandum, & in contraria ventriculi & epatis intemperie cautè agendum, ne dum vni succurrimus, alte-

Vapores eleuati ad superiores & principales partes auertiendi dissipandi.

Epar obseruandū.

*Lienipro-
ficiendū.*

ri noceamus. Fit autem hoc, dum vel ventriculo sua medicamenta extra, epati intus, aut contra adhibemus; vel alternatim nunc ventriculo, nunc epati prospicimus, prout huius vel illius affectus & symptomata magis vel minus urgent; vel dum medicamenta vtrique visceri conuenientia miscemus. Lienique prospiciendum cum internis tum externis medicamentis, quæ terrenum ipsius humorem leniter emolliunt, attenuant & detergunt: nam lienaris lienis noxa obtingit, dum humorem melancholicum attrahere, depurare, & expellere nequit, quod euenit, dum aut iusto amplior, aut minor existit. Vbi præternaturam intumuit, ineptus est continendis omnibus excrementis, quæ proinde regurgitant, & infecto omni humore corpus inficitur & tabescit. Quod bene animaduertit Hippocr. in Epidemijs, dum ait, quibus lien augetur, vniuersum corpus immittitur. Vnde Imperator Traianus, lienem fisco comparabat, quod veluti augmentum fisci, ruina est & inopia populi, ita incrementum lienis, totius est corporis tabes & extenuatio. Pariratione quantitas diminuta lienis, quæ vitio conformationis accidit, morbo huic occasionem

præ-

præbet: cum enim neque attrahere, neque cōtinere possit tantum humoris melancholici, quantum natura exigit, necesse est vt regurgitet, & per omne mesenterium dimanet. Illustriſ quædam familia affectui huic plurimum subiecta est, à qua tres aut quatuor, trigesimo quinto ætatis anno, immaturâ morte obijſſe ſcio, neque vlli cauſæ præproperum fatum imputari potuit, quàm exiguitati lienis, qui vſque adeò exilis, ſectò corpore, deprehenſus fuit, vt functioni à natura præſcriptæ ſatisfacere nequiverit.

Interna itaque pro confortatione & refrigeratione viſcerum medicamenta ſunt, vel ſimplicia, vel compoſita, eaque partim Galenica, partim Chymica: vt aq: acetofæ, borag: bugloſſ: becabung: carduibened: centaur: minor: cichor: endiu: fumar: nympheæ: violarū. Syr: è ſucco acetof: è ſucco cichor: de acetof: citri, de endiu: violarum. Rob ribium, berberorum. Conſeru: roſar: violar: acetof: acetofellæ. Flor: cichor: borag: bugloſſ: nympheæ. Rad: cichor: condit: ſcorzonæræ condit. Cort: citri cond: aurant: condit: calam: arom: condit: enulæ condit: ſpec: arom: roſ: diarrhod: abb.

*Interna
medicamē
ta roborā
tia & re
frigeran
tia.*

diatrion fantal; diamargarit: frig. Pulu: Birk-
mañi. Elixir Proprietatis Paracelsi. Mistura sim-
pl; Spiritus vitrioli. Sp: sulphuris. Sp: salis. Tin-
ctura Martis & alia, quæ tamen omnia, non nisi
prudenter & methodicè exhiberi debent. Nec
solum medicamenta roborantia vsurpanda in
fine curationis, sed & medicamentis preparan-
tibus & purgantibus per intervalla subiungi de-
bent, vt ita viscera ad nativam constitutionem
& temperiem reducantur. Topica seu externa
sunt. Cerotum rosatum Galeni. Vng: rosatum
Mesuæ. Cerotum infrigidans Galeni. Santali-
num. Oleum rosatum completum, violatum,
nymphæatum, &c. aliæque epithemata frigi-
da, quæ vel ad jecur, vel ad partes æstuentes &
calidiores apponenda sunt. Vti quoque Cero-
ta stomachalia & inunctiones similes. Pro lie-
ne quoque & hypochondrijs, fomentationes
ex decoctis lupuli, fumariz, cuscut; rad. cap-
par: tamarisc: fraxin: meliss: aliisque appropria-
tis; item inunctiones ex ol: scorpion: cappa-
rum, amygd: amararum, & denique malo con-
tumaciori existente, emplastra splenetica, ac
sexcenta alia.

*Medica-
mentis ro-
borantibus
etiam me-
dicamen-
ta prepa-
rantia &
purgantia
subjungen-
da.*

*Topica seu
externa
medica-
menta,*

Composita itaque intrinseca medicamenta *Composita intrinseca confortantia.* confortantia, sub sequentibus formulis exhiberi possunt. A cibo, medicamento aliquo peptico vti interdum vtile est. *Morsuli.* Vt *Rec: spec: aromat: rosat. Dr. j. succin: alb. pulueris: Dr. β. Ambr. gr. viij. Moschi. gr. iij. Ol: nuc. mosch. destill. scr: β. Conf: ros: rub: Dr. ij. sacchari in succo cydonior: dissol. ꝑnc. iv. F. morsuli.* Mistura ad vapores melancholicos discutientes. *Rec: Conseru: tunica ꝑnc. j. rosarum. Confect: Alkermes. ana. ꝑnc. β. Lapid: Bezoart. scr: j. succin: albi pulueris: scr: ij. Cum syr: de cortice citri. f. Electuarium.* In cordis debilitatione, ingruente paroxysmo hypochondriaco, detur vnum atq; alterum cochlear ex sequenti liquore potabili, qui instar emulsionis est. *Rec: Aq: flor: borrag: in B. destill. ꝑnc. iv. Aq: Cinamomi ꝑnc. β. Margarit: preparat: Dr. ij. Smaragdi preparat: Dr. j. β. vel, loco horum, magisteria. misce. f. Liquor potabilis, detur calide. Efficax est & hoc in debilitatis.* *Mixtura.* *Rec: Essent: Melissa. Zedoariae an. Dr. ij. spir: Rosar: scr: j. lulebi rosar: ꝑnc. ij. syr: tunicis ꝑnc. j. succ: recent. citri, granat: dulc: ana ꝑnc. β. f. Mixtura.* Vt & hæ Rotulæ. *Rec: Ol: nuc: mosch: destill. scr: β. Confect: Alkermes. Extr: Pæoniae ana scr: j. calam: aromat: scr: β. Margarit: preparat: scr: j. corall: rub: preparat: scr: β. Ol: Caruigutt: iij. sacch: in* *Rotulæ.* *A a a 2 aq:*

aq: pæonia & melissæ dissol: ꝑunc. vj. f. Rotula. vel se-
Alia. quentes. Rec: spec: aromat: rosat. spec: Diambra ana
 Dr. j. Margarit: preparat: scr: j. Ambra gr. iv. Ol: destill:
 macis. caryophyllorum. Ol: Citri ana gutt ij. sacchari in
Destillat. aq: cinamomi ꝑunc. β. borrag: s. q. dissol: ꝑunc: iij. fiant
 Rotula. Est & hæc aqua efficacissima. Rec: rad:

buglossæ. borraginis ana ꝑunc. j. β. pæonia. Cort: citri ana
 ꝑunc. ij. rorismar: meliss. ana mj. flor: borrag. bugloss. stæ-
 chad: Arab. ana ꝑunc. β. sem: basilic. Croci. Cinamomi.
 caryophyll: ana Dr. j. Confect: Alkermes Dr. ij. Aq: bu-
 glossæ. borrag: ana ꝑunc. iv. vini Rhenani ℥ ij. stent infu-
 sa. destillentur. Felici etiam cum successu exhibe-
Pulvis. re licet sequentem puluerem, dosi, quantum a-
 pice cultelli bis capi potest, sub lecti ingressum.

Rec: Pulu: smaragdi. Hyacinth. Margarit: Coralli præ-
 parat. scobis Eboris. Boli armeni ana part: equ: M. f. Pul-
Confectio
cordialis
Bezoartis
ca. vis. Vele ex confectiōe cordiali Bezoartica. Rec:
 Flor: 4. cordial. anthos. meliss. ocym. garyophyllat. sem:
 eiusd. ana Dr. ij. Cort: citri. garyophyll. cinamom. nuc:
 moschat. cardamomi utr: been utriusque. doronic. Ze-
 doar. sem: pæon. ana Dr. iij. ligni aloës. galang. macis. cro-
 ci orient. ana Dr. j. β. ras: ebor. margar: preparat: corall:
 rub: preparat: succin. alb. preparat: ana scr: iij. fragm. s.
 lap. pret. ana Dr. j. Oss. de corde Cerui n. ij. Ambr: grysi
 Moschi Alexand. ana scr: j. Lap: Bezoart. or. ver. scr. β.
 fol:

fol: Aurin. vj. Argenti. n. iij. M. fiat puluis subtilissimus.

Electuarium confortans. Rec: Conf: ros: rub: borrag. bugloss. violar. ana Dr. vj. flor. tunic. anthos. pæon. meliss. ana Dr. iij. Acid: Tart: Dr. ij. Confect: cord: Bezoart modo descript. ꝑ. ꝑ. ꝑ. spec. letific: Galen. & Rhasis

Electuarium liquidum.

ana Dr. j. spec: diamoschi dulc. Pliri sarcot. ana scr: ij.

Confect: Alkerm. scr. j. ꝑ. Extr: croci scr: ꝑ. Ambra gryf.

Moschi fin. ana gr. iij. fol: auri. n. iij. syr: de pomis. violar:

cerul. De cort. citri ana q. s. fiat l. a. Elect. liquid. adde

spiritus salis q. s. ad grat. aciditat. Mixtura Antime-

lancholica pretiosa. Rec: Rad: borrag: bugloss. ana

Mixtura Antimelancholica

ꝑ. ꝑ. Herb: violar. Maior. Betonic. Meliss. an. mꝑ. ꝑ.

flor. 4. cord. ana mꝑ. betonic. calend. ana mꝑ. stachad. a-

rab. ꝑ. ꝑ. tunic. anthos. ana Dr. ij. nymphæ. pæon. ana

Pij. Passul: min. conquass. ꝑ. ꝑ. capit. papau. alb.

cum semin: n. xv. sem. 4. frig. mai. excort. ana. Dr. ij. mi-

nor. pæon: excort. an. Dr. j. anisi. fenic. ana scr. iij. Nucis

moschat. Dr. iij. santal. citrin. Cort. citri sicc. Xyloaloës

ana Dr. j. ꝑ. macis scr: iij. ꝑ. omnia incisa & cōtusa minutim

decoq. in aq. stillat. rosar: fragr. nymph. meliss. borragin.

bugloss. violar. flor. cyani. & vini albi odoriferi opt. ana

s. q. ad consump. med. part. postea colentur, & fortiter ex-

primantur. Demum Rec: medull. panis tritic. recent. coct.

ꝑ. j. Conf: ros. rubr. violar. borrag. bugloss. flor: tunic. an-

thos. pæoniæ. meliss. nymphæ. betoniæ. salvia. lilior: con-

362 MICROCOSMI HYPOCHONDRIACI.

uallij ana Dr. ij. Cort: citr: condit. nuc. ind: cond. ana Dr. vj. Theriac. venet. Mithridat. opt. ana vnc. β. Confect. Bezoart. cord. superius descript. Dr. iij. spec: diamosch. d. Plirisarc. ana Dr. jβ. croci orient. ver. Dr. β. Quibus affunde in vase stanneo vel vitreo bene obturato liquoris partem: remanentia stent per noctem in loco calido, postea ex B. M. destillentur. NB. in rostro Alembici suspende in puppa Ambra cinerit. Moschi Alex. ana scr. j. Destillatio postea dulcoretur syr. violar. de pomis. è cort. citr. ana vnc. ij. luleb. rosar. vnc. jβ. adde Fol: auri fin. n. xij. Argent. fin. n. vj. Ni sapor obstiterit, feces post distillationem residua calcinentur, ex ijsque sat extrahatur, qui mixtura postea addatur. Dosis vnc. iij. Mixtura alia in Hypochondriaca conueniens. Rec: Polypod: qu: aper. Dr. vj. rad: borrag. bugloss. ana vnc. jβ. Herb: fumar. e-pithymi. cuscute. meliss. ana m jβ. maior. an. mβ. sem. 4 frig: maior. an. Dr. j. anisi. fenic. ana scr. iij. pæon. excortic. Dr. jβ. flor. 4. cord: an. m j. betonic. mβ. stæchad. Arab. vnc. β. anthos Dr. ij. Nucis moschat. Dr. iij. macis Dr. β. Xyloaloës Cubebar. Cardam. min. ana scr. ij. puluerisanda puluerisentur, reliqua verò minut. incis. & contus. affund. in vase opt. clauso Aq. stillat. feruent. rosar: fragr. nymph. meliss. ana ℥ jβ. cichor. ℥ β. dein destillentur cum vini Rhenan. opt. ℥ ij. Destillato. adde mell. passular. vnc. iij. anthosac. vnc. jβ. syr: è succ. viol. è pomis ana vnc. ij.

Mixtura
alia hypo-
chondria-
ca.

Croci Dr. β. asseru. in vase vitreo opt. obturato ad vsum.
Dosis vnc. ij. vnc. iij. vel vnc. iiij. Si magis mixtu- *Conserua*
ra seu conserua magna arrideret. talis componi *magna.*
posset. Rec: Conserua flor: Nymphaeae albae. Violarum
martialium. Rosarum ana vnc. j. flor: Tunicae Borriginis
ana Dra: vj. Acetosella. vnc. j. Corticis & carnis citri co-
nditarum ana vnc. β. radic: scorzonerae hispanicae conditae
Dr. vj. Zedoaria conditae vnc. β. Pineorum & Phisticorum
decorticatarum ana vnc. β. spec: diamargaritarum
frigidarum Dr. j. β. Aromatici rosati. scr. ij. Ambra. gr.
iv. moschi. gr. ij. Fol: Auri n. j. cum syrupo de pomis redo-
lentibus f. mixtura. Conserua haec magna, reficit
cor, sanguinis arteriosi feruorem temperat, &
palmum cordis corrigit. Non minoris effica-
ciae est sequens. Rec: Conserua ros: rub: borragin: bu- *Conditum*
gloss: Violar. Acetof. acetosella ana vnc. β. Betonica. Flor: *ad formā*
Tilliae. Lilior. conuall. anthos ana Dr. ij. rad: cicbor: con- *opiat.*
dit. scorzonerae cond: cort: citri cond. nuc. Ind. cond. an Dr.
iiij. Confect. Bezoart: cord. supra descript: Dr. vj. spec:
cord: de gemm. diamarg: frig. Plirisarc. ana Dr. j. Acid.
Tart. Tartari chalyb. ana scr. ij. Conf. Alkermes Dr. β.
M. & cum syr. de acet. citri, & c cort. citri & Aq: Car-
func. opt. ana s. q. f. l. a. Cond. ad form. opiat. adde spir:
sal: parum coopert. fol: auri. Rec: Aq: flor: borrag: in bal- *Aq: corro-*
neo destill: vnc. vj. flor. citri vnc. ij. syr. flor. borrag: tu- *borans cor*
nica. *dialis.*

*Aqua
Carbunculi.*

nica. ana ꝑ. j. spir. rosar. Dr. ij. Aq. Cinamomi. ꝑ. j. Carbunculi. Dr. ij. Magist. Perl. scr. j. Confect. Alkermes Dr. β. Miscē. dentur cochlearia duo vel tria. Aquæ Carbunculi sequens descriptio est. Rec. stor. rorismar siue anthos. Lilior. conuallij. Violarum. Borrag. ana ꝑ. vj. Herb. maioran. saluie min. Lauendul. Endiu. spic. ana ꝑ. j. Nucis moschat. z. Macis. Garryophyll. Cinamom. Cardomom. Gran. paradisi. Cubebar. Galang. visc. querc. Auellana. sem. Pæon. Rasur. Corn. Ceru. ana ꝑ. j. Incidantur & infundantur in vini Maluat. Aq. Lauend. spica. Rosarum. Fragor. ana ℥ ij. vini albi generosi ℥ ij. postea adde. Off. de corde Cerui. Lapid. Percar. ana ꝑ. j. moschi q. v. f. f. a. Destillatio in M. B. destillato adde. Auri foliat. Margaritt. preparat. an. ꝑ. β.

*Experientia
Zacuti
Lusitani
cum Ebo-
re Lapide
Bezoarti.
eod. lima-
tura auri,
& auro po-
tabili.*

Inueniuntur apud Medicos similia composita quamplurima, quæ omnia recensere hic nimis longum foret. Domauit Herculeum hunc morbum sæpius, eboris usu, Zacutus Lusitanus, uti in praxi sua admiranda lib. 2. obs. viij. commemorat. Cum hæc, inquit, immani hydra luctatus sæpissimè, oleum & operam perdidi. Remedia à peritis præscribuntur passim; si fueris expertus, inuenies nulla. Admiraberis, si dixerim, pluries eboris usu hunc morbum cu-

raturum

ratum fuisse; nam id in flaccido, resolutoque ventriculo roborando, eximendis obstructiōnibus, discutiendis tetrīs flatibus, malignā aurā retundendā, præstantissimum semper inueni: nec mirum! nam cardiacum medicamentum est, si veterum, & juniorum dictis est standum, & sic in præstantissima venit antidota. Eius subtilissimam scobem, aut ramenta tenuissima in pollinem redacta, cum saccharo permixta, in tabellas efforma, diluculò vnam, quantitate drachmæ assume, desuper vinum, aut melissæ aquam epotandam cura. Si tædiosus sit æger, grana sex, in eodem liquore dissoluta, satis sunt. Si febris adsit, aut viscerum squalor, rosacea satis est. In vna quoque ægra, Lapidis Bezoartici vires eximias, cum fructu tentauit idem Zacutus lib. 2. praxis medic: obs: 9. vbi hæc habet. Quædam foemina cum ex retento menstruo in Mirachialem incideret, cum cordis tremore, tristitiâ summâ, metu, taciturnitate, & demum inexplicabili melancholiâ coniunctam, tentatis omnibus vix conualescere potuit; tandem dira hæc symptomata Bezoartici lapidis usu succubuere. Aquam epotabat ipsius frustulis decoctam: frustula in

ore diu retinebat, & fortiter exugebat: annulum incrustatū parauit, in quo lapis erat inclusus, ita ut carnem tangeret, in proximo minimo læuæ manūs digito gestatum; sacculum ex eius puluere, cum alijs cardiacis supra cor gestandum construxi, tabellas ex eo, cum electissimo saccharo, alijs etiam pulueribus admixto, confeci; ex quibus vnam jeiuno ventriculo, alteram tribus horis post coenam deuorabat, stillatitiâ aquâ scorzonæræ superbibitâ: aliquando in iure auis, grana sex interdum sumebat. His omnibus, quum quadraginta dierum spatio vsa esset, & à mœstitiâ conualuit, & menstrua recto ordine fluxerunt. Observatione quoque decima, eiusdem libri, idem autor refert, se Baronem quendam illustrem, melancholicis imaginationibus diu vexatum, cum pluribus auxilijs cardiacis, conualescere haud potuisset, auri potabilis vsu curasse: auri enim tenuissimam scobem, quæ ex purissimâ limaturâ excidere solet, prius optimè læuigatam, rhodo saccharo permixtam, aut liquidum, & potabile aurū, velut oleum, alternis diebus maluatico permixtum, jeiuno ventriculo assumebat: auri liquidi sex guttulæ, pulueris duodecim grana, satis erant. Hoc præ-

dio

dio, cū per mensem vteretur, omninò à tantis malis immunis euasit.

Aurum autem duobus modis exhiberi potest, vel integrum, aut in folia redactum, & alias nihil immutatum, vel arte chymicâ resolutum. *Aurum duobus modis exhiberi potest.* Priorem modum quod attinet, hoc modo aurum exhibitum, planè improbant non solum Chymici plerique, sed & Galenici nonnulli, qui auri in medicina vsum nullum esse existimant, & vnico ferè id probare conantur, quòd aurum nimis compactum & durum sit, & cui etiam, extremo calore & igne fortissimo adhibito, nihil depercat, & proinde à calore nostro vinci, & in actum deduci non possit, sed integrum rursus per aluum excernatur, atque ita sumptus saltem inutiliter profundantur, ad ægrum verò nihil commodi & vtilitatis inde redundet. Verum ratio ista mihi satis firma non videtur: etenim actiones illæ occultæ, & quæ magneticæ dicuntur, in integris sese exerunt, & à formâ totius fluunt, atque eâ destructâ, vel etiam corpore corrupto & immutato, euanescent. Magnes integer ferrum trahit, quod oleum, si à Chymico in id resoluatur, non præstabit: talia multa in Medicina occurrunt: lapis Lazuli, saltem

puluerifatus purgat; antimonium, & alia mineralia & metallica, etiam chymicè non præparata, quæ à calore nostro nullo modo vinci, quorumq; compages, ab eodem solui non potest, nihilominus occulto modo in corpus nostrum agunt, idque variè afficiunt, vt ipsa experientia docet. Ideoque si aurum tales occultas qualitates habet, eas etiam, integrum & non resolutum exerere potest; tribuerunt eas, illi, tot docti viri, tot seculis, quibus non facilè refragandum; chymicè verò resolutum & præparatum, quòd multas vires habeat, extra dubiū esse puto, cum id experientia testetur. Verùm etsi plurimis morbis, iisq; periculosissimis medeatur, tamen omnes non tollit, adeoque panacea non est, neque quos tollit, solum tollit, sed & alijs medicamenti opus est.

Solutio auri sine Aurum potabile.

Soluitur autem tutius & melius sequenti modo. Rec; Calcem auri per reuerberationem in summam tenuitatem redactam; affunde menstruum ex Mercurij Philosophici microcosmici volatilis (hoc est salis vrinæ volatilis) & spiritus sulphurei vegetabilis, potabilis & optimi, (id est spiritus vini optimi,) partibus æqualibus, simul in balneo, diebus duodecim digestis, paratum,

rum, & in lento calore digere per mensem vase Hermeticè clauso, donec sanguinis instar rubicunda tinctura euadat, idque quoties opus est repete. Tinctura sæpius collecta, per octodecim dies digeratur : hinc spiritus lenissimo calore per destillationem separetur, & aurum in fundo, formâ olei rubicundissimi, in quolibet liquore resolubilis remaneat, quæ tinctura vicem auri potabilis supplere potest. Eandem solutionem, si in arena per cucurbitam humilem, vel retortam destilles, tandem auri tinctura simul per alembicum transcendit rubicunda instar sanguinis, relictâ in fundo terrâ aridâ spōgiosâ & nigrâ : à tinctura hac, menstruum per Baln: tepidum separandum, & tinctura seu oleum auri in fundo relinquitur. Calx auri, quâ in perficiendo auro potabili indiges, fit, quando aurum per lupum incanum seu multiuorū, hoc est, per antimoniū fustum & purificatum, amalgamatur cum sextuplo Mercurij, additòq; sulphuris duplo pondere, continuèque ad ignem agitur, donec sulphur & Mercurius exhalent: calcem relictam nonnulli spiritu vini madefaciunt & accendunt. Dosis huius auri potabilis à gr. v. ad. viij. ex vino maluatico, aqua cinna-

moni, caponum, vel alio cordiali specifico vehiculo. Quidam ad vnciam huius tincturæ vel auri potabilis, addunt ambra griseæ, moschi orientalis ana scr. j. Extr: croci gr. vii. Et de hac mixtura, aliquot guttæ, in morbis melancholicis, egris, cum felici successu propinantur. Præ cæteris autem omnibus, nobilissimum confortans sequens est. *Rec: auri potabilis vnc. ß. Tinctura Perlarum. Corallorum. smaragdi. ana Dr. j. Croci. scr. ß. Quintæ essentia Ambra. Moschi Orientalis an. scr. j. Extr. Ligni Aloës gr. x. Tinctura citri gutt. xx. f. Mixtura. Dosis gutt. v. vel vi. vel x.*

Nobilissimum confortans sequens.

Verum Aurum Potabile Glauberi.

Verum aurum potabile, siue tincturam auri veram, sequenti modo præparat Glauberus chymicæ artis peritissimus, & vt mihi videtur fidelissimus scriptor. Accipit auri viui part. i. & part. 3. Mercurij viui, non vulgi, sed philosophici, vbi que reperibilis sine sumptibus & laboribus, de quo inferius, (poteris etiam admiscere argentum viuum ponderis æqualis solari, & quidem rectius, quam solum aurum, ob varietatē colorum, maiorem proficiscentem à mixtione viri & foeminæ: persuasus verò sibi de melioritate tincturæ, à solo auro proficiscente, admisceat solum aurum: non sic item metallorum peritus, qui nouerit potentiam vnionis radica-

lis auri & argenti, vno eodémque menstruo solutorum) mixta colloca in vase philosophico ad soluendum, & spacio quadrantis horæ, radicaliter soluentur à Mercurio mixta illa metalla, dabúntque colorem purpureum; postea auge ignem paululum, & mutabitur ille in viridem elegantissimū, cui exempto, affunde aquam ro-
ris maialis nouies destillatæ ad soluendum, quod fieri potest spatio mediæ horæ: solutionem filtra, & in Balneo per alembicum vitreum abstrahere aquam, quam vel recentem denuò reaffunde, iterumque abstrahere, atque hoc fac tribus vicibus, & interea temporis viriditas illa mutabitur in colorem instar atramenti scriptorij nigrum, instar cadaueris foetentem, ac proin formidabilem: oportet autem aquam aliquoties abstrahere, reaffundere & digerere, & nigredo illa foetorque euanescent, quadraginta horarum spatio, producéntque albedinem lacteam elegantissimam. Quâ apparente, omnem ad ficcitatem vsq; abstrahere oportet humiditatem, quæ massa erit alba, & paucis horis lenissimo calore, apparentibus prius varijs coloribus, vertitur in egregiam viriditatem, priore longè excellentiorem: cui affundere oportet spiritum vini optimè

mè rectificatum, ad eminentiam duorum vel trium digitorum latorum transuerforum, & aurum illud viride resolutum, attrahet spiritum illum vini, ob summam amicitiam, instar spongię siccæ attrahentis aquam, ipsique communicabit animam suam, sanguinis instar rubram, quâ ratione, viuificâ suâ tincturâ priuatur viriditas illa, mutaturque in colorem rubrum, relicto corpore superfluo cinereo. Tinctum decantare oportet spiritum, filtrare, & in Balneo per alembicum vitreum abstrahere à tincturâ rubrâ, attrahēte igneam spiritus vini essentiam, ita vt arctissimè coniungantur, & inseparabiliter, propter quam, aqua saltem stillat insipida, relictâ virtute vini spiritus cum auri tincturâ, instar salis rubri ignei, fusibilis & volatilis.

Alius processus elaborandi aurum potabile.

Nec incommodus Solis tincturæ modus sequens est, qui sic se habet. Accipe calcis auri puri, & per reuerberium, vt inferius docebitur, præparati q. v. affunde huic calci menstruum suum (de cuius fabrica etiam paulò post dicitur) quo intra paucas horas, tinctura sanguinei coloris, relictis metallicis facibus elicietur, separatâ per decantationem illâ tincturâ, superfundatur materiæ relictæ menstruum aliud ad tinctu-

tingturam iterum extrahendam, idque repetatur toties, donec nihil relinquatur, præter fæces mortuas, quæ tamen non abijciendæ, quippe quæ ficcandis vlceribus vsui esse possint. Porro destilletur tuum menstruum in arena ad siccum usque, & purpurascens coloris tinctura valdè friabilis in vitro subsidebit, cui affundatur spiritus vini ritè paratus, aut quod melius est, quinta salis essentia: stent conclusa in digestionem, & extrahetur tinctura purior. Spiritum vini ad medietatem abstrahe, vt habeas aurum potabile excellens. Si verò quintam salis essentiam affundas, sine abstractione aut destillatione in usum medicum seruare poteris, quandoquidem ista salis essentia per se, etiam absque auro, medicina saluberrima existit.

Menstruum sic præparatur. Recipe vrinæ *Menstruum*
 pueri quantitatem sufficientem, destilletur illa *ex sale &*
 ad dimidij remanentiam. Quod destillatione *spiritu v-*
 hac abstractum fuerit, iterum ad dimidietatem *rina pro-*
 destilletur, isque labor tertia vice continuetur: *solutione*
auri.
 sic vnà cum subtilissimo spiritu sal pellucidum
 micansque ascendet, quod spiritus ipsius collu-
 tione, ex alembico colligatur. Deinde huic spi-
 ritui appenso, tantundem spiritus vini optimè

rectificati affundatur: simul per octiduum leniter putrescant, tandemque destillentur, ita menstruum admirabile, ad quæuis metalla, mineralia & gemmas acquisieris, eoque verissimam auri tincturam obtinueris, hocque vocatur Mercurius viuus Philosophicus, sine sumptibus & laboribus, ex spiritu & sale microcosmici laboratus. Ab alijs præparatur loco salis volatilis Microcosmi, sal naturæ Macrocosmi, Elementorumue spiritus, in terra ceu Macrocosmi Generatorio (vt inibi in foetuum terrestrium nutrimentum facebat) in corpoream substantiam transplantatum, de quo tamen inferius dicemus. Ad pleniorē autem horum cognitionem, etiam sequentia animaduertenda.

*In quibus
consistat
preparatio
auri pota-
bilis.*

Aurum, vt formam medicamentosam induat, atque adeo potabile fiat, sine menstrui beneficio nequaquam fieri potest, quod vniri tamē auro nunquam potest, sine interuentu tum solutionis tum coagulationis: hoc quoque menstruum, quàm maximè fieri potest, temperatum ac blandum esse debet. Vt autem solutionem, aurum promptissimè suscipiat, calcinatio prius requiritur; absoluitur itaque processus auri potabilis elaborandi, tribus hisce actibus;

ctibus; calcinatione; solutione magistrali; & coagulatione.

Calcinatio, quæ actus est, per quem corpus *Calcinatio auræ.*
Solis attenuatur, emollitur, in indiuisibiles atomos disrumpitur, inque puluerem impalpabilem redigitur, hoc quidem fine, vti ad suscipiendam, in sese soluentis magistralis actionem, habile fiat acidoneum: duobus modis fieri consuevit, vel per humidum, vel per siccum. *Per humidum.*
Per humidum, vulgariter fit in aqua chrysulca, quam regiam seu solarem vocant, quæ constat ex aqua forti & sale armoniaco. e.g. capio aque fortis, ex duabus partibus vitrioli, & vna parte nitri distillatæ ℥j. in quâ dissoluo salis armoniaci summè depurati vnc. ij. Hæc est aqua regia vulgaris, in qua pro instituta calcinatione dissoluo aurum laminatum, & frustillatim concisum, id quod leni calore, non sine tamen ebullitione dissoluitur: solutionem claram & flavescentem, in Bociam satis capacem, lixiuio tartari limpidissimo, ad dimidium repletam, pedetentim, & ferè guttatim instillo, quibus inuicem confusis, præuio crepero ebullitionis strepitu, & mirabili exæstuatione, Sol instar limi procumbit in fundum; hoc facto, & repercusso omni ex parte

Sole, aquâ calidâ, eluo falsedines, donec nihil amplius acrimoniæ appareat. Tum limum illud *Aurum fulminans* auri eximo, & siccescere facio calore vel leuissimo, vel potius nullo, atque ita habeo præcipitatum ceraunochryson, vti vocant, Solis, sclopetantem, fulmantem, quod eius grana duo vel tria, igni exposita, vbi flammam conceperint (conciipiunt autem promptissimè) similem bombardæ explosæ sonum faciant, operatione tamen pulueri pyrio contraria; quum non vti hic fursum, sed deorsum, impetum suum omnem conuertant. Cæterum ad calcis modo dictæ partes duas, coniungo florum sulphuris purissimorum vnam partem, hisce permixtis in crucibulo comburo sulphur, atque ita calx illa, acquireret colorem boli armeni, & vim sclopetandi omnem amitteret. Calcem Solis cum floribus sulphuris permixtam, priusquam igni exponas, humecta, & quasi impasta cum spiritibus vel salis, vel vitrioli; vel sulphuris, vel quibuscunq; alijs acidis liquoribus, & omne periculum effugies.

*Quomodo
vis fulmi-
nans auri
corrigen-
da.*

*Calcinatio
auri per
siccum.* Per siccum calcinatur aurum, quandò vel cum sulphure & mercurio (vti supra in primâ auri potabilis siue tincturæ præparatione de-

mon-

monstratum est) vel cum sale quopiam stratificatur, & in igne reuerberij, adhibito tali caloris moderamine, ne aurum fluat, subtilissimè pulueratur. v. g. Primò tibi in promptu sit aurum obryzum, aurifabri operà in tenuissimas admodum diductum lamellas, quæ in particulas latitudinis nummi argentei loachimici dissecentur. Deinde formentur de cornu cerui orbiculi, crassitie & latitudine dimidiij loachimici, quibus aptetur pyxidula cementatoria tantæ capacitatis, quæ orbiculos istos arte admittat. Huius fundus substernatur arenâ, potius uè alumine plumoso, cui orbiculus de C. C. orbiculo verò, particula lamellæ aureæ, vicissim orbiculus cum auro imponatur, & sic chymicorū verbo, fiat stratum super stratum, vsque ad plenitudinem pyxidiculæ, seu quousque aurum tibi pertingat : superiniiciatur aluminis illius tantillum, ne vacuus fiat locus. Pyxidicula sigillo Hermetico claudatur, siccataque in igne circulatorio mediocri (ad præcauendam fusionem) ponatur à gradu caloris tenui, lentè progrediēdo ad tantam intensiōem, vt pyxidula per horas quatuor excandescat; quæ refrigerata & aperta, aurū monstrabit calcinatione ad colorem quasi incarnatum redu-

ctum. Labor hic, si ter repetatur, aurum adeò friabile reddetur, vt pistillo conteri, & complanari queat. Taliter præparatum, admixto C. C. vstulato, per integrum diem, igne reuerberij nõ nimis forti, ad vsq; latericium colorem, & perfectam calcinationem perducatur. Calx hæc aurea, nullâ corrosiõis qualitate inquinata, & adeò subtiliata est, vt sine vltiori præparatione, in vsum, contra nonnullos morbos adhiberi queat. Omnium optimè perficitur auri calcinatio, Mercurio Philosophico, non illo communi, quo ad amalgamationem vtimur, sed liquo-
 re aliquo singulari ita dicto, quem nunc Azoth, nunc Magnesium, nunc Adrop, modò salamandram, CrySTALLUM philosophorum, Gamma, Aquilam albam & rubram, Aquam permanentem, Lac virginis, Sperma mundi, &c. vocat. Est ille liquor ad summum exaltatus, planè spirituosus, aëreus, diaphanus, subtilis, penetrabilis, in soluendo & coagulando vires edens planè mirabiles, quas non tantum in rebus extra microcosmum, verum etiam ipso microcosmo potenter exerit.

*Calcinatio
 auri per
 Mercuriũ
 Philosophi-
 cum.*

*Solutio au-
 ri quid? &
 modus so-
 lutionis.*

Solutio magistralis, est actus ille, quando liquor soluẽs magistralis, in calcem auri ritè prædispo-

dispositam agit, eamque sibi penitissimè, & secundum minima naturalia, concorporatam, combibit, hoc quidem fine, vt ex intima illa vtriusq; coniunctione, accedente postmodum coagulatione debitâ, corpus auri, formam acquirat medicamento sam, in quo uis liquore solubilem, & potabilem. Modus solutionis hic est; capeliquorem nostrum magistralem limpidissimum, eumq; funde super calcem: videbis exactionē menstrui in calcem, causare minimè leuem ebullitionem, atque exestuationem; pone in Balneo, & digere per triduum, solutio flauescet, quam per declinationem effunde, affunde iterum de solvente, & solue, donec superflus calci liquor, desinat ebullire, solutiones omnes collige & serua. Menstruum pro solutione calcis Solis, aut erit merè aqueum, & insipidum, cuiusmodi est aqua vulgaris, & aquæ destillatæ vegetabilium: aut erit sulphureum, cuiusmodi est spiritus vini, terebinthinæ, olea aromatum stillatitia, &c: aut erit salinum, cuiusmodi est. e. g. spiritus vitrioli, sulphuris, salis, aceti destillati, mellis, succi limpidi citrinorum, limonum, &c. Quartum dari nequit, sed hisce tribus generibus, tota soluentium familia continetur. Menstruum

*Differen-
tia Men-
struorum,
pro auri so-
lutione.*

struum aqueum, nihil de calce auri soluet, nisi fortè adhærescentis salis extranei quicquam eluat. Menstrua quoq; sulphurea, intactam relinquent calcem auri: reliquum est ergò, uti menstruum solutivum sit è genere salium, atq; adeò corrosivum: nullum enim menstruum salinum, agit in calcem metallicam, nisi corro- dendo. Neque verò tamen est, ut audito cor-rosivi nomine, statim quis cohorrescat: quem- admodum enim in arte medica, purgantia tri- pliciter distinguuntur, in fortissima, valida, & benigna, perinde in chymia quoque convenit, soluentia corrosiva, in tria eiusmodi genera di- spesci. Ad primam classem referimus, aquas for- tes, regias, spiritum nitri, aliòsque liquores, præ- ditos vi erodente igneâ, & humanæ naturæ in- festâ. Secundi generis, sunt spiritus vitrioli, sa- lis, sulphuris, saturni, aceti radicati, atq; alij, qui quidem facultatem corrodingi minimè debi- lem possident, interim tamen naturæ nostræ nō ita aduersantur. In tertio verò, & benignorum ordine, collocamus, spiritum aceti simplicem, mellis, aquam quercus, succum limpidissimū citriorum, arantiorum, limonum, &c. Nos pri- mi generis corrosiva, quin etiam secundi, à so-
lutio-

lutione nostra penitus amandamus, & solo benigno liquore corrosiuo rem conficimus, qui acrimoniâ suâ, ipsum acetum destillatum minimè excedat: acetum autem ipsum certâ quoque suâ corrosiuitate minimè destitui, experientia docet. Quandoquidem illud ipsum corrodendo, non tantum corallia, perlas, conchas, verum etiam corpora metallica, chalybem, plumbum, stannum, cuprum in liquores resolueri valeat. Non sunt igitur omnia in vniuersum corrosiua promiscuè proscribenda, aliàs ipsum vnâ acetum, aliique succi naturæ nostræ familiarissimi, exulare pariter iubendi.

Coagulatio denique, actus omnium facilimus & vltimus, per quem solutio auri magistralis reducitur, ad consistentiam solidam. Solutio abstrahitur lento igne, quemadmodum fit in magisterijs perlarum, coralliorum, & consimilibus. Ita in fundo relinquitur magisteriū auri potabile, solubile in quouis liquore, ex pallido subobscurè flauescens, preciosissimum naturæ arcanum.

*Coagulatio
auri.*

Est autem in rerum natura liquor, neque ex vegetabilium, neque animalium, neque mineralium familiâ præcisè oriundus, de quo tamen

*Quid sit
Mercuri-
visu Philo-
sophicm.*

D d d

nul-

nullum, siue vegetabile, siue animale, siue mi-
 nerale non participet. Is arte spagyricâ ad sum-
 mum exaltatus, euadit planè spirituosus, aëreus,
 diaphanus, subtilis, penetrabilis, eius in solu-
 endo & coagulando, vires expertæ habentur pla-
 nè mirabiles, quas non tantum in rebus extra
 microcosmum, verum etiam in ipso microcos-
 mo potenter exerit, magnâq; cum admiratio-
 ne & ipsius microcosmi commodo singulari.
 Receptus enim intra corpus humanum, statim
 vim suam spirituales, ex centro, ad ipsam usq;
 superficiem explicat, quascunq; tartari micro-
 cosmici, in visceribus præsertim, coagulatio-
 nes efficaciter resoluit, separat resolutas,
 & mumiam vitæ, quibuscunque tincturis
 venenatis, malignis, pestilentialibus, putredi-
 nosis infectam insigniter rectificat. Hunc li-
 quorem (cui nomen datur Mercurij Philoso-
 phici) commodissimum iudicant, qui inchoa-
 tæ calcinationis negotium perficeret, atque ab-
 solueret. Itaque calx auri supra parata in hoc li-
 quore soluitur, soluta coagulatur, idque mul-
 toties repetitur, donec tandem Sol ille terrestris,
 duodecim signis Zodiaci (i. e. bidui spatio) sui
 bis euolutis, deuenisset in calcem subtilissi-
 mam, rarissimam, spongiosam, & impalpabile,
 aptam jam solutioni,

Mercurij huius Philosophici præparatio sequens est. Soluatur sal marinus cum proprio menstruo, id est, cum aqua pluuiali, seu fontis destillata, idque fiat toties, donec ad summam purificationem ac claritatem perueniat. Huius sic mundati & clarificati salis libris sex, adijce acetum ex melle facti, ad commodiùs, spiritus sulphureos ac vitriolatos, dulces, acidòsque, qui firmissimè sali illi reconditi inhærent, extrahendos. Quod in pixide Waldenburgicâ, hoc est, quâuis retortâ terreâ firmissimâ, vel etiam vitreâ luto probè munitâ & loricatâ, præstandum est. Ideò additur acetum, vt ex eo expediùs & libentiùs spiritus salis per alembicum transeat: sal enim, si in destillatione vehiculo suo expulfore caret, difficulter spiritum prodire sinit. Quare, si quis salem in retortam coniicit & distillat, prodit aqua acida seu vitriolata. Quamprimùm verò aqua seu phlegma in sale latitans prodijt, sal armoniacus quidam sublimatur. Quod si verò a distillatione cesset, & caput mortuum aliquâ aquâ irriges, vel in locum humidum statuas, ad attrahendam aquam, & rursus salem illum in retortam coniicias & destilles, tum vt primum, spiritum acidum con-

*Mercurij
Philosophici præ-
paratio.*

sequeris, hoc toties repetere potes, donec totum tuum salem, in spiritum conuertas, qui postea in Balneo rectificandus. In hoc versatur rei cardo, vt gradatim ignis admoueat: nec non & fornax reuerberatoria Athanoris requiritur: oportet enim, vas incandescat, purpureo, non claro calore, ne videlicet sal fluat, cuius fluxus spiritus impediat, & retineat, ne copiosius & opportunè, vt decet, extillent. In eo autem ad æquato igne retortam immorari necesse est ad octo dies, quo tempore semper recipienti inuigilandum erit, quod vsque adeò & spissum & capax, firmissimòque luto obuolutum vel obductum esse oportet, ne quid vsque expiret: quod & turbidum, & spiritibus vaporosis ac albis oppletum animaduertetur, in quibus virtus, & primum ens metallorum resolutum est in aquam acidissimam. Post spiritus exhaustos, tandem ad collum & summitatem recipientis, sub finem distillationis sublimabitur aut attolletur terra, quæ foliata dicitur, instar niuis albissima, vel etiam flaua, quæ collo adherabit, quæ Mercurius aut sulphur Philosophorum nuncupatur, quam vtramque appellationem merito & jure suo obtinet. His itaque peractis,

actis, & refrigeratis omnibus vasculis, vt probè omnia conquiescant, loricis vasa erunt exuenda, coniunctaque per agitationem vtrâque essentiâ, salinâ, ac spiritualis seu liquidâ, in alembicum effundetur vitreum, ex quâ tria principia, sumè spiritualia, simplicissima ac efficacissima, seu maximè penetrantia, quæ in ea continentur, separanda erunt; seorsim singula seponantur, vt mox dicetur, quæque deinceps in vnum corpus vniantur. Quod verè homogeneous est, ac nihil heterogenei retinens, simplicissimū ac penetrantissimum, efficacissimūque futurum est. Alembicus autem & recipiens, firmissimè loricati in balneo vaporoso collocentur, suo quodque loco, ac lentissimo calore insipidum phlegma, aquæ tantum inutilis saporem referens, separetur. Quo separato, ad justam satis quantitatem, idque lentissimo igne, vt dictum, alembicus frigori exponatur, vbi pellucidissimi lapilli crystallini, gustuque dulces formabuntur. Quibus semotis ac seorsim depositis, redditoque denuò balneo dulci alembico, rursum ad lentum calorem, insipidum phlegma seiungatur, si alembicus iterum frigori exponatur, concreſcent denuò glaciales globuli,

ijdemque perdulces. Quæ quidem operatio toties repetenda est, dum nulli amplius emergant lapilli, & quicquid residui extillabit, non amplius phlegma insipidum, sed aciditatis vitriolatæ, quæ mordicationem summam linguæ inferat, instar acerrimi spiritus vitrioli gustum inducat. Tunc verò ab operatione desistendū, & fundo alembici, quærendum verum salis oleum vitriolatum, acidūque, à quo omne insipidum phlegma, & inutile extractum fuerit. CrySTALLINI verò lapilli, etsi sapore dulces deprehendantur, admirandæ tamen sunt virtutis, ut qui Soli vel auro seorsim, vel cum oleo suo, ad idoneam quantitatem permixti, sint verum terrestris Solis menstruum, ac dissoluens. Vnde magna medicina nascetur, & admirandæ virtutis. Consule Hartmann. in Croll. pag. 399. Salam de Auro potabili. Tentzel. in Exeg. pag. 491. Scheunemani Hydromantiam, &c.

Breviorem, faciliorem, commodiorem, & minus preciosum modum destillandi & præparandi Mercurium Philosophicum, siue spiritum salis, tanquā menstruum vniuersale, docet Iohannes Rudolphus Glauberus, in prima & se-

cunda

cunda parte Furni noui philosophici, quo Lectorem demando.

Est igitur Aurum, præcipuè verò potabile redditum, Balsami seu calidi natiui, cordisque summum corroborans, vnde & in omnibus morbis, in quibus vires reficiendæ sunt, cum successu exhiberi poterit. Mundificat insuper sanguinem, noxiorum scilicet humorum dissolutione ac diaphoresi. Debet autem secundum Glauberum, in tractatu suo, de vero auro potabili, auri tinctura siue sal, admodum esse volatilis, ita vt igni minimè resistere queat; sed leni calore instar ceræ liquefcere, & instar salis rubri sublimari, solubilis in vini spiritu, ita vt in vsus medicos venire possit. Aurum potabile gustatum, non sit corrosiuum vel acre, vel astringens, ad instar aliarum auri solutionum: nec inficiat manus, vngues & crines, colore nigro vel fusco, sed potius elegantiores reddat: nec inficiat cuprum, ferrum, stannum, plumbum, rubiginem vel colore nigro, sed potius elegantiore colore: nec sit corpus Solis, factâ extractione, reducibile, nec in aurum albū, quod colorem pristinum recuperare potest per antimonium & aquam regis; sed sit instar terræ

Vires auri potabilis, & quomodo verum à falsifico internosceretur sit.

cine-

cinereæ, lenique calore instar arsenici sublimabile, capellæ examen non indurans. Quibusdotibus si præditum, vera auri Tinctura dici meretur: sin minus, non item, sed potius aurum quoddam potabile sophisticum, à quo abstinendum.

*Magisterium
Tincturae
Oleum
sive Quintæ
Essentiæ
Perlarum*

Magisterium & tinctura, Oleum siue Quintæ Essentia Perlarum, fit sequenti modo. Rec: Margaritas optimè lotas, & in puluerem tritas: his phiolæ inditis, superfunde menstrui acidi, hoc est aceti acerrimi, vel spiritus vitrioli, vel succi limonum destillati, vel succi Berberorum clarificati, vel aquæ salis gemmæ, vel spiritus vini alcalisati, ad trium vel quatuor digitorum eminentiam, ac phiolam benè occlusam, cineribus calidis impone, donec Perlæ omnes solvantur, & in liquorem abeant: menstruum deinde in B. M. abstrahatur, & in fundo Magisterium Perlarum restabit. Hoc sume, ipsiq; aliud menstruum affunde, vt denuò solvantur: tunc nonnullæ impuritates ab eo separabuntur, à quibus, quod clarum est, & in menstruo delitescit, effundito, ne fæces cum illo permaneant, denuòque vt prius menstruum abstrahatur, & rursus, quod in fundo manet, solvatur, idq; tam diu repete, donec nullas amplius impuritates

Perlæ

Perlæ reijciant, & solutio pura appareat. Quando igitur menstruum vltimâ vice abstractum fuerit, affunde aquam pluuialem destillatam, & cum eâ magisteriū hoc ablue, quo facto, aqua rursus per destillationem separetur, idque tantisper, donec aqua insipida prorsus gustui se offerat. Accipe nunc huius magisterij quantum vis, ei que affunde spiritum vini optimum ad duos digitos, vase cum luto optimè clauso, ad octiduum in cineribus calidis ad digerendum illud colloca, in quo temporis spatio, nonnihil in oleū spissum resoluetur, quod ob suam subtilitatem spiritui vini innatabit. Hoc oleum, per inclinationem cautè à remanentiâ separa, & alium spiritum vini affunde, clausoq; vase, tuam materiam in calidis cineribus, vt antè, digere, toties repetendo, donec omne magisterium in oleum siue essentiam conuersum sit. Hoc oleum seu quintam essentiam, per triduum cum spiritu vini circulato, ac tandem spiritum vini siue tincturam, ab illo, per Balneum Mariæ euocato, ita tamen, ne essentia nimium arefiat, & ad vsum referuato.

Paratur deinde & tinctura ex Gemmis & lapidibus quinque preciosis : vt Rec :

*Tinctura
Smaragdi*

E e e

Sma-

Smaragdi fragment. q. v. terantur super lapide porphyrio subtilissime: postea affunde vrinam puerorum destillatam, & in loco calido tinctura extrahatur, idque toties repete, quoties opus erit. Hanc vrinam destillando separa, & remanet pulvis gryseus, ex quo cum spiritu vini tinctura viridis extrahatur. Spiritus vini aliqua pars separetur, vt consistentiam quandam acquirat, & relinquitur tinctura smaragdi, quæ à gutt iij ad v. in aq: conueniente exhibetur. Ex Rubino, & gemmis plerisque, tinctura extrahitur, si calcinentur, & postea spiritus vini tartarifatus affundatur.

*Tinctura
Rubini.*

*Tinctura
Corallorū.*

Tinctura Corallorum sequenti modo paratur: calcinantur prius corallia non puluerisata, sed integra, igne reuerberij primum lento, vt saltem viua flamma, corallia in testis (scutellis terreis) in furno reuerberum posita, superficie tenus tangat. Corallia hoc modo primo gradu albescunt, colorēque natium abscondunt. Tamdiu ergò, gradibus ignis inuicem succedentibus, corallorum corpus est fatigandum, donec ex albedine in flauedinem, & ex flauedine in rubedinem summam reducantur, corpore toto reddito spongioso & leui, id quod

quod plerumque biduo, vel triduo absoluitur. Hoc igitur signum, dum in promptu fuerit. tunc demum corallia, beneficio graduum ignis facta, sunt habilia, ad propriam tincturam in aliud menstruum deponendam. Sic itaque præparata corallia, si in spiritum vini, vel in alcohol spiritus roris maialis iniiciantur, paulò post spõte sua, in idem alcohol, tincturâ deponunt. Igitur hæc, aliquantulum menstruo vini per distillationem inde ablato, fit rubicundissima cum quadam dulcedine. Dosis à gutt. iij. ad x. in vehiculis conuenientibus. Habetur alius modus in Augustanorum, Francofurtensium & aliorum Dispensatorijs, vbi beneuolus Lector copiam inueniet.

Croci & Citri tinctura fit, spiritum vini toties affundendo, donec tinctura tota subtracta fuerit, abstrahendo postea leni Balnei calore eundem spiritum ad consistentiam debitam.

*Croci &
Citri Tinctura.*

Essentia Ambraë & Moschi sequentibus modis paratur. Ambraë & Moschi bona quantitas comparanda, dissoluatur in sp: vini ardentis, collocati in vitreo vase oblongi colli optimè clauso, lento igne: partes heterogeneæ

*Essentia
Ambraë &
Moschi.*

ad fundum lapsæ, per inclinationem separanda, & sic dissolutas partes, in aliud vas vitreum oblongi colli transferes, & in eo vase obturabis, & sic denuò collocabis in B. M. per quindécim dies, in lento calore, vt partes solutæ omnino depurentur : quam depurationem, cognosces per separationem partium heterogenearum, in fundo residentium; quas vt in prima operatione separabis, & tam diu sic ages, quam diu feces & hypostasim faciet solutum, post residentiam longam in balneo tepido. Postquam autem feces nullas emittet, sed clarum & limpidum semper permanebit solutum, tunc temporis destillandum erit lentissimo igne, vsque ad mellis consistentiam : quod erit arcanum ambarinum, reseruandum in pixidibus argenteis, vel aureis, ad vsus, & aqua, in phialis optimè clausis, quæ etiam suos peculiare habet vsus & virtutes. Dosis, granum, aut gutta vna atque altera in aqua Cinamomi, aut alijs vehiculis. Alij ita præparant. Rec : Ambræ gryscæ. p. j. ol: amygdli: dulc: p. ij. Impasta & digere per aliquod dies, postea exprime, expressioni affunde spirit: vini rectificatum, digere, & destilla per arenam: sic eleuabitur cum spiritu vini Essentia Ambræ,

reli-

relicto oleo amygdalarum in fundo. Abstrahere spiritum vini ad consistentiam olei. Dosis guttæ paucæ.

Extractum ligni Aloës, paratur puluerifando, incidendo, aut radendo, cui affundatur spir : vini, vt superemineant digiti duo vel tres, reponendo postea in teporem B. M. extrahendoque. f. a. Tandem depletiones omnes confundendo, & abstrahendo leni igne B. M. ad consistentiam debitam.

Tota series Auri potabilis, præparatio, & occulta vis eius analogica cum microcosmi corde, proponitur emblematicè in præsentibus his duobus Emblematis, ex quibus Chymicorum arcana, circa hanc compositionem, facile intelligentur.






SIGNIFICATIO.

Quarti & Quinti Emblematis.

Homo ternis vitæ generibus destinatus.



HOMINEM ternis vitæ generibus viuendis destinatum esse, in confesso est omnium. Vegetabili primo, in utero materno, ubi plantæ instar crescit & augmentatur, secundo, sensibili, ubi maxima ex parte sensibus ducitur ceu reliqua animalia, à quibus tamen differt, quod intellectu incipiat uti, licet imperfectè; tertio, intelligibili, in altera vitæ apud Deum & Angelos. In presenti vitâ, quò quis magis ad diuinam naturam accedit, eò magis rebus intellectu indagandis, subtilibus, miris & raris, gaudet, & delectatur: e contra, quò quis ad pecuinum genus magis declinat, eò minùs his capitur, & sensui corporaliori astrictus est. Vtrorumque videmus exempla; quosdam illis, utpote doctiores, artibus & scientijs politos, esse deditos, quàm plurimos hisce, nempe voluptatibus corporis, libidini, gula, pompæ externæ, & his similibus. Magis itaque illos ad sapientiæ penetralia accedere, dum subtilia, augusta, sacra, rara & abstrusa rimantur, quàm hos, qui à communi pecorum vitâ tanquam asini ad lyram ab om-



ni bona doctrina & intentione alienissimi sunt, nemo est qui dubitet.

Sapiens itaq; qui Arbori vitæ assistens, in presenti Emblemate proponitur coronatus, dominabitur astris: Sapiens & piëtia enim, id est diuina particula auræ, in humanis (diuina, ad animæ salutē spectantia, semper excipiendo) non consistit in sophisticis argutiis, non in oratorijs & phaleratis sermonibus, nō in poëticijs versuū sonoris, nō in criticis grammaticorum subtilitatibus, non per fas & nefas, per dolos & periuria, per deceptiones & mendacia, per immisericordiā & pauperū sudorem, nummos & opes coaceruandi astutiā; sed in cognitione sui, & aliarum rerum creatarum. Discite itaque, inquit Baruch Propheta. 3. 14. Veram sapientiam, & experieris quis sit ille, qui vitam longam, opes, gaudium & pacem largiatur. Ipsa potentior est rebus omnibus, & sapientem magis confortat, quàm decem potentes, qui in ciuitate sunt. Est autem donum Dei altissimi, qui prout vult, & etiam cui vult ex suis seruis & fidelibus, illud committit & monstrat: decet igitur, Omnipotenti Deo, esse in omnibus humiles & omninò subiectos. Est quoque hæc sapientia Arbor vitæ, omnibus qui apprehendunt eam, & beati sunt, qui seruant eam. Lignum verò vitæ dicitur, non quod salutem eternam in se habeat, sed ad eam quasi viam monstret, & fructus huic vitæ vtilis portet, quales sunt sanitas, bona fortuna & animi, quibus

vita

vita carere nequit; absque his enim, homo vel uiuens mortuus est, brutoque non absimilis, etiamsi externa eum, qui esse deberet, & non est, potiore sui parte representent.

Homo tres
habet par-
tes,

Homo siquidem tres habet partes: corpus mortale: sy-
dereum spiritum, & animam æternam, quæ est domici-
lium imaginis Dei, vel Spiritus sancti. Si igitur propria
voluntate uiuit, secundum carnem, sensualiter est bru-
tum; si uiuit rationaliter, tunc est homo, & dominatur
animantibus in suo corpore; si uero imaginis Dei proprie-
tate obseruatâ uiuit secundum Dealem spiritum ex ar-
bore uita, seu secundum talentum & thesaurum in fictili
sibi concreditum & depositum, dominatur astris & omni-
bus rebus. Hinc uerissimum Hermetis pronunciatum in
Tabula Smaragdina esse, Deali spiritu illuminatus compe-
riet. Superiora esse sicut inferiora, & inferiora si-
cut superiora: nihil enim in ueritate Deus creauit su-
perius, quin eidem simulachrum aliquod creauerit infe-
rius: nihil creauit in spiritu inuisibiliter, quin in corpore
aliquo id ipsū adumbrauerit uisibiliter, ut per corpus um-
bra patentis, perueniamus in cognitionē spiritus latētis, &
per effigiem apparentis inferius, ad notitiā reipsā existentis
superius. Et Scaliger alternatam cohesionem mundi ad-
struit, cum inquit: formæ inferiores à superioribus foun-
tur, & superiores inferiorum benignitate non destituun-
tur: pendent hæc nostratia à superioribus, non propter

Superius
est sicut in-
ferius.

Uniuocam effectuum communionem, sed propter equiuocam connexionem. Sunt enim superiora quasi formæ conseruatrices inferiorum, quia hæc causa ipsa causarum tue-
turea, quæ fecit, per ea, quæ fecit. Hoc sensu non adeò repudianda uidetur Veterum sapientum Theoria, qui formas rerum & Virtutes principio ab Idæis in mente diuina eminentibus prodeuntes, deinde intelligentijs administris stellis communicari, & ab his maximè à Sole Cæli corde, & lumine masculino, hinc à Luna veluti matre susceptas & collectas per spiritus atherei Vehiculum in Elementa, & ab his in uniuersum mundi corpus, Ventremque & centrum terræ per ventum prolificum, & aquarum lapsus seu genitale semen immitti, & minerali naturæ primum agglutinari; hinc in Vegetabilem & animalemi transire; rursus autem mediatoribus illis sublatis, à corporibus resolutas & emeritas, per gradus ad pristinos fontes regredi atque reuerti, confirmant.

Propius itaque ut ad rei cognitionem accedamus: Tres Orbes Caballistæ Hebræorum, Mundum à pulchritudine & seu Mundi munditie nomen sortitum, siue uniuersam machinam creationis, in tres Orbes seu Mundos diuiserunt: Archetypum: Intellectualem: & Elementarem, Quibus alij Microcosmum pro quarto addiderunt. In Archetypico est ipse Deus Triunus & Vnitrinus, ubi ab uno omnia, in uno omnia, & per unum omnia, tanquam à supremo uniuersitatis Creatore & Rectore creata reguntur, à

solo videlicet Deo, dierum antiquissimo, errare nescio, ac Luminum Patre. Hic arcanorum conditor; hinc inde proprietates creaturarum, hic rerum omnium perfectus artifex, hic creator sublimis, gloriosus ille lehova Deus. Pater, Filius, & Spiritus sanctus, Messias, Deus & Homo, Lumen Gratiae. Bonum infinitum. Sancta Trinitatis Lux inaccessa. Per gradus disposuit & ordinavit Res, semper nobiliores in summo gradu collocando: primoque descendit potentia & voluntas diuina, & antequam inferioribus se communicet, ad Intelligentias aut Angelos, ab illis postea ad Sphaeras Firmamenti, Planetarum aut Stellarum: ultimo accedit in mundum Elementarem, vel in regionem quatuor Elementorum, ubi postrema executio mandatorum & voluntatis diuina, impletur ac perficitur. Sunt autem in Archetypo Idea, & diuinae dignitates Dei. Vnde B. Thomas, ex sententia S. Augustini manifestè declarat, omnium rerum ideas esse in diuina mente, & eas esse diuinam essentiam, per quas Deus omnia videt ac cognoscit. Sunt Idea principales quadam formae, vel rationes rerum stabiles, atque incommutabiles; quae ipsae formatae non sunt, ac per hoc aeternae, ac per se eodem modo in se habentes, quae diuinâ intelligentiâ continentur, & cum ipsae nec oriantur, nec intereant, secundum eas tamen formari dicitur, quod oriri & interire poterit; & haec Idea non repugnant simplicitati

tati diuina, vt testimonio intelligimus S. Augustini in lib.
trium & 80. questionum. Naturam diuinam per Trigo-
num characterem (vti in quarto Emblemate ex Arche-
typo videtur) antiqui expresserunt inuersum, cuius cen-
trum Deus, superiores duo anguli, Pater & Filius, inferior
mucro, Spiritus sanctus, suos sub se habens vertices, à qui-
bus egrediuntur spermata omnium creaturarum. Per Tri-
gonum verò characterem erectum, naturam humanam
siue hominem significarunt, qui passione & morte in cælum
sublatus est: centrum huius est homo, superior mucro ani-
ma, basis corpus & spiritus. Quicunque iam opus sopho-
rum assequi cupit, ambos characteres trigonos coniun-
gat: sextangularis inde fiet character. Voluerunt Phi-
losophi per primum signum aquam præfigurare, & indica-
re, Aquam esse primam materiam omnium rerum, & cum
ea etiam Mercurium Philosophorum. Secundo caracte-
re verò ignem, & per illum sulphur Philosophorum. Duo-
bus hisce characteribus in vnum compositis & copulatis,
tunc merito vocitatur duplex Mercurius. De quo ta-
men inferius plura.

In Mundo Intellectuali siue Angelico, quæ secunda re-
gio, habitatio seu locus Angelorum est, à doctis Rabinis *Mundus*
Mundus intelligentiæ vocatus: quem quartum etiam in-
dicat Emblemata. S. Gregor: in Homil. ait; Angelorū voca-
bulum nomen est officij, non naturæ: nam sancti illi cæle-
stis, siue An-
gelorum.

*stis patriæ Spiritus, semper sunt Spiritus, sed semper vocari Angeli nequaquam possunt. Tunc solum sunt Angeli, quum per eos aliqua nuntiantur. Hi ergo, qui minima nuntiant, Angeli; qui verò summa nuntiant, Archangeli vocantur: græcâ enim linguâ Angeli nuntij, Archangeli verò summi nuntij vocantur. Origenes in numer. Hom. 66. Adest unicuique nostrum, etiam minimo, qui sunt in Ecclesia Dei, Angelus bonus, Angelus Domini, qui regat, qui moneat, qui gubernet, qui pro actionibus nostris corrigendis & miserationibus exposcendis, quotidie videat faciem Patris, qui in cælis est. Angelorum bonorum ordo dicitur Hierarchia cælestis: est namque triplex Hierarchia, nempe supercælestis, Deitatis solius: cælestis, Angelorum: Terrestris, militantis Ecclesiæ. Secundum Christianos ex D: Dion. Areop. Hierarchia cælestis, tres classes, & novem ordines habebit huiusmodi. Classis prima, in primo ordine & supremo, viciniore Deo Angeli, dicuntur Seraphim: i. e. incendentes & ardentes in illustratione diuine contemplationis. Esa. cap. 6. Hi apparent specie ignis & luminis, ac pinguntur cum radijs. In secundo ordine Cherubim: i. e. Multitudo scientiæ hi vocantur, apparentes formâ aliquâ, siue humanâ, siue aliâ: significat enim vocabulum, imaginem fabricatam, quasi alatam habentem formam, vel hominis, vel bovis, leonis, aquile. In tertio ordine sunt Throni, apud quos relucet
judicij*

judicij divini & voluntatis Dei rectitudo. Classis secun-
da. In quarto ordine sunt Dominationes: ex ijs legi-
tima formula dominandi, & imperiorum. In quinto or-
dine sunt Principatus: ex quibus ducendi & regendi
notio. In sexto ordine sunt Potestates: ex quibus modi
coactionis iusti & legitimi. Tertia Classis. In septimo or-
dine sunt Virtutes: hinc nomina principatus, domina-
tionis, & virtutum inde sumuntur; quia sunt exercitus
Dei, potentes virtute ad exequenda mandata Dei. In
octavo ordine sunt Archangeli. In nono. Angeli. Hinc
ordines primæ & secundæ classis, in contemplatione & di-
spositione eorum, quæ exequi alios oportet, consistere vide-
tur. Tertia autem classis, in actione & executione. De
malis Angelis & Spiritibus hic taceo: quantum enim in
humano corpore, Deo permittente, & præcipue in melan-
cholicis, quibus se libenter tanquam subiectis aptissimis as-
sociant, possint, ex plurimorum Theologorum & Medico-
rum doctrina, cuilibet intelligere licebit. Nam cum tres
à Deo constitutæ sint Hierarchiæ: videlicet Ecclesia: Po-
litia: Oeconomia. Quis nescit, quantæ in Ecclesia hære-
ses; in Politia nequitia, iniustitia, invidia & ambitiones,
in aulis præcipue; in Oeconomia denique, calamitates &
miseriæ, à malis his spiritibus & genijs excitentur & dis-
seminentur. Beati igitur homines illi, terque beati, quos
boni & tutelares Angeli dignos judicaverint præsentia,

visitatione, & tutela suâ, quibus protegere se, & propulsare inimicum possint.

Mundus
cœlestis &
elementaris,
Elementa-
ris,

Quartus
Mundus
Microcos-
mus,

In Mundo Elementari seu infimo & sensibili, est regis cœlestis & elementaris & cœlestis, inclusa & cineta cœlo exteriori seu firmamento. Continet in se Quatuor Elementa, Ignem, Aërem, Aquam, & Terram, corruptionibus & generationibus obnoxia. In cœlesti regione, Planeta septem existunt, & reliquæ stellæ seu corpora cœlestia, suam gubernationem habent, & officia exequentur. Microcosmus siue quartus Mundus, cum triplici Mundo, 1. Archetypo seu Deali, 2. Intelligibili seu Angelico. 3. Sensibili Elementali seu corporali communicat symbolum cū omnibus, item operationem & conuersionem habet. Communicat enim cum Deo Archetypo animo seu mente, quia ad imaginem eius, propter spiraculum vitæ factus est, nec reperitur aliquid in homine, non ulla dispositio, in qua non fulgeat aliquid Diuinitatis, nec quæquam est in Deo, quod ipsum non representetur in homine. Cum Angelis Symbolum habet, ratione corporis inuisibilis & anima rationalis, cuius beneficio operatur & conuersatur cum ipsis, & eandem cum eis habet sapientiam: sicut etiam cum firmamento & stellis, à quibus illud corpus astrale seu spiritum sydereum accepit, qui verus homo est astralis. Hinc spiritus & astra in homine vnum sunt; at corpus, est horum subiectum. Cura Elementis correspondet etiam, unde corpus physi-

cum,

cum, terreſtre ac mortale: item cum elementatis animantibus, vege-abilibus & mineralibus omnibus: horum enim omnium naturam ac proprietates in ſe poſidet. Nam cum Adam primus homo, ex terra gleba à ſummo Creatore formatus eſſet, nondum ſeſe exerebat vita alicuius perceptibilis motus, donec ipſi Deus ſpiritum inſpiraret: tum terra gleba viuificâ vitâ donabatur; in terra erat ſal, id eſt corpus: aër inſpiratus erat Mercurius, ſpiritus; per hanc inſpirationem dabat ipſi aër genuinum & temperatum calorem, qui erat ſulphur, i. e. Ignis. Tum mouebat ſeſe, & manifeſtabat Adam tali motu, quod ipſi anima viuifica infuſa eſſet. Nam ignis ſine aëre eſſe nequit, & viciffim nullus aër abſque igne: Aqua terra erat incorporata, cum neceſſariò ſimul, ſi modò vita ſequi debeat, in aquali mixtionis concordantia, exiſtant. Ita Adam primò ex Terra, Aqua, Aëre, Igne, ex Anima, Spiritu & Corpore, ac denique ex Mercurio, ſulphure & ſale eductus, compoſitus & generatus eſt. Caeleſtis autem hac creatura generata, cuius vita per aſtra conſeruatur, & per quatuor elementa nutritur, interire debet, atque poſt putrefieri, quod ſi fiat, aſtra per elementorum media, quibus id incumbit, corpora putrefacta rursùm vitâ donabunt, ut iterum caeſte quid, quod in ſuprema firmamenti regione habitationem ſuam habebit, inde fiat: ſi id perfectum ſit, videbis, quòd terreſtre à caeſti cum corpore & vita aſſumptum,

sumptum, & terrestre corpus in caelestem substantiam reductum sit.

Medico
cognitio
Luminis
Naturae ne
cessaria.

Sine cognitione autem Luminis Naturae, seu maioris Mundi, nullus Medicus potest habere exactam vegetabilium, mineralium, animalium, metallorum, morborum, & Microcosmi cognitionem. In Sole igitur, lucis ac caloris fons est, regitque ignem. Luna aquam concitat: hinc est, quod pro Luna situ, etate, coniunctione, aut plenilunio, mare fluit ac refluit. Aerem Saturnus, Iupiter, Mars, Venus & Mercurius movent: Saturnus vero frigidum, Mars aestuosum, Iupiter caloris, sicut Venus frigoris temperamentum efficiunt, & Mercurius a sua natura non declinans, Ventos etiam facit, & facilem preparat ad omnem mixtionem omnemque varietatem. Terra à caelo stellato, hoc est octava sphaera mouetur, brutum & immobile Elementum, tota caelesti machina indigens, ut moveatur.

Planetarum
& metallo-
rum nume-
rum.

Quare Planetarum sunt numero septem: ad quorum imitationem & Metalla hunc numerum non tam propter similitudinem, quam propter actionem, utque dicam colorem, implent. Sic Aurum habitudinis temperatae, dependet à Sole. Argentum Luna tribuitur. Ioui assignamus Stannum. Aes siue Cuprum Veneri, Saturno Plumbum. Ferrum siue Chalybs Martem sequitur. Argentum vivum Mercurium. Quando autem septem Planetae cum
septem

septem Metallis actionibus & coloribus uniuntur; sic etiam septem principalia membra Microcosmi, pro ratione Planetarum, Angelis tanquam eorum Dominatoribus adnumerantur, Luna, quam reget Gabriel, respiciet Cerebrum, Mercurius, qui regitur à Raphael, Pulmonem. Venus, cuius rector erit Anael, Renes. Sol, quem reget Michael, Cor. Mars, cuius regens Samuel, Fel. Iupiter, cuius dominator Zachariel, Hepar. Saturnus, cuius motor erit Oriphiel, Splenem. Correspondent quoque Planetæ cum morbis cuiusque membri modo enarrati. Omnes reliquæ partes minus principales, cum duodecim signis Zodiaci societatem habent. Humores corporis humani, præter id, quod numerum & qualitatem Elementorum imitentur, sic quoque cum duodecim Anni mensibus correspondent: & etiam duodecim Mineræ cum Quatuor Elementis, e.g. Bilis siue Cholera propter caliditatem & siccitatem, Ignem habet, subiacet Marti & Soli præcipuè, quibus se accommodant, Auripigmentum, Antimonium, Talcum. Atra Bilis siue Melancholia propter frigiditatem & siccitatem Terram, quæ Saturno obedit: cui Tartarus, Sal commune & Sulphur attribuitur. Pituita siue phlegma, Aquam, propter humiditatem & frigiditatem, propter quæ, Lunæ & Veneris dominium sequitur: cui additur Mercurius, Vitriolum, Sal nitrum. Sanguis denique ob caliditatem & humiditatem, Aerem, unde Ioui persimilis est, & huic Cin-

Planeta-
rum, An-
gelorum,
& mem-
brorum,
hominis
principa-
liorum cõ-
uenientia.
Humorum
cum Ele-
mentis &
Mensibus
correspon-
dentia, qui-
bus etiam
Mineræ
attribun-
tur.

nabaris, Alumen, Aes viride. Sic etiam septem dies
septimane, nomen à septem Planetis acceperunt.

Ætatum
cum Pla-
netis com-
paratio.

Ætates quidam tres statuerunt. Iuvenilem, mediam,
& senilem. Rectius tamen Ptolomæus lib. 4. Iudiciorum,
accomodat Ætates ad Planetas, ubi scribit: Luna gu-
bernat Infantiam quatuor annis, propter humiditatem.
Sequentibus decem annis, Mercurius, ingenij magister, &
morum informator. Octo sequentes annos sibi vendicat
Venus, ingenerans blandimenta cupiditatum ac libidi-
num. Post Venerem, viginti annis dominatur Sol, sa-
pientiæ gravitatisque author. Post Solem Mars, annis
quatuordecim, curam laborum ac contentionum inserit.
Martem excipit Iupiter, consiliorum & prudentiæ parens,
atque moderator, annis duodecim: & sic complentur anni
sexaginta octo. Quod reliquum est ætatis, Saturnus con-
ficit, inertiam, morositate ac mæstitiam. Vno intuitu hæc
omnia quilibet in Quarto perspiciet Emblemate, quasi in
compendium redacta.

Solis &
Lunæ ne-
cessitas.

Premissis itaque generalibus, ad particularia magis ac-
cedamus. Sol ergo, boni filius, magna Planeta potentiæ,
dux lucis, & caloris vitalis fons; Lunæque ipsius æmula,
humorum domina, cum reliquis luminibus minoribus er-
raticis & fixis, masculinam vel femininam, æstivam vel hye-
mali influentiam præditis, suo per Zodiacum cursu, suo or-
tu & occasu, congressu & discessu, necessaria sunt digestio-

num instrumenta: quæ inferiora hæc agitant, mouent, & latentes formas exuscitant, benigno roris, mannae, Theriabin & pluuiarum neëtare, blandissimoque Zephyrorum genitalium, & teporis Verni afflatu, ac gratâ temporum vicissitudine fœcundant, & ab extra opitulando, & obstetricando formas ad actus secundos perducunt. Hinc miranda & imperscrutabilis rerum sympathia & antipathia, consensus & dissidium, discors concordia oboritur.

In Sole tanquam corde cæli, ut in potenti scaturigine Solis &
Luna vi-
res, & fonte, reperiuntur cælestes occultæ operationes corporum cælestium. Hinc cælestis regina & uxor Solis, Luna, omnium cælestium influxuum virtutumq; ultimum est receptaculum, Solis cæterorumque Planetarum ac Stellarum radios & influxus, quasi fœtum suscipiens, inferiori mundo sibi vicino, quasi parturiens edit: aëstimatúrque, à Deo sapientissimo, spheram Luna, in infimo loco corporum cælestium, & supremo elementarium motuum creatam & collocatam esse, ut ab illa de super possint accipi vires & influentia cælestes astrorum, & ipsa Luna, easdem à se refundere in omnia elementaria, vel in ipsa elementa usque in terræ globum distribuere, & cuiusque rei peculiare ac proprium innatum astrum cum superioribus conspirans hoc pacto excitare. Sic absque Luna intermedia vim superiorum attrahere omnino nequimus: nihilque sine Luna beneficio unquam perfeceris, quia Luna vir-

tute Solis domina generationis, augmenti, & detrimenti:
 Luna quasi luce lucens alienâ, quia ipsa non lucet de se, sed
 omnem splendorem suum à Sole mutuatur; sic Luna licet
 ab omnibus stellis vires suscipiat, potissimum tamen in So-
 le, quoties illi coniungitur, viuifica virtute repletur, ac
 pro illius intuitu complexionem mutuatur. Sol, ubi in
 Arietis domicilium ingressus, quod fit in Martio (vnius
 enim anni spatio, duodecim signa Zodiaci percurrit, diebus
 ferè triginta signum vnum; Luna spatio menstruo signa
 pertransit, inque sexaginta horis æquinoctialibus peragit)
 maximos & manifestissimos effectus monstrat in terris:
 variat enim pro qualitate signorum humanos actus, quia
 & signa diuersos effectus obtinent habitudine: nam Aries,
 Leo, sagittarius, ignea; Taurus, virgo, Capricornus, terrea;
 Gemini, Libra, Aquarius, ærea: Cancer, Scorpius, Pisces,
 aquatica signa sunt.

Solis cum
 Auro ana-
 logia.

In Mundi itaque oculo, siue Sole, omnes naturæ vires
 quasi in receptaculo & fonte perenni reconditæ sunt: hu-
 manæ sanè sapientiæ fermentum, superque omnia lucet:
 & sicut in Microcosmo Cor est scaturigo vitalis spiritus &
 sanguinis, omnibus reliquis membris motum ac vigorem
 impertiens: ita Sol cor cæli vicissim, tãquam omnium vir-
 tutum elementarium Dominus per vniuersam naturam
 suos spargit & infundit radios: & vt Sol inter cælestia, sic
 Aurum inter metalla tenet primas, estque receptaculum

&

Et subiectum omnium virium elementarium, cælestium
 ac supercælestium: delabuntur autem à supercælesti &
 cælesti influentiæ deorsum, in mundum hunc elementa-
 rem, concentrandoque confluunt in hoc unicum metal-
 lum, sicque colligatæ in eo asseruatæ concluduntur. Et ve-
 luti Sol communicat & præluet omnibus stellis ac Plane-
 tis, & ab ipso tanquam Rege, lumen omne recipiunt, ope-
 ram vicariam, assurgendo, vel motus variatione sese ac-
 comodando præstant, dum in Apogæo tardi, in Perigæo ce-
 leres, nunc retrogradi, nunc apparent directi. Sic ab Auro
 cetera res, valorem & sui pretium consequuntur, quæ vi-
 cissim illi cedunt in honore, durabilitate, & virtute. In
 honore; quia in Regum coronis & sceptris gestatur; in po-
 culis & patinis vsurpatur; in catenis & vestibus visitur.
 In duratione; quoniam cetera res in chaos Elementorum
 citò redeunt; aurum verò nunquam, nisi tardissimè. In
 virtute; quia & Medici ipsi summas virtutes adscribunt.
 In Auro spiritus est secretissimus ac cælestis, omnibus crea-
 turis totius mundi, vitam, substantiam, essentiam lar-
 giens. Idem ille spiritus liberrimè diffusus, motu ac virtu-
 te suâ in terra maxime, vt in centro eius, artissimè con-
 tractus condensatur, & quasi in substantiam illorum in-
 corporatur, quæ in terræ centro proueniunt: Inde metallis
 totus clauditur & figitur. Hic spiritus vnus idemque cõ-
 uenit cum omnibus animantibus, vegetabilibus, & mine-
 ralibus,

ralibus. Sic membra omnia principaliora in Microcosmo reguntur à spiritu, spiritus ab astris, astra à Sole, Sol verò à supremo vniuersitatis Rectore. Inter cœlestia sic Sol ob-
tinet primas: inter Vegetabilia Vinum: inter animalia Cor: inter mineralia Aurum. Sapientes antiqui, Solem uno caractere hieroglyphico, videlicet integro circulo, & visibili centro describere & præfigurare voluerunt: si-
quidem Solis character tum cælum tum terram refert; nam circulus, cœlestes motiones & influentias, centrum, terrenam & fixam naturam promittit.

Solis cha-
racter hye-
roglyphi-
cus.

Aurum
Cordis cor-
roborans.

Cum itaque Cor, focus sit caloris nostri, centrum micro-
cosmicum, Rex & Princeps reliquorum membrorum, quo saluo, cætera salua, læso læsa sint, primum viuens, & ul-
timum in animali moriens, fons caloris ac spirituum: tu-
tor, rector, & inspector aliorum; at primogenitura jus ha-
beat, spectet ad conseruationem totius familiæ, mareque æstuosum affectuum turbinibus sit. Quare pacandum veniet auro in medicamentum concinnato: aurum enim ex summe corroborantibus primum est: æquatio qualita-
tum, quasi corticem externum superinduxerit auro, seu potius clypeum Achillis, sub quo, tanquam testudo sub testa durissima, sua inferiora viscera abscondit, & ab iniurijs prætereuntium seu inique tractantium tuetur. Ut au-
tem in usum corroborantis, metallum hoc peruenire pos-
sit.

fit, tunc scias primum per artem, metallicam & minera-
lem formam separare, soluere, & recludere: nimirum cor-
pus per solutionem, & vice versa à corporali forma redu-
cere Mercurium, sulphur, & salem, quæ ita separen-
tur, ut quodlibet teneatur separatim. Hoc autem aliter
non fit, quàm ut mineralis spiritus & sulphurea anima,
cū albo sale vicissim, per artem spagyricam in liquorē subti-
lē ac substantiā redigatur, quod nullo alio fit medio, quàm
cū aqua philosophica, in qua omnia Elementa, inprimis
omnes cælestes, elementares, & terrestres qualitates la-
tent incluse: mercurialis enim spiritus frigidus est, lenis &
humidus, anima sulphurea calida & sicca, & talis liquor,
nihil aliud est, quam prima materia & primum semen
metallorum & mineralium; qui liquor, si more philosophi-
cōcum suo fermento componatur, & per Vulcanum ad o-
ptimam perfectionem in fixam medicinam redigatur, ma-
gnū secretum confectum est, quo totus Microcosmus re-
fici, & ipsi noua quasi vita introduci potest.

Requiruntur autem ad solutionem hanc, metallicæ Genealogia Tinctura auri.
substantiæ; non aliæ: cum enim illud, quod ad ultimum
per artis adminiculum fieri intenditur, sit metallum per-
fectum, quomodo hoc genealogiam suam incipiet ab ani-
mali, vel vegetabili. Pater itaque Auri tinctura est, &
mater argentum viuum, auus est mercurius fixus, auia
indem mercurialis ac volatilis: tota itaque prosapia hu-
iusmodi.

iussmodi à Mercurio incipit, in eumque definit: nam & aurum totum Mercurius est, inque eum resolvitur à quibusdam & tinctura ipsa perfecta. Unde rectè dictum.

Est in Mercurio quicquid querunt sapientes.

Distinctio Mercurij, sulphuris, & salis. Distinguitur autem Mercurius, in corporeum, vulgarem, & philosophicum. Vti sulphur, in ethereum, combustibile, & fixum. Sal, in sale elementorum, terrenum, & centrale. Omnis Mercurius ex fumis est compositus, hoc est, ex aqua subleuante terram secum in aëriam raritatem, & ex terra, cogente aërem redire in aqueam terram, seu terream aquam: cum enim Elementa in eo sint per omnia, & mixta, & inuicem in quandam viscosam naturam conculcata & redacta, non facile ab inuicem recedunt, sed vel volatilia sequuntur superius, vel apud fixa inferius manent, quorum primum in vulgari Mercurio, alterum in Philosophico & metallis fixis apparet: in his, Elementa fixa prædominantur volatilibus, in illo, volatilia fixis.

Mercurij signa explicantur. Nec verò absque causa est, cur Mercurius Deorum reliquorum nuncius, interpret & quasi minister intermedius currens dicatur & habeatur, alis ad caput & pedes adaptatis: Ventosus enim est, & volat per aëra, ut ipse ventus, ut in communi, multorum cum damno re ipsa conuincitur: at quia caduceum gestat binis serpentibus transversim cinctum, qui animas ex corporibus ducit & reducit, & multa eiusmodi contraria efficit,

Philo-

Philosophici Mercurij symbolum optime exprimit. Est radix metallorum, ex qua omnia quolibet tempore metal-
la nascuntur, quæ omnibus in locis inuenitur; non vero est
vividus Mercurius, seu vulgaris, qui venenosus est: hic sa-
lubris, quo nemo hominum carere potest. Salis igitur cæ-
lestes effectus balsamicos, terræ liquor, qualem ex salibus
erui diximus, quodammodo imitari potest: siquidem nihil *Ars Na-*
natura progeniit, quod idem ars imitatione non effingat, *turam im-*
mitante
& quæ potest Sol cælestis naturali proprietate præstare, ea-
dem & Sol artificialis, chymicâ industriâ paratus, & ex
rebus terrenis assumptus, exerere quodammodo valet:
quod enim est inferius, idem est ac quod superius. Liquor
igitur iste balsamicus, ex sale eductus, hoc ipsum potest, si
ad debitam quantitatem aquæ, aut passivi liquoris, qui v-
bique copiosus occurrit (i. e. aquæ pluuiæ destillatæ)
commisceatur. Sic Ars & Natura mutuas sibi manus
conferunt, ita ut hæc illius vicaria fiat, & illa huius: ni-
hilominus Natura manet Domina, & Ars ancilla. Est
autem Natura principium & causa motûs, & status eius
in quo est primo, & ancilla per se, & non vi alienâ.

Ignium quatuor sunt genera, naturalis, innaturalis, contra *Ignium*
naturam, elementalîsq; qui lignum accendit. His utimur, *quatuor*
genera.
& non pluribus. Ignis contra naturam, debet excruciare
corpora, ipse est draco, violenter comburens, ut ignis in-
ferni. Ignis naturæ, est tertium menstruum: ille ignis na-

turaliter inest cuique rei. Ignem occasionatum vocamus innaturalem, ut calorem cinerum & balneorum ad putrefaciendum: absque his ignibus nihil producit ad putrefactionem, ut possit separari materia, ut simul sit proportionata ad nouam coniunctionem. Ignis vero dicuntur, quia virtutem igneam habent, naturalis coagulando, innaturalis dissoluendo, contra naturam corrumpendo, elementalis calorem & primum motum administrando: atque in his catenatus ordo obseruatur, ut secundus à primo, tertius à secundo, quartus à tertio & primo simul incitetur ad actionem, sic ut unus sit agens, & alter patiens, idemque agens & patiens diuerso respectu. Primus est ignis elementalis re & nomine, secundus aer est siue aërius, tertius aqueus seu lunaris natura, quartus terreus. De primo, quia omni videnti & tangenti cognitus est, superuacaneum est aliquid dicere. Tres reliqui sunt dracones, menstrua, aqua, sulphura & Mercurij.

Cur Ignis
dicatur
Draco.

Dracones, quia venerositatis participes, deuorent sui generis serpentes, corpora sibi commixta atterant & alterent, hoc est, soluant & coagulent: deuorare autem Draco dicitur sui generis serpentes, & caudam suam, cum partem volubilem, venenosam & humidam absumat, ut post absque cauda videatur corpulentior & tardior, siquidem motus & volubilitas eius magna ex parte ratione caudae contigerit. Menstrua dicuntur, quia ex il-

Cur Men-
struum.

lis fœtus Philosophicus producitur & nutritur, usque ad eius natiuitatem, distinguunturque in Vegetabilia & mineralia. Aquæ sunt, quia aqueam naturam in igne ostendunt, hoc est, fluxum & liquiditatem, quæ aqua conuenit. Sulphura quoque appellantur à sulphuris virtute, quam in se habent: nam sulphur natura, cum alio sulphure miscetur, & fit unum; & duo sulphura ab uno soluuntur, unumque à duobus segregatur, & sulphura à sulphuribus continentur. Sunt autem sulphura animæ occulta in quatuor elementis, quæ per artem extractæ se inuicem continent naturaliter, & coniunguntur. Quod de sulphuribus dictum, idem de totidem Mercurijs intelligendum erit.

Cur Aqua
Cur sul-
phur &
Mercuri-
us.

Sphyngrum itaque Enigmata, i. e. Chymicorum allegoricas & æquiuocas dictiones & propositiones, tanquam alter Oedypus soluturus & explicaturus, ad Antrum Philosophicum suæ Officinæ ærariæ & chymicæ cautissimè procedemus, arcanumque summum & utilissimum ibi latens eruemus: nam rosæ intra spinas abditæ capillos flavos habent interiùs, & vestem viridem exteriùs: nemo has nisi sapiens carpet, & à spinis separabit, si secus, aculeum sentiet in digitis: sic nullus nisi cautissimus Philosophorum flores decerpit, nisi apiculas & aciculas in aluearijs, & fel in melle experiri velit. Plurimi Rosarium manibus prædatorijs clam ingressi sunt, sed nil præter do-

Allegoria
& Enig-
mata Chy-
micorum,
solis Philo-
sophis co-
gnita.

lorem inde retulerunt, hoc est, oleum & operam perdiderunt: dum enim quis putat se fecisse, mundum habere, nihil in manibus suis inueniet: & absque sapientia Palladis, Solius Vulcani operâ freti, gignunt fœtus, videlicet monstrosos, Apodas & abortiuos, qui nec se sustentare, nec alijs prodesse possunt.

Enigma
Chymicum

In hoc autem antro, sunt Venti, Percutians, Repercussus, & Hominum Pernicies. Vbi res è mineris accipiuntur suis, & à Vulcano Ignis Patro, & Neptuno Aquæ Dominatore, exaltantur ad altiora loca, & mittuntur à cacumine montium suorum, & reducuntur ad radices suas. Hæc omnia, sunt & fiunt in officina chymica: nam per ventos, folles; per percutientem, malleum; per re percussum, incudem; per hominum perniciem ferrum intelligimus. Per montes significantur cucurbitæ, & per cacumina montium, alembici: mittere autem secundum similitudinem, est recipere aquam illarum per alembicum in recipiente: reducere verò super radices, est super hoc, à quo prodeunt: & nominantur cucurbitæ montes, quia in montibus inuenitur Sol & Luna; sic etiam in his montibus, qui sunt cucurbitæ, generantur Sol & Luna eorum. Exaltantur autem ad altiora loca à Vulcano & Neptuno, scilicet ab igne siue Calore, & Aqua Balnei Mariæ, per Coctionem, Philosophus siue artifex, diligentissimè & prouide

uide omnibus suis operationibus procedit: materiam enim suam purgat, preparat, & disponit suis vasis, caloremque aptum ministrat, quo de die in diem inter se commixta subiecta, agunt & patiuntur ab inuicem, eo usque, donec post longum tempus, varios colores transeuntes ad vnum colorem & essentiam deuenierint. In quo opere solutio, co-
agulatio, sublimatio, ascensio, descensio, distillatio, calcina-
tio & fixio, tanquam intermedia absoluuntur: durum e-
nim & compactum alterari nequit, ideo Solutio premitti-
tur, ut liquefiat & mollescat. Vbi autem solutum quid
est, ut quoque coaguletur, conuenit, non ad duritiem pri-
stinam, sed melleam tractabilitatem; sublimatio vero se-
gregat purum ab impuro, & vile reddit dignius, inferius
superius: unde nec hac abesse debet, sed est quasi domina
omnium & magistra. Dum fit sublimatio, aliquæ partes
altius ascendunt, quæ est ascensio, & aliæ iterum descen-
dunt, & sic descensio fit. Distillatio abhinc clarificat to-
tum sæpius interposita, & quæ in fundo remanet, calcina-
tur: utrumque verò figitur, & sic opus perficitur. Luna
est, quæ ad solis sublimitatem exaltanda venit, propter
quam hæc omnia fiunt: matrimonium enim inter Solem
& Lunam durabile intenditur, & Sol absque Luna non
magna est æstimationis, & Luna absque Sole abiecta con-
ditionis & vilis originis: at hæc à Sole coniuge, splendo-
rem, dignitatem & robur, seu animi corporisque firmita-

Operatio-
 nes chymi-
 ca in solu-
 tione Aur-
 potabilis.

Solutio.

Coagulatio

Sublima-
 tio.

Ascensio.

Descensio.

Distilla-
 tio, Calci-
 natio, &
 Fixio.

Coniunctio
 Solis &

Luna quæ
 fit necessa-
 ria.

tem accipit, Sol vero à Luna prolis multiplicationem, generis propagationem. Hinc Rosarius: si in Arcano nostro esset tantum alterum ipsorum, nunquam facile fuisset medicina, neque tincturam daret, & si daret, non tingeret, nisi in quantum esset, & reliquum & Mercurius in fumo euolaret, quia non esset in eo receptaculum tinctura. Et Geber probat in libro examinum, quod si Sol & Luna insimul incorporentur cum arte, non separantur de facili.

Conceptio
& Desponsatio
Solis
& Luna fit
in putredine,

Conceptio & desponsatio fit in putredine in fundo vas-
sis, & generatio genitorum fit in aëre, scilicet in capite va-
sis, id est, alembici: estque conceptio in balneis nihil aliud,
nisi putrefactio in simo: corpus enim nihil facit, nisi putre-
fasciat, & non potest putrescere, nisi cum mercurio. Putre-
factio itaque fiat igne lentissimo fimi calidi & humi-
di, & nequaquam alio, ita ut nihil ascendat: quia si ali-
quid ascenderet, fieret separatio partium, quae fieri non
debet, donec masculus & femina sint perfecte coniuncti,
& unum recipit aliud, cuius signum est in superficie ni-
gredo perfecta solutionis: ortus eius est albus, qui fit in ca-
cumine montium, hoc est, in aëre seu alembico. Sic Rosa-
rius habet, & ex Arnaldo refert, fac ut principio habeas
colorem nigrum, & tunc certus eris quod putrefacis, & via
recta procedis. Nigredo haec Saturnus est, quem per Co-
ruum nigrum alas succisas habentem chymici indicant,

aut per atramentum, & auem volantem noctu sine alis, quam primus ros cælestis, in nigredinē capitis coruini transmutauit; hæc caudam Pauonis assumit, deinde pennas Cygni acquirit, postremo rubedinem totius mundi accipit, quæ igneæ naturæ siue Phœnicis signum. Est autem in hac transmutatione maximus nigredinis illius coruina siue atramenti factor, cadauerosus, abominabilis, & sulphureus, odorem sepulchrorum de se mittens: fundamentum tamen est aqua hæc fœtida, & mater omnium elementorum, ex qua, & per quam, & cum qua preparant Philosophi ipsum Elixir in principio & sine. Hæc est illa aqua nubium, quia distillata est velut Ros Maij tenuissimarum partium, quam Pegasus ex Parnasso Ungulâ suâ percussio elicit, quam Nonacris Arcadia mons ex jugis emittit è saxo prorumpentem, quæ in sola Ungula caballina seruari potest, ob vim eius fortissimam: hæc est aqua draconis, quæ debet fieri per alembicum sine omni alia re addita, in qua facienda est maximus fœtor.

Post aquam fœtidam Leo Viridis occurrit: totum enim quod est perfectum in ære, est illa sola Viriditas, quæ in ipso est, quia illa Viriditas per spiritum vegetabilem siue spiritum vini qui etiam Mercurius vegetabilis à quibusdam vocatur, vertitur in verissimam tincturam nostram & aurum potabile, propter amicitiam quam inter se habent mineralis & vegetabilis mercurius. O benedicta Viriditas, quæ cunctas res

Leo viridis.
dis.
gene-

generas, cum nullum Vegetabile neque ullus fructus ger-
 minando appareat, quin sit ibi Viridis color. Similiter ita-
 que nostra compositionis generatio viridis est, propter quam
 Viriditatem Philosophi ipsam germen appellauerunt. Ex
 Leoruber, hac autem viriditate tandem emergit rubedo siue Leoru-
 ber pulcherrimus, robustissimus, cuius juba pectus, caput co-
 rona aurea gemmis pretiosissimis distincta ornant; nec im-
 merito; plurima enim in microcosmo accidentia expellit, se-
 nimortua reuiuificat & refocillat. Ignis quoque, qui om-
 nes alias res destruit, Leonem hunc construit, qui reliqua
 mortem, huic vitam præbet. Vnicus etiam est Phœnix,
 qui reparatur igne, qui innouatur flammis, & ex cinere e-
 mergit rediuuius. Summa igitur huius compositionis &
 Conclusio est; Manè Quadrupes, Meridie Bipes,
 Vesperitripes. Quod hoc ad hominis ætatem interpre-
 tantur, falluntur: nam Quadrangulus seu quatuor Ele-
 menta omnium primò consideranda sunt, hinc ad Hemi-
 sphaerium (duas habens lineas, rectam & curuam) hoc est,
 Lunam peruenitur albam, abhinc ad Triangulum, qui
 constat corpore, spiritu, & anima, siue Sole, Luna, & Mer-
 curio. Hinc Rhasis in Epist. Tinctura Auri, inquit, est
 triangula in esse, quadrangula in qualitate: philosophi e-
 nim, quadrangulum in triangulum ducendum esse vo-
 lunt, hoc est, in corpus, spiritum & animam, quæ tria in
 trinis coloribus ante rubedinem præuijs apparent, utpote
 corpus

Conclusio
 Anigma
 tici.

Quid Phi-
 losophis si-
 gnificet
 Quadram
 gulum, Tri-
 angulum,
 & Circu-
 lum.


corpus seu terra, in Saturni nigredine: spiritus, in Lunari albedine, tanquam Aqua: anima siue Aër, in Solari citrinitate, tum triangulus perfectus erit. Sed hic vicissim in circulum mutari debet, hoc est in rubedinem inuariabilem. Quâ operatione, femina in masculum conuersa, & vnum quid cum ipso facta est, & senarius, primus ex perfectis numerus absolutus, per vnum duo, cum ad monadem iterum redierit, in quo quies & pax æterna.

In Quinto igitur hoc Emblemate, Virgo coronata, Sapientiam significat. Arbor cum fructibus, qui signa metallorum & mineralium in se habet, sanitatem & vitam nostram demonstrant, quæ præseruatur & fouetur ex multiplici compositione & applicatione illorum. Aquila & Phoenix, quatuor Elementa vnguibus suis representant, tanquam prima creaturarum omnium principia. Aquila, æqueum & terrestre, propter sal volatile, & album terrestre. Phoenix æreum & igneum, propter igneam & sulphuream suam naturam, volatilem quoque & fixam. Sphæra cælestis cum circulis suis, primo Firmamentum, secundò Planetarum effigies, tertio Zodiaci signa, quarto Annos, quinto Sal, sexto Sulphur, septimo Mercurium, octauo Ignes, nono Triangulum sua principia in se habentem, denotat. In supremitate, ostenditur sacrosancta Trinitas & Deitas, cum Angelorum choro. Inferius, Antrum apparet, in quo Vulcanus & Neptunus cum suis furnis de-

Expositio
compendio
sa Quinti
Emblematis.

stillatorijs igni & aqua accomodatis, se ad destillandum & laborandum accingunt, pro materia sua Aurum, Argentum & Mercurium capientes, ex quibus solutis & coctis, varia resultant mutationes, & plurimi colores cōspiciuntur, qui per Coruum nigrum, per Cygnum, Pāuonem, Leonem viridem Lauro coronatam & vitibus ornatam, Leonem rubrum coronā aureā coronatum indicantur. Pelicanus Veneris, & Basiliscus Martis est symbolum; concurrunt influentijs suis in hac compositione omnes Planetae: cum verò unus benignior sit altero, & quidem Venus siue Pelicanus, amoribus suis, Solis & Luna cōiunctionibus: Mars verò siue Basiliscus, venenato aspectu suo, & occulto veneno, saluberrimum Elixir hoc, magis destruere, quàm exaltare in viribus posset: ideo Pelicanum siue Venerem admittere, Martem verò siue Basiliscum, tanquam nocium, & iurgia in quouis matrimonio & coniugio facile excitantem, & totam rem turbātem, excludere, & ab Apolline & Diana fustibus trucidari, operae precium fuit. Quae omnia compendiosè, hac iconne indicantur.





EMBLEMA 5.
AVRI POTABILIS CHIMICE
PRÆPARATI

W. H. Kellian fecit.

CAPVT XXVIII.

De Topicis quibusdam Medicamentis & de Usu Nico-
tiane potus in Affectu Hypochondriaco.

INTER Topica, siue externa medicamen-
ta, in primis non parum commendantur ^{Lapides: preciosi & collo penduli.} lapides preciosi, & collo penduli, aut annulis, aut armillis, ita tamen vt cutem nudam attingant, inclusi & gestati. Quales sunt rutilantia & rubra Corallia, Smaragdus orientalis, Saphyrus, Lapis Lazuli: siquidem melancholias, inanes timores, fascinationes, daemonum insultus, ac varia terculamenta arcere, fugareque creduntur. De Lapide Lazuli tamen, hoc animaduertendum; quando quidem in grauidis etiam abortum præcaueat, vt in partu appropinquante, ne foetum retineat, auferatur. Possunt etiam applicari cordi & pulsibus, sacculi, vino albo & aqua rosarum irrorati. Vt Rec: Flor: rosar. rorismar. ^{Sacculi pro Corde & pulsibus} ana Dr. ij. Lauend. Dr. j. sem: angelic. cort: citri. caryophyll. Cinamom. macis: ana Dr. ß. Croci scr: j. moschi. ambræ ana gr. vj. cum sindone rubra fiat sacculi interpastati. vel Rec: spec: aromat: rosat. diamoschi an. Dr. ij. Pulu: ^{Alim:} macis. caryophyll. cort: citri an. Dr. j. flor: bugloss. citri. an.

424 MICROCOSMI HYPOCHONDRIACI.

- unc. β. f. sacculus vino albo irrorandus, & cordis regioni applicandus. Vel. Rec: Fol: melissæ hortensis. cardiaca. rosarum. violarum. nymphe. buglossæ. borraginis. tunice an. Dr. j. Cort: citri sicci. Dr. ij. Xyloaloës scr. β. santalorum omnium ana scr. j. caryophyll: scr. j. macis scr. β. Nucis myristica unc. β. sem: ocymi. Citri. ana Dr. j. Troch: de caphura scr. j. f. Pulvis & cum syndone rubra sacculus interpastatus cordialis. Vel applicentur Epithemata ex aqua rosarum. melissæ. lauend. borrag. card. benedict. cinamomi. carfunc: Inungietiam potest cordis regio, oleo citri, melissæ, caryophyll: macis, cinamomi, vel solis, vel cum vnguento rosaceo mistis. Vt. Rec: Vng: rosar. unc. β. ol: Citri scr: β. Cinamomi. Caryophyll. ana gutt. vj. Moschi. ambra. ana. gr. iij. M. f. Linimentum, Vel. Rec: succi cardiace, melissæ, olei nardini, rosarum ana unc. β. coque parum, adde Ol: caryophyll. scr. β. Caphura gr. viij. Croci. scr. β. Cerae albæ. q. s. fiat linimentum: addi potest parum si placet Moschi. Vel. Rec: Ladani puri unc. β. Syrac: calamitæ. Terebinthinæ. Mastich. ana Dr. ij. Ol: Citri. Caryophyll. Cinamom. ana gutt. vj. Moschi. Ambra. an. gr. iij. subigantur in mortario pistillo calido, addendo sub finem Ol: Nucis moschat. express. scr. ij. f. Emplastrum quod cordi applicetur. Sunt & odoramenta valdè ytilia, cum viâ non longâ ad cor tendant,*
- Alius.*
- Epithema Cordialis.*
- Linimentum cordiale.*
- Aliud.*
- Emplastrum pro scuto cordiali.*

dant, virésque valdè reficiant. Vt *Rec: Fol: meliffa. Nodulus*
scymi, caryophyllata ana Dr. ij. Cort: Citri, santali citrini. odorsiferus
Caryophyll. an. Dr. j. Croci scr. ß. Ambra gr. vj. Moschi
gr. iv. ligentur in nodulo, & irrorentur aqua cinamomi &
rosarum. Vel Balsama ex enumeratis modò o-
 leis olfacienda naribus offerantur, tempora
 quoque, vertex capitis, & nucha illinantur. Vt
Rec: Ol: nucista expr. ꝑunc. ij. Ambra nigra Dr. iß. Am- *Balsamũ*
bra grisea Dr. ij. Moschi Dr. j. ß. Zibeti Dr. iß. Ol: Cina- *cordiale &*
momis scr. ß. Ol: Majorana, Ol: Lauend: ana Dr. ß. Ol: *capitale.*
Caryophyll. gutt. vj. Ol: succini scr. ß. cum Balsamo Indi-
co. q. s. f. Balsamum. Quod tamen mulieribus ob
 suauitatem minùs commodè adhibetur, præci-
 pue vterinis affectibus obnoxijis, quibus foeti-
 da aut malè olentia, propter vteri motũ & suf-
 focationem, magis conueniunt, aut alia cardia-
 ca. Auicennas enim, lib. de viribus cordis do-
 cet, septem modis Medicinam dici cardiacam. *Quot mo-*
 Primò, quia reficit spiritus, vt vinum, oua, ju- *dis Medi-*
 scula, & alimenta eupepta, & euchyma; & sanè *cina dica-*
 vires alimento maximè roborantur, eodem ta- *tur car-*
 men intempestiue exhibito, easdem lædi cer- *diaca*
 tum est. Secundò, quia spiritus illustrat, vt mar-
 garitæ & sericum. Tertiò, quia substantiam cor-
 dis congregat, spirituum resolutionem prohi-

bendo, vt carabe, terra figillata, bolus armenus; at hæc omnibus non profunt, quia sunt adstringentia, quæ interdum nocere possunt. Quartò, quia cordi est amica, vt sunt dulcia & odorifera, aqua coelestis, imperialis, Mariæ. Quintò quia roborat per qualitates manifestas, vt quæ est temperata, borrago, buglossum, aurum. Sextò, quia euacuat, depurando humorem melancholicum, & euacuando quod cordi nocet, vt sunt myrobalani. Septimò, quia proprietate occultâ roborat cor, vt Hyacinthus. Hæc autem varia, omnibus omninò causis conuenire nequeunt. Nunc autem, cum roborantia vulgus postulat, intelligit non iuscula, aut venæ sectionem, purgationem uic, sed Theriacam, Mithridatium, aquas stillatitias generosiores, fortio-
 tiorem cereuiciam, vinum cum aromatibus co-
 ctum, aliâque eiusmodi, quæ sæpè non solum ægris, sed etiam sanis nocere possunt. Iudicio igitur Medici, in cardiacis & corroborantibus exhibendis, opus est, qui si prudens & doctus sit, facillè cuique ægro & morbo conuenientia proponere & applicare sciet.

Multis quoque in affectu hypochondriaco Lien tumet, alijs induratur sine incremento insi-

gni,

gni, alijs, simul insigniter & augefcit & indure-
fcit: omnibus grauitas adest, & circumscriptus
in hypochondrio sinistro tumor, spiritus diffi-
cultas, prauus color, ad plumbeum vergens, de-
cubitus in sinistrum latus grauis, venæ ad lie-
nem nigricantes & turgidæ, & pedum sæpè in-
flatio. Illis, post generalium præsidiorum o-
pem, cōfert regionilienis hoc vnguentum ad-
hibere, quod vim habet malacticam, seu emol-
lientem, resoluentem, aperientem, roborantem
& splenicam, vnde nomen. Non debet igitur
omitti, & cū eius vsus sæpè sit vtilissimus, om-
nibus hypochondriacis cōmendatur. Est au-
tem talis eius descriptio. *Rec: Ol. de Capparibus. Ol. Vnguentū
de lasmino ana ꝑunc. ix. Butyri æstiuī & insulsi ac recen- Splenicū.
tis ꝑ. succorum bryoniæ & cyclaminis ana ꝑunc. viij.
Gummi Ammoniacy aceto dissoluti ꝑunc. ij. Pulv. Cumi-
ni Dr. ij. Cort: Tamarisci. Fraxini, Ceterach. sem: agni
casti. ana. ꝑunc. j. Cera noua & odorata q. s. f. Vnguen-
tum. cui adde Ol. de spica Dr. ij. Vt rite præparetur,
olea, & butyrum, igne lento bulliant cum suc-
cis, ad eorum dissipationem: commisceatur
Ammoniacum dilutum, addantur pulueres,
tum demum cera, & fiat vnguentum, cui parū
olei de spica addatur, quod sua tenuitate efficit.*

vt reliquorum vis melius ad partem deferatur,
& suo halitu, vnguenti odor minus sit ingratus.

Alind. Vel. Rec: ol: de cappar: vnc. iij. ol: sem: Eruca exp: Nigella
exp: Canabis exp: Amygd: dulc: ana vnc. j. ol: luniperi vnc.
ß. mixtis affunde suc. scolopendr: exp: vnc. iij. & coq ad
succĩ cõsumptionem; postea adde Ol: stillat. Mastichis, Cy-
mini, Myrrha, an. Dr. j. Ol: Gum. Ammoniacy. Chame-
milla. Absynthij ana Dr. ß. Extr: Croci Ori. scr: ij. denuo mi-
sce, & cum cera albæ s. q. f. Vng: Lien ad ignem illitũ,
eum aperit, confortat, & à scyrrho præcauet;
præterea dolores & inflationes sedat & discutit.

Non minoris effectus sequens Emplastrum ex-

*Emplastrũ
splenetica.* pertus sum. Rec: Ol: Capparum. Chamemel. ana vnc.
iij. succorum scolopendria. Absynth. Rorismar. Agrimo-
nia. ana vnc. iij. Coque in diplomate ad succorum consum-
ptionem, postea adde Gummi Galbani in aceto dissol. Am-
moniacy, Bdellij an. vnc. j. Empl: de Meliloto. Diachylon.
simpl: ana Dr. vj. Ol: stillat: luniperi. succ. inspiss: rad:
Filicis vtriusque ana vnc. ß. sem: Agni casti. Ruta hort.
Genista, an. Dr. j. ß. Resina & Cera ana q. s. misce & fiat
s. a. justæ consistentiæ Emplastrum. Huius Emplastri
portio extendatur super alutam rubeam, & ob-
ducatur syndone rubra s. a. cui inspergatur Ol:
Rorismarini q. f. & regioni splenis applicetur,
cuius

cuius duritiem & tumorem emollit, resoluit, splenemque aperit atque confortat.

De Tabaci siue Nicotianæ suffitu, an in me-
 lancholia & affectu hypochondriaco conue-
 niat, quum omnibus adeò familiaris sit, vt pau-
 ci ab eo abstineant, pauca mihi scribenda erunt.
 Extra omnem enim controuersia aleam est,
 Nicotianam potui datam, tantum aduersari
 ventriculo, ac intestinis, quantum prodest hu-
 mido, ac frigido cerebro. Immodicus namque
 calor, vt exhaurit humidum radicale, sic obscu-
 rat nebulosus ipsius fumus, non parum illu-
 stem, nostræ vitæ spiritum: imò suffocat tam
 efficaciter calidum innatum, vt instar tabido-
 rum (qui ex sententiâ Galeni à siccitate con-
 sumuntur) planè extenuemur, cum tussi per-
 enni, & infatigabili spiritus difficultate. A quo
 equidem plurimos, qui dies ac noctes, cum hac
 Helenâ transfegerant, vidi pessundatos. Mode-
 rata certè, vt nullibi, sic neque hic culpantur,
 Sed modum in hoc fumo si excesseris, obnu-
 bilabitur, deficcabitur, & inflammabitur cere-
 brum, defatigaberis à tussi, vitiabitur pulmo,
 emarcescet animus, & tandem cōsumetur cor-
 pus vniuersum: vel lentè, si fueris integer ac

*Virum cō-
 ducat Ni-
 cotiana si-
 uè Tabac-
 ci suffitus
 in melan-
 cholia hy-
 pochon-
 driaca*

*Tabaci fu-
mus per se
nō est nar-
coticus.*

valens, vel celeriter, si quid vitij alibi sit in visce-
ribus. Putant autem plurimi, esse narcoticum
hunc fumum, & propterea hyoscyamum Peru-
ianum vocant; somnum enim conciliare, &
dolores consopire multi docti scribunt: quod
tamen vero consentaneum nō prorsus videtur.
Nam quod somnum conciliet, id præstat va-
pore, vel excitato in cerebro, vel illuc delato, vel
cibi coctionem adiuuando: tunc enim suavius
dormimus, cum stomachus cibo non grauatür:
dolores autem tollit, quia causas illorum vel a-
dimit, vel alterat, non autem narcosi consopit,
quod inde cognosci potest. Primò, Tabacum
est calidum, siccum, attenuat, penetrat, humo-
res resoluit: at narcotica, siue calida siue frigi-
da sint, humores incrassant, vnde si à crassis hu-
moribus dolor fiat, maximum damnum infe-
runt, quia crassiores reddunt humores, sicque
curatu difficilior affectus redditur: at Tabaci
fumus, frigidis naturis, humoribusque magis
competit, contra naturam narcoticorum. Se-
cundo, cum nimix euacuationes adstringenti-
bus fisti non possunt, narcoticis vtimur, tan-
quam summo præsidio, ad humorum motus si-
stendos, at herba hæc, corpus fursùm deorsum-
que

que purgat, instar hellebori aut antimonij. Nec vomitum compescet, nisi causam adimendo, sicut vomitus vomitum sedat. Tertiò, stupefacientia extrinsecus apposita, parti sensum adimunt, eamque admodum refrigerant: at nihil tale herba hæc facit, ergò non est per se narcotica, sed tantum per accidens. Quandoquidẽ vero hoc fumo omnis generis homines vtantur, tenues, crassi, biliosi, pituitosi, alijq; , nihilq; incommodi inde percipiant, ideò valde nocium esse non censeo, nisi fortè, vti supra monui, ob immoderatum vsum, vbi omne nimium vertitur in vitium. Licet multa, perniciosum esse illius vsu ostendere videantur, quia naturæ contraria est herba: nam susque deque purgat violenter; purgantia autem omnia naturæ sunt quodammodo inimica; cumque quis primum illã vtitur, vertigines, animi defectiones, sudores frigidus patitur, quæ sunt malignæ qualitatis indicia. Quæ omnia quidem vera sunt, cum in corpus ingeritur, sed quando solo suffitu assumitur, nec vltra fauces peruadit, cerebro prodest caliditate suã, humoresque pituitosos vacuando, nec stomachum turbat, sed potius roborat, & coctionem iuuat. Cum igitur ostendat ex-

*Huius v-
sus non est
valde no-
cium si sit
moderatus*

perientia, sine noxa à quamplurimis assumi, reijcienda non est: verum sequentia obseruanda.

*Obseruan-
da in usu
suffitus Ta-
baci.*

Primò, moderatum illius esse debere vsum. Secundò, magis vtantur crassi, pituitosi, illique, quos defluxiones fatigant, ob calefaciendi, & exiccandi vim quâ pollet: licet etiam tenuibus, calidis, & melancholicis, si moderatè vtantur, non multum noceat, cum etiam illi, sæpius, plurimis ad cerebrum ascendentibus vaporibus infestentur: cum nemo visus sit, magnoperè illius vsum exiccatus, narcoticâq; calidis & biliosis magis, quàm pituitosis conueniant. Tertiò, quibus Tabes ex rheumate in pulmones delabente contigit, ijs suffitus Tabaci non conuenit, ne ad partem affectam humores è capite trahantur. Quartò, inter vsum huius suffitus, non assidue potandum: sic enim per reciproca pocula illius beneficia prohibentur: quamuis enim, humores resolvere, cerebrum calefacere & siccare videatur, cerebrum autem calidum siccumque, pauciora generet excrementa; tamen quatenus tale, potentiùs attrahit, faciliùsque repletur vaporibus, ab inferioribus partibus, ex ingestione vini, cereuisiæ, aut eiusmodi potûs vaporosi, sursùm expirantibus, vnde postea assidue repletum,

repletum, exiccationis illius beneficia minùs percipit. Quintò, qui hoc fumo jam pridem vfi sunt, illique assueuerunt, curiosè obseruare debent, ne temerè postea illo abstineant, nisi simul valdè temperatam obseruent viuendi rationem, aliàs sentient sibi ex humorum abundantia, caput, corpùsque grauari, quos scilicet quotidiana fumi huius assumptio, vacuare solebat, tum somnos breuiores, & implacidos contingere, vaporum defectu, quos hic fumus excitabat, concoctiones pariter in ventriculo, minùs feliciter obiri, plurimàque inde vitia pululare: vnde senibus, aliisque, quibus naturà frigidior ventriculus est, consulendum, vt eiusmodi fumo vtantur, etiam si prius non fuerint assueti; eos enim à podagra, variisq; affectibus frigidis præseruare potest. In melancholia autem hypochondriaca, moderatus quoque illius sit vsus, ne caliditas & siccitas, quæ semper in hoc affectu prædominium habet, augeatur, foueaturque: vbi consuetudini quidem parum indulgendum. In assuetis autem hypochondriacis, non facilè suffitus iste præscribendus aut admittendus.

CAPVT XXIX.

An & quomodo conueniat in hoc affectu Puluis Bezoarticus animalis, & quales in se habeant qualitates Vipera.



ELEBRATUR hoc tempore ab omnibus ferè modernis Medicis, Puluis Bezoarticus animalis, tanquam Vniuersalis panacea cōtra quosuis morbos, præcipuè autem acutales & chronicos, inter quos (vt taceam pestiferos) non infimum locum tenent, morbi à serosa illuie, à tartaro, & atra bile pronati, quales sunt hydropici, arthritici, nephritici, & melancholici, præcipuè hypochondriaci, qui vt i supra narrauimus, symptomata sæpè malignissima in se habent. Hoc itaque Bezoartico animali, cū calor innatus, & humidum primigenium, à vehementia morborum & symptomatum jam delinquens, restaurari, viscera corroborari, symptomata aut impediri, aut expelli, & vita ad multos annos protrahi possit, operæ precium esse duxi, si de eo quoque, quando quidem Magnatibus in quotidianum propemodum vsum cedat, parum fusiùs scripserim. Fit autem Pul-

Puluis Bezoarticus animalis in varijs morbis & melancholia hypochondriaca celebratur.

uis Bezoarticus animalis, ex venenatissimis serpentibus, colubris & viperis dictis, quæ animalia in montibus Eugenijs, decem milliaria italica à Padoa distantibus, Venetæ ditionis, certo & statuto tempore capiuntur, singulariq; modo præparantur. Antiquitatem verò, viperarum vsum non exclusisse, inde liquet, quod vipera baculo nodoso circumuoluta, symbolum Æsculapij & Hippocratis fuerit, quasi vita hominis per illam prolongata, & ab omni malignitate præseruata fuisset: hinc partim in honorem Hygæ Deæ valetudinis, partim in laudem & honorem Hippocratis, tanquam sanitatis restauratoris & restitutoris incolarum Insulæ Coæ, in gratitudinis signum, veteribus mone-
 ta aurea & argentea sub viperarum insignibus excusa habebatur. Iam verò vti testatur Angelus Baldus, in suo libello de viperis, 26. cap. ex secreto Dei consilio factum est, vt quemadmodum per serpentis fallaciam & inuidiam, innocens homo ad mortem condemnatus, & æternâ vitâ priuatus fuerit; sic quoque per mortem vipere, & vsum illius, jam hominis vita, triplo longiùs quàm aliàs prolongari, à plurimis quoque morbis præseruari & curari possit.

*Ex quibus
 fiat Pulvis
 Bezoarti-
 cus ani-
 malis.*

*Vipera
 symbolum
 Æscula-
 pij & Hip-
 pocratis.*

Nam

Nam senectutis eadem causa est, quæ lampadis oleo ferè absumpto emarcescentis, & obscure lucentis: ut enim in lampade tria, elychnium, pinguedo, & flamma; sic in homine, elychnium sunt membra vitalia, viscera & artus; pinguedo, humidum radicale; flamma, calor natiuus. Sola differentia est in eo, quòd flamma lampadis luceat, calor natiuus neutiquam, cum nò sit ignis, sed saltem calor, & quòd pinguedo sit oleosa, humidum radicale viscosum, utpote seminalis principij. Ut quoque lampas extinguitur ex defectu olei, sic homo ex senio, absque alio morbo, in marasimum & tabem senilem ac denique mortem incidit. Quia verò inter reliquos serpentes, uti Quercetanus in sua Pharmacopœa Zoologica c. iv. recenset, non sunt, nisi hi duo numerati, coluber nempe (vulgò serpens dictus) & vipera, quæ exuias statim deponant temporibus: præsumendum hinc est atque credendum, his duobus animalibus, non tantum ad sui conseruationem, sed in aliorum quoq; vsum, concessum esse naturalem quendam instinctum, quo deligunt, exugunt, & in alimentum attrahunt, non materiali aut crasso modo cibum corporeum, visibilem, & palpabilem

*Vipera vni-
de capiant
suas vires.*

bilem (siquidem authore Aristotele, & teste quotidianâ experientiâ, eiusmodi animalia, citra cibum aut potum vitam multo tempore siue subtus, siue supra terram transigunt) sed merè formalem & spiritualement, hunc nempe salem sulphureum, & preciosum naturæ balsamum, quo omnia animantur & vegetantur, idque potissimum, dum circa æquinoctium vernale, calore siue igne Athanoris, magnæ lampadis coelestis, potenter operante, & attrahente, sublimatur, & eleuatur: quod naturæ sulphur, per mirabilem hanc sublimationem, totam terræ superficiem irrorat spiritibus balsamicis, eiusque interiorem sinum irrigat preciosæ & viuificæ aquæ vitæ, & nectaris naturalis saluberrimo & vtilissimo liquore: vnde omnia, penetrando durissimas etiam arborum radices, truncos & cortices, reuirescunt & efflorescunt, & quæ mortis speciem referebant, vitam recipiunt & reuiuiscunt. Eadem sublimatio fit etiam sub æquinoctio autumnali, sed decrescen- te paulatim calore, sydereoque igne longius regresso, magnum terræ sublimatorium refrige- ratur, omnesque spiritus vegetales & balsamici, reuertuntur in suum chaos siue matricem. Ser-

pentes & viperæ, quæ in terræ finu & domicilio commorantur, naturali quodam instinctu vt diximus, exugunt, & in alimentum alliciunt cibum æthereum, qui tam insigni, viuificâ & specificâ facultate pollet, aduersus venenatam & deleteriam illorum naturam: vt si eo satis reficiantur & instaurentur, non solùm vim acquirant, & virtutem, spolia sua vtroque tempore statò exuendi, seque renouandi: sed ob exuberans illud balsamum, quo abundè vigent, instar medicinæ insuper vniuersalis sunt, ad corpus quauis ex parte vitiosum, putidum, & in frustra mox collapsurum, ita emundandum, vt in purum, floridum, & sanum euadat; ita quoque fiunt, eiusdemmet balsami virtute, quâ abundant, alexiterium summum, contra omnia lethifera & præsentissima venena. Hinc ipsis facultas illa deponendi cutem, tempore videlicet; vt jam diximus, vernali & autumnali, quando spiritus isti sulphurei, sunt in sua exaltatiõe: quibus temporibus (ac in ipso præsertim Vere) videmus etiam arborum cortices balsamicis succis, tum maximè abundantes, truncis suis, & ligno solidiori nō adhærescere, sed facilimo momento, ab ipsis auelli & separari: non secus ac

*Viperarū
vires.*

fer-

serpentes, qui circa idem tempus, & ab iisdem
causis, veterem dimittunt cutem.

Solis autem viperis & colubris inter ceteros
serpentes & animantia, in interioribus terre do-
micilijs habitantia, à natura hæc proprietas in-
dita est, vt cum delectu, in alimentum sibi at-
trahant hoc radicale naturæ balsamum, eodém-
que perfundantur. Vti inter fucos, vespas, &
huius generis infinitas alias muscas, quæ licet
dulcissimum omnis generis flosculorum, her-
barum, ac fructuum succum, in alimentum
exugant, inter illas tamen omnes, vnica tantum
apis, naturalem illam scientiam obtinuit, cœle-
stem eiusmodi mannam, in ceram & mel con-
uertendi. Res certè summæ admirationis &
mysterij plena! Quod autem in viperis & ser-
pentibus, per imbibitionem balsami illius radi-
calis & vegetabilis, non eadem operâ tollatur
venenum proprium: pro hoc pariter contem-
plandæ sunt apes, quæ nihilominus aculeum
suum retinent pungentem ac venenatum: licet
totum illarum corpus abundè diffuset, cœlesti,
dulci, & balsamico liquore, qui proprii veneni
aptissimum est remedium. Idem de serpenti-
bus esto iudicium.

*Solis Vipe-
ris facul-
tas inest
prolongan-
di Vitam.*

*Cur vipe-
ris per ve-
getabile
balsamum
non tolla-
tur pro-
prium ve-
nenum.*

*Venenum
viperarū
illarum
veneno pel-
litur.*

Venenum quoq; viperarum, earundem veneno pelli & curari, docet P. Athanasius Kircher in lib: suo miraculoso de Magnete. 3. part. 7. cap. 4. paragr: 1. Quòd nempe Erfurti pharmacopæum nouisset, à vipera ictum, cui diuersa quidem remedia, sed sine effectū, adhibita fuerunt; eundem itaque tam diu in extremo vitæ periculo perseuerasse, donec vipera, à qua ictus, enecata, cocta, & ab ipso comesta fuisset: vnde postea pristinam recepisset valetudinem.

*Qualitas
ves viperarū.*

De qualitatibus autem viperarum, Medici non consentiunt. Arabes, calidam & siccam illis attribuire naturam, quia carniū viperarum comestores, & qui à viperis icti sunt, indelebilem sitim acquirunt. Auicenna lib. 4. tr. 3. c. 2. Rhas. 20. continent. 2. Aeginet. lib. 7. Tit. de vipera. Aetius. Tetrab. 1. serm. 2. c. 170. & alij. Econtrà Galenus lib. 2. de loc. affect. c. vlt: vipers vult qualitatis esse frigida, vbi sic scribit. Animalia quæ frigidiora sunt naturâ, per hyemem ob frigoris vim, ac si mortua essent, latitare solent, atque tunc vipers quoque videres, si manibus tractantur, haud quaquam mordere. Quam sententiam ex junioribus etiam defendit Hieronymus Mercurialis, Medicus Patauinus insignis

gnis lib. 2. de venen. c. 3 & quidem his de cau-
 sis, quia in æstate frigidissimæ sunt, virûsque il-
 larum sanguinem grumescere facit, calorem
 naturalem extinguit, sudorem frigidum expel-
 lit, & mortiferum Carum causat, haud secus
 quam alia narcotica & soporifera in 4^{to} gradu
 frigida venena. Conradi tamen Mutschleri vi-
 ri doctissimi judicio, qui nuper pulcherrimum
 de Bezoartico animali, adeoque de vsu vipera-
 rum edidit libellum, cap. x. non abs re statuerit
 quispiam, si viperarum, vti in alijs animantibus
 & homine ipso sunt, partes similes siuè ho-
 mogeneas, & dissimiles siuè heterogeneas,
 qualitatibus & naturâ inæquales dixerit. v. g.
 inter membrorum hominis partes, temperata
 est caro, calidæ tamen qualitatis cor, jecur, re-
 nes, venæ, &c. frigidæ verò, cerebrum, & me-
 dulla spinæ dorsi, ossa, & cartilagine. Et hæc
 differentia non solum in viujs animalibus ap-
 pareret, sed etiam in plantis, arbutis siuè frutici-
 bus, & arboribus: in pomis Citri, vti notum est
 Medicis, externus cortex & semen calidæ, suc-
 cus frigide; caro verò temperatę naturæ & qua-
 litatis est. Simili modo in viperis esse potest,
 dum venenum illarum (quod per duos ductus

*Conradi
 Mutschle-
 ri opinio
 de qualita-
 tibus vipe-
 rarum.*

à bilis vesicula dentibus inferitur, & ictibus communicatur) calidissimæ; caro & aliæ ad hanc partes aptæ, temperatæ, exuuiæ verò vel tota vipera, secundum externam speciem, frigidissimæ naturæ sit. Quandoquidem æstatis calidissimæ tempore, vti commemoratur, vinum in vitreis vel stanneis vasis, in cauernis aut paludibus serpentum, magis quàm per niues aut glacies refrigescat.

*Opinio
Raymun.
di Lullij de
vipera.*

Cui sententiæ patrocinator maximus Philosophus Raymundus Lullius lib. de conseruat: vitæ. cap. 2. cuius hæc sunt verba. Vipera rectè præparata, est medicina Regis, quæ miraculum facit, quæ a 4. Elementis non corrumpitur, & est humanæ complexionis conueniens, nec calefacit, nec infrigidat, nec desiccatur, nec humectat, imò est temperata, temperamento excedens omnem rem huius mundi in temperantia & perennitate, quia temperata est in 4. gradu, & 4. habet gradus cuiuslibet quantitatis, nec est aliqua res, quæ huic rei assimiletur, nec loco eius stare possit: habet enim potestatem subueniendi defectibus stomachi, & timorosos facit audaces, cardiacos confortat, curat melancholiam, alopeciam & tineam, & calorem na-

turalem temperat, & virtus eius, in sua manifestatur substantia, quia in ea est claritas, ideo clarificat, in ea est puritas, ideo purificat, in ea est magna temperantia, ideo multum temperat violentem, cuius temperamentum transit omne temperamentum medicinale, omni quocunque mortifero veneno mundi resistit; in eo est perennitas, ideo conseruat corpus humanum, in eo est assimilatio humanæ complexionis, ideo facit ad corpus humanum omne bonum; nam caro earum præparata, confortat virtutes ex proprietate: sed virtutes aliarum rerum & herbarum, variantur secundum diuersitatem locorum. Hæc Lullius. Sunt autem hæc vires, in viperis, apertis qualitatibus non attribundæ, sed occultis & incognitis, totique substantiæ illarum, ad modum Lapidis Magnetis ferrum attrahentis, & lapidis Theamedis ferrum repellentis. Ex singulari quoque (vti ex Baldo supra narratū) prouidentia & benignitate DEI erga genus humanum, natura & vis indita est viperis, vt sanitatem præseruent, & contra quæuis venena sint antidota.

Vipera occultis qualitatibus prædita.

Quandoquidem verò, propter seductionem, inter serpentes & homines perpetua antipathia

*Præparatio Vipera-
rum ad v-*

&

*sum medi-
cinalem.*

*Solinan-
dri præpa-
ratio.*

& nausea vigeat, præstabit modos indicare, quibus sine omni nausea & periculo, securè & suaviter vti, & vires earum corporibus nostris applicare possimus. Iohannes Baptista de Porta & Solinander conf: medic: sect. i. consil. 25. pag. 100. sequenti vtitur præparationis modo. Hic duas aut tres capit viperas (vel in defectu viperarum, communes serpentes) viuas dissecat, postea coquit in aqua fontana cum s. q. hordei ad fissuram usque: cum hoc hordeo & viperis coctis, postmodum cibatur pullos gallinaceos, nihil aliud in illorum cibum admittendo. Cibati sic per aliquot dies, pennarum, siue plumarum defluuium patiuntur, quæ tamen paulò post de nouo recrescunt: mactatorum deinde carnes coctæ & iuscula, exhibentur illis ad certum tempus, qui simili indigent curâ, non sine maximo ægrorum commodo, & miraculosa præsertim leproforum & melancholicorum salute. Post Solenadrum, quidam celebris Medicus magnæ Ducissæ senioris Florentiæ, nomine Carolus Panicelli, in tractatulo suo, quem italicè de mirabilibus viribus carnis viperinæ scripsit cap. x. sequentem modum docet, gallinas, gallos & capones, cum carne viperina, ad prædictas intentiones

*Caroli Pa-
nicelli mo-
dus præpa-
rationis.*

tentio-

tentiones faginandi. Hic viperas capit tempore illo quo omnium maximè vigent, quo plenæ sunt falis sulphurei & liquoris balsamici, plures vel pauciores, pro vt multas vel paucas gallinas faginare placet, abscissis capitibus & caudis, pellem detrahit, interaneaque abijcit, carnes minutim diffecat, cùmque quatuor partibus farinæ panis similacei vel triticei, subigit in bolos, quibus gallinas, gallos, & capones tamdiu faginat & cibatur, donec viperarum vires balsamicas imbiberint, quod secundum Forestum lib. 4. chyrurg: obseru. 7. inde colligere licet, quando faginati, plumæ antiquæ cadunt, & nouæ renascuntur. Quod si verò, recentes & viuæ haberi non possent, loco illarum exiccatus & præparatus viperarum puluis, viginti partibus farinæ admisceri, & in bolos siue pastas formari, inque vsum faginationis accomodari potest. Hæ gallinarum & caponum carnes, vti quoque oua ab illis exclusa, vim & virtutem habent, humidum radicale, naturaléque balsamum, in quo vita consistit, restaurandi, corroborandi, & renouandi, haud aliter, ac si lampas ob defectum olei obscure ardens & parum lucens, per additionem olei recentis, lumen maius & flammam

lucidiores, recipiat. Ne autem hanc operationem, & effectum bonum, remorentur maligni & vitiosi humores, fortè in corpore delitescentes, ante omnia necesse erit, ad aliquot dies præmittere purgationes, per assumptionem clareti aut vini alicuius laxatiui; curam hanc viperinam, post pascha, verno tempore, instituere, càmque per vnum, duos, aut tres menses, secundum ægri constitutionem & necessitatem continuare: nempe singulis diebus, mane, vel in principio prandij, capiendum vnum par recentium ouorum, ex gallinis, carnibus viperarum saginatis, quibus superbibendum vitrum vnum clari vini, cui infusa sit integra vel media drachma ambrae, tamdiu, quamdiu ambra gratum suum odorem seruauerit. Ad prandiũ, assumat optimum similis gallinae jusculum, cũ medietate vel quarta parte gallinae; similem pullum, vel particulam ex tali capone asso. Pari modo ad coenam, auiculas montanas vel syluaticas, vitulinas, hædinas, & ouiles carnes, alios quoque facili digestionis cibos, benè nutrientes, sanguinemq; laudabilem generantes, cum moderamine tamen, nunquam excludes. Potus sit vinum album, clarum, cui, yti supra monui-

muimus, in figulino, aut ex maiolica facto niti-
do vase, infusum sit frustulum ambræ. Cœ-
nam & Prandium, claudat Tragea ex speciebus
Tryphera Saracenica facta. Nocturnus som-
nus longior parum sit, sepositis grauioribus cu-
ris: nam cura facit canos, licet non habeant an-
nos: curæ enim, melancholia & tristitia, vitales
spiritus in ordinarijs suis motibus impediunt,
circa cor congregant, sanguinem immutant &
inquinant, sensus omnes & sensoria obnubi-
lant, intellectum obfuscant, pedes, omnesque
articulos debilitant & aggrauant, somnum im-
pediunt, appetitum ad cibum & potum pro-
sternunt, coctionem impediunt, naturalem ca-
lorem paulatim debilitant & refrigerant, inna-
tamque humiditatem exiccant, naturale Balsa-
mum consumendo. Ex quibus omnibus ne-
cessario præmaturum senium exoriri debet, nec
durantibus similibus melancholicis ac tristibus
curis, optima aliâs remedia, quidquam operari,
aut optatum effectû habere possunt, quia me-
dicamenta per naturalem calorem in actum de-
duci, & ad vires suas exerendas, incitari debent.
Vnde, licet ægerrimo, apud quem calor natura-
lis propemodum extinctus est, fortissima exhi-

hibeatur purgatio, tamen sine coadiumēto caloris naturalis nihil operabitur, frustra que exhibebitur.

Salis Viperini præparatio.

Sal viperatus, à multris sequenti modo præparatur. Verno tempore, circa festum S. Gregorij, accipiunt recenter captas vyperas, secundum placitum, pauciores aut plures, funiculo circa collum cōstricto clauī appendunt, cum cultro à collo circumcidendo separant, postea eandem detrahunt, ventrem aperiunt, intestina siuè interiora extrahendo; carnes primò aquâ pluuiali recenti, tum vino, aut aquâ destillatâ, vel succo cuique morbo appropriato optimè lauant, his peractis, in furno pistorio vna cum jecore corde & lingua exiccant, & in puluerem purū redigunt. Huius pulueris capiunt drachmam vnā, salis cōmunis sequenti modo præparati & calcinati portionem: nempe vnciam vnā salis, in pixide ex ligno Tiliæ elaborata, impone ollę benè tectę & custodite, relinq; in furno pistorio calido tam diu, donec pixis in cinerem combusta sit: sal iste, permiscetur cū drachma superioris pulueris viperarum, locoque alterius salis, ad mensam vtimur. Vel secundum affectus constitutionem, per viginti quinque, vsque

vsque in triginta dies, exhibetur mane & vespere huius viperini pulueris, aut salis, scrupulus unus, in appropriatis aquis, succis, aut syrupis.

Proponit Quercetanus in libro supra citato, diuersas correctiones & reformationes viperatarum compositionum: vt confectionem viperinam aromaticam, saccharinam, & Iuniperinam: habet quoque de hoc proposito, rationes, experientias & authoritates. Proponit modos conficiendi sales theriacales secundum antiquos & neotericos: docet compositionem trochiscorum de viperis: ex Aëtio quoque, recenset eorum virtutes. Præparationem denique Essentiæ viperarum, Magisterij Bezoartici animalis, Tincturæ magisterio, Pulueris Vulnerarij alexipharmaci, &c. recenset. Vbi quisque qui vult, legere poterit.

Ex quorum omnium itaque consideratione, facile concludendum, viperarum vsum, in affectu hypochondriaco, saltem prophylacticè, optime conuenire: sapientiæ enim symbolum cum nobis referant, vt simus prudentes sicut serpentes, longæuam quoque indicent vitam, per id, quod calorem & humidum primigeniū, occulta virtute, quam singulariter præ alijs ani-

*Quercetanus
compositiones &
confectiones
ex viperis.*

An in affectu hypochondriaco vsum viperarum, & quomodo admittendum.

malibus beneficio balsami & spiritus vegetabilis, ex terræ visceribus attracti, in se cōtinent, restaurare valeant: insuper quòd temperatis suis qualitatibus, corpus nostrum minimè offendant, cruditates & excrementa cōsumant, evaporationes malignas & melancholicas ad partes principes, impedian, corporique optimum nutrimentum concilient, spiritus depurent & clariores reddant, temperiem bonam inducant, exhilarent, totumq; hominem restituant & vigorosum faciant. Quis sanæ mentis, tot firmissimis rationibus nixus, præclarissimis tam veterum quàm recentiorum auctoritatibus confirmatus, & denique experientijs quotidianis & viuis securus & certus, nō recommendabit hanc panacæam, & plenis vlnis excipiet. Verum cum sumptuosum, solis ditionibus & magnatibus reservatum sit remedium, & ob id minus commune, ideò tamen, hic præterire nolui.



CAPVT XXX.

*De Curatione Melancholiae Hypochondriacae Hystericae in
femine cum mensium obstructione, & in Vtroque sexu ex
seminis redundantia & retentione cum stimulis
amorosis & venereis.*

CONSTITVIMVS in Capite sexto, Melan-
choliae huius Hypochondriacae hystericae
tres gradus, nempe incipientem, progressam, &
confirmatam siue idiopathicam: quibus singu-
lis, si praesidium accomodarit Medicus, ex ar-
tefaciet. Primus igitur gradus est, cum mor-
bus incipit, nec signa eius manifesta prorsus ap-
parent. Cui sapienter occurratur, si virgo ma-
tura viro nubat: nam si conceperit inquit Hipp:
lib. de virg. pristinam valetudinem statim recu-
perabit. Quod si virginis conditio id fieri ve-
ret, primum vtraque basilica, deinde si menses
retineantur, vel fluant parcius, praemisso bal-
neo, saphena pertundetur; interea frequenti e-
nemate hysterico aluus colluetur; prima regio
bladis catharticis expurgabitur, menses apoze-
matis aperientibus, & fomentis hystericeis mo-
uebuntur. Vietus ratio parcius & refrigerans
insti-

*Curatio
primi gra-
dus melan-
choliae
hypochon-
driacae hy-
stericae*

*Secundi
gradus cha-
ra,*

instituat; corporis superflua, frequenti exercitio absumentur; rebus denique jucundis & diuersis, animus distrahatur. Alter gradus est, cum sanguis crassior factus & melancholicus, mores consuetos jam immutauit, metusque, mœroris, atque delirij signa, sese proferunt manifesta: quo tempore, Medicus accersitus, morbum oppugnabit, quatuor remediorum generibus. Primò euacuantibus, nimirum frequentibus enematis emollientibus, simulque flatus discutientibus; sanguinis missione ex vtroque cubito & malleolo, tantò largiore & frequentiore, quantò sanguinis exuperantis & feruidi, plura signa apparuerint: purgantibus etiam medicamentis, crebrius & per epicrasim exhibendis: quibus nonnulla semper hysterica admiscebuntur, propter causam affectus primariam, quæ ab ipso pendet vtero, & propaginibus venarum, ipsum circumdantibus. In hunc usum possunt exhiberi lenitiua, in forma boli, electuarij, syrapi, in præcedentibus capitibus descripta, aut sequens apozema, quod partim præparans, partim catharticum. *Vt Rec: rad: Ci-*

*Apozema
preparans
& cathar-
ticum.*

chor. Assar. fenic. eryng. angel. pæonia, bugloss. ana. unc. j. Fol: adianti. scolop. beton. agrimon. fumar. artemis.

Flor:

*Flor: anthos. stæch. bugl. borrag. an. Pj. sem: fœnic. ocy-
mi. citri. cardui. ana Dr. j. Cort: Citri cond. Dr. ij. Ligni
aloes. sant: citr. Cinam. ana Dr. j. fiat decoct. In colat. ad ℥
j. dissol. syr: de Byzantijs vnc. ij. syr: de Pomis, & de epi-
thymo. ana vnc. j. fiat Apozema clarum in 4. doses, su-
mendas 4. diebus continuis manè, duabus horis ante pa-
stum. Rec: Prædictæ decoctionis q. s. pro dosi: in qua in-
funde per diem & noctem Rhab: opt. Dr. jss. Cort. Elleb:
nigri florem purpureum ferentis scr: iiij. rad: Zedoariæ
sem: pæoniæ ana scr. j. vini maluatici vnc. ss. In express:
dissolu. syr: saporis vnc. j. Elect. lenit. vnc. ss. Confect:
Hamech. Dr. ij. f. Potio. Si tamen mediocria non
sufficiant, cum ne mouere quidem humorem
tam crassum, fixum ac stabilem possint; ad for-
tiora, Elleborum nigrum, & Lapidem Lazuli a-
scendendum, Ideoque Helleborismus Mat-
thioli, & alia medicamenta purgantia, capitibus
præcedentibus proposita, vsurpanda. Vel cum
ægra, fortiora purgantia non ferat, humor verò
contumax sit, mitiora medicamenta, sed fre-
quentius vsurpanda. Commendatur quoque
hic puluis. Rec. Epithymi vnc. ss. Lap: Lazuli præpa- Puluis
rat: Agar: troch. ana Dr. ij. ss. Diagryd: vel Extr. scam. purgans.
mon. gr. xv. Caryophyll: n. xx. Fol: sen. Dr. vj. sacch: al.
biss. vnc. iij. f. Puluis. Vbi semel atq; iterum pur-
N n n gatum*

gatum est, antequam denuò ad purgationem accedatur, medio tempore, medicamentorum humorem melancholicum alterantia vsurpanda sunt, vt supra. Secundò morbus oppugnabitur flatus discutientibus, tum enematis, tum fermentis & hypnoticis. Tertiò vterò prospiciendum, & danda opera, vt menses si subsistant prouocentur. Ideò hæc potio parari potest. *Rec: Vini albi ℥vj. Aq: matricar. ℥jß. Herb: Dictam: cret. Puleg. Calaminth. ana Pj. sabin. Rad: Rubiæ. ana vnc. j. Galang. Cinamomi. Macis. sem: dauci. ana Dr. iij. stent in infusione per diem integrum, postea colentur, & addatur Limatura chalybis preparat. ℥ß. atque in loco calido in vase vitreo benè clauso asseruentur per dies decem. Dosis ab vnc. iij. ad ℥ß. Comendatur etiam valdè hæc aqua in vteri affectionibus, è mensium & seminis retentione & melancholia inde nata. Rec: succi borrag. depurati. melissæ ana ℥ij. Croci opt. vnc. ß. infundantur & postea destillantur in balneo. Dosis cochlear vnum manè cum iusculo. Quartò, cor & cerebrum roborandum: quæ omnia ex capitibus superioribus repetenda: quibus additur victus ratio humectans, quæ simul vim habeat incidendi & attenuandi.*

Potio menses mouens

Aqua vterina.

Tertij gradus cura.

Tertius gradus est, cum res eo deuenit, vt plane

ne

nè foemina deliret, nec amicis aut familiaribus amplius delectetur. Quod genus mali ijsdem prorsus remedijs oppugnabitur, sed longè efficacioribus. Imprimis toti corpori & capiti ita prospiciatur, vt nec sicca nec frigida intemperies contrahatur; quod fiet, si minus sanguinis detrahatur, & purgatio frequentior validiorque instituat: non ex catapotijs, quæ nimium desiccant; sed syrupis, opiatis, & potionibus supra commemoratis: à quibus totum corpus omni arte humectandum erit, tum victûs ratione humectante, tum balneis vniuersalibus, semicupijs, fomentis, & pedum lotionibus: non omis- sis interim aquis naturalibus, præsertim spaden- sibus, & apozematis mensis cientibus. Quæ si non succedant, mirificè proderit hæmorrhoi- des per hirudines prouocare, quòd per eas, san- guis melancholicus, natura grauis & terrestris, magno mulierum commodo, deorsum reuo- cetur, ex aph. II. lib. 6. & si malum neq; his ces- serit, vt à capite & corde materia auertatur, fon- ticuli in cruribus excitentur.

Non rarò quoque in viris, ex feminis reten- tione, fouetur & excitatur melancholia hypo- chondriaca, præsertim ad illam jam dispositis, *Melan- cholia hy- pochondria- ca ex femi-*

nis retenti-
one.

vocatúrque affectus ille *Eroſis* ; qui ſolitudo quædam eſt melancholica ; mentisq; anxietas, ſpei, timoris, triſtitia & lætitia plena , vtrique ſexui quidem communis, ſed viris ſæpiùs contingit, quòd ſint mulieribus calidiores. Cuius cauſa non eſt alia, quàm amor ab aspectu mulieris pulchræ exortus, primùm ſentientem & animaleſ appetitum allicit, à quo vim concupiſcibilem ſitam in jecore impellit, quæ tandem vitali calore incenſa, rationem ipſam ita perturbat, vt ſibi eam ſubijciat, & mancipatam detineat. Vnde tanta illius vis, vt ſpe fruitionis tantillæ voluptatis, nihil aſperum judicet aut formidandum, réſque ſuas negligat atque diſſipet. Vnde facies illorum palleft, & totum corpus emaciatur , neque cibus in ventriculo, neque ſanguis in hepate ritè coquitur , oculi quoque excavantur , propter vigiliarum aſſiduitatem. Pulsus talis, qualis in animi conflictationibus, hoc eſt inordinatus & inæqualis, ſi res amata in mentem amantiſ vel aspectu vel auditu repente venerit: aliàs languidus & parvus. Curatur autem duobus modis : fruitione rei amatæ, & Medici indiſtriâ. Quod ad priorem attinet, certum eſt , ægrum nullâ re citiùs leuari poſſe, quàm

Duplex cu-
ra huius
Affectus.

quàm si eo potiatur, quod tantoperè concupit. Quod si ius diuinum vel humanum fieri vetet, ad industriam Medici recurrendum, quæ in eo potissimum versabitur, vt mens ad alias curas & cogitationes abducatur: quod fiet sequentibus modis.

Primò, si eger amans, virtutis, religiõis, & sanctimonie, per viros doctos, sibiq; familiares admoneatur, propositis eorum exemplis, qui cum opibus vitæ vnâ profuderunt, nec solùm honore, sed etiam æternâ felicitàte sese prorsùs abdicarunt. Secundò, si post neglecta consilia, increpetur acerbius, flagellis cædatur, aut trudatur in carcerem, pane famem, & sitim aquâ sedaturus. Tertiò, si coram egro, amata vitia & turpitudines recitentur, simulq; pulchrior alia vel dignitate superior & moribus elegantior proponatur: sic enim plerumque accidit, vt nouus amor veterem explodat. Quartò, si detur vacuæ menti, quo teneatur, opus: nullum enim fomitem habet amor desidiâ potiozem: otia enim si tollas, periere Cupidinis arcus. Quarè, multis & grauib; negotijs, amantis animum applicandum esse, suadet Ficinus in Platonem, in conuiuio; vt tot curis implicitus, sensim ab a-

more distrahatur. Quintò, si jucundis spectaculis, choreis, ludis, colloquijs, sermonibus, venatione, deambulatione per loca amœna prætæque virentia, musicâ, vel armis, cæterisque exercitiorum generibus detineatur. Quam ob causam, Poëtæ fabulantur, Palladem, Dianam, & Vestam nunquam Veneri succubuisse. Pallas bellicum apparatus: Diana venationem: Vesta denique victum frugalem designat. Scitum est autem, sine Cerere & Baccho frigere Venerem. Sextò, si amans mutet regionem, variâsque suscipiat peregrinationes: nihil enim æquè amorem dissolvit, quàm locorum frequens mutatio. Siquidem in peregrinatione vitam agentibus, hoc evenit, vt multa habeant hospitia, nullas amicitias ex Seneca i. epist. Quòd, si affectus amantis, adeò sit pertinax, vt his artibus & consilijs minimè reprimatur, more melancholicorum curabitur: nimirum enematis remollientibus & refrigerantibus: purgatione per melanagoga, ex præcedentibus repetenda: sanguinis missione liberali, nisi corpus morbi longitudine & gravitate jam sit extenuatum: apozematis refrigerantibus, & siccando, semè absumentibus, interdictis aromatis, eruca, & cunctis a-

cribus, quæ Veneri corpora nostra parant: vino interdum largiore, soluendis curis grauioribus valde idoneo: quo alioquin prorsus abstinendum, quod stimulum addat Veneri: feri lactis vsu per æstatem, & eorum præsidiorum, quæ nymphæam & camphoram recipiunt: multa frictione & exercitatione ad sudorem vsque. vt corporis meatus ad fuliginis excretionem aperiantur: licitâ Venere, quæ compescit cœstrum libidinis: potionibus & catapotijs somniferis, vt cerebrum tot curis & cogitationibus expeditum humectetur & conquiescat: balneis denique aquæ dulcis frequentibus, quæ per se corpus totum humectant, & reſeratis cutis meatibus, impensè refrigerant. Non exiguam meretur laudem sequens aqua composita, quâ Aquam Castitatis vocant, vt *Rec: Terra sigillatæ* *Aqua Castitatis.*
unc. iij. sem: Agni casti. unc. j.ß. sem: rutæ. nymphææ.
lactucæ. papau: albi. ana unc. j. canabis. acetosæ. portu-
lac. endiuie. milij solis. ameos. coriandr: preparat. ana
Dr. vj. rad: diptam. albi. Cynogloss. bistorta. ireos flor. ana
unc. ß. santalor: omnium. magist: Saturni. camphoræ
ana. Dr. iij. Herb: absynth: pont. Mentæ crisp. Bursæ pa-
stor. Taraxac. verbenæ. fol: salicis ana Dr. ij. Incidan-
tur; contundantur & infundantur in: vini rub. stiptici
lib.

lib. x. permittantur in digestionem per octiduum, postea B. M. destillentur. Hæc Aqua ideò casta vocatur, quia omnium illorum qui in cœlibatu viuere constituerunt, ignitum & prolificum semen ita compescit, vt inde libidinosi omnes eâ vtentes, in castitatis & modestiæ amantes, sine sanitatis periculo facillimè euadant: suâ enim frigiditate, & occultâ quadam proprietate, rem veream dissoluit. Præterea, præmissis vniuersalibus, vnamquamque Gonorrhæam, seminisque profluuium, absque vllâ molestiâ curat. Dosis manè & vespere, vel tempore necessitatis, ab vnc. j. ad vnc. ij. & vnc. iij.

CAPVT XXXI.

De Hypochondriacorum & Hystericarum Ecstasi siue Melancholia attonita.

Hypochondriacorum Ecstasis.

Non raro quoq; Hypochondriacis & Hystericis accidit melancholia attonita, à Medicis Ecstasis vocata morboſa, quæ apud Hippocratem duobus modis ſumitur. Interdum quidem generaliter, pro qualibet vehementi & repentina mentis emotione, qualis eſt perturbatio, quæ criſim antecedit, pugnamque natu-

ræ ostendit, vnde sanitas, vel mutatio in me-
 lius consequitur aph. 5. lib. 7. & 2. prorrh. ex
 quibus locis patet, Ecstasim nonnunquam esse
 salutarem. Sæpius verò affectum ipsum signi-
 ficat, cuius triplex est distinctio; vna stuporis;
 altera silentij; tertia furoris. Prima, in stuporis
 excessu consistit, quo affecti, manent immoti,
 adeoque stupent, vt transfixi non sentiant, vt
 Hipp: in aph. 14. lib. 7. intelligendus; propter
 plagam in capite acceptam; vel Gal: in com: cum
 quis ex morbo, nec loquitur, nec quicquam a-
 git, sed apertis oculis quietus manet, veluti præ-
 timore attonitus; quæ accidit affecto cere-
 bro, sensus motusque principio, percussis spiri-
 tibus, & in cordis sinus receptis: sed causam
 huius præcipuam, esse refrigerationem, testatur
 Aretæus cap. 6. lib. 1. Chronion, cum ait, sen-
 sus & rationis marcorem, ex refrigeratione pro-
 venire; cui idcirco, si febris superueniat, saluti-
 ferum. Hæc autem inducitur, vel à causis exter-
 nis, maximè verò solano, manico, hyoscyamo,
 ephemero & similibus, quæ vim habent ecsta-
 ticam, vel ab internis, vt crassis vaporibus, ab
 vtero & liene sursum elatis, aut atrâ bile jam re-
 frigeratâ cerebrum occupante, vnde spiritus a-

nimales incrassantur & sopiuntur, sicq; totum corpus quasi frigore obrigescit. Quod hypochondriacis & hystericis, sæpè vidi contingere. Secunda, Hipp: sigosa nominatur, propter adiunctum silentium, cuius causa non alia est, quàm animi pertinacia superstes melancholiæ: non enim accidit impotentiâ facultatis, vel culpâ instrumentorum vocem efformantium, sed defectu voluntatis, quæ animo pertinaci morē gerit. Hæc facilè in Ecstasim furiosam phreniticam euadit, auctâ humoris feritate: à qua Tertia species Ecstasis, furoris nempe, prodit, vehemens & ferina mentis alienatio, quâ cerebrum peius afficitur, propter atram bilem, cuius morsus sunt acriores quàm melancholiæ. Qualiscunque verò ea sit, minatur exitium, si in febres acutas inciderit, ob causæ magnitudinem, vel translationem humoris vsti à venis ad cerebrum. Nec verò minus portendit periculi, si desinat in tremorem & conuulsionem, propter nervos ab incendio resiccatos, vel totius corporis perfrigerationem adferat, quæ caloris extinctionem indicat, vnde releuari æger non potest.

Non paucos tales ægros quasi stupidos, &
loco-

locomotiuâ, sed apparenter solum, destitutos, in mea praxi habui: certo loco affixi & immobiles quasi hærebant, jacentes, se nō erexerunt, sedentes, non assurrexerunt, stantes, substituerunt, nec spontè pedes promouerunt, nisi vel ab amicis & adstantibus impulsī, & ad locum mutandum manuum operâ sollicitati fuerint. Homines quidem non fugiebant: loquentibus tamen, licet attendere viderentur, nihil respondebant, surdis veluti auribus, quidquid monitum fuisset, prætermiserunt, & quasi cogitandi, & contemplatione aliarum rerum occupati, obiectis visui, auditui, & tactui oblatis, non attendebant. Interim & dormiuerunt & vigilarunt per interualla: cibum ori admotum comederunt, potum hauserunt, inque his & similibus satis tractabiles, vel non multum reluctantes exstiterunt. Quanquam écontra etiâ refractarios quosdam habuerim, quibus vi potum, & juscula nutrientia, per os infundere opus fuerit, sibi stupidè imaginantes, se entia rationis Logica solummodò esse, ore carere & dentibus, atque adèò cibum aut potum assumere, eundémque masticare & deglutire non posse: in hac pertinacissima phantasia fame po-

*Descriptio
talium &
statorum*

tius perire quàm cibum admittere volentes. Multi in simili melancholia, quasi tentationibus vexantur, propter peccata non atrocia, sed leuia planè, quæ olim commiserant, se cum Deo in gratiam redire non posse, adeoque æternùm damnatos esse, sibi persuasum habet, indignosque se reputant, qui viuant, aut gerant honestius aliquod munus. Itaque desperabundorum instar, longum tempus, quo aliquoties sibi ipsis, vt & alijs, violentas manus inferre tentant, miserè transigunt. Feruore autem illo in actionibus remittente, tristiores præter modum fiunt, semperque tacentes crebra solum suspiria ingeminant. Amicis presentibus, & varijs consolationibus ægri miseriam lenientibus, interdum à melancholia & tristitia serio dehortantibus, lubentes quidem auscultare videntur: ad responsum tamen dandum, licet varijs propositis interrogationibus continuò instigentur, permoueri non possunt. Hanc tamen vocem aliquandò edunt: Ah DEVS! Quà exceptâ aliquot septimanis non verbum vllum ex illis, licet sæpius interrogatis, & vt loquerentur monitis, extorqueri potest. Interim nocturno tempore dormiunt, summo mane euigilantes, cogitabun-

tabundorum instar in lecto immobiles jacent: è lecto operâ ministri eleuati, & vestibus indu-
ti, stant instar statuarum, manu capiti & tem-
poribus spontè admotâ, quod præter modum
tristes facere solent, suspirant, impulsî &
manu deducti incedunt, ad scamnum vel sel-
lam adducti sedent: instigati mensæ assident,
cibum ab adstantibus in os insertum edunt, &
cantharo ori applicato, quem moniti arripiunt
& tenent, bibunt. Hic affectus, cum tempore
veris incipit, æstate exasperatur, durat toto au-
tumno, media hyeme post solstitium hyber-
num minuitur, ita vt tandem restituti, si rectè
curentur, munera sua iterum obire possint.

Causa verò est, quòd melancholici vapores *Causa hu-
im suppo-
ris Ecsta-
tici*
cerebro comunicati, spiritus animales ita red-
dant fixos, & quodammodo immobiles, vt præ-
ter illa firmiter concepta & impressa phantaf-
mata, nulli fermè speciei phantasticæ effor-
mandæ, & rationi repræsentandæ apti & ido-
nei sint. Vnde phantasia & ratio speciebus illis
firmiter inhærentibus occupata, obiectis alijs
attendere, vel illa satis cognoscere non potest.
Hinc per consequens nullus rerum obiecta-
rum appetitus, & voluntarius ad illa motus, sed

mera apparens stupiditas. Æstatis verò tempore, humor melancholicus nonnihil caloris præternaturalis acquirens, & sic quodammodò adustus existens, delirium vehemens excitat, & quasi maniacum. Absumptis autem tractu temporis partibus calidioribus, vel fixioribus redditis, segniùs animum irritare, tandèmq; spiritus planè torpidos reddere incipit. Cura est eadem, quæ aliorum melancholicorum, nisi quod ob causam vehementiorem fortiora medicamenta requirantur.

Cura huius melancholia Ecstatica.

Tres species Ecstasis siue animæ abstractionis.

Quandoquidem verò D. Thomas, animæ abstractionem siue Ecstasim 2. 2. qu. 175. art. 1. ex triplici causa contingere statuat. Nempe ex virtute diuina, ex virtute dæmonis, & ex causa corporali, siue humorum vitio. De vltima cum jam dixerimus, per occasionem non videbor ab instituto meo valdè recedere, si tam breuiter, quàm obiter docuero, quomodo priores duæ contingant. Ecstasis igitur ex virtute diuina contingit, cum quis ad rerum cælestium contemplationem per spiritum sanctum euehitur, cum abstractione mentis à sensibilibus. Qualis fuit raptus D. Pauli, Prophetarum, & Sanctorum hominum. Cuius raptus subiectū

Ecstasis ex virtute Diuina.

non

non est aliud, quàm anima humana, ratione intellectus passibilis: formalis, est ipsa actio, quâ quis eleuatur, & rebus cælestibus quasi vnitur: finalis, est coniunctio animi cum Deo, qui requies tranquilla pijs existit. Agens duplex, instrumentalis, est intellectus agens: principalis, Deus ipse, qui cùm se menti nostræ per raptum insinuat, ea quæ vult nos tum videre, diuinâ quâdam repræsentatione ostendit. Quæ dum percipit noster intellectus, ope intellectus agentis, rerum visarum quoddam simulachrum efficitur, qui raptus verus & metaphysicus est. Ex virtute dæmonis autem ligantis sensus exteriores, Ecstasis bifariam accidit, nempe obstructis tramitibus, per quos spiritus animalis à cerebro ad sensoria ipsa permeat, & retracto eodem spiritu ad sensum communem, ibique retento, ne ad sensuum externorum instrumenta possit remeare. Quo fit, vt sensuum externorum munia, ita impediuntur, vt corpus viuum, cadaueris speciem præ se ferat. Talis est magorum, vt Lappiorum & Finnorum, sagarum quoque (de quibus consule Olaum) Ecstasis. Qui cùm certo in loco maneant soporati, varia tamen se peragrasse falsò arbitrantur: dum se per aërem

*Ecstasis ex
virtute
Dæmonis.*

aërem ferri, lautè epulari, choreas ducere, cum dæmone congregi putant. Verùm, quæcunque huius rei caussa sit, de eo disquirere, Medici proprium non est. Siuè enim reuera transferantur sagæ, & vnguentis, nescio quibus, delibutæ, ceremoniisque nonnullis adhibitis, ad loca conuentusque nocturnos à dæmone transportentur, quod verissimè fieri interdum, historiæ testantur: de eo differere, Medici non interest, siuè etiam corpore non transferantur, sed domi suæ sopitæ, grauiore somno oppressæ, se choreis & conuiuijs illis interesse somnient, & vigilantes postea in eodem errore permaneant (quod etiam accidisse ex historijs patet) itidem causam rimari, Medici non est. Neque enim somnia illa naturalia sunt, fierique non potest, vt tanta sit loco, temperamento, ætate, sexu, & studijs differentium in somnijs consensio, vt vnâ nocte, vnâ horâ, de vno tali conuentu somnient, atque planè de loco, numero & conditione personarum, similibusq; circumstantijs cõueniant: sed à causa supernaturali, diabolo videlicet, Deo permittente, confœderatis talia somnia suggeruntur. Vnde etiam sagis illis senio conuersis, & conuentibus illis amplius interesse:

teresse nolentibus, talia somnia amplius non contingunt, quod indicio est, ea antea à naturali causa profecta non fuisse.

Sed queritur, vtrum in Ecstasi corpus ab anima deferatur. Quod affirmat Bodinus lib. 2. Dæmonomanie, multis ad huius opinionis confirmationem adductis autoritatibus & exemplis. Quibus omnibus vno verbo responderi potest, in huiusmodi raptibus vim magicam intercedere, sed nunquam à corpore animam recedere, quod citra mortem fieri nequit, quæ nihil aliud est, quàm animæ separatio à corpore. Atqui si mors interuenit, quis animam iterum in corpus inducit? sola Dei virtus est, quæ per raptum animam separare potest, confirmatis in ipso corpore dispositionibus, huic iterum recipiendæ idoneis. Quod, an sibi contigerit, dubitare se D. Paulus profitetur Corinth. 12. Falluntur ergò, qui falsam & magicam Ecstasim, à verâ, eadêmq; diuinâ, minimè nôrunt distinguere, & in illa putant animam extra corpus peregrinari. Omnia inquit Tertullianus lib. de Anima, sunt potiùs confectanda, quàm hæc animæ licentia sine morte fugitiuæ. Alioquin Ecstasis cum apheresia confunderetur, in qua verè corpus exanimum dicitur, cùm in illa sit

Virum in Ecstasi corpus ab anima deferatur.

tantum priuatum anime functionibus, propter spiritus animalis impedimentum.

CAPVT XXXII.

*De symptomatum correctione in Melancholia
Hypochondriaca.*

RÆSIDIA omnia modo narrata, prophylactica & curatiua sunt, quæ morbo intermittente & infestante, à Medicis præscribuntur. In ipso autem paroxismo, dum sæuit morbus, causa eiusdem ad tempus relinquenda est, vt symptomatis magis vrgentibus succurratur. Primum igitur, si venter flatibus distendatur, adeo vt æger veluti suffocetur à crassis vaporibus, diaphragma & pulmones prementibus: clyster iniiciatur, ex remollientibus, splenicis, & flatus discutientibus: fofus ex iisdem instituat ad lienem, cum spongia: aut sacculi parabuntur, ex chamæmelo, meliloto, anetho, cum seminibus anisi, foeniculi: cucurbitula magna, vmbilico applicabitur: aliquid mithridatij cum vino exhibebitur, vel aqua cinnamomi, aut claréta ex cochleari, vel tantillum essentia anisi cum iusculo. Si vires prosternantur, cardia-

*Præsidia
contra fla-
tum.*

cardiacis omnibus sumptis & admotis, instaurabuntur, præsertim vino generoso, in quo panis tostus intingatur : cortice Citri condito, confectione Alkermes, odore grato, ut panis tosti : non omissis interim succis carniū expressis vel concretis, cæterisque rebus, quæ vel succo tenui & alibili, vel odore jucundo, languescens spiritus citò refocillare possunt. Multa sunt alia symptomata, pro corporum diversitate: ut vètris segnities, quæ malactico enema corrigitur: æstus igneus totius corporis, præsertim abdominis, cui venæ sectio medebitur, præmisso clystere ex fero lactis: crudelissimum quoque symptoma est agrypnia siue vigilia: cui propter periculum, quod inde imminet, modis omnibus incumbendum. Ad somnum igitur conciliandum, præscribuntur, hordeatum cum semine papaveris albi : massa panis ex amygdalis infusis in aqua rosarum, & tritis cum eodem semine & saccharo: Syrupi de nenuphare & papauere, per se, ex cochleari, vel cū aquis & decocto lactucæ & endiviæ: opiata ex cōseruis radicis lactucæ & florum rosarum, violarum & nymphææ cum pulvere diamargar: frig: & syrupis prædictis: Bolus ex conferua

*Si vires
prosterne-
tur.*

*Æstus cor-
poris*

Vigiliae

papau: & theriaca recenti: Chymistarum laudanum, vel pilulæ de cynoglossa ad gr: v. Requies Nicolai. Quibus per os sumendis multa topica succenturiantur, vt simplex oxyrhodium: olea, rosatum, violatum, & nenupharinum, cum succis vel aquis lactucæ, solani, papaueris; pro lita frontis & temporum, frontalia, ex vnguento populeo, conseruis, aut floribus violarum, rosarum, nymphææ, papaueris, cum seminibus, lactucæ, portulacæ, papaueris albi, coriandri, & santalo rubro: puluis ex iisdem, additâ maioranâ, capiti inspergendus: Irrigatio eiusdem capitis, ex aquis lactucæ, rosarum, oxalidis, nymphææ, cum pulu. rosar: santali rubri, & diamarg: frig. Emplastrum temporibus admouendum, ex mastiche, gummi elemi cum gr. iij. opij. Lotiones tibiarum & pedum, ex decocto lactucæ, maioranæ, papaueris, rosarum, flor: chamomillæ & nenuph: in aqua & vino: granum opij ad motum puncturæ hirudinis, pone aures admotæ. Quibus adduntur facculi ex rosis, violis, folijs & floribus nenuph: papau: & hyoscyami, capiti per noctem supponendi: ferta odorifera ex violis, rosis, & maiorana conferta: quæ perfunduntur aquâ rosarū,

in qua opij aliquid cum camphora infusum fuerit: vel spongiola iisdem immerfa: pila denique odorata, ex cortice rad: mandragoræ, femine hyoscyami & papau: scr: ꝑ. opii cum styrace, ladanio, & cera, vel carbone falicis. Quibustamen omnibus, parcè & prudenter vtendum est, ne calorem innatum jam debilem, suo frigore narcotico magis cōsopiant, vel extinguant. Quod ne accidat, dies aliquot interponantur, quibus ægro cardiacum offeratur, ad vires fulciendas, & cor, ipsum fontem caloris, roborandum. Corporis totius lassitudines, & vibrationes, palmi, & veluti punctiones, pruritus, ephidrosis, macies vniuersalis, tolli possunt per balnea aquæ dulcis tepida: quibus tantum tribuit Gal: lib. 3. locor. aff vt solo eorum vsu, citra purgationem, multos se curasse profiteatur. Quod si corpus valdè sit aridum, quædam adijcian- tur remollientia, vt malua & althæa, cum floribus violarum. Item sacculi, ex amygdalis dulcibus, cum femine citruli & melonum contusis, pro frictione corporis: à Balneo, illinetur oleis violato, & amygdalino cum butyro recenti: sudores quoque, sed non sumptis hidroticis, vel in hypocaustis (quia morbus hic, potius in-

*Corporis
lassitudo,
vibratio,
palmus,
punctio,
pruritus,
Ephidrosis,
Macies.*

474 MICROCOSMI HYPOCHONDRIACI.

diget humectantibus quàm desiccantibus) sed exercitio, labore, & balneo, aut in lecto tantum moderatè excitentur, ad dissipandas morbi reliquias. Sonitus aurium, capitis grauitas, & vertigo, ascensus euaporationum ad superiores partes, rubores & calores vultûs, vnde postea varia prodeunt phantasmata melancholica, metus & mœstitia, inhiberi possunt auertentibus, quæ vel humores à capite deorsum reuellunt, vel in partes vicinas deriuant. Cuiusmodi sunt primò clysteres paulò acriores: secundo, sectio venæ internæ vtriusque malleoli, præsertim si menses vel hæmorrhoides suppressæ fuerint: tertio, cucurbitule, omoplatis, vtriq; hypochondrio, natibus, & internis femoribus, pro ratione causarum & symptomatû affigendæ: quarto, hirudines fronti, temporibus, pone aures, collo, ano, & locis varicosis appositæ: quinto frictiones colli, dorsi, & partium extremarum, cû crebris pedum & tibiârû lotionibus ex aqua tepida: sexto, pyrotica, quæ collo, humeris, & tibijs internis admouentur: interdum etiam supra futuram coronalem, vbi paulò diutius sinuntur remanere, donec cranium vstionem sentiat. Quibus nihil proficientibus, Recentiores

Sonitus aurium capitis grauitas & vertigo, euaporationes, rubor & calor vultus, metus & mœstitia.

res, trepanum capiti adhibent, vt vapor ater ex-
 halet, & si quid aliud est præter naturam in cere-
 bro, vacuetur : septimò, quæ collectos in ca-
 pite humores, post exactam purgationem eli-
 ciunt, vt masticatoria, errhina, & sternutatoria.
 Interea si varices dilatentur, secandi ; si menses
 in mulieribus supprimantur, mouendi ; denique
 si in viris tumeant hæmorrhoides, ad motis san-
 guisugis sunt aperiendæ. Quòd si ne quidem
 appareant in hypochondriacis, sunt tamen ex-
 citandæ, si fieri possit, per remedia conuenien-
 tia, vt clysteres, & balanos acres, sumptam a-
 loën, fomētum ani, litum & frictionem, & eius-
 modi : quòd nullum præsidium, melancholiæ
 tum præcauendæ, tum curandæ, sit efficiaciâ
 huic comparandum. Ad æstum & calorem al-
 terādum, & siccam intemperiem humoris me-
 lancholici corrigendam, alia sumuntur, alia fo-
 ris adhibentur. Inter illa, præter humidam vi-
 ctûs rationem, magnam vim habent, huiusmo-
 di syrapi, Iulepi, & Apozemata, aquæ spaden-
 ses siue acidulæ, lac caprillum, asininum, & fe-
 rum lactis, vti in præcedentibus fusiùs dictum.
 Externorum alia sunt vniuersalia, quædam par-
 ticularia. Vniuersale, est balneum aquæ tepidæ
 dul.

*Ad æstum
 & calorem
 alteran-
 dum.*

dulcis, cum frictione & illitione, de quibus modo dictum. Particularia remedia, sunt epithemata, quæ cordi admouentur, oxyrhodinum, quod regioni hepatis : fomentum ex splenicis & malacticis, quod lieni: litus frontis & temporum, ex oleis, violato, rosaceo, & nenupharino, vel amygdalino : embroche sineipitis rasi, cum filtro vel panno, ex decocto betonicæ, melisse, rosarum, violarum, florum buglossi, borraginis, anthos: denique lotiones tiliarum & pedum ex aqua tepida, de quibus ante dictum est. Nausea, cardiogmos, vomitus, dyspepsia, anorexia, & in quibusdam bulimia, ructus, ventris rugitus & borborygmos, tensio & grauitas abdominis, frequens sputatio, dyspnæa, ventriculi dolor & inflatio: hæc omnia, medicamentis purgantibus, vomitorijs & ventriculum roborantibus pelluntur. Purgationi incumbendum per melanagoga, quibus interdum adijciantur, quæ bilem vel pituitam simul cum melancholia reduntantem euacuent. Purgationis autem initium sumatur à mitioribus, vt aliàs dictum est, adiectis nonnunquam valentioribus, quia chymus melancholicus, sua siccitate & crassitie medicamentis purgantibus reluctatur. Sic

Nausea, Cardiogmos, vomitus, dyspepsia, anorexia, bulimia, ructus, rugitus, tensio & grauitas abdominis, frequens sputatio, dyspnæa, ven-

Hipp: aph. 9. lib. 4. melancholicos per inferiora vehementius purgandos esse iubet. Quod tamententandum non est, nisi corpus ipsum & humor peccans antè præparetur Iulepis & Apozematis conuenientibus: quorum copia superius quoque designata est. Aëtius cap. 10. serm. 2. tetrab. 2. purgationem frequentem instituit ex aloë & epithymo, vt quæ moderatè & paulatim aluum subducatur. Idem probat hieram, quæ recipit epithymum. Auic. præscribit pilulas de hiera, & de Lapide Lazuli, quæ tamen, vt & cæteræ omnes, non omnibus conueniunt, propter calorem & siccitatem. Itaque quandoquidem hypochondriacus morbus, sit chronicus, valdè contumax, & curatu difficillimus, tum ratione humoris morbifici, qui cum sit crassus, terrestris & frigidus, neque citò à naturâ coqui, neque facile ab arte edomari possit: tum ratione ipsius egri, qui sepe adeo est pertinax, vt leges sibi præscriptas non facile admittat. Quamobrem, vel imminenti malo confestim occurrendum, vel iam nascèti, priusquam inualescat, promptè subueniendum consulit Aëtius loco citato. Si verò morbus inualuerit, & symptomata vrgeant, Græci omnes & Ara-

tricoli dolor & inflatio.

*Vfus vera-
tri nigri.*

bes, vnanimi consensu, recurrendum putant ad Veratrum nigrum, tanquam ad sacram anchoram, sed ea cautione, vt nec in substantia, sed decoctum vel infusum, & cum corrigentibus aromaticis, aut alijs, nec pueris, senibus, aut naturis infirmioribus, sed tantum robustis atrabile vexatis exhibeatur. Matthiolus commen. in lib. 4. Diosc. cap. 146. affirmat, se illud sexcentis hominibus citra damnum præbuisse. Deligetur autem cortex radicis, & in vmbra siccatus, à scr. j. ad. Dr. j. infundetur in iure pingui, vel hydromelite, sicque dilutum propinabitur. Cauendum interim, ne vel myrobalanis, vel alijs astringentibus admisceatur, quia sic diutius hæreret in corpore. Vomitus, sit moderatus, isque si materia turgeat, mitioribus excitetur; licet Arabes eum probent, minus tamen conuenit melancholicis, quia humorem sursum reuocat, qui potius per inferiora educendus, quod si verò quis assuetus sit, & facile ferat, indeque se alleuatum senserit, non omnino cauendus erit. Sed vomitu fortiore abstinendum, qualem præscribit Ægineta, cap. 14. lib. 3. ex Veratro albo, aut Recentiores, ex stibio preparato: quod multi, Aëtio teste, cap. 10. loco cit: efficacioribus

Vomitus.

vomitorijs primùm in melancholiam fortio-
 rem inciderint. Purgationis vice, clysteres to- *Vfus Cly-*
 to morbi decursu, & symptomatibus vrgenti- *sterum.*
 bus, frequenter iniiciantur, ex malacticis & fla-
 tus discutientibus, coctis in sero lactis, vel jure
 omaforum. Dissoluentur diacassia, lenitium,
 catholicum, confect: Hamech, mel violatum,
 aut mercuriale, saccharum rubrum cum buty-
 ro recenti, vel oleis nunc calidis, nunc refrige-
 rantibus, pro humoris peccantis qualitate. Ven- *Roboratio*
 triculo roborando, præter vsum absynthiacorum, *ventriculi*
 & conditorum, conueniet partim puluis
 digestiuus, ex anisi & fœniculi conditi an. vnc.
 β. cort: citri conditi Dr. ij. Cinamomi D. j. Co-
 ralli rubri & Vnionum præparat: ana Dr. β. cum
 vnc, iiij. sacchari rosati, post pastum sumendus
 ex cochleari: partim scutum ex melissa, men-
 tha, absinthio, maiorana, rosis, caryophyllis,
 macere, fœniculo. Aut litus fiet ex oleis, ma-
 stich: de mentha, & absinthite: sed ne jecur eo-
 rû vfu incalescat, eius regioni applicetur oxyr-
 hodinum, cum cerato santalino, vel epithema,
 quod vim refrigerandi obtineat. Cordis pal- *Cordis pal-*
 pitatio & lipothymia, insomnia turbulenta & *pitatio &*
 peregrina, plerumque cessant, si euaporationes *Lipothy-*
mia.

malignæ impediuntur, aut per corroborantia
sistantur. Quibus autem cor, jecur, cerebrum
roboranda, spiritusque animales recreandi sint,
tàm per illa quæ sumuntur, quàm per alia quæ
admouentur, ex prioribus repetenda sunt.

*Curatio
per saluta-
res admo-
nitiones &
rationes
plausibiles
à Medico
illatas.*

Tandem deprauatio imaginatricis, vnde mi-
ra prodeunt phantasmata melancholica: qui-
bus adduntur metus & mœstitia, quæ melan-
cholicis omnibus communia existunt, si
jam ad longum enarratis medijs prophylacti-
cis & curatiuis cedere nolint, in visitatione æ-
grorum, non solum plausibilibus ac fidem eti-
am facientibus rationibus vtendum, quæ va-
gum alioquin iudicium, & inconstantem ani-
mum sistant ac robovent, quæque certissimis
documentis auertant & leniant eiusmodi per-
turbationem, æger solandus, eidemque bona
futuræ suæ pristinæ valetudinis spes concitan-
da: verum etiam varijs subinde exemplis ea-
dem confirmanda, quanta videlicet commo-
da, ex varijs curationibus, in hoc affectus gene-
re feliciter adhibitis, orta sint. Hinc enim fiet,
vt in temperatam ac firmiorem statum, animus
eorum perturbatus reuocetur: vbi insuper no-
tandum, juxta malorum varietatem, varias cri-

am rationes, diuersaque exempla accomodanda, singulaque ad singulas causas (præsertim si cum literatis nobis res sit) reuocanda esse.

CAPVT XXXIII.

De ingeniosissimis quorundam Medicorum curis, in deprauata imaginatione.

PLACEBIT & licebit hic, quorundam grauissimorum Medicorum verissima exempla seu obseruationes, de quibusdam hypochondriacis & melancholicis, varia, rara, & notatu digna, introducere: ex quorum lectione non modo Lector recreari, sed ex inuentione, ingeniosissimarum curarum, Doctorum ingenia quoque mirari poterit. Nam, velut non cuiusuis est, melancholicis mederi, sic difficulter quoque eradicantur clanculum ex ipsorum animis imagines, ab atrabile, falso impressæ: cuius tamen ingeniosi inuenti, nobile specimen olim editurus Philodotus Medicus, restituit plumbeo pileo, cuidam melancholico caput, quod putauerat sibi, jam diu, amputatum. Quo respiciens Cornelius Celsus, suadet lib. 3. cap. 18. insanix huic sæpius assentiendum,

*Historia
quorundam
deprauata
imaginatione
laborantium,
& eorum
curationes*

quàm repugnandum: & non euidenter, ab his, quæ stultè dicuntur, ad meliora, mentem ipsorum abducendam.

Historia I. Insignis Pictor, vti commemorat Tulpius in suis obseruationibus cap. xviii, infestatus aliquandiu, ab atrâ bile, imaginabatur sibi falsò, cuncta corporis ossa, adeò mollia, ac flexibilia sibi esse, vt instar sequacis ceræ, facillimè in se complicarentur; si vel minimùm illis inniteretur. Quâ opinione menti penitiùs impressâ, continuit se integram hyemem in lecto: veritus inde si surgeret, aliquid sinistri: & certò certius euenturam, quam hactenus metuerat, deformem ossium suorum, vel potius totius corporis conglobationem. Quo metu intellecto, noluit ipsi aduersari: neque palàm, sed clam surreptum ire, quam conceperat imaginationem. Asserens propterea, mollitiem hanc non latere Medicos: quin potius jam diu animaduersam ab incluto Fernelio lib. ii. de abd: rer: causis: & sicuti cera emollitur, ac induratur: sic plurimùm in ossibus etiam posse artem medicam, modò morigeros se præbeant ægri. Ipsius autem ossibus, intra triduum, restitutum iri pristinum stabilimentum, Et ante diem sextum, potentiam

rentiam quocunque ambulandi; dummodò fuerit dicto audiens. Quæ promissa, dici vix potest, quantam excitauerint spem recuperandæ sanitatis: & quàm morigerum reddiderint ipsum, in admittendis remedijs, atræ bili destinatis. Quâ conuenienter ex corpore depulsâ, exsoluimus & nos facilè fidem nostram: jubētes ipsum surgere, ex cubili: in quo integram hyemem decubuerat. Verùm cum eâ lege, vt duntaxat insisteret pedibus: neque procederet vel latum vnguem. Secùs si faceret, penes se culpam futuram. Sexto verò die, me veniam ipsi daturum, quocunque deambulandi: modò ritè obtemperaret arti. Quæ certè monita, eò fuère rigidiora, quò minùs expedit ipsi dolum hunc resciscere. Qui quò magis lateret, continuauimus testè in medicamentis catharticijs. Sed appropinquante jam secundo tri-duo; ostendimus coràm promissi veritatem. Factâ non tantùm veniâ, ambulandi per con-claue, sed etiam in publicum prodeundi, & obeundi jugiter, qualiacunque, sani hominis, munia. Quâ libertate tantoperè gauisus fuit; vt ignorauerit, quibus encomijs extolleret sanitatis suæ Præsidem. Admiratus hinc artis poten-tiam;

tiam; illinc detestatus suam diffidentiam: quod tam diu denegasset fidem, à quâ tam salutare recepisset consilium. Vidit quidem hic æger robur ossibus suis restitutum: vidit rediuvâ crurum officia: vidit expeditum incessum: vidit alia: sed stultam hanc, totius hyemis imaginationem, clanculûm sibi eripi, nec vidit, nec sensit, homo cæteroquin minimè stupidus, sed in arte suâ abundè sagax, & vix vlli secundus.

*Historiæ
II.*

Quod ipsum inuentum, non minùs feliciter quoque cessit mulieri. Quæ credebat, in vtero suo, contineri molam viuam, interimendam à Medico. Quam operam siquidem ipsi denegasses, satagens rationibus potius, quàm sagaci aliquo stratagemate, sententiam illam euellere, operam perdidisses, neque vel tantulûm profuisses ægræ, quam præstitit clam circumuenire, quàm palam convincere. Monita itaq; fuit, haberet exactam excretorum rationem: & si quæ conspiceret atra, vel nigræ fuligini simillima, crederet firmiter, jam tum expelli molam sibi ingratißimam. Quibus verbis fidem habens, admisit haud grauate, modò Veratrum nigrum, modò Confectionem hamech, aliaue expellendæ eiusmodi infaniæ apta. Quorum ope,

ope, atrâ bile excretâ, non dubitauit amplius de molæ suæ internectione: certa (vti credebat) ex eius occisæ colliquatione, sequi nigram illam deiectionem, in quam prædixeram dissolutum iri, viuum illud monstrum, quod imaginabatur vtero suo inclusum: à quo, licet id temporis feliciter euaserit, incidit tamen haud diu post, in simillimam insaniam, sed priore multo grauiorem; credens firmiter, se fato functam, eâ conditione, à Deo in mundum remissam, vt viueret deinceps excors. Corde enim suo, à Deo retento, doluit impensè, aliam esse sibi, quàm aliorum mortalium vitam: quam tamen imaginationem, nulla cùm auferrent stratagemata; afflixit quidem ipsam aliquandiu hæc tristitia: sed tandem quoque, licet tardiùs, discessit: iuxta illud elegantissimi Iusti Lipsij. *Illos ab atrâ bile, curat dies & quies.* Quidam se Deos, Imperatores, Reges, Cardinales, Principes, Vates, Augures, Sacerdotes, homines Moniales & Sanctos; quidam se dæmones, damnatos; quidam cuculos, catos, canes, lupos sese existimant, harumque aut similibus bestiarum mores & gesticationes imitantur; quidam grana tritici gallinis deuoranda, se esse autumant, proinde-

que verentur, ne à talibus animalibus deglutiantur, vnde illa fugiunt; alij se fame confici putant, seque propterea continuis escis ingurgitant: nonnulli cibum recusant, sibi jam jam migraturam in labris sessitare animam autumantes; sunt præterea, qui à latronibus continuo putant se circumueniri & spoliari; alij verò, qui à lictoribus se colligari, & mox in carcerem coniiciendos credunt.

Historia
III.

Burgundus quidam, Lutetiæ ad ædem S. Iuliani, multis clarissimis Medicis adstantibus, mortuum se affirmabat, simul fratre ibidem decumbente, postea phantasiâ mutatâ, declamabat, precabaturque Medicos, ne amplius animæ impedimento essent, quò minus è purgatorio euolaret ad Deum, aliquando imitabatur moribundum, quasi efflaret animam, monebat, vt spectarent expiratum, postea summo timore, & omnium desperatione corripiebatur, Tandem opportunis adhibitis remedijs, & hæmorrhoidum profluuiò, liberatus est. Scholiograph. ad cap. 17. Holler. lib. I. de morb. intern. Sic Vir quidam illustris, in eum mentis errorem incidit, vt mente & animo conceperit, se jam è viujs excessisse, adeò, vt licet illum amici & familia-

Historia
IV.

miliares, ad instaurandas vires jam collapsas, precibus, blandimentis, obiurgatione adhortarentur atque vrgerent, omnia tamen respueret, quòd causaretur mortuum esse se, ac nihil ita constituto opus esse alimenti. Cùm autem fame propemodùm enecandus videretur, instante scilicet septimo die (qui famelicis atque inedia laborantibus plerumque lethalis esse dicitur) comminisci cæperunt, excogitareque rationem aliquam, quâ posset hic mentis error eximi aut curari. Itaque inducti sunt in conclauem, arte atque industriâ obscuratum, personati quidam histriões, linteo obuelati, ac fascijs obuincti, quibus mortui sepulchris inferri solent, instructaque mensâ ferculorum apparatu, liberalius largiúsque se cibo ac potu reficiunt. Æger autem hæc cōspicatus, sciscitatur, quid moriantur, & quod sit genus hominum? responsum est, mortuos esse se; tum is, mortuine edunt? illi: maximè; si libeat accumbere, id non vanum experturum. Confestim mente captus exiit, lecto que se subduxit, atq; vnâ cum mortuis commentitijs, cibo vsus est affluentius. Postea à coena somnus illi obrepfit, & sanatus est. Lemn. lib. 2. de complex. cap. 6.

Historia
V.

Insignis aliquis Medicus, agnatum quēdam habuit virum doctum & celebrem, qui sibi imaginatus fuerat, & credebat certò, sibi à quodam amico ex Italia reuerso, ingestos in corpus duos Spiritus, qui in colloquiū cū ipso sepè veniebant: à quibus multa audiebat, sed qui, præsertim mortem, sepè interminabantur, aut græue aliquod malum, quo torqueretur. Is cum Medico rem patefecisset, & morbum suum exposuisset, agnouit ille statim, phantasiæ elusæ esse morbum. Cūque iuuandi consanguinei studio teneretur, consilium iniit, quī morbo illius mederi posset: communicato itaque cum alijs consilio, sic in curam processum est. Confingendi fuerunt in libello characteres, & Spirituum nomina, nec non persuadendum, committendos esse fortiores Spiritus, cum ijs, qui corpus torquebant, vt in hac pugna, potentiores, ex corpore debiliores eijcerent. Arrisit hoc medicandi genus ægrotanti: interim dum tempus opportunum expectabatur administrandi huius remedij, alia præscribebantur remedia, quibus indies utebatur æger, ad atram bilem fugandam: atque id per aliquod tempus continua-

tinuatum est, dum canicula occideret, & feliciores dies orirentur. Tandem Medici, vt rem suam peragerent, magnam aulam quandam selegerunt, vt illic & characteribus suis, & inuocatione Spirituum, ac aliorum cōiuratione cōfictis, phantasticam illam imaginationem exploderent. Ad hoc institutum, delectus est honestus & prudens quidam Chirurgus, qui inuocati Spiritus personam ageret, quique optimè calleret, quid sibi dicendum & faciendum esset. In quo loco, horæque electæ, delineatus tandem est quidam circulus, aliæque adhibitæ ceremoniæ, quibus Spirituum Cōiuratores & Necromantici vti solent, quas attentè obseruant. In medio circulo, collocatus est æger, monitus ne quid reformidaret. Deindè post insusurationes quasdam, & cœca murmura, conuocatus primò orientalis Spiritus, vt accederet: eadem & meridionali Spiritui facta est coniuratio, sed frustra. Tertio demùm loco, conuocatus ille Spiritus, qui opportunus videbatur. Assurgit tunc prudens ille Chirurgus, latitans in quodam obscuro illius aulae loco: qui sese in laruâ spiritûs dat conspiciendum. Monetur

rursus æger ne quid metuat, qui ob spem & expectationem valetudinis, quam ex huiusmodi præstigijs certò præfagiebat futuram, respondit, nihil se reformidare. Tandem res ita peracta est, tamque dextrè, ac artificiosè ducta, vt sibi prorsus æger persuaserit, à se suos Spiritus prorsus exclusos, & integræ valetudini se restitutum. Atque hac ratione & industriâ imaginatrix eius facultas prorsus deprauata, ad sanam mentem reuocata est. Nec tamē desierunt Medici, promouere confirmationem valetudinis egri, remedijs atram bilem purgantibus, vt reliquias omnes morbi excuterent, quibus etiam æger totaliter restitutus est. Quercetanus in fine Diætet: cap. 33.

*Historia
74.*

Hypochondriacus quidam, persuasum habebat, ranas ac rubetas, quas Bufones vocant, intestina perterebrare, nec vlla ratione, isthæc opinio, illi eximi potuit. Medicus quò illū haberet obsequentem (nam Melancholici ægrè ab opinione dimouentur) tale quiddam corpori inhærere pronunciauit. Itaque exhibitâ purgantē potione, applicatōque clystere, procuratum est, vt aliquot eius generis reptilia, in subiectam peluim conijcerentur. Vbi autem pharmacum

macum vires suas explicuit, alius affatim inanita est, conspectisque excrementis, & quæ illis innatabant animalculis, vana illa opinio, animo excussa est. Lemn. lib. 2. de complex cap. 6.

Senensis quidam, nullo modo persuaderi poterat, vt vrinam redderet: aiebat enim si mingeret, rotam urbem diluuiο perituram, quem ad lotium excernendum, eleganti commento perduxerunt: nam pulsantibus campanis ad melancholicum accurrunt, magno incendio urbem conflagrare nunciantes, obnixè que rogantes, vt redditâ vrinâ, ciuitati ob incendium periclitanti opem ferret. Quod & factum. Marcell. Donat. de hist. med. mir. lib. 2. cap. 1.

Cuidam persuasū erat, nasum sibi excreuisse in imensam atque prodigiosam longitudinem, exprorectum sic, vt Elephantis proboscidem circumferre visus sit, qui nusquam nō esset impedimento, adeò vt subinde patinis, vt illi creditum est, innataret. Accitus Medicus, atque affectum melancholicum subesse ratus suspicatusuē, dexteritate quadam, ac latenti habilitate, longum farcimen naribus admouit, arreptaq; nouaculâ seu cultro tonsorio, apprehensâ nonnullâ carnis parte, imaginarium nasum auulsit.

confestim exhibitâ homini parû sobriæ mentis
soporiferâ potione, præscriptâque salubri di-
ætâ, omnismali metusademtus est. Lemn. lib.
2. dē complex. cap. 6.

Historia
IX.

Quidam, se cornua gestare putabat, sed tan-
dem, adhibitis prius idoneis medicamentis, cer-
uinis cornibus capiti alligatis & impositis, serrâ-
que resectis & ostensis, ab insania liberatus est.

Historia
X.

Alex. Benedict. lib. 1. de cur. morb. cap. 28. &
ex hoc, Schenckl. 1. obseru. 253. Quidâ, in capite
se passeret habere dicebat, Medico verò per na-
res eos extrahere simulante, & ægrotanti, quem
in manica absconderat, passerculû monstrante,
sanatus fuit. Sennertus lib. 2. instit. part. 3. sect. 1.

Historia
XI.

cap. 7. Sic mulier quædam putauit, serpentem
se deuorasse, Medicus itaq; medicamento vo-
mitum ciens, atque in id quod deiectum fue-
rat, anguillam seu paruam bestiam per omnia
imaginationi illius ferè similem imponens, à

Observa-
tio I.

concepta opinione liberauit. Trall. lib. 1. cap.
17. Melâcholicus, dum noctu vagaretur per vi-
as, fortè vulneratus est in crure, & multo effu-
so sanguine, melancholiâ est liberatus. Holler.

Observa-
tio II.

comment. ad aph. 21. lib. 6. Hipp. Visa est mu-
lier melancholica, cui ob casum apertum est

cranium, vnde effluxit aqua, & curata est. Ron-
delet. lib. i. de curand. morb. cap. 41.

Plurimi ex plebeis & paganis, vtriusque sexus *Observa-
tiones pro-
priae*
hominibus, sæpissimè me conueniunt, consi-
lium, remediùmque expetunt, contra murmu-
ra & motus in corpore continuos & extraordi-
narios, sibi pertinacissimè persuadentes, quòd
fortè spermata ranarum aut aliarum bestiarum,
in aquæ potu assumpsissent, ex quibus, in illo-
rum corporibus, tales bestię postea generatæ
& nutritæ essent, vnde has incommoditates pa-
terentur, nec absque enecatione & expulsionem
per vim medicamentorum, ab ijs tam facilè li-
berari posse. Alij, & præcipuè crassioris ingenij
viri, similes rugitus flatulentos, & subinde coli-
cos, ex vteri motu (*von der Beermutter*) causari
sibi imaginantur; ignorantes, virilem sexum
ad pariendum non destinatum, illo viscere (v-
tero scilicet) carere. His cum nolens volens,
propter tenacissimas melancholicas illorum
impressionem assentiri debeam, medicamenta
aut vomitoria, aut cathartica, præscribo, bestiã-
que has imaginarias, inter melancholica excre-
menta, non sine multis vocalibus, cum magno
ægrorum leuamine euacuo & expello.

RO Præterito primùm anno, carpentarius quidam, iuuenis adhuc, totus scrupulosus & melancholicus, in eam phantasiam incidit, quasi à dæmone coram Deo accusatus esset, quòd varia & obscœna dæmoni imposuisset nomina: propter quam phantasiam contumacissimam, non solum ipsi somnus interruptus est, sed omnes quoque actiones impeditæ. Ad Adelphe-trophium itaque susceptus, dum ad debellandam hanc phantasiam, debita instituitur cura, cultrum fraudulenter arripit, sibi que maiorem pedis digitum, indolenter quasi, circumcirca ad ossis denudationem vsque rescindit: deprehensus ab ægrorum præfecto, non sine terrore circumiacentium ægrorum, reprehensus, & ab ulteriori scissione inhibitus est. Interrogatus postea, cur hoc fecisset? respondit, propter Deum & Angelum Tutelarem hoc feci, quò mihi contra dæmonis accusationes magis patrocina-rentur. Innumera ferè & incredibilia recensenda essent phantasmata, & melancholicorum deliria, in quæ, tetra hæc perturbatio, sideratos semel flatu suo, egros præcipientes agit atque deducit, quæ etiam sæpius tantam exercet tyrannidem, vt non tantum spiritus obsidendi & crucian-

ciandi vires habeat; sed corpus etiam tot insul-
tibus impetit, vt planè ipsum obruat, & prorsùs
suis functionibus ineptum reddat ac inutile:
quin & tantam interdum ferociam exercet, vt
mortem quandoquè acceleret, & in eam egros
præcipitet.

CAPVT XXXIV.

*De Curatione Melancholiæ Hypochondriacæ à causis ex-
ternis quæ geruntur progenita.*

INTER causas denique externas melan-
choliæ hypochondriacæ, capite septimo,
posuimus persecutiones & inuidias, natas ob
res benè gestas & prosperè succedentes: tristi-
tiam quoque & mœrorem, ex charorum pi-
gnorum obitu, vel fortunæ iactura ac detri-
mento: item ob alicuius rei potiundæ frustra-
tam spem ac desiderium contracta. Medici igi-
tur sunt partes, tam grauib. perturbationibus,
salutaribus monitis succurrere: plausibiles quo-
que ac fidem facientes rationes producere, quæ
vagam, tristem, & inconstantem animum fi-
stant & roborent tristis ac melancholici homi-
nis. Quamdiu enim hoc vitæ salum nauiga-

*Persecutio
nes & In-
vidia quā-
niem possi-
bile est pa-
tienter se-
renda.*

mus, tam diu procellæ, tam diu fluctus; & inter-
dum blandior aura si nobis affulget, ilicò se sub-
ducit, & ferè acrior tempestas ingruit. Nimi-
rum homini Christiano, ista à Deo dicta lex est.
Premi, Turbari, Concuti. Sed quid nisi feramus, tan-
quam Bonū, quod à *Summo illo Bono*? Animis hic
opus est, & armis, quæ ratio subministrat, quæ
sapientia, in quam malorum ingruentium ag-
men nihil potest. Ad omnem enim incursum
sapiens inuictus, atque interritus est: nec si ter-
ra mari miscebitur, & mare coelo, pedem refe-
ret. Turpis est nauigij rector, cui gubernacula
fluctus eripit, qui fluctuantia vela deserit, per-
mittit tempestati ratem: at ille, vel in naufragio
laudandus, quem obruit mare, clauum tenen-
tem, & obnixum. Vt enim strenuus & genero-
sus miles, leuia & circum galeam, & aures, cre-
pitantia tela contemnit: sic vir sapiens & altæ
mentis, obtrectiones & conuitia: palmæ si-
milis, quæ oneri non cedit, nec infra flectitur,
sed contrà pondus assurgit. Semper apud inui-
dos, & calumniantes persecutores, & benè &
malè agendo, peccamus, nec ydus aut sudus
Iupiter omnibus placet: in omni igitur via scru-
pi sunt, & cū maximè Sol splendet, vrit. Do-

mi foris que inueniemus, quod turbet tranquillitatem animi, quod torqueat, vexet; sed alia dissimulanda sunt, alia negligenda, quædam ferenda. Quemadmodum igitur ignis, paleam exurit, aurum nitidius reddit: sic calumniæ vanum, aut vacuum aliquem absumunt, verâ virtute grauem, illustrant. Sed hodie, emissitios omnes oculos habemus: curiosi ad cognoscendum vitam alienam, desidioſi ad corrigendum nostram: & vt Vultures, ad malè olentia cadauera, præteritis amœnis, ac odoriferis feruntur; muscæ sana corpora præternolant, & ad vlcera properant: ita multi, sinistra & peruersâ sedulitate, omissis proximorû virtutibus, vitiis eorû, si tamen vitijs, obhærescunt, probosque, passim conuitorum equis & quadrigis incurrunt. O tempora! Tu interim, erectus & alacer, per medium hoc agmen inuidientium & calumniantium incede, tectus virtutis & candoris scuto; ingeniti scopulo similis, cui fluctus assultat; sibi iniurius dum integer insurgit, fractus resilit, irasque sui bibit ipse furoris. Mutuo innectuntur, virtus & æmulatio, eruditio & obtrectatio. Sed crescunt laudanda aduersis; & clarior virtus est, quæ æmulum patitur. In publica fama,

publicam omnium beneuolentiam, & fauoris auram demereri, nulli ynquam homini datum, imò nec ipsi Deo : interueniunt semper hic Aquilones aliqui, aut Cauri, qui suaue spirantes Fauonios turbant. Voculas invidentium, rectæ voluntatis conscientia, officiique fiducia, contemne, & quid leues ineptique homines, quid famæ prædunculi (vt cacoëthes est huius æui) de te sentiant, aut loquantur, non est quod tantopere cures. Nam vt caprea, & coturnices, venenis faginantur : ita quidam convitijs & maledictis; cùmque factis obstare nequeant, conantur linguis, & spargunt verborum leuia ista tela, atque id eminùs, vt Parthi fugientes, Tullios, altior omnibus iniurijs, supernè despice, & indignatione tua indignos, infra iræ tuæ maiestatem pone, more magnæ feræ, quæ importunum catulum stolidè adlatrantem præterit, nec dente, aut pugnâ dignatur. Famæ satisfactum puta, si muneri tuo satisfeceris : ingens enim animus, & verus æstimator sui, non vindicat iniuriam, quia non sentit, & maledicta spreta exolescunt; si irascaris, agnita videntur. Nil igitur te moueant simultates & odianouatorum, nil lingulacium susurri, nil partium fren-

den.

dentium iræ, turbæ, minæ. Inuulnerabilis est, non qui feritur, sed qui non læditur. Quod si facis, magnificentius triumphas, quàm si victor redires ab Olympico certamine, aut Pythico, aut quadriugo curru, & albentibus equis, per sacram viam, lauro coronatus, in Capitolium inuehereris. Vti gubernator, irati maris fluctus undique assilientes negligit, manum in clauo habet, oculos in astris: sic te vitijs popularibus defœcatum, oportet hoc rerum, ac temporum articulo, quod benè agis, agere, & mentem ad Deum erigere: nec admota semel manu aratro, aut regredi turpiter, aut deficere in operis incepti cursu. Athletæ enim in hoc stadio currimus: palma in fine laborum posita est, quæ triumphis omnibus potior, & Regum purpura, nos ad æternitatem natos, æternum aliquando est beatura apud eum, qui solus æternitas. Alia nobiscum cadunt, labuntur, pereunt. Hæc sola diurnant, & in secula eunt, quæ Reipublicæ, quæ Ecclesiæ, quæ Deo, & eius veritati militant, animus pius, religiosus, sine furo, & recta voluntatis cōscientia, quæ vnum vouet, spirat, cogitat, finiū omniū, vt ita dicam, finem, Dei gloriā. Ab hoc scopo & fine, qui aberrat, aberrat ab alijs, &

à recto recedit, quidquid sit, quantumuis speciosa incrustatione obductum, nec Deo cordium inspectori placere potest. Securus itaque, contra inuidias & persecutiones, ibit sapiens, plenus fiduciæ, plenus animi, ex vitæ antea actæ conscientia, & sensu illibatæ integritatis. Quid? Aureum illud Solis Iubar, deliquia pati non miramur, & pallidam Lunæ faciem, noctis colore tingi: & famæ nostræ lumen, calumniæ nebulis obfufcari, mirum nobis videbitur, & novum? malè. Nam quidquid in hac vniuersitate pulchrum, quidquid eximium, defectus suos habet, & nœuos, si non à se semper, à malorum saltem proteruia, quos qui contemnere didicit, jam fregit, deiecit, vicit.

*Cōsolatio-
nes super
obitus cha-
rorum Pi-
gnorum.*

Ex obitu charorum pignorum, hoc est, amicorum, parentum, coniugis, aut filij, mœror, tristitia, & luctus, sequentibus rationibus moderandus. Gubernator in naui, non frangit impetu magnos illos & decumanos fluctus, sed vitat aut declinat: sic in tristi amicorum casu, errat quisquis obnititur, patientiâ superanda sunt, & magno excipienda animo, quæ vitari non possunt. Et vt multo tempus damus, quo despumet: sic mœsto animo, vt egritudinis fæ-

ces ei jciat, diésq; paulatim leniat & mora, quod sola ratio non potest. Vetuse est hæc tragœdia: cuius Deus est choragus; histrio homo; argumentum calamitas; chorus viri, fœminæ; apparatus, purpura, aurum, vestes, omnia mutata, omnia reddenda; theatrum mundus, in quo hominem natura collocavit, alium alio citius, huic scenę subducendum, & vt omnium finem facit, comediæ finis, sic mors nostri. Itaque absit dolor,

Absint inani funere nania;

Luctusque turpes, & querimonia.

Æterna hæc, & à Deo lex est, *Nasci, Denasci, Oriri, Aboriri.* Quarè quod vult, velimus, quò ducit, eamus: necessitatis enim non aliud effugium est, quàm velle, quod ipsa petit. Obijt? ab exilio, ad patriam iuit, è carcere, ad libertatem. Abijt? à terrenis, ad cælestia, à fluxis his bonorum umbris, ad æternas illas opes. Amissum doles? non amisisti, sed præmisisti, ex tenebris ad lucem, ab hominibus ad Deum. Nam viuere nostrum quid aliud, quàm punctum temporis, & puncto minus: in quo præsens instabile est, præteritum nihil, futurum incertum: & in hoc instabili, casum excipit casus, dolorem dolor.

miseriam miseria. Vxorem amissam doles. Quid
 ni? sine dolore non amittitur, quæ cum amore
 possidetur: neque tantum gaudij veniens tulit,
 quantum abiens doloris. Quid enim vel mari-
 to durius, vel familiæ grauius accidere potest,
 quàm ab eius consortio diuelli, & œconomix
 curâ, quæ vtriusque numeros implere nata erat,
 & facta ad coniugij felicitatem? verum ratio
 quæ homini propria, & sacra quasi anchora, in
 his malorum procellis, quid dicit? melius esse
 discessurâ nobis bonâ, quàm nullâ contingere;
 satius non diu felicem esse, quàm nunquam.
 Quid abstulit Deus, nisi quod dedit? quid re-
 cepit, nisi quod ad tempus tantum dederat? mi-
 hi crede, mens quæ ad ista adsurgit, ad luctum
 non deiicitur, & scit mortem homini non tam
 supplicium esse, quàm tributum. Filius autem
 cum discessit, tristèque sui desiderium patri re-
 liquit: cogitandum, quòd jam cursum suum
 absoluerit, & peruenierit ad metam, ad quam
 omnes tendimus; de quo certus es, illum è ser-
 uitate in libertatem, de ærumnis ad felicitatem,
 de caligine in lucem, de periculis in tutum por-
 tum, de morte ad vitam, de morbis ad immor-
 talitatem, de tot malis ad summum bonum,

deni-

denique ab hominum colluue, ad Angelorum contubernium esse traductum, vbi jam gaudio ineffabili, atque æuo fruitur sempiterno. Propone tibi exemplum (vt taceam reliqua) sapientissimi illius Regis ac Prophetæ, qui filiū, quem ægrotum ac languentem fleuerat, non fleuit extinctum, cogitans, quòd irreuerabili lugere, superuacua dementiæ potiùs sit, quàm sanæ sapientiæ, aut pietatis. Ideò robusto hoc solatio animum firmabat. Ego quidem ibo ad puerum, sed puer non reuertetur ad me. Cùm obuersatur tibi animo, quòd filius tuus mortuus est, cogita quòd mortalem genueras: cùm succurrit, quòd optimum & pium adolescentem amiseris, gaude quòd talem habueris: cùm reputas, quòd tanto bono priuatus es, cogita, quòd reddidisti ei, qui gratis tibi dederat: quòd immaturā morte occubuit, reputa, quòd nulla mors non matura est, benè morienti: quòd in ipso vitæ flore perijt, considera, tum optimum esse mori, cùm viuere est suauissimum.

Inque vices mors, vita fluunt, genuisse perijisse est;

Et rursus perijisse salus.

Nempe quid est homo? nisi spoliū temporis, & ymbra somnium. Quid vita? nisi iactatio-

nes & fluctus? in qua nihil firmum, nihil stabile. Nubes hic ferè semper, & procelle, & protenui mellis fauo, plena fellis dolia. Quid vita? nisi via à matre ad matrem; ab ea quæ homo, ad illam quæ humus? minor plantæ, quàm arboris interitus est. Optimè nati, quàm sæpè degenerant? quàm alieni à virtute patriâ? vt optares nunquam ex te genitos, aut in cunis extinctos. Quid, quòd incerta sunt omnia rerum humanarum; qui nunc benè audit, cras malè; qui hodie Cræsus aliquis est, aut Crassus; cras Irsus; & nemo liberos vel optimos habet, vt nō cum gaudio, & metu aliquo aspiciat. Et tuum illum adhuc reuoces? noli. Quid refert quandò finiant temporaria, cùm transeant in æterna. Maneant quos Deus dedit, & viuant diu, habituri suam sortem: alios verò ne reuocemus in hanc tristitiæ & calamitatis scenam, imò gratulemur euocatis. Amissos natos, qui nimis desiderat, iniuriosus in relictos est pater. Vt enim qui in naui sunt, dormientes & vigilantes vehuntur, cum sensu, sine sensu: sic nos eò prouehimur, & aliquando abripimur, aut mergimur, velut tempestate. Nihil hic ad tutelam nostri firmum. Præruptæ altitudinis castella, vel magnos exercitus

citus difficultate aditus morantur. A tempestate nos vindicant portus. Nimborum vim effusam, & sine fine cadentes aquas, tecta propulsant. Fugientes non sequitur incendium. Aduersus tonitrua, & minas coeli, subterraneæ domus, & defossi in altum specus, remedia sunt. In pestilentia, sedes mutare licet. Nullū malum sine effugio est. Sed malorum vltimum *Mortem* quis vnquam effugit? nemo. quin vis illa improvisa lechi, sine discrimine vllō aut mora, rapuit, rapietque gentes. Effugies tamen si contempseris. Et contemnes, si cogitaueris quā imbecilla corpuscula nostra sint, quā fluida, & non magnā molitione perdenda.

*Poma vt in arboribus pendent: sic corpora nostra
Aut matura cadunt, aut citò acerba ruunt.*

In hoc errore versamur, vt non putemus ad mortem nisi senes, inclinatosque iam, vergere, cū illam infantia statim, & iuuenta, omnisq; ætas ferat. Prudens hic, qui omnes horas complectitur: sic enim fiet, vt minus ex castrino pendeat, si hodierno manum iniecerit. Itaque tales Pater ad Filium defunctum canat Nænias.

*Quid lacrymis defuncte meū, tua funera Fili
Prosequor, & primi tristia damna tori.*

Hoc Musa meruere tua, pietasque fidesque,

Atque inculpata simplicitatis amor.

Te fulcrum, columenque mea superesse senecta,

Spes erat, & voti pars iterata mei.

Sed Fatis aliter visum, quævis velle reniti

Planctibus, & querulo murmure, religio est.

Ulla suum repetunt, ego quid? compescere linguam

Et supero didici, subdere colla Deo.

O te felicem interea, qui gaudia cæli,

Terra committas, tristia, cum lacrymis.

Viue, vale, & mundi nunc immemor, alma capeffe

Premia Cælicolum, deliciæque Poli.

Donec nos iterum, post hæc discrimina vita,

Arctior æterno fœdere jungat amor.

**Filius verò Patrem, per Prosopopœiam tali
modo consolabitur.**

Ob mea fata Pater, lacrymas ne funde perennes,

His mihi facta quies, crux mea, morsque fuit.

Corpus in hoc terræ gremio requiescit, Olympum

Mens tenet, & trini gaudet amore Dei.

Me, Pater ipse sua facie, me Filius ipse,

Alloquijs recreat, delicijsque suis.

Spiritus ipse fouet mea gaudia, Spiritus idem

Te lamentari nunc mea fata, vetat,

*Huic pater ausculta, meritas, lacrymisque relictis
Solue tuas grates ob mea fata, DEO.*

*In Omnes, qui fatalem vitæ Terminum
exhorrent.*

*Te ne adeo vani recreant fallacia Mundi
Gaudia, ut impatiens spacij breuioris & cui,
Dulcia præterita reuoces dispendia vitæ,
Exactosque optes iterum iuueniliter annos?
Non ita. Nascentes morimur: quem fixa dederunt
Fata diem, manet immotus: seu te asperat andem
Parca necat, vitæ saturum, aut florente iuuentâ
Incolumem stygias Erebi detrudit ad umbras.
Cuncta vorant anni volucres, domat omnia tempus
Indomitum, pereuntque suis nascentia fati:
Quosque sua Deus in mundo statione locauit
Temporis imparitas discriminat, exitus æquat.
O sapiens! qui fluxa perosus gaudia vitæ
Instabilesque vices rerum, brevis incola mundi
Cælestes meditatur opes, mortemque minantem
Spectat ouans, morbosque inter, casusque, supremum
Præsentem ratus esse diem, submittere vota
Numinis obsequio didicit. Quid viuere longum
Fert homini? Vixisse diu non iudicat ætas,
Non spacium, non longa dies, sed candida morum*

Canities, annisque ipsis prudentia maior.
 Frustra perobscuri sinuosa volumina FATI
 Excuties, dubiosque aui scrutaberis annos.
 Ante diem nemo moritur. Sic viue, futuri
 Inscius, vt moriens, animam compage solutam
 Corporis, excelsa cælorum in sede reponas,
 Æternum victuræ DEO, qui Terminus olim
 Vnus erit nobis, pretiumque & meta laborum.

*Remedia
 consolato-
 ria contra
 fortunæ
 iacturam.*

Si ob fortunæ iacturam ac detrimentum, aut
 si ob alicuius rei potiundæ frustratam spem ac
 desiderium, contracta fuerit tristitia aut melan-
 cholia hypochondriaca, remedia quibus ratio
 vti debet, hæc sunt. Vt scilicet doceatur, ob rem
 nihili & nullius momenti, dolorem concipi:
 siquidem & bona hæc externa, & mundana
 gloria, si in sese attentè spectentur, tiuilitio sunt
 viliora: etsi ab hominibus, iniquis æstimatori-
 bus, magni fiant, qui in hac sententia plurimùm
 hallucinantur: præsertim cùm satis notum sit,
 naturam paucis esse contentam. Ditior quoque
 est, qui diuitias spernit, quàm qui possidet; &
 verè ille magnus, quem nulla res minorem fa-
 cit. Plurimum quoque ille possidet, & habet,
 qui desiderat minimum: habet autem quan-
 tum

tum vult, qui vult minimum, imò supra, quàm
 vult, si etiam dum habet, non habetur. Intuea-
 mur ipsa hominis rudimenta: cùm is in lucem
 editur, solo lacte contentus, fouetur & recrea-
 tur, commodèque hoc vno vesci potest, etiam
 toto vitæ cursu cum pane & aqua: at in explebi-
 li appetitu, & famelico abdomini, multa alia
 præter naturam desiderantur: cùm huiusmodi
 homines naturæ legem violantes, caninam fa-
 mem sibi ipsi vltro contrahant, quæ nunquam
 expleri possit: at quò magis vorat, eò minus ex-
 faturetur. Sic qui bonis & fortunis inhiant, nun-
 quam tot opes sibi accumulare possunt, quibus
 acquiescant, sed acervos acervis, nullâ nec cor-
 poris intermissione & quiete adhibitâ, cumu-
 lant & superimponunt. Gurgites maris citius
 expleueris, & dolia Danaïdum, quàm illos bo-
 norum helluones: cani similes, qui quicquid
 excipit, protinus integrum deuorat, & semper
 ad spem futuri hiat: aut renibus, qui adipe cir-
 cumuoluti, sicci semper sunt, & aridi. Sic isti,
 dum stipantur vndique diuitijs, & opibus eo-
 rum scrinia restagnant, nunquam tamen, ac ne
 minimo rationis dictamine, honestique sensu,
 ad fugiendam avaritiam, sordidosque quæstus,

muniuntur. Atq; id genus homines, cū nunquam sibi satisfaciunt; in paupertate, quam fugere cupiunt, perpetuā versantur: nec felicem vnquam vitam degunt, etsi totum etiam mundum possederint: siquidem in eo posita est bonorum felicitas, vt quisque sua sorte sit contentus. Vices has habet conditio mortalium, vt aduersa ex secundis nascantur; & ista, quibus veheris in summum, nescis vbi te relictura sint; habebunt suum, non tuum finem. Si quis lætioris fortunæ radius affulget, ecce minantis, & nouercantis simul vmbra adest, & vestigia premit, aut excipit. Vana, vana sunt, quæ miramur, in hoc fluxu, ac refluxu rerum humanarum, & alimenta vitiorum, non remedia, nisi cæcum illum Plutum sapientia regat, & moderetur. Caue tibi, in hoc sereno indulgentis fortunæ, plus nimio placeas: nam vitrea est, & quò magis splendet, eo citius frangitur. Hanc qui nimis auidè concupiscit, necesse est, malè concoquat. Illæ nobis opes parandæ, quæ supra omnem inconstantiam, & mutationis aleam positæ: quæ etiam nudos, naufragos, exules, vbique terrarum comitantur, vel ad extremos Garamantas, in quas cuneus,

ac cumulus nihil potest ingruentium malorū:
 quæ nec eripi, nec surripi possunt vnquam; ne-
 que naufragio, neque incendio amitti, nec tem-
 porum iniuriâ mutari. Quid opes, quid hono-
 res? spoliū temporis, & fortunæ ludibrium,
 stant, cadunt, veniunt, abeunt, crescunt, decre-
 scunt, & cum affluxisse tibi credis æternū
 mansura, refluunt. Festinant plerique (etiam
 literati hoc tempore) calidis votis, ad lucrum
 illum Deum: & vt tela in scopum directā, & e-
 missa detorquere solet ventus: sic meliores cu-
 ras & literarum studia, turbare, auri sacra famēs;
 nec quidquam illis sapit, quod lucrum non sa-
 pit. Scilicet in hanc felicitatis opinionem im-
 pelluntur, qui ex nullo alio liberali studio volu-
 ptatem capiunt, & quorum mens iuxta ac cor-
 pus humi repit: quasi nihil in vita humana me-
 lius, quàm ditescere, & aureo illo Iouis imbre
 rigari. Sed quàm in lubrico, totum hoc blan-
 dientis fortunæ opus! quàm fallax, & anceps a-
 lea splendentis luti! Et quid hæc omnia quæ ad-
 miramur stulti, & suspicimus? quæ repentina
 sæpè calamitas, & miseranda vicissitudo conse-
 quitur? opes etiam suprâ omnium Crassorum,
 nisi virtute partæ, & huic innixæ, leui momen-

to dissipantur, ac pereunt similes pomis Tantalii, quæ placent vt fructus, fugiunt vt vmbrae. Fulciri debent, ornari debent, & quo alio fulcro, quo ornamento, quàm sapientiâ? quæ non in auro, & argento, vanitatis & auaritiæ elementis: sed in animo consistit. Sine quâ, opes qui habent, non tam eas possident, quàm ab ijs possidentur. Alij itaque mentem, manumque mancipent auaritiæ, auro, & pecunijs inhient, vt Midæ & Crassi: alij honores ambiant, vt Marij & Syllæ. Tu verò forte tua contentus sis, & nunquam mœrore aut tristitiâ, & inde consequentibus morbis melancholicis turbaberis. Et hæc sunt vtique remedia, quæ animi Medicus, ijs proponere debet, qui huiusmodi perturbationibus, ex honorum & bonorum iactura, conflictari solent.



CAPVT XXXV.

In quo Appendicis loco secundum Directorium Medico-Practicum Matthiae Moroni, Authores enarrantur, qui de hac Affectione Hypochondriaca, mira & varia scripserunt, publicoque juri fecerunt.

PLVRIMA, benignissime Lector, de hoc intricatissimo affectu, qui rarò distinctè, sæpius, imò communiter complicatè, Microcosmi occupat corpus, scripserunt grauissimi & expertissimi Viri, in Consultationibus, Epistolis, Responsorijs, Obseruationibus, Historijs, Controuersijs & Practicis doctrinis: quorum copiam, si fortè hoc meo tractatulo non sufficienter edoctus aut informatus, desideraueris; ex sequentibus intelligere, & comparatis eorum scriptis editis, ipsemet legere & colligere poteris.

Scripserunt itaque de Melancholia Hypochondriaca. Authorũ nomina & scripta qui de Melancholia Hypochondriaca aliquid ediderunt.
 Ballon, tom. 1. cons. 9. fol. 15. & cons. 38. fol. 141. & tom. 2. cons. 5. fol. 101. Bruner, consil. 6. fol. 19. & sequentib. cons. 331. fol. 193. & cons. 234. fol. 264. & consil. 510. fol. 587. Chifflet, obseru. 37. fol. 28. Claudin, cons. 81. fol. 191. & cons. 98. fol. 232. Epiphan, Hist. 29. fol. 88. & Hist. 36. fol. 121. &

211. & Hist. 55. fol. 165. Eraſt. conf. 19. fol. 228. Fernel.
conf. 43. fol. 83. & ſeqq. Fonſec. tom. 1. conf. 23. fol. 83.
& tom. 2. conf. 82. fol. 243. Fontan. conf. 13. fol. 162.
Frambeſ. conf. 3. fol. 68. Guargant. tract. 4. fol. 104.
Horſt. obſ. fol. 108. & lib. 3. epift. fol. 247. & lib. 4. obſ.
25. fol. 246. & epift. ſect. 13. fol. 463. & lib. 4. obſ. 26. fol.
249. Læl. à Fonte. conf. 23. fol. 77. conf. 77. fol. 222. &
conſil. 87. fol. 244. & conf. 125. fol. 233. & conſil. 141. fol. 375.
Manard. epift. 4. fol. 238. & lib. 9. epift. 2. fol. 214. Mer-
cur. tom. 1. conf. 39. fol. 87. & conf. 88. fol. 203. idem tom.
2. conf. 2. fol. 6. & conſil. 9. fol. 26. & conſil. 11. fol. 31. &
conſil. 20. fol. 52. & conſil. 103. fol. 254. & conſil. 106. fol.
261. Idem tom. 3. fol. 58. & 108. Idem tom. 4. conf. 53. fol. 115.
Montagn. conf. 4. fol. 71. Montan. conf. 24. fol. 59. &
conf. 229. fol. 550. & ſequentib. Plater. l. 1. fol. 57. Scholtz.
conſil. 180. fol. 535. & ſeqq. & conſil. 185. & 190. fol. 562. So-
lenand. conf. 9. fol. 36. & conf. 7. fol. 121. Tinell. part. 1.
conſil. fol. 328. Trinc. lib. 1. conſil. 13. fol. 19. & conf. 15. fol.
21. & conſil. 35. fol. 192. & conf. 37. fol. 196. & ſeq. & conf.
42. fol. 202. & conf. 44. fol. 206. & conf. 46. fol. 210. Ve-
nuſt. part 1. conf. 91. fol. 247. & ſeqq. Vittich. conf.
38. fol. 298. Wolſg. cent. 1. fol. 113. 145. 195. Idem cent.
2. fol. 36. 103. Idem cent. 4. fol. 104. Zecch. conf. 84.
fol. 368.

Tractarunt quoque de Melancholia Hypochondriaca, cum Vigilia Pertinaci. Claudin. consil. 92. fol. 218.

De eadem, cum Vigilijs, & dolore Capitis, Zecch. consil. 81. fol. 359.

De eadem, cum Insanice principio. Guarin. consil. 41. fol. 59.

De eadem, cum Vertigine, Cephalalgia, Tinnitu Aurium, Catarrho, Palpitatione cordis, syncope, Dyspnœa, Cachexia, & alijs morbis. Fontan. consil. 4. fol. 437.

De eadem, cum Vertigine & Macie. Manard, lib. 17. epist. 1. fol. 370.

De eadem, cum Vertigine, obtuso Dolore Capitis, Bradypepsia, Hepatis & Lienis obstructione, egestionem biliosa, liquida, chylosa. Merc. tom. 1. consil. 66. fol. 149.

De eadem, & convulsionibus epilepticis in Gravida. Horst. lib. 2. obs. 8. fol. 95.

De eadem, cum Convulsione & lachrymis. Trine. consil. 40. folio. 200.

De eadem, cum Spasmo Cervicis. Lotich. obs. lib. 4. fol. 241.

De eadem, cum Capitis, & Ventriculi debilitate. Lotich. lib. 4. fol. 336.

De eadem, cum Dolore Capitis. Mercur. tom. 1. consil. 110. fol. 254.

De eadem cum varijs Capitis Affectibus, & Podagra. Plater. obs. lib. 1. fol. 65,

Eorum Authorum nomina qui specialius aliquid scripserunt.

De eadem cum distillatione salsa, & Capitis grauitate,
Trincauell. conf. 48. fol. 213.

De eadem, cum Catarrho, & Podagra Idem. conf.
49. fol. 214.

De eadem, cum difficultate motus, Mercur. tom.
4. conf. 55. fol. 121.

De eadem cum Cerebri humiditate, suffusione, & Po-
dagra. Scholtz. conf. 184. fol. 540.

De eadem, cum Raucedine intermittente sub Vespere-
ras, intemperie calida lecoris, Ventriculi imbecillitate, &
obstructionibus multis. Font. conf. 9. fol. 151.

De eadem, cum Raucedine, Tussi, & mala coctione.
Trincauel. lib. I. conf. 43. folio 57.

De eadem, cum Orthopnea, & Macie. Claudin.
conf. 120. folio. 284.

De eadem, cum difficultate spirandi, loquendi, &
deglutiendi Solenand. lib. 3. conf. 19. fol. 270.

De eadem cum Anhelitus difficultate, & Vrina sabu-
losa. Scholtz. conf. 189. f. 557. Venust. conf. 97. f. 265.

De eadem, cum Asthmate. Roderic à Fonsec. tom.
2. conf. 22. fol. 62.

De eadem, cū Asthmate, Hemoptosi, & Macie. Claud.
conf. 106. fol. 249.

De eadem, cum dolore ad scapulas, tumore scirrhuso ad
os Humeri dextri, & macie totius. Claud. conf. 94. f. 222.

De eadem, cum Macie totius, Tenefmo, Pſora, ac Ventr̃is Stipticitate. Claud. conf. 68. fol. 152.

De eadem, cum Macie. & Priapismo. Mercur. tom. 1. conf. 6. f. 16.

De eadem, cum Macie, & Vomitu acidorum. Font. conf. 19. fol. 179.

De eadem, cum Tabē. Fontan. conf. 14. fol. 166. Guarin. conf. 17. fol. 194. Læl à Fonte. conf. 69. fol. 202. Manard. lib. 17. epist. 1. fol. 370. Mercur. tom. 2. conf. 87. fol. 213.

De eadem, cum Macie, Atrophia, Capitis grauitate, totius corporis laſſitudine, & ſegnitie ad motum, inappetentia, coloris deturbatione, viſus Hebetudine, & Ptyaliſmo. Mercur. tom. 2. conf. 86. fol. 210.

De eadem, cum Obefitate, Virium imbecillitate, Pruritu, Vlceribus, Serpigine, Labij ſuperioris ſtupore, Manus ſiniſtræ tremore. Idem. tom. 1. conf. 11. fol. 30.

De eadem, cum Febre, Verminatione, ac Tumore duplici in Abdomine, & Inguine. Claud. conf. 4. fol. 12.

De eadem, cū Febre catarrhali, atque Hectica, Tuſſi, Vomitu &c. Claudin. conf. 61. fol. 140. Venuſt. 1. part. conf. 60. fol. 162.

De eadem, cum Catarrho dorſali, & alijs affectibus. Ballon. lib. 2. conf. 33. fol. 264.

*De eadem, cum sudore copioso, Febricula, & Lienis
tensione. Claud. conf. 74. fol. 175.*

De eadem, cum Ptyalismo. Idem. conf. 35. fol. 85.

*De eadem, cum Tumore Abdominis. Idem. conf. 46.
fol. 106.*

*De eadem, cum obstructione primorum Viscerum, Ca-
tarrho, & Ventriculi Imbecillitate. Solenand. conf. 10.
folio. 39.*

*De eadem, cum Ventriculi frigiditate, ac Hepatis, &
Renum calore. Idem. conf. 11. fol. 44.*

*De eadem, cum Febre lenta, distillatione, & Cachexia.
Moccha. conf. 25. fol. 40 Zecch. conf. 21 fol. 105.*

*De eadem, cum dolore Abdominis, Tumore Hypochon-
driorum, Febre, & Melancholia. Venust. part. 1. conf.
90. fol. 244.*

*De eadem, cum Tympanitite, & Catarrho. Io. Colle.
fol. 181.*

*De eadem, cum Abdominis Doloze, tarda coctione,
& Icteronigro. Claudin. conf. 136. fol. 335.*

*De eadem, cum Doloribus Ventriculi. Montan. conf.
232. fol. 557.*

*De eadem, cum Doloribus Ventriculi, & Lypothimia.
Idem. conf. 234. fol. 570.*

*De eadem, cum Anxietate Ventriculi, respirationem
ledente, Doloze mordicatio circa Cor, & inappetentia.
Claudin. conf. 110. fol. 261.*

De eadem, cum Ventriculi imbecillitate. Bruner. conf. 45. fol. 267. Solenand. conf. 31. fol. 217.

De eadem, cum Appetitu canino. Montan. consil. 26. fol. 62.

De eadem, cum dolore inter Ventriculum, & Lienem, post cibum. Fontan. conf. 3. fol. 135.

De eadem, cum Tumore præduro Lienis & Iecoris, Obstructione partium Imi Ventris, Cordis Palpo, defluxione magna in Ventriculum, & Respirationis difficultate per intervalla. Idem, conf. 10. fol. 153.

De eadem, à Liene. Bruner. conf. 59. fol. 313. Epiphan. Hist. 68. fol. 204. Moccha. conf. 125. fol. 170.

De eadem, cum Tumore splenis. Bruner. conf. 11. f. 75.

De eadem, cum cordis tremore. Guarin. conf. 592. fol. 631.

De eadem, cum Palpitatione Cordis. Plater. lib. 2. fol. 61. Trincauell. lib. 3. conf. 39. fol. 197.

De eadem, cum rudimento Nephritidis. Claudin. conf. 116. fol. 272.

De eadem, cum Mictu Sanguinis. Lælà Fonte conf. 106. fol. 286.

De eadem, cum Ignavia Partium Genitalium Claud. conf. 103. fol. 243.

De eadem, ab Utero. Claud. conf. 128. fol. 308. Moccha, consil. 134. fol. 183. Zecch. conf. 80. fol. 354.

De eadem, cum affectionibus Vteri, inappetentia.
Zecch: ibidem.

De eadem, cum Vteri Hydrope. Idem consil. 39. f. 201.

De eadem, cum profluvio Vteri. Bruner. cons. 66. fol. 350. Læl: à Fonte. cons. 64. fol. 187.

De eadem, cum Dolore Vago, & menstruis albis. Mercur. tom. 3. fol. 109.

De eadem, cum Tumore scirrhuso Vteri. Trincauel. cons. 41. fol. 201.

De eadem, cum Vteri suffocationibus, Cordis palpitatione, epilepsia. Mercur. tom. 2. cons. 101. fol. 247.

De eadem, cum falsa Grauidatione. Fontan. cons. 1. fol. 131.

De eadem, cum Hemorrhoidum fluxu & procidentia, Alui stipticitate, Gonagra, atque Podagra. Claud. cons. 89. fol. 211.

De eadem, cum Morbo Gallico, Tumore circa Dextrum Umbilici latus. Trincauel. lib. 3. cons. 43. fol. 203.

De eadem, cum Morbo Gallico, Tumore Ventriculi, & distillatione falsa. Idem cons. 45. fol. 108.

De eadem, cum scabie & Pruritu. Mercur. tom. 2. cons. 14. fol. 39.

De eadem, cum Arthritide, Calculo, & Obstructionibus splenis. Bruner. cons. 71. fol. 363.

De eadem, cum Ischiade. Venust. part. 1. cons. 95. fol. 260.

De eadem, cum Fistula spontè sanata, & suspitione aliorum malorum. Claud. conf. 62. fol. 143.

De eadem, cum Diarrhœa, Viscerum obstructione, Vertigine, suffusione, & Dolore capitis. Merc. tom. 1. conf. 66. fol. 149.

De eadem, cum stupore. Montan. conf. 23. fol. 56.

De eadem, cum Febre lenta. Moccha. conf. 25. fol. 40.

De eadem, ex Terrore. Plater. obs. fol. 68. & seqq.

De eadem, cum læsione Visus. Læ. à Fonte. conf. 80. folio. 235.

De eadem, cum imaginibus, ac tenebris oculis obuersantibus. Mercur. tom. 2. conf. 74. fol. 180.

De eadem, cum Rubedine faciei. Scholtz. conf. 187. folio. 554.

De eadem, per consensum, quam Veteres ignorârunt. Auger. tom. 2. lib. 11. fol. 150.

De eadem, cum Vertigine, distillatione, & alijs symptomatibus. Vittich. conf. 7. fol. 48. & seqq.

De eadem, cum nocturnis pollutionibus, & Vertigine. Mercur. tom. 3. fol. 13.

De Melancholia Hypochondriacæ Dilucidatione. Marcell. Donat. Hist. lib. 4. fol. 205.

Optimè de Melancholia, & Affectione Hypochondriacæ scripsit Daniel Sennertus in 1. lib. Practicæ. part. 2. cap. xij. fol. 380. & lib. 3. part. v. sect. 1. cap. 1. fol. 503.

Non minùs doctè quàm argutè descripsit hanc affectionem. Bartholomæus Perdulcis in lib. de morbis animi. cap. IX. fol. 39.

Nec malè delineauit Melancholiam hanc Hypochondriacam. Andreas Laurentius quem ex gallico in latinum vertit idioma Theodorus Schönlinus. lib. de melancholia cap. xij. fol. 134.

Typum Hypochondriaci affectus, ingeniosissimè quoque denotauit. Philipp. Hœchstetterus, in part. 2. rarar. obseruat. in. 5. decad. cas. 1. fol. 251.

Peculiarem etiam Tractatulum scripsit de hac re. Honorius Heringius. fol. 89.

Non paucas etiam doctissimas Consultationes proponit de hac materia. Julius Cæsar Benedictus Aguefalion. recenter editus. fol. 78. à consult. 18. usque ad 28.

Denique, doctissima nuperrimè in lucem dedit Consulta, de Melancholicis similibus affectibus. Bernardus Schultetus. Quorum omnium laudes & industriam, qui predicare tentauerit, certè citius deficiet, quàm sufficiet.



CONCLUSIO.

HÆc igitur sunt, benignissime Lector, quæ tibi & omnibus de me benè sentientibus, de hoc intricatissimo & pertinacissimo morbo hypochondriaco, maiorem mortalium partem hoc seculo infestante, communicare volui: non dubitans, illis, quibus mens & ratio, ex atris & nubilosis euaporationibus melancholicis, nondû turbata aut abolita fuerit, laborem hunc meum acceptum & lectioni dignum futurum. Illos verò quos liuoris venenum in corde, & attrabilis in cerebro occupat, (inuidos puto & maledicos) quorum etiam iudicium sinistrum & peruersum est, phantasia & imaginatio diminuta; tanquam sinistrè & malè ratiocinantes, iudicantes, & loquentes, ad Elleborum mitto; silentium illis iniungens, ne in furorem aut maniam incidant, liuorisque spicula in semetipsos retorqueant: nam notum est, maledicos & maleuolos illos, verborum lenocinijs & venenis prægnantes, &

_____ qui fronte politi
Astutam vapido gestant in pectore vulpem

quique aliud verbis ostentant, aliud corde meditant.

ditantur, amicitiamque in ore & vultu, sed non in animo habent, plerumque proprijs suis machinis aliorum ruinæ destinatis, cadere. Quibus, si hæc cruda sunt, doctiores concocta & matura dent, adscribant me huic morbo, qui cruditates alit, & phantasiam sæpè corrumpit.

Interim Deo ter optimo, ter maximo, & Beatissimæ Matri ipsius Admirabili, tanquam Medicinæ Præceptoribus, Armamentarijs Medicamentorum, omnium dolorum Refugijs, ægrotantium & languentium Consolationibus & Exultationibus, gratias immortales ago, pro cōcessa mihi in hisce enucleandis constantia, simulque votis ac precibus ardenter exposco, vt omnis Salutis Fons Deus, & Archia-ter, intercedente Beatissima Patrona mea, Beata Maria Virgine, mihi quoque medicinam facienti, bonum nomen & famam, intentis curationibus, ad eius gloriam, & proximi beneficium, conferuare & augere dignetur.

Soli Supremo Saluatori

Gloria.

INDEX R E R V M.

E Tymologia nominis Hypochondriaci.	Fol. 1	Qualisnam sit humor ille acidus chylicationis artifex.	30
Definitio Affectus Hypochondriaci.	2	Humor acidus chylicationis mifister est.	31
Subiectum eiusdem.	3	Salinationes frequentes in hypochondriacis vnde.	31
Differentie Melancholie hypoch.	7	Rondeletij opinio de Causis melancholice hypochondriacæ, & Hœchstetteri.	32
Proxima causa huius, humores adusti.	9	Dioclis opinio.	33
Flatus.	9	Pauli Aeginetæ.	33
Epatis calor.	10	Auicennæ opinio.	34
Quomodo vapores melancholici ad caput ferantur.	11	Danielis Sennerti opinio.	34
Chymicorum causa proxima.	11	Viduarum, Virginum, Sterilium, & Puerperarum melancholice hypochondriacæ.	35
Antecedens causa.	12	Natura muliebris prima causa ad melancholiam.	37
Ventriculus subiectum causæ antecedentis huius morbi.	13	Secunda causa, Sanguinis mēstrui retentio & seminis cohibitio.	39
Retentio & Distributio vitiosa in vasis concoctionis primæ.	15	Semen cohibitum qualem noxam inuehat.	39
Cruditās Chyli vnde fiat.	16	Tertia causa melancholice in foeminis, caco-chymia corporis.	40
Coctio effectus caloris non frigoris est.	16	Causæ externæ, ex illis quæ assumuntur.	41
Quidam frigidam intemperiem adfingunt huic malo.	16	Causæ externæ, ex illis quæ geruntur.	44
Calor causa flatuum.	17	Viri Religiosi.	45
Authores variant in assignatione loci affecti & cura.	19	Sensuum concursus in externa causa.	48
Appetitus frigidorum, ventriculi caliditatem & siccitatem indicat.	21	Pij non curant, etiam si infantiæ insimulentur.	49
Malum hypochondriacum à ventriculo calido & sicco primordia sumit.	23	Externæ causæ melancholice hypochondriacæ, ex ijs quæ geruntur, continuatio.	51
Argumenta quorundam qui negant à calore fieri chylicationem.	25	Y y y	Ira
Soluuntur argumenta.	26		

INDEX RERVM.

Ira & moeror, quid non in hypochondriacis causare possint.	54	Cordis palpitatio vnde fiat.	29
Bellum quam sit res immanis.	55	Siccitas palatus, linguæ, & oris.	80
Causæ externæ, ab excretis & re-tentis.	57	Sitis & respiratio difficilis.	80
Causæ externæ, ab illis quæ forinsecus accidunt.	58	Dolor capitis, Oculorum caligo, aurium tinnitus.	81
Astrologorum causæ melancholix hypochondriacæ.	59	Vertigo, tristitia, metus, deliria.	81
Quales ætates corripiantur melancholiâ hypochondriacâ.	61	Paralysis quasi & conuulsio.	81
De Annis Climactericis, Scalaribus, Criticis.	62	Lassitudo in brachijs & cruribus, stupor quoque, & motus formicans.	82
Qualis Sexus habilior sit ad affectum hypochondriacum.	63	Metus ne concidant ægri.	82
Causa externa, à varijs mortalium tumultuosis moribus.	64	Vigilia ac insomnia.	82
Signa melâcholiæ hypochondriacæ diagnostica seu cõmunia.	67	Partium affectarum præcipuarum, signa.	83
Signa pathognomonica siue propria affectionis hypochondriacæ.	69	Signa melancholiæ hypochondriacæ in sæminis.	93
Symptomatum causæ.	70	Prognostica signa.	95
Sanguinis reiectio per vomitum.	71	Periculosa huius morbi signa.	99
Flatus ubi contineantur.	72	Hypochondriacorum duæ historiae ex Andrea Laurentio.	101
Ventriculi dolor ad dorsum & scapulas vsque.	72	Morbus melancholicus ex hypochondriaco speciem scorbuti referens, in Hungaria communis, Domini Doctoris Danielis Geigeri.	104
Alui adstrictioris causa.	72	Quomodo Dæmon se huic morbo immiscere possit.	106
Æstus in hypochondrijs quomodo excitetur.	73	Bisariam hominem Dæmon oppugnat.	108
Satyriasis vnde excitetur.	73	Quidam supernaturalium operationum causam ad naturam reducunt.	111
Observatio hystorica mirabilis & rara de Satyriasi.	74	Confirmatur hæc opinio exemplis.	112
Vrinarum color qualis in affectu hypochondriaco.	78	Solutio siue responsio ad argumenta	
Anxietas vnde.	79		
Interceptio vocis vnde.	79		

INDEX RERVM.

menta & exempla.	113	Nocent edulia ex pasta farina-	
Morbus dæmoniæ duobus re-		cea confecta.	136
mediorum generibus expu-		Horrei fructus admittendi.	137
gnandus.	114	Non admittendi.	137
Deus primarius autor medicinæ		Quomodo in cibatione consue-	
& sanitatis.	115	tudini indulgendum.	138
Calumnia mortalium de Medi-		Quid hypochondriacis in assum-	
cis.	116	ptione ciborum obseruandum.	140
Circumforaneorum orationes ad		Iuscula gallorum & gallinarum.	141
populum circumstantem.	119	Ptisana præstantissimum edulio-	
Paracelsitarum & Empiricorum		rum.	141
Vniuersale siue Lapis philoso-		Oua gallinarum recentia & tre-	
phicus.	121	mula.	142
Hippocratis cura huius affectus		Lac & Lacticia.	143
ex triplici fonte desumitur.	125	Aromatum vsus.	143
Dieta fundamentum curationis		Panis qualis conueniat hypochō-	
morborum.	125	driacis.	143
Dieta consistit in sex rebus non		Regulæ duodecim cibationis re-	
naturalibus.	127	cte administrandæ.	143
Qualis Aër obseruandus in affe-		Potus qualis esse debeat hypo-	
ctu hypochondriaco.	127	chondriacis.	146
Quinque regulæ ad aëris artifi-		Vini potus.	147
cialem vsurpationem obser-		Triplex potus.	147
uandæ.	129	Cereuisiæ potus.	149
De Cibo & cibatione in melan-		Notæ bonæ cereuisiæ.	150
cholia hypochondriaca.	132	Quam nocius sit vini potentis-	
Victus ratio moderatè refrigeret		potus.	151
& humectet.	133	Similia similibus conseruari à qui-	
Pisces nō conueniunt hypochon-		busdam negatur.	154
driacis.	134	Quomodo simile possit conserua-	
Pisces summè nociui.	134	re simile.	156
Sal.	135	Domini Antonij Comitæ Casana	
Pisces minùs nociui.	135	& Colle supra hanc opinionem	
Quales carnes admittendæ.	135	rationes.	158
Nociuæ carnes.	136	Thomæ Mermanni defensio.	165
Acetum.	136	Y y 2	Vinum

INDEX RERVM.

Vinum potens nocituros continet spiritus.	170	Tristitia carnificina corporis & animi.	203
Vinum potum coctionem non expectat.	173	Confidentia ægri in Medicum quantum possit.	204
Vinum potens nõ semper pro potu ordinario conuenit.	174	Ira moderanda.	205
Laus Reuerendi Patris Drexelij.	180	Auaritia.	205
Qualis Motus & Quies conueniat in affectu hypochondriaco.	181	Inuidia.	207
Tres species Exercitiorum.	182	Venus.	208
Lusus paræ Pilæ commendatur.	182	Quales venæ secundæ sint in hoc affectu.	214
Deambulatio.	183	Medicorum opinio de apertione Saluatellæ.	215
Venationis exercitium.	184	Quæ sint obseruanda in venæ sectione.	216
Exercitium jaculatorium.	185	An in venæ sectione, ex calendarijs, cursus siderum & eorum influxus, cû signis Zodiaci, sint obseruandi.	219
Historia generosi facinoris Isabella Claræ Eugeniæ.	186	Opinio nostra.	221
Musica.	190	In præseruatiua cura, possunt obseruari signa astrorum, siuè mutationes illorum.	222
Conuersatio cum viris eruditis.	190	Ludouici Septalij admonitio in venæ sectione.	223
Morionum vsus in exhilarando animo.	191	Vicaria Phlebotomiæ remedia.	224
Quam perniciofa sit perpetua inquietudo.	192	Applicatio cucurbitularum sine scarificatione, cõtra flatus.	225
Otium perpetuum nocuum.	193	Hirudinum applicatio, & selectio illarum.	226
Somnus in hypochondriacis.	194	Medicorum dissensio de hæmorrhoidalibus venis.	229
Excreta & Retenta.	197	Hæmorrhoides nunquam scalpello, sed hirudinibus solum aperiendæ.	232
Ex alui constipatione qualia proueniant mala.	198	Obseruationes ex hirudinum sinistra applicatione.	233
Clysteriorum vtilitas & beneficium in soluenda aluo.	199		
Tria generalia animi vitia.	200		
Quid sit perturbatio animi.	202		
Varie species perturbationum.	202		

INDEX RERVM.

Fonticulorum inustio.	235	Destillatum.	289
Locus aptus pro fonticulis.	238	Leges in exhibitione medicamen-	
Quomodo fiant fonticuli per		torum purgantium obseruanda.	
cauterium potentiale.	238		270
Per cauterium actuale.	239	Vomitorium vsuale.	276
Pharmaciae necessitas in curatio-		Diureticorum utilitas.	277
ne melancholice hypochondria.		Diaphoretica & Physagoga cautè	
ca.	249	exhibenda.	278
Philosophatio contemptorum.		Chalybs, Acidula, & Thermae ex-	
mortis.	250	trema remedia.	278
Pharmacentica cura, consistit in.		Medicamenta purgantia mitiora	
Galenicis & Chymicis medica-		simplicia.	280
mentis.	254	Composita mitiora Galenica.	280
Chymica medicamenta constant		Chymica.	281
ex tribus principijs.	256	Fortiora simplicia.	281
Indicationes curatiuae affectus hy-		Composita Galenica.	281
pochondriaci.	258	Composita Chymica.	282
Medicamenta lenientia.	260	Historia de exhibitione Helle-	
Vomitus.	260	bori nigri.	282
Clyster leniens.	261	Enemata.	286
Vomitorium.	261	Potiones purgantes.	287
Prædicatur Aloë insuccata pro		Syrupus purgans.	288
laxatiuo.	261	Decoctum Galli veteris.	291
Obiectio. Solutio.	262	Vsus iusculi gallinae inter assum-	
Aloës vsus.	262	ptionem medicamentorum.	
Formula Aloës nutritæ.	263	purgantium.	292
Non omnibus conuenit Aloë.	264	Vina purgantia.	293
Electuarium lenitivum.	264	Experientia in vino medicato	
Aperientia, incidentia, & alteran-		chalybeato.	294
tia medicamenta.	264	Pulueres purgantes.	294
Simplicia.	265	Pillulae purgantes.	298
Composita.	265	Aloës succorinae præparatio.	298
Chymica.	266	Gumorum & scammonae præ-	
De medicamentis ex Tartaro, an		parationem respicientia.	302
illa semper profint.	266	Pillulae Domini D: Philippi Mül-	
Apozema.	267	leri.	305
Claretum.	268	Acetum Bezoarticum.	306

INDEX RERVM.

Electuaria purgantia.	309	sint.	332
Vsus, præparatio, & electio feri lactis.	310	Quales acidulæ commendentur.	335
Electio.	313	Chymici salino quodam puluere in paucâ quantitate exhibito idem præstare promittunt.	333
Præparatio.	314	Modus vtendi Acidulas.	334
Quantitas.	316	Quantitas potus acidularû continua.	335
Vsus Chalybis.	317	Quantitas potus acidularum di- secreta.	337
Quomodo & quibus viribus pro- fit chalybs.	319	Qualitas vtendi & bibendi aci- dulas.	337
Chalybs varijs modis exhibetur.	321	Lotiones in affectu hypochon- driaco.	342
Experientia singularis de minera ferri.	321	Lotio dulci aqua.	342
Quomodo exhibeatur chalybs.	323	Thermæ.	342
Formulæ diuersæ præparatio- num chalybis.	325	Obseruanda in quantitate lotio- nis.	344
Chalybis præparatio ex Aceto.	325	Qualitas & modus lauandi.	349
Chalybis præparatio cum sulphu- re.	325	Quid post vsum acidularum & thermarum faciendum.	353
Crocus Martis aperitiuus.	326	Ventriculi roboratio.	354
Essentia Martis.	326	Vapores eleuati ad superiores & principales partes auertendi, dissipandi.	355
Tinctura Martis.	327	Epar obseruandum.	355
Vinum chalybeatum.	327	Lieni prospiciendum.	356
Syrupus chalybeatus.	327	Interna medicamenta roborantia & refrigerantia.	357
Electuarium chalybeatum.	328	Medicamentis roborantibus etiâ medicamenta præparantia & purgantia subiungenda.	358
Electuarium chalybeatum Zacu- ti Lusitani.	328	Topica seu externa medicamen- ta.	358
Oxymel chalybeatum.	329	Composita intrinseca confortan- tia.	359
Acidularum vsus in affectu hypo- chondriaco.	331		
Qua ratione acidulæ mineralibus imprægneantur.	331		
Vires acidularum.	332		
Quo anni tempore sint vsurpan- dæ, & quorannis repeti poss.			

INDEX RERVM.

Morsuli.	359	Calcinatio per Humidum.	375
Electuarium.	359	Aurum fulminans	376
Liquor potabilis.	359	Quomodo vis fulminans auri	
Mixtura.	359	corrigenda.	376
Rotula.	359	Calcinatio auri per siccum.	376
Destillatum.	360	Calcinatio auri per Mercurium	
Pulvis.	360	Philosophicum.	378
Confectio cordialis Bezoartica.	360	Solutio auri quid? & modus so-	
		lutionis.	378
Electuarium liquidum.	361	Differentie Menstruorum pro au-	
Mixtura Antimelancholica.	361	ri solutione.	379
Mixtura alia hypochondriaca.	362	Coagulatio auri.	381
		Quid sit Mercurius Philosophi-	
Conserua magna.	363	cus.	381
Conditum ad formam opiata.	363	Mercurij Philosophici præpara-	
		tio.	383
Aqua corroborans cordialis.	363	Vires auri potabilis, & quomodo	
Aqua Carbunculi.	364	verum à sophistico interno-	
Experientia Zacuti Lusitanicum		scendum sit.	387
Ebore, Lapide Bezoartico, &		Magisterium, Tinctura, Oleum,	
Limatura Auri, & Auro pota-		sue Quinta Essentia Perlarum.	
bili.	364		388
Aurum duobus modis exhiberi		Tinctura Smaragdi.	389
potest.	367	Tinctura Rubini.	390
Solutio Auri siue Aurum potabile		Tinctura Corallorum.	390
Sennerti.	368	Croci & Citri Tinctura.	391
Nobilissimū confortans sequens.	370	Essentia Ambra & Moschi.	391
		Extractum Ligni Aloës.	393
Verum Aurum Potabile Glauberi.	370	Homo ternis Vitæ generibus de-	
		stinatus.	394
Alius processus elaborandi Au-		Quis sapiens, & quid Sapietia.	395
rum potabile.	372	Homo tres habet partes.	396
Menstruum ex sale & spiritu Uri-		Superius est sicut Inferius.	396
nae pro solutione Auri.	373	Tres Orbes seu Mundi.	397
In quibus consistat præparatio		Archetypus.	397
auri potabilis.	374	Mundus Intellectualis, siue An-	
Calcinatio Auri.	375	gelorum.	399

INDEX R E R V M.

Mundus cœlestis & Elementaris.	401	Operationes chymicæ in solutio-	ne auri potabilis.	417
Quartus Mundus Microcosmus.	402	Solutio. Coagulatio. Sublima-	tio. Ascensio. Descensio. Distil-	
Medico cognitio Luminis Natur-		latio. Calcinatio & Fixio.		417
ræ necessaria.	404	Coniunctio Solis & Lunæ quàm	fit necessaria.	417
Planetarum & metallorum nu-		Conceptio & Desponsatio Solis	& Lunæ fit in putredine.	418
merus.	404	Nigredo signum solutionis.		418
Planetarum, Angelorum, & mem-		Nigredinis factor unde proue-	niat.	419
brorum hominis principaliorū		Leo viridis.		419
conuenientia & analogia.	405	Leo ruber.		420
Humorum cum Elementis &		Conclusio Ænigmatica.		420
mensibus correspondentia,		Quid Philosophis significet, Qua-	drangulus, Triangulus & Cir-	
quibus etiam mineræ attribu-		culus.		420
untur.	405	Expositio compendiosa Quinti	Emblematis.	421
Ætatum cum Planetis compara-		Lapides preciosi & collo penduli.		423
tio.	406	Sacculi pro Corde & pulsibus.		423
Solis & Lunæ necessitas.	406	Epithemata cordialia.		424
Solis & Lunæ vires.	407	Linimentum cordiale.		424
Solis cum Auro analogia.	408	Emplastrum pro scuto cordiali.		424
Solis character hyeroglyphicus.	410	Nodulus odoriferus.		425
Aurum Cordis corroborans.	410	Balsamum cordiale & capitale		425
Genealogia Tincturæ Auri.	411	Quot modis Medicina dicatur	cardiaca.	425
Distinctio Mercurij, Sulphuris, &		Vnguentum spleneticum.		427
Salis.	412	Emplastrum spleneticum.		428
Mercurij signa explicantur.	412	Utrum conducatur Nicotiana siue	Tabaci suffitus in melancholia	
Ars Naturam imitatur.	413	hypocondriaca.		429
Ignium quatuor genera.	413	Taba-		
Cur Ignis dicatur Draco.	414			
Cur dicatur menstruum.	414			
Cur Aqua.	415			
Cur sulphur & Mercurius.	415			
Allegoriæ & Ænigmata Chymi-				
corum, solis Philosophis co-				
gnita.	415			
Ænigma Chymicum.	416			

Tabaci fumus per se non est narcoticus.	430	Quercetani compositiones & confectioes ex viperis.	449
Huius vsus non est valdè nocivus si sit moderatus.	431	An in affectu hypochondriaco vsus viperarum, & quomodo admittendus.	449
Observanda in vsu suffitus Tabaci	432	Curatio primi gradus melancholiz hypochondriacæ.	451
Pulvis Bezoarticus animalis, in varijs morbis, & melancholia hypochondriaca celebratur.	434	Secundi gradus cura.	452
Ex quibus fiat Pulvis Bezoarticus animalis.	435	Apozema præparans & catharticum.	452
Vipera symbolum Æsculapij & Hippocratis.	435	Pulvis purgans.	453
Viperæ vnde capiant suas vires.	436	Potio menses mouens.	454
Viperarum vires.	438	Aqua vterina.	454
Solis Viperis facultas inest prolongandi vitam.	439	Tertij gradus cura.	454
Cur viperis per vegetabile balsamum non tollatur proprium venenum.	439	Melancholia hypochondriaca ex seminis retentione.	455
Venenum viperarum, illarum veneno pellitur.	440	Duplex cura huius affectus.	456
Qualitates viperarum.	440	Aqua Castitatis	459
Conradi Mutschleri opinio de qualitatibus viperarum.	441	Hypochondriacorum Ecstasis.	460
Opinio Raymundi Lullij de viperis.	442	Descriptio talium Ecstaticorum.	463
Viperæ occultis qualitatibus præditæ.	443	Causa huius stuporis Ecstatici.	465
Præparatio viperarum ad vsum medicinale.	443	Cura huius melancholiz Ecstaticæ.	466
Solinandri præparatio.	444	Tres species Ecstasis siue animæ abstractionis.	466
Caroli Panicelli modus præparationis	444	Ecstasis ex virtute diuina.	466
Salis viperini præparatio.	448	Ecstasis ex virtute dæmonis.	467
		Vtrum in Ecstasi corpus ab anima deferatur.	469
		Præsidia contra flatum.	470
		Si vires prosterantur.	471
		Æstus corporis	471
		Vigilia.	471
		Z z z	Corporis

Corporis lassitudo, vibratio, pal-	Curatio per salutare admonitio-
mus, punctio, pruritus, ephi-	nes & rationes plausibiles à Me-
drofis, macies, 473	dico illatas, 480
Sonitus aurium, capitis grauitas	Historiz quorundam deprauatâ
& vertigo, euaporationes, ru-	imaginatione laborantium, &
bor & calor vultus, metus &	eorum curationes, 481
mœstitia, 474	Observationes propriæ, 493
Ad æstum & calorẽ, alterandum,	Persecutiones & iniuriæ, quan-
475	tum possibile est, patienter feren-
Nausea, cardiogmos, vomitus,	dæ, 496
dyspepsia, anorexia, bulimia,	Consolationes super obitus cha-
ructus, rugitus, tensio & gra-	rorum pignorum, 500
uitas abdominis, frequens	Remedia cõsolatoria contra for-
sputatio, dyspnœa, ventriculi	tunæ iacturam, 508
dolor & inflatio, 477	Authorum nomina & scripta, qui
Vfus veratri nigri, 477	de Melancholia Hypochon-
Vomitùs, 478	driaca aliquid ediderunt, 513
Vfus Clysterum, 479	Eorum Authorum nomina, qui
Roboratio ventriculi, 479	specialius aliquid scripserunt,
Cordis palpitatio & Lipothymia,	515
479	Conclusio, 523

F I N I S.



ERRATA TYPOGRAPHICA.

Benignissime Lector, cum in Tractatus huius editione, varij irreper-
runt typographici errores, quantumvis in revisione & correctione
eorum diligens fuerim, præsertim in accentibus, aut omissis, aut
superfluis. Leuiiores itaque errores, te non offendent, grauiiores
autem, sic corriges.

Fol. 28. l. 19. leg. cibum. l. 20. leg. immorigerum, l. 22. leg. modum. l. 23.
leg. præposterum, f. 54. l. 18. leg. hypochondriam, f. 61. l. 6. leg. figurâ. f. 68. l. 14.
leg. varios, f. 106. l. 10. leg. pro axungiz, laridi. l. 18. pro iste, leg. hypochondria-
cus, f. 253. l. 1. leg. sibi, fol. 261. l. 22. leg. Aloë. f. 263. l. 18. leg. aloë. l. 19. leg.
aloë. lin. 22. iterum lege Aloë, f. 287. l. 12. leg. pro Vnc. Dr. f. 315. l. 16. leg. a-
garicus, f. 316. l. 23. leg. distensione, f. 341. l. 1. leg. suffocat, l. 2. leg. deijcit. de-
colorat. l. 3. leg. parit. f. 461. est in numero folij erratum, vbi pro 4. posuit. 1. f.
476. l. 21. leg. redundantem, f. 490. l. 16. leg. Hypochondriacus. fol. 513. in tit.
Capitis, lin. 5. lege publicique juris fecerunt,